

ফেলে আসা দিনগুলি

কে. পি. কেশব মেনন

অনুবাদ

নীলিমা আব্রাহাম



ন্যাশনাল বুক ট্রাস্ট, ইণ্ডিয়া

কে. পি. কেশব মেনন

বাংলা অল্পবাদ শ্রাশনাল বুক ট্রাস্ট, ইণ্ডিয়া, 1960

নির্দেশক, শ্রাশনাল বুক ট্রাস্ট, ইণ্ডিয়া, A-5, গ্রীন পার্ক, নয়াদিল্লি 110016
কর্তৃক প্রকাশিত এবং বিজ্ঞাননাথ বসু কর্তৃক আনন্দ প্রেস এণ্ড পাবলিকেশনস
‘প্রাইভেট লিমিটেড, পি. 248 সি. আই. টি. স্কীম নং 6 এর কলিকাতা 700054
দ্বারা মুদ্রিত।

ভূমিকা

সাহিত্যে আত্মজীবনী একটি বিশেষ লিখনভঙ্গী। কিন্তু এর সম্বন্ধে খুব বেশী সাহিত্যিক পঠন বা বিশ্লেষণ হয় নি। আত্মজীবনী কিন্তু এট রকম সমালোচকীয় অবহেলার পাত্রে নয়। আন্দ্রে মর্যো বলেছেন—‘আত্মজীবনী সাহিত্য রচনার একটি অতি চিত্তাকর্ষক রূপ।’ মর্যোর এই মত হয়তো প্রচলিত সমালোচকেরা স্বীকার করবেন না। প্রচলিত পাণ্ডিত্যাভিমানে সমালোচকেরা আত্মজীবনীকে ইতিহাস লেখার মতো মনে করেন যেমন, রেনে ওয়েলেক। কিন্তু আত্মজীবনী যে ভাবে পাঠকদের মনঃমুগ্ধ করে, সেই মনঃমুগ্ধতার সঙ্গে ইতিহাস পাঠ্যপুস্তকের অতীত মোহিনী শক্তির সঙ্গে এক করে দেখার মধ্যে কোনো যুক্তিই নেই, যুক্তি নেই জীবনী সাহিত্যের সঙ্গে তুলনা করেও। আত্মজীবনীর অপরিহার্য আবেগময় কেন্দ্র হচ্ছেন লেখক নিজে, যিনি এই লেখার কেন্দ্রীয় চরিত্রও বটে। তাই আত্মজীবনী সাহিত্যের এমন একটি শাখা যেখানে লেখক অনিবার্ণ ভাবে একটির বেশী ছুটি সৃষ্টি করতে পারেন না। যদি কোনো লেখক একটির বেশী আত্মজীবনী লেখেন তাহলে সে সৃষ্টির মূল্য আপনা থেকেই লোপ পেয়ে যায়, কেননা তাদের প্রতিপাত্ত বিষয় হয় পরস্পর বিরোধী, নয় তো অভিন্ন। সুতরাং আমরা এই সিদ্ধান্তে আসতে পারি যে আত্মজীবনীর মধ্যে যে সত্য আমরা খুঁজে পাই তা অভ্যন্তর প্রাণবন্ত আন্তরিক সত্য। এই সত্য নিজস্ব অভিজ্ঞতাকেন্দ্রিক বা ইতিহাস বা জীবনী সাহিত্যের মধ্যে দেখা যায় না। এইজন্তেই ডাঃ জনসন বলেছেন যে, নিজে ছাড়া আর কেউ ভালো জীবনী লিখতে পারে না। অর্থাৎ শ্রেষ্ঠ জীবনী সাহিত্য শুধু আত্মজীবনীই হতে পারে। লেখকের নিজস্ব সত্তার মধ্যে ফিরে যাওয়ার একটা প্রবণতা সাহিত্যের সব শাখার মধ্যেই স্পষ্ট দেখা যায়। মহৎ সাহিত্য সৃষ্টির কয়েকটি গভীর শব্দের অন্বেষণ আত্মজীবনীতেই পাওয়া যায়। মহৎ শিল্পসৃষ্টি আর কিছুই নয়—এ শুধু শিল্পীর নিজের সত্তার একটি অংশকে লেখার মধ্যে প্রকাশ করা।

কোলরিজ বলেছেন, যে কোনো জীবনের ইতিহাস ভালো, যদি তার মধ্যে সত্য থাকে। সত্যভাবে নিজের কথা বলতে গেলে লেখকের যেটা সবচেয়ে বড় দরকার তা হচ্ছে সাদাসিধে মহৎ নামক গুণের। শুধু জীবনের সত্যই নয়, জীবন ইতিহাসের সত্যও লেখকের মহত্বের প্রকাশ। পৃথিবীর সাহিত্যে কোনগুলিকে মহৎ আত্মজীবনী বলে গণ্য করা যায়? বেশীর ভাগই আত্মজীবনী সর্বকালীন কয়েকটি মহৎ লোকের নামের ওপর ভিত্তি করে আছে, যেমন লেফে অগাস্টিন, প্যোটে, রুশো, টলস্টয় এবং গান্ধী।

এদের মধ্যে আবার সবচেয়ে বড় এবং সবচেয়ে বিচক্ষণ হচ্ছেন গোটে। অনেক সমালোচকের মতে গোটের আত্মজীবনী “কবিতা ও সত্য” আর সব আত্মজীবনীর চেয়ে সর্বাঙ্গাঙ্গী মহৎ ও বিচক্ষণ। তাঁর এই আত্মজীবনীতে ব্যক্তির মহত্ব ও সৃষ্টির মহত্ব মিলেমিশে এক হয়ে গেছে। এমনটি সাহিত্যের আর অন্য কোনো শাখায় দেখা যায় না।

মালয়ালম সাহিত্যে সবচেয়ে মহৎ এবং সবচেয়ে জ্ঞানপূর্ণ জীবনী সাহিত্য কোনটি এই প্রশ্ন জিজ্ঞাসা করলে তার একটি মাত্রই উত্তর—কে. পি. কেশব মেননের “ফেলে আসা দিনগুলি”। কেন এই বইটি মালয়ালম সাহিত্যের সর্ব শ্রেষ্ঠ আত্মজীবনী এ প্রশ্নের অনেক পাণ্ডিত্যপূর্ণ উত্তর পাওয়া যাবে। কিন্তু এর মধ্যে সবচেয়ে সহজ উত্তর হচ্ছে যে লেখক কেরালার অতি বিচক্ষণ ও মহৎ সন্তানদের একজন। গোটের সৃষ্টির অতুল্যকরণে কেশব মেননের আত্মজীবনীকে ‘রাজনীতি ও সত্য’ বলে নাম দেওয়া যেতে পারে। গোটে যদি কবিতা বলতে কল্পনার মহৎ জীবনকে বোঝান, রাজনীতি বলতে এ ক্ষেত্রে সামাজিক আর রাজনৈতিক সম্পর্ক দিয়ে গড়া পার্থিব জীবনকে বোঝায়, যা নাকি সমকালীন ভারতবর্ষে দূষিত হয়ে গেছে। জীবনে রাজনীতি আর সত্যের মত দুটি পরস্পর বিরোধী তত্ত্বকে পাশাপাশি রেখে তার সমন্বয় সাধন করা কবিতা আর সত্যের সমন্বয়ের চেয়েও কঠিন। কেশব মেনন কিন্তু এটাকে অনেকটা সম্ভব করেছেন। কেশব মেননের আত্মচরিতের মহত্ব আমার কাছে এইখানে যে, তাঁর এই আত্মচরিতে তাঁর বিরাট ও মহত্ব খুবই বাস্তবভাবে প্রতিফলিত হয়েছে। এই আত্মচরিত অস্বাভাবিক মহৎ জীবনী সাহিত্যের পরম্পরাকে ঠিক রেখেছে। কেশব মেনন তাঁর এই আত্মচরিতে আত্মগপক সমর্থন অথবা আত্মনিন্দা কোনোটাই করেন নি, কিন্তু এর মধ্যে যে স্বীকারোক্তি তা অত্যন্ত নম্রতা, সততা ও সরলতার সঙ্গে করা হয়েছে। আজকাল অনেক লেখার আত্মহননের প্রচেষ্টা দেখা যায়। তার কারণ, লেখকরা এই মনস্তত্ত্বের ওপর কাজ করেন যে বাস্তব কাজের মধ্যে সত্য প্রতিফলিত হয় না। এ শুধু মনের ভেতরকার কাজ। তাঁরা এটা বোঝেন না যে এর বিপরীতটাও একই ভাবে একটা ভালো মনস্তত্ত্ব হতে পারে। কেশব মেননের জীবনকাহিনীতে যে সত্য তাঁর কাজে এবং অন্তরে প্রতিফলিত হয়েছে তার দর্শন পাই। তাই তাঁর লেখার ঠাইলে বর্ণনা এবং চিন্তাশীলতার একটা চমৎকার সমন্বয় দেখা যায়, তাঁর লেখা ইচ্ছাকৃত কোনো বিকৃতিকরণ থেকে মুক্ত। রসজ্ঞ ব্যক্তি মাত্রেই মেননের লেখার ঠাইলকে মালয়ালম গদ্যের একটি শ্রেষ্ঠ উদাহরণ বলে সমর্থন করবেন।

আত্মচরিত প্রণেতাকে যে কতকগুলি বাধার সম্মুখীন হতে হয় তা হচ্ছে দোষযুক্ত

স্বাভি। এক ধরনের অহংকার যাকে জীবনের লজ্জাকর এবং অপ্রীতিকর ঘটনাগুলোকে যাচাই করার প্রবণতার সঙ্গে তুলনা করা যায়। নিজেকে অশালীন ভাবে খুলে ধরা এবং মিথ্যা রুচিজ্ঞানসম্পন্ন মনোভাব—রুশো, জর্জ স্ত্রাও এবং আন্দ্রে জিনের মত বড় বড় লেখকেরা এগুলোকে এড়াতে পারেন নি। হয়তো তাঁরা ভেবেছিলেন যে তাঁরা সামান্য মানুষ যাদের জীবন জয় পরাজয় দোষত্রুটিতে ভরা। তাই তাঁরা যেন তাঁদের আত্মচরিত লেখেন নি, তাঁরা যেন শব্দ দিয়ে ঐকেছেন। (তাই তাঁদের আত্মচরিত লেখা হয় নি, আঁকা হয়ে দাঁড়িয়েছে)। কিন্তু মেননের আত্মচরিত শুধু লেখা। কোথাও একে রঙীন চিত্র ভেবে ভুল করা যায় না। তিনি যা করেছেন, যতখানি সংগ্রাম করেছেন, সবকিছু প্রত্যয়ের সঙ্গে করেছেন। তিনি তাই তাঁর আত্মজীবনী সার্জের মতো শেষ করেন নি—‘আমি আবার আমার সাত বছর বয়সের বিনা টিকিটের ভ্রমণকারী হ’য়ে দাঁড়িয়েছি।’

‘ফেলে আসা দিনগুলি’ বইটির শেষ হয়েছে খুবই সহজ ভাবে—‘জীবন যে আমার কোথায় নিয়ে যাচ্ছে তা আমি জানি না, কিন্তু জীবনের মোহ আমার এখনো শেষ হয় নি।’ তিনি মালয়ালীদের মধ্যে এক বিরাট ব্যক্তি। সার্জের মতো সাত বছরের নামে শপথ না করে তিনি সত্যের বা সত্যের বছর সত্যকে উল্লেখ করে বলতে পারেন যে তিনি যেখানেই গেছেন, সে জায়গা যতই না অজানা হোক, তিনি সেখানকার টিকিট কিনতে কখনো ভোলেন নি। জীবন হয়তো অজানার উদ্দেশ্যে যাত্রা, কিন্তু কেশব মেননের কাছে যে জাহাজে করে তিনি পাড়ি দিচ্ছেন সেই জাহাজ তাঁর কাছে অজানা নয়। এর থেকেই কেশব মেননের জীবনের দর্শন বোঝা যায়। সার্জের ভাষায় বলা যায়, টিকিটসহ ভ্রমণকারীর দর্শন

কেশব মেননের জীবনের ইতিহাস আমাদের জাতীয় আন্দোলনের ইতিহাসের সঙ্গে জড়িয়ে আছে। শুধু রাজনৈতিক স্বাধীনতা পাওয়ার আগে নয়, স্বাধীনতার পরেও তিনি কেরলের জনজীবনকে উঁচু করে তুলে ধরার জন্য অপ্রাণ চেষ্টা করে গেছেন। তাঁর এই অগ্নি প্রচেষ্টার তিনি সব রকম শারীরিক দৌর্বল্য জয় করেছেন, তাই তাঁর দেহ ভেঙে গেলেও মনের দিক দিয়ে তিনি এক দীর্ঘায়ু অনন্ত যৌবনের প্রতীক হ’য়ে দাঁড়িয়ে আছেন। এই বিরাট অপরাধের জীবনীশক্তি তাঁকে তাঁর জীবনের ঘটনাগুলির অন্তর্নিহিত প্রাধান্যকে না বাড়িয়ে অথবা না কমিয়ে পক্ষপাতহীন ভাবে ও কৌতুকভরে দেখতে সাহায্য করেছে। তিনি 1957 সালে তাঁর আত্মজীবনী লিখে তাঁর নাম দিয়েছেন ‘ফেলে আসা দিনগুলি’। এই নাম থেকে যেন এটা না ধরা হয় যে তাঁর সমস্ত জীবন শেষ হয়ে গেছে। তাঁর জীবনের বর্তমানও রয়েছে, ভবিষ্যৎও রয়েছে। এক

হৃদক শিল্পীর নিপুণতায় ও একটি শিশুর সরলতায় তিনি তাঁর মহত্বের একটা স্পষ্ট রূপ নানা ভাবে আমাদের দিয়েছেন। যখন তিনি তাঁর লেখাপড়ার জীবনে উজ্জল সাফল্য লাভ না করার কথা বলেন, যখন তিনি তাঁর কাঙ্ক্ষকর্মের ক্ষেত্রে অসাক্ষ্যতার কথা বলেন, যখন তিনি জ্ঞানান কৌ কৌ কারণে তিনি দেশ থেকে বেরিয়ে আসতে বাধ্য হয়েছিলেন, যখন তিনি জাপানীদের অত্যাচারের কথা বর্ণনা করেন অথবা যখন তিনি অতি শক্তিশালী সরকারী প্রভাবের কাছে—নিজের আত্মমর্যাদা রক্ষার জন্য সোজা হয়ে দাঁড়ান তখন সব কিছুর মধ্যে তাঁর বিরাটত্বের একটা স্পষ্ট রূপ আমরা দেখতে পাই।

আধুনিক মালয়ালীদের মধ্যে তিনিই একমাত্র আত্মচরিত লেখার যোগ্য। তিনি বড় ঘরে জন্মেছেন বলে নয়, তিনি একজন প্রশস্ত জীবনী লেখক হিসেবে নিজেকে তৈরী করেছেন। বড় বড় লোকদের জীবন তাঁকে সর্বদা আকৃষ্ট করতো। তাঁর বেকীর ভাগ লেখাই জীবনচরিত। জীবনীলেখক হিসেবে তাঁর সাহিত্যিক জীবনের প্রথম থেকেই তিনি ভারতের স্বাধীনতা সংগ্রামের নেতা লাজপত রায়, গোখেল, তিলক প্রভৃতির জীবনের অমূল্য সম্পদ সকলের কাছে তুলে ধরেছেন। তিনি তাঁর “নবভারতের সৃষ্টিকর্তা” নামে বিরাট গ্রন্থে আমাদের জাতীয় নেতাদের জীবনের কাহিনী তুলে ধরেন, এই সব নেতাদের জীবনী লেখার সঙ্গে সঙ্গে তাঁর নিজের জীবনের কাহিনীও পূর্ণোত্তমে চলছিল। আগে যেমন বলেছি, আত্মচরিতে একের অধিক সৃষ্টি অসম্ভব, মেনন কিন্তু এই নিয়মের প্রায় ব্যতিরেক। মালয়ালম সাহিত্যে লেখক হিসাবে তাঁর উদয় হয় ‘বিলাতের খবর’ বলে তাঁর ইউরোপ ভ্রমণের কাহিনীকার হিসাবে। তিনি 1912 সালে ইউরোপ যান এবং 1916 সালে তাঁর এই যাত্রা বিবরণী প্রকাশ করেন। তাঁর পরবর্তী লেখাগুলিতে এর ছাপ পড়েছে। তাঁর লেখার মধ্যে আত্মজীবনী লেখার যে ভঙ্গী দেখা যায় তা একইভাবে চলতে থাকে। তাঁর শ্রেষ্ঠ কয়েকটি পূর্ব স্মৃতি বিষয়ক গ্রন্থ এই পক্ষপাতিত্বের ফল। 1924 সালে লেখা তাঁর ‘বন্ধন থেকে’ গ্রন্থে ভৈকম-সত্যাগ্রহের কথা বলা হয়েছে। এই সত্যাগ্রহ আরম্ভ করা হয়েছিলো কেরলের হিন্দু মন্দিরে অস্পৃশ্যতা পালনের বিরুদ্ধে। মেনন এই গ্রন্থের একটি কেন্দ্রীয় চরিত্র। তাঁর ‘অতীত আর ভবিষ্যৎ’ গ্রন্থে মালয়ে দ্বিতীয় বিশ্বযুদ্ধের সময় জাপানীদের হাতে তাকে যে অত্যাচার ও সহ্য করতে হয়েছিল সে সম্বন্ধেও লেখা হয়েছে। এই সব বইগুলি যেন তাঁর সর্বশ্রেষ্ঠ বৃহৎ আত্মচরিত লেখার রিহার্সাল।

‘ফেলে আসা দিনগুলি’ তাই তাঁর নিরন্তর জীবনকাহিনী আর আত্মজীবনী লেখাগুলির পরিসমাপ্তি। এই বইয়ে পদ্ধতি আর পূর্ণতা লাভ করা তাঁর মত অক্লান্ত কর্মীর পক্ষেই সম্ভব। এই বই সাহিত্য আকাদেমির পুরস্কার লাভ করেছে তাতে

আশ্চর্যের কিছুই নেই। এই বইয়ের সমালোচকেরা আত্মজীবনী রচনার ক্ষেত্রে লেখকের মহৎ বিষয়বস্তুর তাৎপর্য এবং লেখার ঠাইলের দিক থেকে বিচার করে একে খুব উচ্চভাবে তুলে ধরেছেন।

কেশব মেননের আত্মজীবনী কলোসাসের মত মালয়ালম সাহিত্যের অস্কাট আত্মজীবনীকে ঢেকে ফেলেছে। মালয়ালমে আত্মজীবনী বেশী নেইও। জীবনকাহিনী বেশ কিছু লেখা হ'লেও আত্মজীবনী খুব কমই লেখা হয়েছে। তার কারণ, কেবলে প্রকৃত বিরাট ব্যক্তিত্বের সংখ্যা খুবই কম। মালয়ালম সাহিত্যে যে ক'জন আত্মজীবনী লেখক আছেন তাঁরা সাহিত্য, রাজনীতি আর সমাজ সেবায় তাঁদের অনপনেন্দ ছাপ রেখে গেছেন। যে সব বড় বড় লোকেরা তাঁদের আত্মজীবনী লেখেন নি তাঁরা হচ্ছেন কুমারণ আসান, ভল্লভোল, উন্নর, পট্টম থাম্মু পিল্লা, কে. কেলপ্পন, আর. শঙ্কর প্রভৃতি। আত্মজীবনী লেখকদের মধ্যে প্রবন্ধ লেখক ই. ভি. কৃষ্ণ পিল্লা এবং পণ্ডিত ও সমালোচক পি. কে. নারায়ণ পিল্লার লেখা তাঁদের হস্তরস ও ব্যক্তোক্তির জগৎ বিশেষ ভাবে উল্লেখযোগ্য। আধুনিককালে প্রফেসর জোসেফ মুণ্ডুশেরী এবং পি. কেশব দেব আত্মজীবনী রচনার ক্ষেত্রে সাফল্য লাভ করেছেন। এ ছাড়াও কেরলের প্রাক্তন মুখ্যমন্ত্রী সি. কেশবন এবং রাজদূত সর্দার কে. এম. পাণিকরের আত্মজীবনী উচ্চ ধরনের লেখা। আরো আত্মজীবনী এবং ইতস্ততঃ বিক্ষিপ্ত কয়েকটি পূর্বস্মৃতি স্মরণ ধরনের বইয়ের খোঁজ পাওয়া যায়। কেশব মেননের আত্মজীবনী যে এদের সকলের চেয়ে শ্রেষ্ঠ সে বিষয়ে কোনো সন্দেহ নেই।

একটা সাধারণ প্রবাদ প্রচলিত আছে যে, একটা বিরাট জীবনযাপন করার চেয়ে একটা বিরাট জীবনের কথা লেখা বেশী কষ্টকর। কিন্তু বিনি করেই একটা মহৎ জীবনযাপন করেছেন তিনি সুনির্বাচিত বাক্যপটুতার সঙ্গে একটা মহৎ জীবনের কথা লিখতে পারেন। “ফেলে আসা দিনগুলি” পড়লে এইটাই প্রমাণিত হয় যে, আত্মচরিত লেখার যেটা সবচেয়ে বড় দরকার তা হচ্ছে মহৎ জীবন। জীবন মহৎ হলেই লেখা মহৎ হয়।

—সুকুমার আবিকোড

এক

বাল্যকালের স্মৃতি

পাঁচটা বাজে বাজে। স্কুলের শেষ ঘণ্টা বাজার জন্ত স্নেট আর বই হাতে নিয়ে বাচ্চারা অধৈর্য হ'য়ে অপেক্ষা করছে। মেঝেতে বসে মাটিতে লেখা শেষ করে আজ তারা বেষ্টিতে বসার অল্পমতি লাভ করবে। তাই আজকের দিনটি মনে রাখার মত। মাটি থেকে বেষ্টিতে বসার সেই দিনটি আমি কি খুশীর সঙ্গেই না অভ্যর্থনা করেছিলাম। মেঝেতে বসার বদলে বেষ্টিতে বসা, মাটিতে হাত দিয়ে লেখার বদলে স্নেটে পেন্সিল দিয়ে লেখা আর সেই স্নেট আর পেন্সিল যদি নতুন হয় তা'হলে তো কথাই নেই।

শেষ ঘণ্টা বাজার আগেই ছেলেমেয়েরা চাঁচামেচি, চাঁলাঠেলি, হৈ হুল্লোড় করতে করতে বাইরে দৌড়লো। চাঁচামেচি করতে বারণ করলেও হেডমাস্টার গোবিন্দ মেননের কথা কে শোনে! বাড়ী যাবার পথে কেমন ভাবে বেষ্টিতে উঠে বসলাম তার গল্প বন্ধুদের কাছে করতে করতে তাদের আমার নতুন স্নেট আর পেন্সিল দেখালাম। বাড়ী ফিরে আমার সেই উচ্চারণের গল্পটি কতবার যে মায়ের কাছে করলাম তা আর বলার নয়। মৌনাকী নেতগর আমার মায়ের নাম। মা আমার কথা খুব খুশী হ'য়েই শুনলেন। আমার সেই আধো আধো ছেলেমানুষী কথা শুনে আমার দাদুর ভূড়ি নাচানো হাসিটি এখনো আমার স্মৃতিতে জলজল করছে।

দাদুর সেই গোলগাল মুখ, টাকগুয়ালা মাথা, মোটাসোটা লম্বা চেহারা এখনো যেন আমি স্পষ্ট দেখতে পাচ্ছি। তবে দাদুর বিশাল হৃদয় তাঁর স্নেহপূর্ণ ব্যবহার এ সবেমাত্র স্পর্শ পেলাম যখন একটু বড় হলাম। যারা দুঃখকষ্টে পড়েছে তাদের সাহায্য করার জন্ত দাদু যেন সবসময় তৈরী থাকতেন। কি করে যে 'না' বলতে হয় তা তিনি শেখেন নি। তাঁর সামর্থ্যের অতিরিক্ত তিনি দান করতেন। এর জন্ত তাঁকে ধারদেনাও করতে হয়েছে। মৃত্যুর সময়ও এ দেনা তিনি শোধ করতে পারেন নি।

আজকের যুগের ছেলেমেয়েদের তখনকার সমাজ যে কেমন ছিল সে লম্বন্ধে কোন ধারণাই নেই। এই সমাজের রীতিনীতি, আচার-ব্যবহার শুধু বোঝাই নয় অল্পমান করাও কঠিন। পাগলঘাট রাজপরিবারের ছোট রাজা ছিলেন আমার দাদু। দাদুর কথাবার্তার, আচার-ব্যবহারে এই রাজকীয় ভাবটা খুব স্পষ্টে উঠতো। 'আমরা এমন

ভাবে চিন্তা করছি', 'আমাদের এইটাই ভালো লাগে' এমন রাজকীয় ভাষায় তিনি কথা বলতেন। অন্তরা তাঁর সঙ্গে যেন সন্তান আর শ্রদ্ধার সঙ্গে কথা বলে সে বিষয়েও তিনি খুব লক্ষ্য রাখতেন। ভোরবেলা উঠে স্নান করে, কপালে তিলক কেটে, মন্দির থেকে আনা প্রসাদ নিয়ে, রোজকার দান দিয়ে তারপর তিনি প্রাতঃরাশ করতেন। যেদিন ক্ষৌরকর্ম করতেন, সেদিন পুকুরে গিয়ে স্নান করতেন। রাজ পরিবারের কেউ (তামপুরাণ) স্নান করতে আসছেন একথা জানতে পারলে পুকুরের সামনে আর কেউ দাঁড়িয়ে থাকতো না। হাতে তলোয়ার নিয়ে দাহুর দু'জন দেহরক্ষী আগে আগে এগোতো আর অনেক দূর অবধি শোনা যায় এমনি জোরে 'আ—হা' বলে মাঝে মাঝে চীৎকার করতো। একজন ভৃত্য লম্বা পাওয়ারা একটা তালপাতার ছাতা তামপুরাণের মাথার ওপর তুলে ধরে এগোতো। পুকুরে যাওয়ার আর ফেরার পথে লোকেরা দূরে দাঁড়িয়ে দাহুকে দেখতো।

ক্ষৌরকর্মের আগে নাপিতকে পান দেওয়ারটা দাহুর একটা নিয়ম হ'য়ে দাঁড়িয়েছিল। দূর হাতে নেওয়া নাপিতের সামনে কিছুকণ বসে থাকতে হবে বলে তাকে খুশী রাখার জন্যই হয়তো আগের থেকে পানটান খাইয়ে রাখতেন।

বহুরে একবার বা দু'বার, তাও খুব দয়কার পড়লে, দাহু আলাস্তুর বা পালঘাটে যেতেন। পালঘাট থেকে কুড়ি মাইল দক্ষিণ-পশ্চিমে তারুর নামে গ্রামে আমাদের বাড়ী। আমি সেখানেই জন্মগ্রহণ করেছিলাম। দাহুর যাবার বহদিন আগে থেকেই তাঁর যাত্রার উত্তোগ শুরু হ'তো, অন্তঃশত্রু বেড়ে-মুছে পরিষ্কার করার জন্য লোক এসে জড়ো হ'তো। দাহুর নানারকমের অন্তঃশত্রু ছিল। তলোয়ার, ঢাল, বন্দুক, বর্শা, ছোরা, কুড়ুল সব অন্তঃবরে ঝুলানো থাকতো, বিশেষ কোনো উপলক্ষ্যে এগুলোকে বার করা হতো। বেহারারা এসে পালকী বেড়ে-মুছে সাফ করতো, জ্যোতিষীরা যাত্রার শুভ মুহূর্ত ঠিক করে দিত। তামপুরাণের এই বর্হিগমন দেখার জন্য তাঁর প্রজারা এসে সব জড়ো হ'তো, সত্যিই দেখার মত এই যাত্রা। পরিচারকেরা সব তাদের কাপড়চোপড় পরে অন্তঃশত্রু নিয়ে পালকীর সামনে আর পেছনে সার দিয়ে দাঁড়াতে। রূপো বাঁধানো লাঠি হাতে সিপাইরা পালকীর দু'পাশে দাঁড়াতে। পানের বাটা আর বদনা হাতে নিয়ে ভৃত্যরা পালকীর কাছে দাঁড়িয়ে থাকতো। সব কিছু তৈরী হবার পর শুভ মুহূর্ত দেখে তামপুরাণ রওনা হ'তেন, পরনে সুত্ত (মলয়ালীদের জাতীয় পোশাক), পেটের ওপর অঙ্গবস্ত্র, পায়ে মোজা, গলার সোনার হার এই ছিল তামপুরাণের বেশ। পালকী চড়ার আগে হাত দুটি পেছনে জড়ো করে তিনি তাঁর দেহরক্ষীদের একবার পর্যবেক্ষণ করতেন। তারপর যাত্রা শুরু করতেন। থেকে থেকে দেহরক্ষীদের চীৎকার, পালকীর

বেহারীদের হুম্‌হুম্‌ আওয়াজ, ভৃত্যদের কথাবার্তা অনেক দূর থেকেই জানিয়ে দিত যে তামপুরাণ যাত্রা শুরু করেছেন।

তামপুরাণের অতিথি সংস্কারের ব্যাপারটাও রাজকীয় ছিল, যে আসতো তাকেই প্রচুর পানসুপারি দিয়ে অভ্যর্থনা করা হ'তো। তবে পানসুপারি দেবার মধ্যে একটা পার্থক্য ছিল। কারোর কারোর হাতে তিনি নিজে পানসুপারি দিতেন, কারোর সামনে পানের বাটা এগিয়ে দিতেন। কাউকে ভেতরে অভ্যর্থনা করে মাদুরে বলিয়ে পান দিতেন। ব্রাহ্মণ ছাড়া আর কেউই তামপুরাণের সামনে পান চিবিয়ে খেতো না।

ব্রাহ্মণদের ভোজে নিমন্ত্রণ করতে, তাঁদের দান-দক্ষিণা দিতে তামপুরাণ খুব ভালবাসতেন। তামপুরাণের নামে ব্রাহ্মণদের একটা ভোজ দেবার প্রথা ছিল। ব্রাহ্মণ সঞ্চারীদের জন্ত হ'বার ভোজনের ব্যবস্থা করা হ'তো। রাতে আহারের পর পান আর গোবার জন্ত মাদুর আর বালিশ দেবার ব্যবস্থা ছিল। তখনকার দিনে এমনিভাবে রাজাদের তরফ থেকে ব্রাহ্মণদের খাওয়ানোর ব্যবস্থা ছিল। শুধু ভোজ নয়, স্নান করবার পুঙ্করও এই সব ভোজনশালায় ছিল। ব্রাহ্মণদের মধ্যে অনেক পণ্ডিত ও বিদ্বান থাকতেন। তাঁদের সঙ্গে কথাবার্তা বলা, তাঁদের কাছ থেকে পুরাণের কথা শোনা দাদুর নিত্যকর্ম ছিল।

দাদু অনেক গল্প জানতেন আর সেগুলো খুব মজা ক'রে বলতেন, প্রতিদিন রাতের আহারের পর আমি আর আমার দিদি দাদুর কাছে গিয়ে বসতাম। গল্প শেষ হবার আগেই আমি দাদুর গায়ের ওপর পা তুলে দিয়ে ঘুমিয়ে পড়তাম। এমন দিন যেত না যেদিন আমি আমার দেহের ওপর দাদুর বাৎসল্যপূর্ণ হাত দু'টির ছোয়া পেতাম না।

মাষ্টারমশায় বেত মারলে, ক্লাশের ছেলেরা পেন্সিল নিয়ে পালিয়ে গেলে, বাবা আমার ওপর রাগ করলে সব অভিযোগ আমি দাদুর কাছে করতাম। কোনো গোলমালে পড়লে তার থেকে রক্ষা পাবার একমাত্র উপায় দাদুর সম্মুখীন হওয়া। এ ছিল আমার দৃঢ় বিশ্বাস। আমাকে কোন গুরুতর দোষ করতে দেখলে দাদু বলতেন—‘দাঁড়া, একটা ভালো দিন দেখে তাকে মারবো’—কিন্তু গেই ভালো দিনটি আর কোনদিনই আসেনি। স্মৃত্যুর ভয়াবহতা আমি সেই প্রথম দেখলাম। আমার এত আদরের দাদুকে সিন্ধের কাপড়ে মূড়ে, চিতায় শুইয়ে যখন আগুন জালিয়ে দেওয়া হ'লো তখন সে দৃষ্ট সঙ্ঘ করার মত শক্তি আমার ছিল না। আগুন যখন দাঁড় দাঁড় করে জলে উঠলো তখন যে হাত দিয়ে তিনি কভার আমাকে কোলে টেনে নিয়েছেন, সেই আদরের হাত দু'টি পুড়ে ছাই হয়ে গেল, আমাকে সব সময় অভয় আর আশ্বাস দিয়ে কাছে টেনে নিত যে বুকটি তা পুড়ে ফাটাকাশে হয়ে গেল। এই দৃষ্ট আমার ছোট

শিশু হৃদয়ে যে কি অসহ্য দুঃখ দিয়েছিল তা বলে বোঝাতে পারবো না। আমার দাওকে আর দেখতে পাবো না এ কথা ভেবে আমার দুঃখের সীমা ছিল না। সকলেই যত সাঙ্ঘনা দিক না কেন, দাওর বগার জায়গাটা খালি দেখলেই আমার অজান্তে আমি হাউহাউ করে কঁদে ফেলতাম।

কেউ কেউ যখন আমার বলতো যে আমার দাও এখন স্বর্গে, তাঁর পাপপুণ্য ভগবান এখন পরীক্ষা করে দেখছেন তখন ‘আমার দাও’ কোনো পাপ করেন নি বলে তাদের সঙ্গে আমি তর্ক করতাম। রত্নমুকুট পরা, সোনার অলঙ্কার আর পীতবস্ত্র ধারণ করা একটা উঁচু সিংহাসনের ওপর বসে এক স্বর্গীয় রূপের সামনে শুদ্ধস্নাত, কপালে ফোঁটা দেওয়া আমার সৌম্য দাও দাঁড়িয়ে আছেন এমন একটা ছবি প্রায়ই আমার মানসপটে ভেসে উঠতো।

সকালে নদী থেকে স্নান করে ফেরার সময় আমার দিদিমার সাদা চুল, কপালের ভস্ম আর কুমকুমের ফোঁটা সকলের চোখে পড়তো। স্নান করার সময় দিদিমা আমাকেও তাঁর সঙ্গে নিয়ে যেতেন। স্নান করার পর নদীর কাছে একটা বড় বটবৃক্ষের চারিদিকে ‘কাশী বিশ্বনাথ’ ‘শ্রীরাম অনাথরক্ষক’ বলে কয়েকবার প্রদক্ষিণ করে তিনি বাড়ী ফিরতেন। দিদিমার ভস্মরাখা কোটোটা হাতে নিয়ে আমি তাঁর পেছন পেছন হাঁটিতাম। পথে যেতে যেতে কোনো পুলায়া (অস্পৃশ্য জাতির লোক) তাঁর সামনে পড়লে দূর থেকে তাদের সরে যেতে বলে তিনি চোঁচাতেন। আবার এই পুলায়াদের গায়ে মাথার তেল, পরার কাপড়, পানসুপারি দিতে তাঁর কার্পণ্য ছিল না। দিদিমার একটা ওষুধের বাক্স ছিল। তাতে সাধারণ অস্থবিস্থখের ওষুধ থাকতো। বৈজ্ঞ ডাকতে তিনি খুব কম সময়ই লোক পাঠাতেন। শুধু বাড়ীর লোকজন নয়, পাড়া-প্রতিবেশীদেরও তিনি তাঁর উপদেশ আর ওষুধ বিতরণ করতেন। কিন্তু দিদিমা রেগে গেলে ভীষণ চোঁচামেচি, গালাগালি করতেন। সেই সব গালাগালি সহ্য করা অসম্ভব ছিল।

আমার মা আর তাঁর বড় ভাই আশু কুড়ি মেনন ছিলেন আমার দিদিমার দুই সন্তান। আমার মা আশু কুড়ি মেননের জন্মের পর দিদিমার এগারোটি সন্তান হয়েছিল। সব কটি সন্তানই ছোটবেলায় মারা যায়। আমার দিদিমার চল্লিশ বছর পার হবার পর আর কোন সন্তান হয়নি। দিদিমা এর জন্ত কত মানত করেছিলেন। কত মন্দিরে ঘুরেছিলেন। কত প্রার্থনাস্তম্ভ করেছিলেন। তাঁর বেয়াজ্লিষ বছর বয়সে আমার মায়ের জন্ম হয়। আমার মা তখনকার দিনের অবস্থাভাব্য শিকাদীক্ষা পেয়েছিলেন, মা বেশ ভালো করেই লিখতে পড়তে জানতেন। মা যখন স্বয়ং করে রামায়ণ পড়তেন তখন গুনতে এত ভালো লাগতো! মা হৃদয়ের গান গাইতে আর বীণা বাজাতে পারতেন। চার পাঁচটি সন্তানের জন্মের পরও গান গাওয়া বা বীণা বাজানো ছাড়েন নি।

মাকে যিনি গান শিখিয়েছিলেন সেই পাড়ারাম্বর শামু ভাগবতরকে এখনো আমার মনে আছে। শামু ভাগবতর সে সময় মাকে নিয়মিত গান শেখাতে আসতেন না। মাঝে মাঝে তিনি আমাদের বাড়ীতে এসে তাঁর শিষ্যকে থেকে তাঁকে দিয়ে গান করাতেন। মার সঙ্গে তিনিও গান করতেন। সন্তর বছরেরও বেশী বয়স্ক শামু ভাগবতরের তখন চার পাঁচটা মাত্র দাঁত ছিল। কথা ভালো করে উচ্চারণ হ’তো না। তবুও তিনি যখন অষ্টপদী গাইতেন তখন তাঁর ভক্তি-নিষ্ঠা দেখার মত ছিল। আজকাল অনেকে খুব মার্জিত ভাবে অষ্টপদী গায় তা শুনতে অতটা ভালো লাগে না। পুরোনো চণ্ডে গাওয়া অষ্টপদী গান শুনতে আমার ভালো লাগে। মা ভোর বেলায় উঠে প্রদীপ জেলে বীণা নিয়ে যখন অষ্টপদী গাইতেন তখন তা শুনতে বাড়ীর লোকেরা সব তাঁর চারপাশে জড়ো হ’তো।

বাড়ীর কাজকর্ম সব দেখাশুনা করা, দাসীদের সঙ্গে ঘুরে ঘুরে তাদের দিয়ে কাজ করানো, তাদের সঙ্গে সহানুভূতির সঙ্গে ব্যবহার করা ছিল মায়ের স্বভাব—গরম কালে বাগানের শাকসব্জীতে জল ঢালার সময় মা’ও ভূতাদের সঙ্গে যেতেন। সকালবেলায় দাসীদের ঘরদোর ধোওয়া-মোছার সময় মা’ও তাদের সঙ্গে থাকতেন। আমাদের বাড়ীতে একজন ব্রীলোক অনেকদিন ধরে রান্নার কাজ করছিল। তাকে আমাদের পরিবারের এক অঙ্গ হিসেবেই আমরা দেখতাম। মা প্রায়ই রান্নাঘরের কাজে সাহায্য করতেন। শিবরাত্রি, আবনি আবিত্তম্ (শ্রাবণ মাসে তামিল ব্রাহ্মণদের উৎসব) প্রভৃতি উৎসবের দিনগুলিতে ব্রাহ্মণদের দক্ষিণা, চাল, শাকসব্জী দেওয়া আমাদের বাড়ীর একটা নিয়ম ছিল। বিশেষ বিশেষ উৎসবের দিনগুলিতে কি কি জিনিষপত্রের দরকার তা সব ঠিক করা থাকতো, তাতে একটুও ভুল হ’তো না।

আমার দিদি আর আমার মধ্যে যখন ঝগড়া হতো তখন মা সব সময় দিদির দোষ ধরতেন। ‘ও ভালো ছেলে, ও তোর সঙ্গে খুনভটি, ঝগড়া করে না। খুনভটি তুইই করিস’—বলে মা আমাকে নিয়ে চলে যেতেন। আমি যে সব সময় নিরপরাধী ছিলাম তা মোটেই নয়, তবে মায়ের বিশ্বাস তাই ছিল।

আমার মামা আগ্নুকৃষ্টি মেনন পঞ্চাশ বছর বয়সে কালী বান। সেখান থেকে আর ফিরে আগেন নি। তিনি যেমন চেয়েছিলেন, কালীতেই তাঁর মৃত্যু হল।

আমাদের পৈতৃক ভিটে থেকে কিছু দূরে আমার বাবা একটা গোলা বাড়ী করেছিলেন। সেখানে আমরা বাস করতাম। আমাদের বাড়ীর নাম ‘কীড়কেক পোটেভীড়ু’। বাড়ীর লোকেরা কষ্টেই দিন গুজবান করতেন। এই বাড়ী তৈরী করার সময় বাড়ীর বেড়া দিতে, ছাদ ছাইতে, বাগান তৈরী করতে বাবা তাঁর ভাগনে-

ভাগনীদের বহু সাহায্য পেয়েছিলেন। ভাগনে-ভাগনীর সঙ্কেতই ছিলেন বেকার, তাই বাড়ীর কর্তার হুম পালন করার জন্য তাঁরা তৈরী হয়ে থাকতেন। তাঁদের সঙ্গে একসঙ্গে বাবাও কাজ করতেন। ছপুর অবধি কাজ করে, স্নান করে, পরনের কাপড় কেচে রোদে শুকোতে দিয়ে কোমরে গামছা জড়িয়ে বাড়ীর কর্তা একটা কানা-উঁচু খালার সামনে বসলে তাঁর ছোট বোন তাঁকে খাবার পরিবেশন করতেন। নিঃশব্দে একটার পর একটা ভাতের বড় বড় গোলা মুখে চালিয়ে বাবা খুব তাড়াতাড়ি খাওয়া শেষ করতেন। তারপর পানি মুখে দিয়ে একটা ছাতা নিয়ে বেরিয়ে পড়তেন। এই ছিল তাঁর প্রতিদিনকার বাধ্যতামূলক কাজ।

বাবার ভাগনে-ভাগনীর বংশের গৌরব আর মর্যাদা অক্ষুণ্ণই রেখেছিলেন। বছরের পর বছর একভাবে কেটে যাবার দিনগুলির মধ্যে বেলাপুরম * (‘মন্দিরের উৎসব’) প্রভৃতি উৎসবের দিনগুলি এক বৈচিত্র্যের স্বাদ এনে দিত। এই বাড়ীতে সকলের থাকার অস্থিতি ছিল বলে বাবা আমাদের থাকার জন্য আর একটা বাড়ী করেছিলেন। আমার বয়সী বাচ্চাদের সঙ্গে খেলবার জন্য আমি কখনো কখনো পৈতৃক ভিটেতে যেতাম। আমার সবচেয়ে ভালো লাগতো শিকক-ছাত্র খেলা। বাড়ীর-কর্তা, ভাগনে-ভাগনী খেলাও খেলতাম। বাড়ীর বড় কেউ এদিকে এলে আমরা সব ছুটে লুকিয়ে পড়তাম। গুরুজনদের, কাকাদের খুব ভয় করতাম। শুধু এক কাকাকে মাত্র ভয় করতাম না। তাঁর নাম ছিল মিথো কাকা। এই কাকাকে দেখলেই ছেলেমেয়েরা তাঁকে ঘিরে ধরতো। মিথো কাকা এটা খুব ভালোবাসতেন। কেন যে এই কাকাকে এমনভাবে ডাকা হ’তো তা কারোর জানা ছিল না। শুধু বাচ্চারা নয়, বড়রাও তাঁকে এমনভাবে ডাকতেন। আমি যখন তাঁকে দেখি তখন তাঁর বয়স প্রায় পঞ্চাশ হবে। রোগা লম্বা দেহ, মাথার টাক পড়তে শুরু করেছে। সর্বদা ডানদিকে দৃষ্টি, পাঁতে পানের ছোপ। হাঁটুর নীচে অবধি পাড়মালা ধূতি,—তাঁর এই চেহারাটাই আমার চোখের সামনে ভাসে। হাতে একটা পাখা নিয়ে মিথো কাকাকে আগতে দেখলেই বাচ্চারা তাঁর কাছে ছুটে যেত। দরজার সামনে দাঁড়িয়ে আমরা জিজ্ঞেস করতাম—“কাকা, কোথায় গিয়েছিলে? তোমার কতদিন দেখিনি।” কাকা তখনই সেখানে বসে গল্প শুরু করতেন। মিথো কাকার একটা গল্প আজো আমি ভুলিনি। একদিন কাকা গল্প করছিলেন—

“আমি ভূমামালার গিয়েছিলাম। ভূমামালা থেকে লাকিভিতে গেলাম। লাকিভিতে রেলগাড়ীতে করে অনেক চিটিকে নিয়ে যাচ্ছে দেখতে পেলাম। এক একটা চিটিকে বোল হাঁত লম্বা আর এইশা মোটা। এত বড় চিটিকে আমার জীবনে আমি দেখিনি...”

“তা ওগুলো কোথায় নিয়ে যাচ্ছিল কাকা?”—একটা ছেলে জিজ্ঞেস করলো।

“ওগুলো কোটন রাজার জন্মদিনের জন্ত নিয়ে যাওয়া হচ্ছিল। একজন তামিল বামুন আমাদের একথা বলেছিল। এই বামুন রাজার জন্মদিনে যাচ্ছে শুনে আমিও তার সঙ্গী হলাম। তারপর রাজার বাড়ীতে সে যে কি এলাহি কাণ্ড!”

পানে চুন লাগিয়ে মিথ্যে কাকা এবার ভোজের গল্প শুরু করলেন—“থাবার কলাপাতা একটা টেবিলের তিনগুণ লম্বা—এই বিরাট বিরাট পাতা। ভাত ধবধবে সাদা খুঁইফুলের মত। চৌষটি রকমের তরকারী। পায়ের কেমন ভাবে পরিবেশন করছিল জানি না?”—বলতে গিয়ে কাকার চোখমুখ উৎসাহে জলজল করতে লাগলো—

—“পায়ের নাভো, পায়ের কুরো। রূপের পাত দিয়ে সে কুরো ঢেকে রাখা হয়েছে। আর এই পায়ের কুরোর রূপের ছোট বালতি ডুবিয়ে পায়ের তুলে আনছিল নান্দুদিরী বামুনরা। পায়ের হু’পাশে চিনির বাঁধ আর তার মধ্যে বালতি ডুবিয়ে পায়ের তুলে এক একটা পাতার ঢালা হচ্ছিল। এ রকমটি এক মহারাজা ছাড়া আর কার করার সাধ্য আছে বল! তা আমাদের ওখানে আরো দু’দিন থাকতে বলেছিল। তাই তো আসতে একটু দেরী হলো।”

কাকা পান মুখে গুঁজলেন, আর আমরাও এই গল্প অন্তদের কাছে করার জন্য এক একদিকে নোড়োলাম। মিথ্যে কাকা নামটা যে সার্বক সেটা বুঝতে পাঠকদের আশা করি দেরী হবে না।

হেডমাস্টার গোবিন্দ মেনন আমাদের বাড়ীতে রোজ আসতেন, আমার দাদামশায়ের চিঠি লেখা, হিসেবপত্র রাখা, সব মাস্টারমশায় করতেন। কাপড়টা একটু উচু করে প’রে, কোমরে তোয়ালে জড়িয়ে, হাতে একটা পেন্সিল কাটা ছুরি আর চাবির গোছা নিয়ে মাস্টারমশায় এসেই দাড়র সঙ্গে গল্প করতে বসে যেতেন। মাস্টার মশায়কে দেখবামাত্র আমি আর দিদি বাড়ীর ভেতর নোড়োতাম, মাঝে মাঝে দরজার কাছে এসে উঁকি মেরে দেখতাম মাস্টারমশায় চলে গেছেন কিনা। তারপর মাস্টারমশায় যখন তাঁর বাড়ী যেতেন আমরা অনেকক্ষণ দাঁড়িয়ে দেখতাম। উনি বেশ কিছুটা দূরে গেলে আমরা—“পুন্নাট্ট ভাড়ুর গোবিন্দ মাস্টার অন্তমিচাল দিনে দিনে,” অর্থাৎ “পুন্নাট্ট বাড়ীর গোবিন্দ মাস্টার আপনি দিনে দিনে ক’র হয়ে যান” বলে গান করে আমরা ছুটে ছুটে খেলা করতাম। এ গানটা কারোর লেখা কিনা জানতাম না। এই বিকৃত গানের কথা মাস্টারমশায় জানতেন কিনা তাও আমাদের জানা ছিল না।

প্রতি বছর বিজ্ঞাভ্যাস আরম্ভের দিনটিতে আমরা মাস্টারমশায়কে গুরুত্বাঞ্জন দিয়ে তাঁর পা ছুঁয়ে প্রণাম করতাম। কোথাও যাবার সময় তাঁর আশীর্বাদ প্রার্থনা করাটা আমাদের একটা নিয়ম হয়ে দাঁড়িয়েছিল।

ওনম (কেরলের জাতীয় উৎসব), বিসু (কেরলের নতুন বছর), তিরুবাভীরা (ক্ষত্রিয় আর নায়ার মেরেদের শিবের মত বর পাবার জন্য ব্রত পালন), বেলা (মন্দিরের উৎসব) ইত্যাদি উৎসবের দিনগুলো আমরা খুবই আনন্দের সঙ্গে উদ্‌যাপন করতাম। তিরুওণমের বেশ কয়েকদিন আগের থেকেই তার প্রস্তুতি আরম্ভ হ'তো। ফুল সংগ্রহ করা, ত্রিকাকারী শিবকে উঠোনে বসানো, 'ভীমু কোট্টালুম' (ধনুতে শব্দ করে গান করা) ওনমের ভোজের পর হাড়ুডু খেলা ও আরো নানা রকমের খেলা উৎসবের অঙ্গ ছিল।

তিরুওণমের আগের দিনটিতে নতুন জামাকাপড় পরতাম আর তিরুওণমের দিনটিতে ধোয়া কাপড়জামা পরতে হতো। ওনম উৎসব উপলক্ষ্যে বাবার পরিবারের কৰ্ত্তাব্যক্তিরা যে 'হুট্টাভা' খেলার আয়োজন করতেন, তা দেখতে বহু লোক জড়ো হতো। দুপুর দুটোর একটা বিরাট মাঠে এই খেলা শুরু হতো। উত্তর আর দক্ষিণ এই দুইভাগে সার দিয়ে খেলোয়াড়রা দাঁড়াতে। পূর্ব আর পশ্চিম ভাগে থাকতো দর্শকরা। মাঠের মাঝে একটা চেয়ারে একটা কৰ্ত্তা বসে থাকতেন। এই খেলার কোনো পক্ষের লোক জুরাচুরি করলে তাদের মাঠ থেকে বাইরে বের করে দেবার জন্য লাঠি হাতে দুটি লোক তাঁর কাছে দাঁড়িয়ে থাকতো। দর্শকেরা জড়ো হলেই খেলা শুরু হ'তো। এক এক দিকের চার পাঁচজন লোক ধুতি ওপরে তুলে বেঁধে হাত বাকিয়ে ও-ও চীৎকার করে লাফ দিয়ে অন্য দিকে ছুটে যেত। তারা ফিরে এলে পর অপর ভাগের লোকেরাও ঠিক অমনি করে তাদের বিরুদ্ধ পক্ষে লোকেদের দিকে ছুটে যেত। অমনি ভাবে কয়েকবার ছুটোছুটি করার পর দু'জন করে লোক পরস্পরের মধ্যে 'ভালা' আরম্ভ করতো। এই সময় কেউ যেন কোনোরকম জুরাচুরি না করে তা দেখার জন্য রেফারির মত লোক মাঠে দাঁড়িয়ে থাকতো। কেউ যদি কোনো রকম জুরাচুরি করে তাহলে তাকে মাঠের বাইরে বের করে দেওয়া হতো। কোটি, কাট্টায়ী (বিভিন্ন সম্ভারনের লোক) প্রভৃতির "ভালা" খেলার ধোঁগ দিচ্ছে জানতে পারলে লোকের ভীড় ভাষণ বেড়ে যেত। কখনো কখনো দুই দলের মধ্যে গোলমালও শুরু হ'তো। সেই সময় কৰ্ত্তা তাঁর লাঠিটি নিয়ে ভীড়ের মধ্যে ডানদিকে বাঁদিকে ঘোরাচ্ছেন দেখা যেত। খুব অল্প সময়ের মধ্যে সব গোলমাল থামিয়ে দর্শকদের আবার নিজের নিজের জায়গায় বসিয়ে দিতেন। খেলার শেষের দিন সব খেলোয়াড়দের নতুন জামাকাপড় দেওয়া হ'তো। এই সব খেলা দেখতে যে কি ভালই লাগতো!

দুই

পালঘাট আর কালিকটের ছাত্রজীবন

পালঘাট রাজপরিবারের ‘নাডুভিলেডতীলে’র (বংশের নাম) ভীমনচন্দ্র আমার বাবা । বাবার পরিবারের লোকসংখ্যা ছিল প্রায় দেড়শ’। পরিবারের অবস্থা সে সময় খুব ভালো ছিল । বাবা তাঁর ভাইবোনদের মধ্যে ছিলেন সেক্সো । কিন্তু পরিবারের সব দায়িত্ব ছিল তাঁর ওপর । কথা দিয়ে কথা রাখা, অসীম কর্মক্ষমতা, হুকুম করার শক্তি এইসব গুণের জন্ত শুধু পরিবারের লোকদের নয়, অগ্রদেবগণ শ্রদ্ধা ও বিশ্বাস তিনি অর্জন করেছিলেন । বাড়ীতে সকলের জন্ত দু’বার ভাত রাখা হতো । তরকারী যে যার রেঁধে নিত । ওনম্, বিস্, তিরুবাভীরা প্রভৃতি উৎসবের দিনগুলোতে খরচের জন্ত টাকা, জিনিষপত্র প্রত্যেককে আলাদা আলাদা দেওয়া থাকতো । যারা যুবক তাদের জন্ত নির্দিষ্ট একটা সংখ্যা ঠিক করা থাকতো । যারা বিবাহিত তাদের এই সংখ্যার বেশী টাকা দেওয়া হ’তো । তখনকার দিনে লোকের খরচ বেশী ছিল না, তাই এই ব্যবস্থায় কোনো অসুবিধে হ’তো না । আমাদের ভাঁড়ারী এডুস্তাশন রোজ সকালে রাখার জিনিষ বের করে দিত । হাঁটুর নীচে অবধি কাপড় পরে কোমরে একটা তোয়ালে জড়িয়ে হাতে তালপাতা আর খাগের কলম হাতে নিয়ে এডুস্তাশন রাঁধুনীকে কি কি জিনিষ রাখতে দিতে হবে এবং তার জন্তে কতখানি ভাঁড়ার বার করে দিতে হবে জানতে বাবার কাছে আসতো । বাড়ীতে নতুন কেউ অতিথি এসেছে কিনা জেনে নিয়ে বাবা কতখানি ভাঁড়ার বার করতে হবে তা তাকে বলে দিতেন । ভাঁড়ার বার করে দিয়ে এডুস্তাশন বাইরের বাড়ীর দক্ষিণ দিকের বারান্দায় বসে বাড়ীর ছেলেদের পড়াতে শুরু করতেন । দুপুরে বড় বড় ছেলেদের রামায়ণ পড়িয়ে শোনাতেন । এই সব কাজের জন্ত তার পারিশ্রমিক ছিল নির্ধারিত কয়েক মন ধান । ঘোপা, নাপিত, এদেরও মজুরি হিসেবে পরিবার থেকে বছরে দু’তিনবার ধান দেওয়া হতো । সকলেই এতে সন্তুষ্ট থাকতো । শান্তি আর সন্তুষ্টির স্বর্ণবর্ষাল ছিল তখন ।

তিরুরে তখন একটা মাত্র প্রাইমারী স্কুল ছিল । সেখানে চতুর্থ শ্রেণীর পড়া শেষ ক’রে আমি আলাস্তুরে মিডল্ স্কুলে পড়তে গেলাম । দূর থেকে স্কুলটা দেখলেই আমার পেটে ব্যথা শুরু হ’তো । বাড়ীর থেকে অনেক দূরে বলে, না শিক্ষকদের ভয়ে, কে জানে ! স্কুলের প্রধান শিক্ষক ছিলেন অনন্ত স্বব্বা শাস্ত্রী মহাশয় । আমার ক্লাশের

শিক্ষকের নাম ছিল স্বরূপা আয়ার। ছেলেরা তাঁকে খুব ভয় করতো। আমাদের সংস্কৃত পড়াতেন ব্রহ্মানন্দ স্বামী। আমি এই স্কুলে ছ'মাস মাত্র পড়েছিলাম। তারপরে পালঘাটে পড়তে যাই। পালঘাটে আমি কলপাতী বিশ্বনাথ মন্দিরের কাছে এক পুকুরের মঠে থাকতাম। স্কুল এই মঠের কাছেই ছিল। স্কুলের মালিক আর প্রধান শিক্ষক ছিলেন একই ব্যক্তি—গোপাল আয়ার। বাচ্চাদের পড়ানোর আর তাদের শাস্তি দেওয়ার সমানভাবে প্রসিদ্ধি অর্জন করেছিলেন তিনি। হাতে বেত ছাড়া তিনি ক্লাসে ঢুকতেন না আর সেই বেতের সদ্যবহার না করে তিনি ক্লাশ থেকে বেরোতেন না।

আমার বয়স তখন দশ। 1886 সালের পরলা সেপ্টেম্বর আমার জন্ম। আমার বয়সী ছেলের সঙ্গ খেলা করার যথেষ্ট সুযোগ আমার তখন মেলেনি। "রোজ ভোর চারটের সময় একজন লোক মন্দিরের সামনে দাঁড়িয়ে তিনবার 'হর হর মহাদেব' বলে চীৎকার করতো। সেই আওয়াজ শুনে পুকুর মশায় আমাকে ঘুম থেকে তুলে দিয়ে কেরোসিনের আলো জ্বলে দিতেন। সকাল না হওয়া অবধি ওখানে বসে পড়তে বলে ঠাকুরমশাই স্নান সেরে মন্দিরে যেতেন। তিনি যেই চলে যেতেন, আমিও সঙ্গে সঙ্গে আবার শুয়ে পড়তাম।

"ঠাকুরমশাই এলে আমি বলে দেব তুই কেমন ছুটু ছেলে। তোর পড়াশোনায় একেবারে চাড় নেই, কেবল খাবো, ঘুমোবো আর খেলা করবো। এমন করলে তোর যে কি গতি হবে তা বাবা বিশ্বনাথই জানেন" এমনি ভাবে ঠাকুর মশায়ের জ্ঞী আমায় বকতেন। এসব যেন কিছুই শুনতে পাইনি এমনি ভাবে আমি পাশ ফিরে আবার কুকড়ে-মুকড়ে শুয়ে থাকতাম, সকালে নদীতে স্নান করে সাড়ে ছ'টার মধ্যে স্কুলে পৌছোতে হ'তো। হাতের লেখা লেখা, অঙ্ক কষা, পড়া তৈরী করা সব স্কুলে ব'সে। অত সকালে আমি আর দুটো তিনটে ছেলে মাত্র স্কুলে এসে উপস্থিত হতাম। এতে আমরা আমাদের প্রধান শিক্ষকের দৃষ্টি আকর্ষণ করতে পেরেছিলাম। আটটার সময় মঠে ফিরে এসে পাণ্ডাভাত আর টেড়সের তরকারী খেয়ে আবার স্কুলে যেতাম। স্কুলটা ছোট ছিল। মাস্টার মশায়দের পড়ানোর আওয়াজ, ছাত্রদের মারার শব্দ, ছেলপিলেদের চীৎকার, হৈ হৈ সবসময় এই ছোট্ট আয়নাটাকে মুখরিত করে রাখতো।

পাঁচটার সময় স্কুল থেকে বাড়ী ফেরার আগে নদী থেকে স্নান করে না এলে ঠাকুর মশাই ঘরে ঢুকতে দিতেন না। স্নান করতে বাবার সময়টুকু মাত্র আমার নিজস্ব ছিল। সন্ধ্যাবেলার মন্দিরে ঠাকুর প্রণাম সেরে বাড়ী এসে দেখতে পেতাম, আমাকে পড়ানোর

গৃহশিক্ষক এসে বলে আছেন। ঠাকুরমশায় আর তাঁর স্ত্রী ততক্ষণে আমার সেদিনকার সব দুঃস্থিমির এক এক করে বিবরণ তাঁকে দিতেন।

তুই এত কুঁড়ে কেন—আঁ? ব'লে গৃহশিক্ষক আমার হাঁটুতে থিমচি কাটতে আরম্ভ করতেন আর কাঁদলেই বেদম মার।—“হ্যাঁ আচ্ছা করে দিন মাস্টার মশায়। ভারী পাজী ছেলে। কোনো কিছুতে গা করে না হর হর—” ব'লে ঠাকুর মশায় আর তাঁর স্ত্রী ভেতরে চলে যেতেন। থিমচির যন্ত্রণা সহ্য ক'রে কোনো রকমে চোখের জল আটকে অনেকটা সময় আমাদের মাস্টার মশায়ের সামনে কাটাতে হতো। তিনি চলে গেলে খেয়েদেয়ে ঘুমোতে যেতাম।

স্কুলের বেতন আর গৃহশিক্ষকের বেতন দু'তিনমাস অন্তর বাড়ী থেকে কেউ এসে দিবে যেত। স্কুলের বই, স্নেট, পেন্সিল আর অল্প দরকারে আমাদের পরমা দেবার ভার বাবা তাওবন নামে একটা ছোট দোকানদারের হাতে দিয়েছিলেন। কিন্তু তাওবনের কাছ থেকে পরমা বার করা অত সহজ ছিল না। চার পাঁচবার চাইবার পর দরকারের অর্ধেক পরমা পেতাম। একবার তাওবন আমাদের একটা টাকা দিয়েছিল। সেই টাকায় বই, খাতা-পেন্সিল কেনার পর দু'আনা বাকী ছিল। স্কুলের সামনে একটা বুড়ী কিছু খাবার বিক্রী করতো। রোজ সেই দিকে তাকিয়ে তাকিয়ে আমি স্কুল যেতাম। কিছু কিনে খাবার মতো পরমা আমার হাতে থাকতো না। এখন হাতে দু'আনা পেয়ে আমার সেই এতদিনের আগ্রহ মেটাবার ইচ্ছে হ'ল। এক আনার খাবার কিনে লুকিয়ে লুকিয়ে খেলাম। ছোট জাতের স্ত্রীলোকের হাত থেকে খাবার কিনে খেয়েছি, একথা যদি ঠাকুরমশাই বা তাঁর স্ত্রী জানতে পারেন সেই ভয় ছিল। পরের দিন বাকী আনাটাও এমনি ভাবে খরচ করলাম। তৃতীয় দিন খাবার কেনার আর কোনো উপায় না থাকাতে ধারে কিনলাম। এমনি ভাবে আট-দশদিন ধারে খেলাম। দশ আনা হবার পর বুড়ী আর ধার দেবে না বলল। ধার শোধ করার উপায়ও আমার ছিল না। তাই এরপর আমি খাবারগুলিকে এড়াবার জন্তে অল্প পথ দিয়ে স্কুলে যেতে লাগলাম। আমার দেখতে না পেয়ে বুড়ী আমার ঠিকানা খোঁজ ক'রে একদিন ঠাকুরমশায়ের বাড়ী এসে উপস্থিত হ'ল। এর পরের কথা আর কি বলব! খাবারগলু, ঠাকুরমশায় আর তাঁর স্ত্রী আমাদের এমন গালাগালি করতে লাগলেন যে আমি স্তব্ধ হয়ে গেলাম। তাওবন এ ঘটনা জানার পর পরমাটা দিয়ে দিল। বাবাকে একথা জানাবে ব'লে সে আমাদের বার করেক ধমকেছিল। আমার এমন ধারাপ লাগছিল! পাওনাদারের হাত থেকে রক্ষা না পাওয়ার সেই প্রথম অভিজ্ঞতা আমার এমনিভাবে হয়েছিল।

স্কুল বন্ধ হবার পর বাড়ী এসে মার কাছে যখন এ গল্প করলাম তখন পড়াশুনোর

জন্মে আমাদের কালিকটে পাঠানো হবে বলে বাড়ীর লোক ঠিক করলেন। কালিকটে যাবার আগের দিন সেখানে কেমন ভাবে চলাফেরা করতে হবে তাই নিয়ে বাবা আমাদের অনেক উপদেশ দিলেন। “খুব মন দিয়ে পড়াশুনো করবে, মিছিমিছি পরসা খরচ করবে না, ছেলেদের সঙ্গে ঝগড়াঝাঁটি করবে না। যেখানে থাকবে সেখানকার লোকদের বিরক্ত করবে না—” ইত্যাদি ইত্যাদি অনেক কিছু অনেকক্ষণ ধরে বাবা আমাদের বললেন। আমার বাবা বাইরে খুব ভালোবাসা দেখাতেন না, কিন্তু ছেলের পড়াশুনোর জন্মে যে কোন কষ্ট স্বীকার করতে তিনি প্রস্তুত ছিলেন। পরের দিন সকালে কুলির মাথায় বাস্ক বিছানা চাপিয়ে বাবার গোমস্তা বাস্ পট্টরের সঙ্গে আমি যাত্রা করলাম। তখন ১৮৯৮ সাল সবে শুরু হয়েছে।

বাড়ী থেকে লাকৌড়ি ষ্টেশন সাত মাইল দূরে। মাঠঘাট, ধানখেত, নদী, ছোট ছোট পাহাড় পার হওয়া সেই যাত্রার কষ্ট বাস্ পট্টরের গল্প শুনতে শুনতে এতটুকু অহুভব করতে পারিনি। গল্প বলতে বলতে ভদ্রলোক কখনো কখনো ঘুমিয়ে পড়তেন। পথঘাট তাঁর সব চেনা ছিল, তাই হাঁটতে বাস্ পট্টরের বেশী কষ্ট হয়নি। ভদ্রলোক লিখতে পড়তে জানতেন না, তবে খুব চালাকচতুর গোমস্তা হিসেবে নাম করেছিলেন।

মনে মনে হিসেব কষার অসাধারণ ক্ষমতা ছিল বাস্ পট্টরের। কার্ সঙ্গে কেমন ব্যবহার করতে হয় তাও তিনি খুব ভালো ভাবেই জানতেন। রেলগাড়ীতে আগে চড়লেও লাকৌড়ি থেকে কালিকটের রেলযাত্রা আমার কাছে একটা নতুন অভিজ্ঞতা। গাড়ী থেকে নেমে ষ্টেশনের বাইরে দাঁড়িয়ে থাকা একটা ঘোড়ার গাড়ীতে আমাদের তিনিষপত্র চড়িয়ে আমরা আমাদের গন্তব্যস্থলের দিকে রওনা দিলাম। রাস্তার দু’পাশের লোক আমাদের কাছে নতুন লাগছিল। বাস্ পট্টরের নগর বর্ণনা শুনে আমার কৌতূহল আরো বেড়ে গেল। সন্ধ্যাবেলায় কালিকটে আমার বাসস্থানে এসে পৌঁছোলাম।

আমি আট বছর কালিকটের ‘কেরল বিজ্ঞাপালা’য় পড়েছি। এই বিজ্ঞালয় পরে ‘জ্যামোরান কলেজ’ নামে পরিচিত হয়। এখন এর নাম ‘শুরুভায়্যাম্মন কলেজ।’ পুরোনো নামটাই ভালো ছিল বলে আমার অনেকবার মনে হয়েছে। নীচু জাতির লোকদের তখন কেরল বিজ্ঞাপালায় প্রবেশ বন্ধ ছিল। কিন্তু ক্রীষ্টান আর মুসলমানেরা এখানে পড়তে পারতো। নীচু জাতির লোকদের এই কলেজে পড়তে দেবার সুযোগ দেওয়া উচিত কি উচিত না, এই নিয়ে কলেজে আমরা একবার ডিবেট করেছিলাম। তখন আমি কলেজ ডিবেটিং সোসাইটির সেক্রেটারী ছিলাম। সুস্মারাগু মাস্টারমশাই আমাদের এই বিষয়ে ডিবেট করতে বলেছিলেন।

তখনকার শিক্ষকদের মধ্যে আমার সবচেয়ে ভালো লাগতো সুস্মারাগু মাস্টার

মণাইকে। ছেলেরা কি চায় সেগুলো বুঝতে চেষ্টা করা, তাদের খুশী রাখা, তাদের জ্ঞাতব্য বিষয়গুলি খুব সহজভাবে বুঝিয়ে দেবার ক্ষমতা তাঁর একেবারে অসাধারণ ছিল। ছেলেরা দোষ করলে তাদের মারা তিনি একেবারেই পছন্দ করতেন না। ছেলেরা যদি কোন ভুল করতো তাহ'লে তাদের সেই ভুলগুলো অত্যন্ত স্নেহের ক'রে তিনি দেখিয়ে দিতেন, যা ছেলেদের মনে দাগ কেটে রাখতো। ছেলেদের নিয়ে মাঝে মাঝে তিনি 'ষ্টাড্‌টিউর' কাছাকাছি কোথাও বেরিয়ে পড়তেন। আমরা এই 'ষ্টাড্‌টিউর' খুবই উপভোগ করতাম। খাওয়া-দাওয়া, খেলাধুলো, আমোদ-প্রমোদে সময়টা এমন চমৎকার কাটতো! প্রতিদিন ক্লাশ আরম্ভ হবার আগে ছেলেদের সব একসঙ্গে প্রার্থনা করার নিয়ম ছিল। এতে যার খুশী সে যোগ দিত। এই প্রার্থনার কথাগুলি সর্বধর্মের লোকেরদের পছন্দমত তৈরী করা হয়েছিল। এই সময় সদাচারের বিষয় যে কোন একজন শিক্ষক পাঁচ মিনিট বক্তৃতা দিতেন। ছেলেদের চরিত্র গঠনের এই ব্যবস্থা অনেক দিন চলেছিল।

আর একজন শিক্ষকের কথা এখনো আমার মনে আছে। তাঁর নাম ছিল সি. পি. গোবিন্দন নায়ার। তিনি 'কেরলসকারী' বলে একটা কাগজেরও মালিক ছিলেন। আমাদের অঙ্ক কষতে দিয়ে মাস্টারমশায় কাগজের সম্পাদকীয় বা অন্ত্র কিছু লিখতে বসে যেতেন। ছেলেরা গোলমাল করলে চোখ থেকে চশমা খুলে একবার দেখে নিয়ে আবার লেখার মন দিতেন। তখনকার শিক্ষকেরা বেশ পরিকার এবং ভদ্রজনোচিত বেশভূষা ধারণ করতেন। 'আমি সাদাসিধে মানুষ'—বলে বেশভূষায় মনোযোগ না দেওয়াটা তখনকার রীতি ছিল না।

দক্ষিণা মূর্তি আয়্যার ছিলেন সপ্তম শ্রেণীর মাস্টার। স্ত্রীর যখন স্কুলে আসতেন তখন দূর থেকে তা দেখা যেত। তিনি কলেজের কাছাকাছি বাস করতেন। স্কুলের প্রথম ঘণ্টা বাজার সময় লম্বা কোট পরে আর মাথায় সালা পাগড়ী বেঁধে, স্রোবের আকারের একটা রঙীন লাল কাঠের বাক্স হাতে করে এদিক ওদিক তাকাতো তাকাতো তিনি যখন আসতেন, তা সত্যিই দেখার মত ছিল। পড়ানো ছাড়া তাঁর বই বিক্রীর ব্যবসাও ছিল। টাকাপয়সা এই বাক্সটায় থাকতো বলে বাক্সটা সব সময় তাঁর হাতে হাতে ঘুরতো। তিনি যেদিন ক্ষৌরকর্ম করতেন সেদিন তাঁর রাগ আরো বেড়ে যেত এই রকম একটা ধারণা ছেলেদের মধ্যে ছিল। এর সত্যতা সন্দেহ সন্দেহ ছিল। তা সে যাই হোক, আমরা এই দিনটিকে খুব ভয় করতাম। এমন একদিনও যায় নি, যেদিন তিনি তাঁর বেত ব্যবহার করেন নি। মাথার পাগড়ীটা খুলে টেবিলে রেখে তিনি যখন তাঁর সর্বশক্তি দিয়ে ছেলেদের মারতেন তখন তাঁর টিকির চার-পাঁচটা সালা ছুল কেমন ছুলে ছুলে নাচছে সেটা দেখতে পেতাম।

স্কুলের কাছে 'দণ্ডঘর' বলে একটা বাড়ীতে এক ব্রাহ্মণের এক খাবারের দোকান ছিল। আমাদের সেখান থেকে রোজ দু'পরসার খাবার দেবার জন্ত আমার অভিভাবক এই দোকানদারকে বলে দিয়েছিলেন। সন্ধ্যাবেলায় ক্লাশের পর আমি রোজ সেখানে গিয়ে উপস্থিত হতাম। আমার হাত খরচের যে পরসা দেওয়া হতো তাতে লাডু, জিলিপী কোনো ভালো খাবারই কেনা যেত না। মুককরু, বড়া মাত্র কিনে সস্তা খাওতে হত। লাডু আর জিলিপী কেনার আমি একটা উপায় বার করলাম। চারদিন কোন কিছু না কিনে চূপচাপ থাকা, পাঁচদিনের দিন কি কি খাবার কিনবো সেগুলো ঠিক করে রাখা, আর চারদিনের পরসা জমিয়ে পঞ্চম দিনে দু'আনা দিয়ে ঐ খাবারগুলো কেনা। এই ভাবে ভেবে-চিন্তে একদিন আমি খাবারের দোকানে গেলাম।

—ঠাকুর মশায়, আমাদের একটা লাডু, একটা জিলিপী আর একটা দৈ বড়া দিন— বলে সেখানে বসলাম।

—তোমার মাথা খারাপ নাকি খোকা! দু'পরসায় দু'আনার খাবার পাওয়া যায় নাকি!—এমনি ঠাট্টার স্বরে তিনি জিজ্ঞেস করলেন!

—চারদিন আমি আগি নি। চারদিনে দু'আনা হয়নি? সেই দু'আনার খাবারই তো আমি চেয়েছি।

—তোমাকে আমার রোজ দু'পরসার খাবার দেবার কথা। সেই দু'পরসার খাবার আজকেও দেবো।

এই উত্তর শুনে আমার যে কি রাগ হ'ল আর আমি যে কতখানি হতাশ হলাম তা আমি বলে বোঝাতে পারব না। আমি কিছু না কিনে দোকান থেকে বেরিয়ে এলাম। এই বাপায়ে আমি এমন কষ্ট পেয়েছিলাম যে গে কষ্ট ভুলতে আমার বেশ কিছুদিন লেগেছিল।

স্কুলবল খেলতে আমার ভালো লাগতো না, কিন্তু কলেজের ড্রামাটিক ক্লাবে নানা বেশে নাটক অভিনয় করতে আমার ভালো লাগতো। একবার এইরকম অভিনয় করার সময় একটা ভয়ঙ্কর দুর্ঘটনার কথা আমার মনে পড়ছে। ডিবেটিং সোফাইটির বার্ষিকী। কলেজের উত্তর ভাগে নতুন করে যে বাড়ীটা করা হয়েছিল তার ওপর তলার মিটিং হচ্ছিল। প্রায় পাঁচশ'জন লোকের বসার হল। একদিকে উচু প্ল্যাটফর্ম, আর একদিকে সিঁড়ি। সন্ধ্যা ছ'টার সময় নাটক আরম্ভ হলো। নিমন্ত্রিতদের নিয়ে পাঁচশ'ব বেশী লোক হলে জমা হয়েছে। গ্রীনরুমে সেক্রেটারী আমরা সকলে বসে আছি। আমি সেদিন মেয়েদের ভূমিকায় অভিনয় করার সাজ করেছি। ঠোঁড় বাবার জন্ত প্রস্তুতি হচ্ছি,

হঠাৎ একটা ভয়ঙ্কর শব্দ শুনতে পেলাম আর তার সঙ্গে হলের মধ্যে বসা লোকদের চীৎকার। নতুন বাড়ীর ছাত্রটা ভেঙে পড়েছে। বাইরে পালাতে না পেয়ে অনেকে ঘরের মধ্যে আটকা পড়ে গেছে। তাদের ব্যাকুল চীৎকার আর কান্না শুনে সেদিন আমার হৃদয় ভেঙে গুঁড়িয়ে গিয়েছিল।

ষ্টেজের পিছনের সিঁড়ি দিয়ে আমি তাড়াতাড়ি নীচে নেমে পড়লাম। কি যে করবো বুঝতে না পেয়ে হতভম্বের মতো এদিক ওদিক খানিকক্ষণ ঘুরলাম। আমার পরনে শাড়ী আর গয়না দেখে অনেকে নিশ্চয়ই আমাকে মেয়ে ভেবেছিল। ঐ সাজেই আমি বাড়ী এসে সাজপোশাক সব খুলে ফেলে আবার কলেজে ফিরে গেলাম।

সন্ধ্যা হয়ে গিয়েছিল বলে লোকদের নিরাপদ স্থানে ফিরিয়ে আনতে বেশ বেগ পেতে হয়েছিল। কেউ কেউ আহতও হয়েছিল, তবে মৃত্যু হয়েছিল মাত্র একটি ছাত্রের। নতুন বাড়ীর কাজ শেষ হবার পর আর একবার ভালো করে পরীক্ষা না করে এত লোককে হলে বসার ব্যবস্থা করার জন্তে অনেকে কলেজের কর্তৃপক্ষকে দোষ দিল। এই দুর্ঘটনার পর কলেজের নাট্যসভ্যের কাজকর্ম বেশ কিছু দিনের জন্য বন্ধ হয়ে গেল।

এই সময়কার আর একটা মজার ঘটনার কথা আমার মনে পড়েছে। ঘটনাটি ঘটেছিল সপ্তম এডোয়ার্ডের সিংহাসনারোহণের সময়। সারা ভারতবর্ষে তখন এই উপলক্ষ্যে উৎসব চলছে। আমি স্কুলের ছুটিতে বাড়ী আসার পর দেখলাম আমাদের গ্রামের লোকেরা বিপুল আড়ম্বরে এই উৎসব পালন করার ব্যবস্থা করেছে। এই উৎসবের একটা প্রোগ্রাম ছিল নতুন সম্রাটের ছবি বেশ করে সাজিয়ে হাতীর পিঠে চড়িয়ে সারা শহর প্রদক্ষিণ করা। আমি সম্রাটের ছবি ধরে হাতীর পিঠে বসেছিলাম। অনেক রকম বাজনার সঙ্গে হাতীকে দু'মাইল ধরে ঘোরানো হল। ফিরে এসে রাজার ছবি একটা প্যাণ্ডলে খুব সাজিয়ে গুজিয়ে রাখা হল। গ্রামের লোকেরা রাজাকে বন্দনা করবার জন্য জড়ো হয়েছে। এই ছবির সঙ্গে ত্রিটিপ সম্রাটের চেয়ে বেশী মিল ছিল রাশিয়ান সম্রাটের সঙ্গে। এটা আমি পরের দিন বুঝতে পেরেছিলাম। একথা জানতে পেরে উৎসব কমিটির ভারপ্রাপ্ত ব্যক্তিগণ খুব ভয় পেয়ে গিয়েছিলেন। ইচ্ছে করেই তারা এরকম রাজপ্রোহীর কাজ করেছেন একথা যদি কর্তৃপক্ষ মনে করেন তাহলে তার পরিণাম ভেবে তাঁরা খুবই শঙ্কিত হয়ে পড়লেন। এই ভুলের জন্য তাঁরা আমাকেই দায়ী করলেন, কারণ সম্রাটের ছবি বাছার ভার আমাকে দেওয়া হয়েছিল। বাবা আমার ওপর খুব রেগে গেলেন। তবে ভয় পাবার মত বিশেষ কিছু ঘটলো না।

কালিকটে পড়াশুনো করার সময় আমি মালভ কৃষ্ণন নারায়ের বাড়ীতে থাকতাম। তিনি আমার বাবার বন্ধু ছিলেন। উকীল হিসেবে তিনি তখন খুব নাম করেছিলেন।

কৃষ্ণনু নারায়ের নির্মল চরিত্র, কঠোর পরিশ্রম করবার ক্ষমতা, সকলের সঙ্গে তাঁর অমায়িক ব্যবহার দেখে আমি মুগ্ধ হয়ে গিয়েছিলাম। কোর্ট থেকে ফিরে এসে, তিনি রাত বারোটা অবধি পরের দিনের কেগগুলো পড়ে রাখতেন, তারপর স্নান করে খেতেন। এক মুহূর্ত সময় তিনি নষ্ট করতেন না। তিনি তখনকার রাজনৈতিক ও সামাজিক জীবনেও অংশগ্রহণ করেছিলেন। অনেকদিন তিনি মাদ্রাজ লেজিসলেটিভ এ্যাসেম্বলীর সদস্যও ছিলেন! তারপর ত্রিবাঙ্কুরের হাইকোর্টের প্রধান বিচারপতি ও পরে দেওয়ানও হয়েছিলেন। কৃষ্ণনু নারায় যে একজন অসাধারণ মানুষ ছিলেন তা নয়। তাঁর ছিল অসীম ধৈর্য। সকলের সঙ্গে তিনি মধুর ব্যবহার করতেন, আর কঠিন পরিশ্রম করতে পারতেন। এই সবের জন্তেই তিনি জীবনে এত উন্নতি করেছিলেন।

নানা ঘটনা, নানা মানুষ আমাদের অজান্তে আমাদের মনে তাদের ছাপ রেখে যায়। বিশেষ করে বাল্যকালে এই ছাপটা বেশী করে পড়ে। কৃষ্ণনু নারায় তাঁর মকেলদের, নিমন্ত্রিতদের, বন্ধুবান্ধবদের এবং ভৃত্যদের প্রতি যে ব্যবহার করতেন তা আমার কাছে আদর্শ বলে মনে হতো। তাঁর এই ব্যবহার দেখে আমি অনেক কিছু শিখেছিলাম। তাঁর মৃত্যু অবধি তিনি অত্যন্ত স্নেহের সঙ্গে আমার সব কাজকর্ম, আমার সাফল্য আর অকৃতকার্যতা লক্ষ্য করে এসেছিলেন।

‘ইন্সুলেখা’ উপন্যাসের বিখ্যাত লেখক চাণু মেননকে আমি কয়েকবার দেখেছি। তিনি তখন কালিকটের সাবজজ্ ছিলেন। লম্বা ধুতি, সাদা শার্ট, পাতলা চাদর আর মাথায় একটা টুপি প’রে সকালবেলা তিনি যখন বেড়াতে যেতেন তা একটা দেখার মত দৃশ্য ছিল। তখনকার দিনে সাবজজ্ একজন খুব বড় অফিসার বলে গণ্য হতেন, আর তার ওপর চাণু মেনন একজন বিখ্যাত ঔপন্যাসিক ছিলেন। আন্তে আন্তে হাঁটতে হাঁটতে এদিক ওদিক তাকাতে তাকাতে সাবজজ্কে আসতে দেখে লোকেরা সব দূরে সরে দাঁড়াতো। তাঁর সেপাই নারায়ণম্ নারায় একটু দূরে তাঁর পেছন পেছন হাঁটতো। চাণু মেননের অন্তর্ভেদী দৃষ্টি, সন্ন্যাসপূর্ণ চালচলন দেখে তাঁর সম্বন্ধে যে সব গল্প শুনেছিলাম তা যে কিছুমাত্র অতিরঞ্জিত নয় তা আমবা বেশ বুঝতে পারতাম। কোনো নাট্যসজ্জ বা কথাকলি নৃত্যসজ্জ কালিকটে এলে তাঁর বাড়ীতে নাটক বা কথাকলি নাচ দেখানো একটা সাধারণ ব্যাপার হ’য়ে দাঁড়িয়েছিল। কালিকটে কাজ করবার সময়ই তাঁর মৃত্যু হয়।

পড়াশুনোর খুব ভাল ছাত্র ছিলাম বলে আমি গর্ব করতে পারি না। সারাটা ছাত্রজীবন আমি ধারাপ ছাত্র হিসেবেই পরিচিত ছিলাম। পড়াশুনোর অবহেলা করার অস্ত্র যে সব ছাত্রদের নামে বাড়ীর অভিভাবকদের কাছে রিপোর্ট যেত, তাদের

মধ্যে আমার নামটা প্রায়ই থাকতো। কিন্তু স্কুলের ডিবেটিং সোসাইটিতে আমি খুব উৎসাহের সঙ্গে যোগ দিতাম। অনেকবার আমি ডিবেট আর প্রবন্ধ রচনায় পুরস্কারও পেয়েছি।

ম্যাট্রিক পরীক্ষা পাশ করার পর এফ. এ. পড়ার জন্ত আমি 1906 সালে মাজাজ যাই। সেই বছরেই আমার বিয়ে হয়। পড়াশুনো শেষ করার আগে বিয়ের বাঁধনে জড়িয়ে পড়ার ইচ্ছে আমার একেবারেই ছিল না। কিন্তু মা-বাবার পীড়াপীড়িতে আমাকে মত দিতে হল। অবশ্য এর জন্তে আমাকে অনুতাপ করতে হয়নি, বরঞ্চ আমার দিক দিয়ে এই বিয়েটা একটা আশীর্বাদে মতই হয়েছিল।

একটি ব্যক্তির জীবনের সুখদুঃখ নিয়ন্ত্রিত করার জন্ত তার জীবন অবদান যে কতখানি তা নির্ণয় করা খুবই মুশ্কিল। একটি পারিবারিক জীবনের স্বাচ্ছন্দ্যের ওপরই আমাদের সুখশান্তি নির্ভর করে। সুখ-স্বাচ্ছন্দ্যময় একটি পারিবারিক জীবনই বোধহয় অন্য সব কিছুর চেয়ে অধিকতর কাম্য। কিন্তু খুব কম লোকেই ভাগ্যে এটা ঘটে।

চতুর্থ শ্রেণী অবধি পড়া একটি বালিকাকে আমি বিয়ে করেছিলাম। আমার স্ত্রী লক্ষ্মী ছিল পালঘাট রাজপরিবারের মেয়ে। লেখাপড়া খুব না শিখলেও লক্ষ্মী ধরের কাজকর্ম খুব ভালো করেই জানতো। লক্ষ্মী খুব ভালো রাঁধতে পারতো। খাওয়া দাওয়ার ব্যাপারে আমার খুবই খুঁতখুঁতুতি ছিল। আমার স্ত্রী ভালো রাঁধিয়ে ছিল বলে আমাব পক্ষে এটা ঘেন আশীর্বাদ হ'য়ে দাঁড়িয়েছিল।

তিন

মাক্রাজের ছাত্রজীবন

ভারতবর্ষের রাজনৈতিক জীবনে যখন একটা প্রচণ্ড আলোড়ন চলছিল তখন আমি মাক্রাজে আমার পড়াশুনা আরম্ভ করলাম। তখনকার ভাইসরয় লর্ড কার্জনের ভারতবর্ষ সম্পর্কে অসৌজন্যমূলক কথাবার্তা ও ভ্রমমতের বিরুদ্ধে কাজ করার প্রবণতায় ভারতবর্ষের সর্বত্র অসন্তোষে ছেয়ে গিয়েছিল। ১৯০৫ সালে বাংলা ভাগ করার পর দেশের সর্বত্র প্রবল আন্দোলন শুরু হলো। জনগণের আবেদন-নিবেদন, প্রতিবাদ সব কিছু উপেক্ষা করে কার্জন বঙ্গ বিভাগ করেন। তাঁর এই কাজে শুধু বাঙালীদের মধ্যে নয়, ভারতবর্ষের সর্বত্র প্রবল আন্দোলনের সূত্রপাত হলো। এর ওপর ভারতবাসীদের সত্যবাদিতার প্রমাণ তুলে কার্জন কলকাতায় যে বক্তৃতা দিলেন তাতে আশুতোষ ঘোষা পড়লো। “কংগ্রেসকে কবর দেবার সময় এসেছে। ভারতবর্ষ ছেড়ে বাবার আগে তার শেষ কাজ আমি করে যেতে চাই”—এই কথাগুলি কার্জন তখনকার ভারত সেক্রেটারীকে এক চিঠিতে লিখেছিলেন। এই সব অপমানজনক কথাবার্তার জনগণের ক্রোধ আরো বেড়ে গেল। এর সঙ্গে যখন শুরু হলো সরকারী নিষেধণ তখন জনগণের দেশপ্রেম দশগুণ বেড়ে গেল। তখন বাংলাদেশ ছিল সবরকম আন্দোলনের কেন্দ্র। সুরেন্দ্রনাথ ব্যানার্জির বাগ্মিতা, বিপিনচন্দ্র পালের ওজস্বিনী বক্তৃতা, অরবিন্দ ঘোষের জালাময়ী লেখা কল্যাণকামারিকা থেকে কান্মাটির অবধি সারা ভারতবর্ষে এক অভূত জাগরণের সৃষ্টি করেছিল। ১৯০৬ সালে কলকাতায় কংগ্রেসের যে সম্মেলন হয় তাতে দাদাভাই নোরজী কংগ্রেসের লক্ষ্য ‘স্বরাজ’ বলে ঘোষণা করেন। স্বদেশী জিনিষের ব্যবহার এবং বিদেশী পণ্য ব্যবহার বর্জন আন্দোলন বাংলাদেশে শুরু হওয়ার পর ভারতবর্ষের অন্যান্য প্রদেশেও ছড়িয়ে পড়ে। তখন ‘স্বরাজ’, ‘স্বদেশী’, ‘স্বাধীনতা’ প্রভৃতি শব্দগুলি দেশের সর্বত্র প্রবল আলোড়ন তুলেছিল।

সে সময় বিপিনচন্দ্র পাল যখন মাক্রাজে আসেন তখন তাঁকে অভ্যর্থনা জানাবার জন্তে যে শোভাযাত্রা বাব করা হয় তা প্রায় দেড়মাইল লম্বা ছিল। বিপিনচন্দ্রের আগমনে মাক্রাজে একটা বিরাট আলোড়নের সৃষ্টি হয়। এক সপ্তাহ ধরে তাঁর বক্তৃতা শোনার জন্য অগণিত জনতা মাক্রাজের সমুদ্রতীরে জড় করেছিল। মাইকের সাহায্য ছাড়াই হাজার হাজার লোকদের বিপিনচন্দ্র পাল ছ’ তিন ঘণ্টা ধরে তাঁর বাগ্মিতার আকৃষ্ট করে

রাখতেন। সে এক আশ্চর্য ব্যাপার! জনগণের উত্তেজনা, আবেগকে দরকার মতো জাগিয়ে তুলে তাকে উঁচু তারে বেঁধে দেওয়ার অসাধারণ ক্ষমতা তাঁর ছিল।

মাদ্রাজের প্রথম জনসভার সভাপতিত্ব করেছিলেন জি. স্বরূপা আয়ার। দক্ষিণ ভারতের দেশীয় নেতাদের মধ্যে তিনি অগ্রগণ্য ছিলেন। বিপিনচন্দ্র পালের বাগ্মিতা তাঁর ছিল না, তবে জনগণকে ললিত ও হাস্তপূর্ণ ভাষায় সব কিছু বলে বুঝিয়ে বলার ক্ষমতা তাঁর অসামান্য ছিল। আজকে ‘স্বদেশ মিত্র’ নামে যে একটি নামী সংবাদপত্র আছে তার স্থাপক তিনি ছিলেন। ‘হিন্দু’ পত্রিকার সংগঠকদের মধ্যে তিনিও ছিলেন একজন এবং এর প্রথম সম্পাদকও ছিলেন তিনি।

এফ. এ. ক্লাশে একবছর আমি প্রেসিডেন্সি কলেজে পড়েছিলাম। পরের বছর এফ. এ. পরীক্ষা দেবার জন্য আমি কোয়ম্বতুর যাই। আমি মাদ্রাজ জ্বীশান কলেজে বি. এ. পড়ি। মাদ্রাজের এই দুটি বিখ্যাত কলেজের পার্থক্যটা যারা এই দুটি কলেজেই পড়েছে তাদের বুঝতে বিশেষ অসুবিধা হবে না। দুটো কলেজেই বড় বড় প্রফেসর ছিলেন। কিন্তু জ্বীশান কলেজে প্রফেসর আর ছাত্রদের মধ্যে যে নিকট সম্পর্ক ছিল তা প্রেসিডেন্সি কলেজে পাইনি। ডক্টর স্কিনার, প্রফেসর হোগ, পিটেনবার্গ, মেষ্টন প্রভৃতি অধ্যাপকদের ছাত্ররা কোনদিনই ভুলতে পারবে না। এই সব প্রফেসরেরা প্রতিটি ছাত্রের বিষয়ে উৎসাহ দেখাতেন। ডক্টর স্কিনার ক্লাশে এলেই ক্লাশের আবহাওয়া সম্পূর্ণ বদলে যেত। ছাত্রদের ভালোবাংগা আর শ্রদ্ধা আকর্ষণ করার তাঁর একটা অসাধারণ ক্ষমতা ছিল।

প্রেসিডেন্সি কলেজের তখনকার মালয়ালম পণ্ডিত জুলিয়ন্স কৃষ্ণনের নামও এখানে উল্লেখযোগ্য। তাঁর শিক্ষকতায়, তাঁর আচার-ব্যবহারে একটা অদ্ভুত বৈশিষ্ট্য ছিল। তাঁর সখ্যে অনেক গল্প আমরা শুনেছিলাম। তিনি কাউকে কখনো কটু কথা বলতে পারতেন না, কাউকে কখনো যদি অপ্রিয় বা অকৃতিকর কিছু জানাতে হয় তাহ’লে সেটা যতটা সম্ভব মোলারেম করে বলার চেষ্টা করতেন। একবার এক ছাত্রের রচনা পড়ে, অনেক দাগ দিয়ে ছাত্রটিকে বললেন—“তোমার রচনায় অনেক ভুল শব্দ আছে। বিষয়বস্তুও বিশেষ কিছু নেই, বাক্য রচনাতেও অনেক ভুল আছে, হাতের লেখাও খারাপ। তবে সব মিলিয়ে রচনা খুব কিছু খারাপ নয়।”

রাজনৈতিক ব্যাপারে এবং দেশীয় নেতাদের জীবনী পড়ার আগ্রহ আমার বরাবরই ছিল। হাতে পরসী খাকলেই এই ধরনের বই কিনে পড়ে শেষ করতাম। এই সময় আমি লালা লাজপত রায়েব একটি ছোট্ট জীবনী লিখে ছাপিয়ে বার করেছিলাম। এর জন্তে কেউ কেউ আমাকে “পড়ার সময় এ লেবে সময় নষ্ট করা উচিত নয়”—বলে উপদেশ দিতে ছাড়ে নি। বাবাও আমার ওপর খুব যোগে গিয়েছিলেন। তবে আমি

লেখক হিসেবে আমার এই প্রথম প্রচেষ্টাকে খুব অহঙ্কারের সঙ্গেই ছেপে বাদ করেছিলাম।

বাবা সরকারী বিরোধী কোন কথাবার্তা বলা বা কাজকর্ম করা একেবারেই পছন্দ করতেন না। তিনি ছিলেন সম্পূর্ণ রক্ষণশীল। মাত্রাজে পড়ার সময় আমি আমার শিখা কেটে ফেলেছিলাম। কলেজের ছুটির পর বাড়ী এলে বাবা এজ্ঞ আমাকে কঠিন তিরস্কার করেছিলেন। বাবা এগব ব্যাপারকে অমার্জনীয় অপরাধ বলে মনে করতেন।

প্রসিদ্ধ ‘কেশরী’ পত্রিকার কুঞ্জিয়ামন নায়ার “মালমালম একান্নবর্তী পরিবারের ভাগ হওয়া উচিত” এই বিষয়ে মাত্রাজ মালমালী ক্লাবের সভায়ে ভালো প্রবন্ধ রচনিতাকে একটা পুরস্কার দেওয়া হবে বলে ঘোষণা করেছিলেন। এই প্রতিযোগিতায় আমিও যোগ দিই এবং পুরস্কার আমিই পাই। ছুটিতে যখন বাড়ী গেলাম তখন বাবা আমাকে এই লেখাটি পড়ে শোনাতে বলেন। আমার প্রবন্ধ একান্নবর্তী পরিবারের ভাগ হ’য়ে যাবার সমর্থনে লেখা হয়েছিল বলে বাবার ভাব সম্পূর্ণ বদলে গেল। পড়ার শেষে খুব রেগে গিয়ে বলেন—“প্রথমত: তুই তোর শিখা কেটে ফেলেছিস, আর এখন এই একান্নবর্তী পরিবার ভাগ হয়ে যাবার সমর্থনে লিখেছিস। তোর মতিগতি যে কোন দিকে যাচ্ছে তা বোঝার সাধ্য আমার নেই।” এই প্রবন্ধ শোনার পর দু’তিনদিন পর্যন্ত বাবার মুখটা রাগে ধম্‌ধম্‌ করছিল।

গোপালকৃষ্ণ গোখলে একবার মাত্রাজে এসেছিলেন। তখন আমি খ্রীষ্টান কলেজে পড়ি। ভিক্টোরিয়া পাবলিক হলের উত্তর দিকটার খোলা জায়গায় তিনি বক্তৃতা দিয়েছিলেন। শুধু ভারতবাসীই নয়, অনেক সাদা চামড়ার লোকেরাও গোখলের বক্তৃতা শুনতে জড়ো হয়েছিল। বাস্তব ঘটনার একটা পরিষ্কার ব্যাখ্যা দিয়ে, বেশী কথার মালা না সাজিয়ে, তিনি যা বিশ্বাস করেন তা অত্যন্ত আন্তরিকভাবে অন্তদের বোঝানোর একটা বিশেষ ক্ষমতা গোখলের ছিল। পুণায় অধ্যাপনার কাজ করার সময় তিনি রাজনৈতিক আন্দোলনে যোগ দেন। দেশের জন্য তিনি তাঁর জীবন সমর্পণ করবেন বলে ঠিক করেছিলেন। দেশের সব কিছু ভালো করে জেনে জনসাধারণের সেবার জন্য ভারতবাসীদের নিয়ে একটা সংগঠন তিনি গড়েছিলেন। ১৯০৫ সালে পুণায় স্থাপিত এই সংগঠনের নাম ছিল ‘সারভেন্টস অফ ইণ্ডিয়া সোসাইটি’। শ্রীনিবাসন্ শাস্ত্রী, দেবধার, পণ্ডিত কৃষ্ণক, কোদণ্ড রাও প্রভৃতি বিখ্যাত ব্যক্তির এই সোসাইটির সদস্য ছিলেন।

নিঃস্বার্থ দেশপ্রেমিক বলে গোখলেকে দেশের যুবকেরা প্রায় পূজা করতো। বয়েই হয়। যে কোন প্রকারে একবার গোখলেকে আমার ছুঁতে হবে এই আকাঙ্ক্ষা আমাকে পেয়ে বসলো। বক্তৃতা শেষ করে তিনি যক্ষ থেকে নামার পরই লোকেরা

তাকে ঘিরে ধরলো। তাঁর কাছে যাবার কোনো উপায় ছিল না। গোথলে যখন পাড়ীতে উঠতে যাচ্ছেন তখন তাঁর পেছন পেছন গিয়ে, সামনের লোকদের ঠেলঠেলে এগিয়ে গিয়ে তাঁর হাতটা হঠাৎ ছুঁয়ে ফেললাম। এই চেষ্টায় আমার টুপীটা মাটিতে পড়ে অস্ত্রদের পায়ের তলায় ছিঁড়ে টুকরো টুকরো হ'য়ে গেল। তা যাক, কিন্তু দেশপ্রেমিক গোথলেকে আমি ছুঁয়েছি। গোথলের লক্ষ্য থেকে ভারতবর্ষ আজ কতদূর এগিয়ে গেছে। কিন্তু তবু গোথলের নিঃস্বার্থ দেশপ্রেম আজও আমাদের প্রেরণা জাগায়।

আমরা চার-পাঁচজন ছেলে একসঙ্গে একটা বাড়ী নিয়ে থাকতাম। এই পরিবারের সব দায়িত্ব ছিল আমার ওপর। বিভিন্ন রুচি, বিভিন্ন মতের চার-পাঁচজন লোক একসঙ্গে থাকলে তাদের সকলের সঙ্গে মানিয়ে থাকা খুব সহজ কথা নয়। অস্ত্রদের স্বথস্ববিধার জন্য আমাদের নিজেদের কিছু কিছু স্বথস্ববিধা ত্যাগ করতে হয়। এর থেকে আমাদের অনেক কিছু শিক্ষা লাভও হয়। সেদিন মাত্রাজে ঘেসব বন্ধুদের সঙ্গে আমি ছিলাম তাদের মধ্যে কুষ্টিকৃষ্ণ মেননের নাম বিশেষ করে বলতে চাই। কুষ্টিকৃষ্ণ মেনন খুব ছোটবেলা থেকেই আমার বন্ধু। মাত্রাজে বেশ কিছু দিন একসঙ্গে থাকার পর আমাদের বন্ধুত্ব আরো গাঢ় হল। আমি ইংল্যান্ড থেকে ফিরে আসার আগেই সে মাত্রাজে প্রাকটিশ আরম্ভ করেছিল। বুদ্ধি, সত্যবাদিতা আর কর্তব্যকর্মে অসীম নির্ভার ফলে কৃষ্ণকুষ্টি মেনন মাত্রাজ বারের একজন প্রধান অঙ্গ হয়ে দাঁড়িয়েছিল। বাট বছরেরও বেশী আমি আর কৃষ্ণকুষ্টি মেনন স্নেহদুঃখে একসঙ্গে জড়িয়ে গিয়েছিলাম। সময় আমাদের এ সম্পর্ক ছিন্ন করতে পারে নি।

আমি কয়েকবার মাত্রাজের মালয়ালী ক্লাবের সেক্রেটারী হয়েছিলাম। স্বক্বারাওলু নামে একজন বেরারা সে সময় আমাদের ক্লাবে কাজ করতো। ক্লাবের মেম্বারদের কাছ থেকে যেভাবে সে টাকা আদায় করতো তা দেখার মত। ঐ বেরারাটা না থাকলে আমাদের ক্লাব চলতো না বললেই হয়। সকাল বেলায় টাকার বই হাতে নিয়ে টাকা আদায় করার জন্য সে বেরিয়ে পড়তো। 'এখন সময় নেই, ছুটির দিন এসে'—বললে স্বক্বারাওলু ঠিক সেইদিন এসে উপস্থিত হ'তো। তার সেই মাথা নীচু করে নমস্কার করা আর ব্লু হালি দেখে টাকা না দিয়ে পারা যেত না। স্তার সি. শঙ্করন নায়ার, ডক্টর টি. এম. নায়ার, উকীল নাঘিয়ার, সি. গোপাল মেনন, কে. কল্পাকর মেনন—এরা ছিলেন তখন মাত্রাজের নাম করা মালয়ালী। শঙ্করন নায়ার তাঁর বড় কাজ আর বিরাট ব্যক্তিত্ব নিয়ে অস্ত্রদের চেয়ে অনেক উচুতে ছিলেন। ডক্টর নায়ার খুব ভালো সংগঠক ছিলেন। জাস্টিস পার্টির সংগঠন করা এবং তার নেতৃত্ব দেওয়ার ব্যাপারে যে ধোগ্যতার পরিচয় দিয়েছিলেন তাতে এই পার্টি পরে একটা বড় রাজনৈতিক পার্টি হ'য়ে

দাঁড়িয়েছিল। করুণাকর মেনন একজন নাম করা সম্পাদক ছিলেন। বেশ কিছুদিন ‘হিন্দু’ পত্রিকার সম্পাদকীয় বিভাগ দেখার পর তিনি ‘ইন্ডিয়ান পেট্রিয়ার্ট’ বলে একটা দৈনিক পত্রিকা বার করেন। এ কাগজটা অবশ্য বেশী দিন চলেনি। করুণাকর মেনন মাদ্রাজের সাংস্কৃতিক আর সামাজিক জীবনেও অনেক অংশ গ্রহণ করেছিলেন।

বি. এ. পরীক্ষা পাশের টেলিগ্রাম পেয়ে আমি খুব খুশী হয়েছিলাম, কিন্তু তার চেয়ে বেশী খুশী হয়েছিলেন আমার বাবা। বি. এ. পাশের পর আমি কি করবো তাই নিয়ে দীর্ঘ অলসাকলসনা চলল। বাবার অনেক বন্ধু তাঁকে উপদেশ দিলেন ছেলেকে সরকারী কাজে ঢুকিয়ে দিতে। আমার কিন্তু সরকারী কাজ একেবারেই পছন্দ ছিল না। আমার ইংল্যান্ডে গিয়ে ব্যারিষ্টারী পড়ার ইচ্ছে ছিল। আমাকে বিলেত পাঠানোর মত পরস্যা বাবার আছে কিনা আমার জানা ছিল না। সে সময়ে সংসারে এমন কতকগুলো ঘটনা ঘটেছিল যাতে বাবাকে .খুব অর্থনৈতিক সমস্যার সম্মুখীন হ’তে হয়েছিল। কিন্তু যে করেই হোক আমার আগ্রহ মিটাবেন বলে বাবা ঠিক করলেন। এর জন্তে তাঁকে যে ত্যাগ স্বীকার করতে হ’য়েছিল সে কথা ভেবে সেই মহান পিতৃহৃদয়ের কাছে আমি আর একবার মাথা নীচু করছি। অনেক পিতা তাঁদের সন্তানদের জন্ত যে ত্যাগ আর কষ্ট স্বীকার করেছেন তা ভাবলে আমাদের হৃদয় ভক্তি আর শ্রদ্ধার পরিপূর্ণ হ’য়ে যায়। সন্তানদের জন্ত সর্বস্ব অর্পণ করা পিতারা যখন তাঁদের বৃদ্ধ বয়সে সন্তানদের কাছ থেকে আশ্রয় পান তখন মাহুয যে কত হীন কত নীচু, এ কথা ভেবে দুঃখের সীমা থাকে না।

আমার বিলেত যাওয়াটা আমার ছোট্ট গ্রামটির কাছে একটা বিরাট ব্যাপার হ’য়ে দাঁড়িয়েছিল। আমি বাড়ী থেকে যাত্রা করার পর বিরাট এক জনতা বেশ কিছু দূর আমার পেছন পেছন এলো। ওলাভাকোট স্টেশন থেকে গাড়ী চলতে শুরু করলে আমার বাবা আর চোখের জল চেপে রাখতে পারলেন না। বাবার সঙ্গে সেই-ই যে আমার শেষ দেখা এ কথা আমি ভাবতেই পারিনি। ১৯১২ সালের আগস্ট মাসে আমি ইংল্যান্ডে পৌঁছোলাম।

বিলেতের খবর মাঝে মাঝে তাঁর কাগজে পাঠানোর জন্তে কালিকটের ‘মনোরমা’ দৈনিক পত্রের সম্পাদক কুঞ্জীকৃষ্ণ মেনন আমাকে বলেছিলেন। তাঁর কথামত ‘বিলাতের খবর’ লেখা শুরু করি। সেই লেখাগুলো একসঙ্গে করে ‘বিলাতের খবর’ বলে একটা বই বার করি। এই লেখার সময় কেবলের নানা লোকের সঙ্গে পরিচিত হবার সুযোগ করে দেবার জন্তে ‘মনোরমা’ কাগজ ও তার তখনকার সম্পাদকের কাছে আমার আন্তরিক ধন্যবাদ আমি এখানে জানিয়ে রাখছি।

চার ইউরোপে

কলম্বো থেকে যে জাহাজে আমি লগুনে যাবার জন্ত চড়ি, সেটা অস্ট্রেলিয়া থেকে লগুনে যাচ্ছিল। এই জাহাজের কর্মচারীরা বেশীর ভাগই সাদা চামড়ার লোক ছিল। এতদিন সাদা চামড়ার লোকেদের বড় বড় কাজ করতেই দেখেছি। এখন তাদের চাকরবাকর হিসেবে দেখে আমার খুব অদ্ভুত লাগলো। নতুন আবহাওয়ার সঙ্গে পাশ খাওয়াতে বেশ কিছুদিন কাটলো। এর মধ্যে সাতদিন সমুদ্র ব্যাধিতে খুব ভুগলাম। বমি আর মাথাধরা এই রোগের প্রধান লক্ষণ। বিলেত না গেলেই হ'ত এরকম একটা ভাবনা আমার মনে কয়েকবার উদয় হয়েছিল। স্বরেজ খাল না পৌঁছোনো অবধি আমার শরীর খুবই অস্থির ছিল। মার্শেলিসে পৌঁছে ট্রেনে করে লগুনে গেলাম। লগুনের ভিক্টোরিয়া ষ্টেশনে আমার এক বন্ধু আমার জন্ত অপেক্ষা করছিল। তার সঙ্গে গন্তব্যস্থলে গেলাম।

লগুনের সব কিছু ঘুরে দেখতে দেখতে বেশ কয়েকদিন কেটে গেল, ঐ বৃহৎ শহরের পরিচ্ছন্নতা, তার সৌন্দর্য, যানবাহনগুলির চলাচল। সেগুলিকে নিয়ন্ত্রণ করার ব্যবস্থা, লোকেদের সম্ব্যমপূর্ণ ব্যবহার, অপরকে সাহায্য করার মনোভাব, পুলিশদের কর্ম তৎপরতা, সাধারণ লোকের ভদ্র ব্যবহার দেখে আমি সত্যিই অভিভূত হয়ে গেলাম। তাদের ওপর একরকম স্নেহের আকর্ষণও আমি অনুভব করলাম। ভারতে ইংরেজদের যে ব্যবহার দেখেছিলাম, তার থেকে সম্পূর্ণ আলাদা এখানকার ইংরেজদের ব্যবহার। গর্ব আর তাক্কিল্যের পরিবর্তে দেখলাম নম্রতা আর শিষ্টতা। ইংরেজদের কর্মকুশলতা, জীবনকে উপভোগ করার আগ্রহ আমাদের অবাঁক করে দিচ্ছে। পরস্পরকে সাহায্য করার যে মনোভাব আমি সেখানে দেখেছিলাম, তার থেকে অনেক শিক্ষা লাভ করেছিলাম। এদের এই সব গুণের কিছু কিছুও যদি আমাদের দেশের লোকেদের পেত —এ চিন্তা আমার মনে প্রায়ই উদয় হতো।

সর্বগুণসম্বিত কোন লোক বা দেশ এ পৃথিবীতে দেখা যায় না। অজ্ঞদের ভালো গুণগুলি নেওয়া আর দোষগুলি পরিহার করার চেষ্টা করলে আমাদের চরিত্রের বিকাশ হয়। ইংরেজদের মধ্যে নানা গুণ আছে যা আমাদের দেশের লোকেদের অনুকরণ করা উচিত বলে আমার মনে হয়েছিল। আমার এই মনোভাবের আশেও কোনো পরিবর্তন হয়নি।

লগুনে আমি একটি ছোট্ট ইংরেজ পরিবারের সঙ্গে বাস করতাম। এই পরিবারে একজন স্ত্রীলোক এবং তিনটি বাচ্চা ছিল। আমি আর আমার বন্ধু এখানে ‘পেরিং গেস্ট’ হিসেবে একটা ঘর নিয়ে থাকতাম। এই মহিলাটি কি ভাবে তাঁর গৃহকর্ম করতেন তা দেখে শেখা উচিত। সকালবেলা উঠে বাড়ী ঘরদোর পরিষ্কার করে, আমাদের সকলের খাবার তৈরী করে, খাইয়ে দাইয়ে তিনি বাজারহাট করতে বেরিয়ে যেতেন। তার আগে বাচ্চাদের খাইয়ে দাইয়ে তাদের সঙ্গে দুপুরের খাবার পাঠিয়ে তাদের স্কুলে পাঠিয়ে দিতেন। আমরা বাইরে গেলে পর আমাদের ঘরগুলো ঝাঁটপাট দিয়ে, জানলা-দরজা সমস্ত কিছু মুছে পরিষ্কার করতেন। একদিনও এ কাজে বাদ পড়ত না। সন্ধ্যাবেলায় আমরা বাড়ীতে ফেরার সময় দেখতাম মহিলাটি আমাদের জন্ত চা তৈরী করে অপেক্ষা করছেন। রাতের খাবারের জন্ত বিশেষ কিছু তৈরী করতে হবে কিনা জেনে নিয়ে তারপর রাঁধতে যেতেন। সময় পেলে বই বা কাগজ পড়তেন। একটা কাজও ভদ্রমহিলা ফেলে রাখতেন না। খুব যে তাড়াহুড়ো করতেন তাও নয়। প্রত্যেকটা কাজের একটা নির্দিষ্ট সময় ছিল। সেই সময় সেই কাজ করতেন।

ছ’বছর এই বাড়ীতে আমি ছিলাম। দেশে ফেরার সময় নিজের পরিবার ছেড়ে যাওয়ার মতো কষ্ট আমার হয়েছিল। শুধু রক্তের সম্পর্ক থাকলেই যে আত্মীয়তা গ’ড়ে ওঠে তা নয়। যদি একজন মানুষের স্বভাবটি হাসিখুশী হয়, যদি অস্ত্রের স্ত্রুদুঃখে ভাগ নেবার জন্ত সে এগিয়ে যায় তাহলে তার সঙ্গে আত্মীয়তা গ’ড়ে উঠতে সময় লাগে না। কেউ কেউ তাদের ব্যবহারে অন্তদের আকৃষ্ট করে। আবার কেউ কেউ তাদের ব্যবহার দিয়ে অন্তদের ঘৃণা লাভ করে।

বুটেনের সব জায়গায়ই অপরিমিত ব্যক্তি স্বাধীনতা দেখতে পাওয়া যায়। রবিবার আমি আর আমার বন্ধু লগুনে হাইড পার্কে অনেকক্ষণ ধরে বেড়াইতাম। সেখানে নানারকম বক্তৃতা আমরা শুনতাম। এই সব বক্তৃতার বিষয়বস্তু ছিল নানারকম। এই বক্তৃতায় তাদের মতের স্বাধীনতা আর তা শোনার জন্ত লোকের ভীড় দেখে আমরা বিদেশীরা খুব আশ্চর্য বোধ করতাম। ইংরেজদের জ্ঞানার্জন স্পৃহা, তাদের ধৈর্য, সহিষ্ণুতা, ইংল্যান্ডের নির্ভর অন্তরীক্ষ আমাদের মতো পরাধীন জাতির মনে সত্যিই উন্মেষ আর প্রেরণা যোগাত।

ইংল্যান্ডের অবস্থা আর সেখানকার অপূর্ব ব্যবস্থার বিষয় বতাই জানতে পারলাম ততই আমার দেশের কথা ভেবে আমার খুব লজ্জা আর কষ্ট হতো। তারতবর্ষ পরাধীন এই বাস্তব সত্য তোলা খুব কঠিন ছিল। আমি স্বাধীন ভারতের নাগরিকই নই, ব্রিটিশ সম্রাটের প্রজা, এই চিন্তা সব সময় আমার মনে কাঁটার মতো বিধতো।

আমি যে বাড়ীতে থাকতাম, সেই বাড়ীর একটি মেয়ে একদিন আমাকে বলল—“কাল আমাদের শিক্ষক আমাদের ভারতবর্ষের কথা বলছিলেন। ভারতবাসীদের তাদের নিজেদের রাজ্যাশাসন করবার ক্ষমতা নেই। তারা নিজেদের মধ্যে বগড়া করে দেশে অশান্তি আনছে। তাই তাদের হ’য়ে আমরা রাজ্যাশাসন করছি। আমরা চিরদিন ভারত শাসন করবো।”

এই শিক্ষয়িত্রী যা বলেছেন তা কি ঠিক নয়? আমাদের নিজেদের মধ্যে এই বিভেদ কি আমাদের অস্ত্রের অধীন করেনি? এই অবস্থা থেকে ভারতকে উদ্ধার করার পথ কি? আমরা ছাত্রেরা এই নিয়ে অনেক আলোচনা করতাম।

অন্যান্য দেশের স্বাধীনতা সংগ্রামের ইতিহাস জানার আমার আগ্রহ হল। ম্যাটসিনি, গ্যারিবল্দি, জর্জ ওয়াশিংটন, রানী লক্ষ্মীবান্ধ প্রভৃতি দেশপ্রেমিকদের জীবনী পড়ার আগ্রহ আমার বাড়তে লাগলো। পড়া ছাড়াও দেশের স্বাধীনতার জন্য সক্রিয় অংশ গ্রহণ করার ইচ্ছেও আমার মনে জেগে উঠতে লাগলো। জনজীবনে অংশগ্রহণ করা ছিল আমার আকাঙ্ক্ষা। এর জন্তে যে পরিশীলনের দরকার তা ইংল্যান্ডে থাকার সময়ে নেবো এই ইচ্ছে আমার ছিল। সেখানকার কয়েকটি প্রতিষ্ঠানের কাজকর্ম দেখে শেখার আগ্রহ আমার বাড়তে লাগলো। “লণ্ডন স্কুল অফ ইকনমিক্স” এই শিক্ষায়তনে যোগ দিয়ে অনেক দিন পড়াশুনো করেছিলাম। অনেকবার বিলেতের পার্লামেন্টে গিয়ে সেখানকার ভর্কবিতর্কও শুনেছি।

বাবার খুবই ইচ্ছে ছিল যে আমি কোন সরকারী পদ গ্রহণ করি। কয়েকটা চিঠিতে বাবা তাঁর এ ইচ্ছার কথা আমাকে জানিয়েছিলেন। ব্রিটিশ গভর্নমেন্টের ওপর বাবার খুব ভক্তি ছিল। তাদের শাসন ব্যবস্থার তাঁর সম্পূর্ণ আস্থা ছিল।

আমার লগনে থাকাকালীন রবীন্দ্রনাথ ঠাকুর, গোপালকৃষ্ণ গোখলে, লালু লাজপত রায়, মুহম্মদ আলি জিন্না, সরোজিনী নাইডু, স্তার সি. শররণ নায়ায়, অ্যানি বেসান্ট প্রভৃতি বিখ্যাত ব্যক্তিরা সে সময় লগনে এসেছিলেন। তাঁদের অন্ত্র আহুত প্রত্যেকটি সভার আমি যোগ দিয়েছিলাম। এই সব দেশপ্রেমিক নেতাদের দেখবার, তাঁদের কাছে যাবার খুব আগ্রহ আমার ছিল। এই সব নেতাদের কয়েকজনের সঙ্গে আমি দেখা করেছিলাম। তাঁদের কোনো কাজ করে দিতে পারলে আমি অত্যন্ত গর্ববোধ করতাম। আমার অপরিণত বুদ্ধি দিয়ে যেসব মতামত আমি প্রকাশ করেছিলাম তা শুনে তাঁরা হয়তো মনে মনে হেসেছিলেন। তাঁদের সঙ্গে কি সব বোকার মত কথাবার্তা বলেছিলাম তা আমার পরে মনে হয়েছে। তবুও এই সব বিখ্যাত ব্যক্তিদের সঙ্গে আমি যে কথা বলতে পেরেছি তার জন্য আমি খুব গর্ববোধ করতাম।

ইংল্যান্ডের এক গ্রামে এক কৃষকের বাড়ী থাকার সময় আমার বাবার মৃত্যুর টেলিগ্রাম পাই। বাবা অসুস্থ ছিলেন সে কথা আমি জানতাম। তাই বলে, যে তিনি এত তড়াতাড়ি আমাদের ছেড়ে যাবেন একথা ভাবতে পারিনি। বাবা চেয়েছিলেন যে আমি ব্যারিষ্টার হয়ে বাড়ী ফিরি। সেই ব্যারিষ্টার হ'য়ে পিতৃহীন বাড়ীতে আমি যাবো একথা যেন আমি ভাবতেও পারছিলাম না।

ইংরেজ কৃষকটি এবং তার স্ত্রী আমাকে অনেক সাঙ্ঘনা দেবার চেষ্টা করলো। নির্জন আরগায় একলা একলা বসে বাবার চিন্তা করে আমি অনেক সময় কাটাইলাম। কঠিন দুঃখের সম্মুখীন হবার সময় যদি নিজের লোকজন কাছে না থাকে তাহ'লে সেই দুঃখভার যে কতখানি দুঃসহ হয়ে ওঠে তা বলে শেষ করা যায় না।

আধ্যাত্মিক বাপায়ে আমার ঠিকমতো বিশ্বাস না থাকায় আমি খুব অস্থবিশাক্ষ পড়লাম। ছোটবেলা থেকে মনের মধ্যে যে সব সংস্কার, বিশ্বাস শিকড় গেড়েছিল আজ তা সব অর্থশূন্য বলে মনে হ'লো। কিন্তু তাদের আরগায় অল্প কিছু খুঁজেও পেলাম না। অনেক বই আমি পড়ে দেখলাম, অনেক বক্তৃতাও শুনলাম। তবু আমার মনে দৃঢ় কোন বিশ্বাস গ'ড়ে উঠলো না। টমাস অ্যাকুইনাসের 'ক্রিস্টের অমূল্যত্ব', এপিষ্টোলাসের বক্তৃতাগুলি, মার্কাস অরেলিয়াসের 'আত্মচিন্তা' এডউইন্স আর্নল্ডের 'প্রাচ্যদীপ' বইগুলি আমার খুবই প্রিয়। ক্রিস্ট এবং বুদ্ধের জীবনী বারবার পড়েও আমার তৃপ্তি হয় না, তেমনি পঞ্চতন্ত্র আর রামায়ণও। বাইবেলের কোনো কোনো অংশ আমার মুখস্থ। তবু মৃত্যুর পর কি হয়, এ সম্বন্ধে আমার বিশ্বাস কি কেউ জিজ্ঞেস করলে আমার পক্ষে ঠিকমত জবাব দেওয়া মুশকিল হতো।

আমার নিজের বিশ্বাসাহুয়ারী জীবনকে এগিয়ে নিয়ে যাবার আগ্রহ আমার ছিল। কিন্তু এর জন্তে যে সাহসের দরকার, সে সাহস আমার ছিল না। এমনি ভাবে কাজ করবো বলে ঠিক করে তেমনি ভাবে আরম্ভও করতাম। কিন্তু শেষ পর্যন্ত এগিয়ে তাকে নিয়ে বাবার চারিত্রিক দৃঢ়তা আমার ছিল না। বাবা আমাকে একবার বলেছিলেন, খরচের একটা হিসেব রাখতে। কয়েক দিন খরচের হিসেব রাখলাম। তারপর আর রাখতে পারলাম না। দু'তিন মাস পরে আবার আরম্ভ করলাম। আগের মতোই তার শেষ হলো। তেমনি ভাবে আমার দৈনন্দিন কাজকর্মও। কি করবো না করবো তা ভেবে রাখতাম, কিন্তু তা করতে পারতাম না। যা করা সম্ভব নয় তা করা, যা করা উচিত তা ফেলে রাখা, এসব যে ঠিক নয় আমি তা ভালো করেই জানতাম। কিন্তু তবু যে করতে পারিনি তার কারণ, চারিত্রিক দৃঢ়তার অভাব। এর জন্য আমি খুব মনোকাষ্ট পেয়েছি।

১৯১৪ সালের জুলাই মাসে এক বন্ধুর সঙ্গে ইউরোপের কয়েকটি রাজ্য দেখার জন্য বেরোলাম। আমরা যখন জার্মানীর রাজধানী বার্লিনে ছিলাম তখন প্রথম মহাযুদ্ধ শুরু হয়। যুদ্ধ আরম্ভ হবার পর দু'মাস আমরা স্ট্রাইজারল্যাণ্ডে ছিলাম। লণ্ডনে ফেরার তখন উপায় ছিল না। ইন্টারলাকান নামে একটা বোর্ডিং হাউসে আমরা ছিলাম। ফিরে যাবার সুযোগ পাবার সঙ্গে সঙ্গে আমরা লণ্ডন ফিরে গেলাম। সেই সময়কার সব অভিজ্ঞতা আমি আমার 'বিলাতের খবর' বইটিতে সব বিশদভাবে বলেছি বলে তার আর পুনরাবৃত্তি এখানে করতে চাই না। তখনকার শুধু একটি ঘটনার কথা এখানে বলবো।

ইন্টারলাকানে শৌছোনোর পর আমাদের হাতে টাকা পরসাকিছুই ছিল না। যুদ্ধ আরম্ভ হওয়ার পর আমাদের হাতের নোটগুলো পর্যন্ত ভাঙাবার উপায় ছিল না। শুধু আমাদের নয়, অন্যান্য ভ্রমণকারীদের অবস্থাও এই একই ছিল। টাকা দেবার মত ক্ষমতা আমাদের তখন নেই জেনেই বোর্ডিং-এর মালিক আমাদের সেখানে থাকতে দিয়েছিলেন। কিছুদিন সেখানে থাকার পর এক ইংরেজ ভ্রমণলোক বলেন যে ইন্টারলাকানে যে সব বৃষ্টিগ্রস্ত বাস করছে তাদের দরকার মত টাকা লণ্ডন থেকে গভর্নমেন্ট পাঠিয়ে দিয়েছে। আমাদের যদি টাকার দরকার থাকে তাহলে এর জন্তে গঠিত এক বিশেষ কমিটির কাজে জানালে আমরা সাহায্য পেতে পারি। ব্রিটিশ প্রজাদের সুযোগসুবিধা চাইবার অধিকার আমাদের ছিল। আমি আর আমার বন্ধু এই কমিটির কাছে গিয়ে লণ্ডন না শৌছোনো অবধি এখানে থাকার জন্য আমাদের কত টাকার দরকার তার একটা হিসেব তাদের জানালাম। তা শুনে কমিটির একজন সদস্য মন্তব্য করলেন যে টাকাপরসার জন্তে আমাদের এখন এত তাড়া নেই! ব্রিটিশদের টাকা দেওয়া হচ্ছে শুনতে পেয়ে আমরাও নাকি টাকার দাবী করছি। তাই আমাদের টাকা দেওয়াটা এখন সম্ভব নয়। এই লোকটি তখন ভারতে একজন বড় ব্রিটিশ অফিসার ছিলেন। এই লোকটি এই সময় স্ট্রাইজারল্যাণ্ডে এসেছিলেন এবং তখন ফিরে যাবার উপায় ছিল না বলে এখানেই রয়ে গিয়েছিলেন। সে সময়ে ইন্টারলাকানে প্রায় তিনশ' ব্রিটিশ প্রজা বাস করছিল। তাদের মধ্যে আমরা দু'জন মাত্র ভারতীয় ছিলাম।

এই লোকটি এমনভাবে কথা বলার পর—“আমরা ভিক্ষে চাওয়ার জন্তে এখানে আসিনি। কমিটির নিয়ন্ত্রণেই আমরা এখানে এসেছি। আমাদের দেশ এবং আমাদের সম্বন্ধে কমিটির একজন সদস্য নিম্নরূপ কথাবার্তা বলেছেন এবং এই কথাবার্তার কেউ প্রতিবাদ করেনি বলে এই কমিটির সাহায্যের আমাদের দরকার নেই” বলে আমরা

সেখান থেকে চলে এলাম। সেদিনই আমরা কমিটির সেক্রেটারীকে সব জানিয়ে একটা চিঠি দিলাম। চিঠির শেষে লিখলাম—‘ওপরে লিখিত বিবরণীসমূহ আপনাদের কমিটির কাছ থেকে কোনো সাহায্য নেওয়া আমাদের এবং আমাদের দেশের পক্ষে অপমানকর বলে আমরা মনে করি। আশা করি এই ব্যাপার আপনাদের কমিটিকে জানাবেন।’

কমিটির সেক্রেটারীর কাছ থেকে পরের দিন এই চিঠির উত্তর পেলাম। আগের দিনের দুর্ভাগ্যজনক ঘটনার জন্ত কমিটি খুবই দুঃখিত। দায়িত্বজ্ঞানহীন একজন সদস্য এই মত প্রকাশ করেছে বলে তা কমিটির মত বলে আমরা যেন না ভাবি। টাকা পরসার বা দরকার তা জানালে যত তাড়াতাড়ি সম্ভব তাঁরা তা পাঠিয়ে দেবেন—এই ছিল চিঠির সংকিষ্টসার। টাকার দরকার নেই বলে আমরা জানালাম! লগুনে ফিরে যাবার পাশ মাত্র আমরা নিলাম।

এই ঘটনার বোর্ডিং-এর মালিক আমাদের অভিনন্দন জানালেন। তিনি বলেন যে লগুনে ফিরে গিয়ে তাঁর টাকাটা পাঠিয়ে দিলেই হবে। কিছু দিন পরে লগুনে ফিরে গিয়ে তাঁর প্রাপ্য টাকাটা আমরা পাঠিয়ে দিলাম।

পরীক্ষার পাশ করে ব্যারিষ্টার হয়ে দেশে ফিরে যাবার সময় আমার সবচেয়ে প্রিয় বন্ধু নারায়ণন মেননের কাছ থেকে বিদায় নিতে আমার খুব কষ্ট হয়েছিল। তিনি তখন লগুন বিশ্ববিদ্যালয়ের ডক্টরেট পাবার জন্ত ডাক্তারী পড়ছিলেন। তাঁর পড়াশুনো শেষ হ’তে আরো দু’বছর। কলেজের সময় ছাড়া বাকী সব সময় আমরা দু’জন একসঙ্গে কাটাতাম। যতদিন না তিনি দেশে কেয়েন, ততদিন তাঁর সঙ্গে দেখা হবে না এই ভেবে আমার খুব খারাপ লাগছিল। আমরা যখন পরস্পরের কাছ থেকে বিদায় নিই তখন এই বিদায়ই যে শেষ বিদায় তা তখন আমি ভাবতেই পারি নি। দু’বছরের আগেই তিনি লগুনে মারা যান। সোম্বা, শান্ত, সং, দয়ালু ঐ যুবকটি যে একদিন খুব ভালো ডাক্তার হতেন সে বিষয়ে কোন সন্দেহই ছিল না। তবে বিধির বিধান বোধহয় অন্তরকম ছিল।

১৯১২ সালের জুলাই মাসে আমি দেশে ফিরলাম। বৃদ্ধ তখনো চলছিল। শত্রুর ভয়ে জাহাজে যাওয়া সে সময় খুবই বিপজ্জনক ছিল। তাই জাহাজ যখন নিরাপদে বোম্বাই বন্দরে এসে পৌঁছোলো তখন মরণের হাত থেকে রক্ষা পেয়ে আমরা হাঁফ ছেড়ে বাঁচলাম।

দেশে যখন ফিরলাম তখন বাজিৰাজনা, হাতী ইত্যাদি নিয়ে আমাদের অভ্যর্থনা জানাবার জন্ত এক বিরাট জনতার ভীড় দেখে আমার খুব মজা লাগলো। আমাদের

গ্রাম থেকে সে সময় আমি ছাড়া আর কেউ বিলাত যায় নি। তাই আমাকে অভ্যর্থনা করার জন্য সারা গ্রাম জড়ো হ'য়েছিল।

তিন বছর পরে আমি দেশে ফিরে এলাম। এই সময়ের মধ্যে আমার স্নেহময় পিতা আর এক বোনও মারা যায়। এই বিরাট পরিবারের সব ভার আমি আমার বৃদ্ধা মাতার ক্ষীণ হাত থেকে আমার হাতে তুলে নিলাম।

প্র্যাকটিশ আর জনজীবন

১৯১৫ সালের আগস্ট মাসে আমি কালিকটে প্র্যাকটিশ্ আরম্ভ করি। টেবিল, চেয়ার, আলমারী, বই ইত্যাদি সাজিয়ে মক্কেলদের জন্তে অপেক্ষা করতে করতে আমি অধৈর্য হ'য়ে গেলাম। আমার কয়েকজন বিজ্ঞ বন্ধুবান্ধব বল্লেন যে সবচেয়ে প্রথমে দরকার একজন অভিজ্ঞ ক্লার্ক। ভালো একজন ক্লার্ক না পাওয়া অবধি কোর্টের ব্যাপারে অনভিজ্ঞ আমাকে সাহায্য করার জন্ত একজন সবজ্ঞান্তা গোছের লোক আমার সঙ্গে কিছুদিন কালিকটে এসে রইলো। এই লোকটির নাকি অনেক বড় বড় উকীলের সঙ্গে চেনা পরিচয় ছিল। এই সব উকীলেরা তাদের কেসগুলোকে কেমন ভাবে চালায় তার অনেক গল্প সে আমার করেছিল। বেশ মজার মজার গল্প সব। একজন উকীল নাকি কেসের দরকার মত প্রমাণ তৈরী করতেন। মাস্টার যেমন ছাত্রদের পড়ায়, তিনিও তেমনি তাঁর সাক্ষীদের শিখিয়ে পড়িয়ে রাখতেন। অপর পক্ষের উকীলের বাদানুবাদের সময় জঙ্গ কিছু লিখতে আরম্ভ করলে—“অমনি ভাবে লেখা চলবে না”—বলে জঙ্গকে এক উকীল হুকুম করেছিল সে গল্পও এই লোকটি করেছিল। উকীলের কথা না শুনে জঙ্গ লিখে চললে উকীল জঙ্গের হাত পৰ্বন্ত চেপে ধরেছিলেন। লোকটির এই সব গল্প আমি বিশ্বাস করেছি ব'লে সে হয়তো বিশ্বাস করেছিল।

আমি তাকে জিজ্ঞেস করলাম—মিথো প্রমাণ তৈরী করাটা কি উচিত? তাতে সে উত্তর দিল—কোর্ট সত্যের জন্তে নয়, জ্ঞায়ের জন্তে। কেসে জেতা'ব জন্তেই মক্কেলরা উকীলের সাহায্য নেয়। সত্যি হোক, মিথো হোক, উকীলদের যে ক'রেই হোক, কার্ভসিদ্ধি করতে হবে। সব সময় সত্যি কথা বলতে হ'লে উকীলের কাজে কে বাবে?

যে ক'রেই হোক আমাকে একটা কেস ষোগাড় করে দিতে হবে বলে লোকটি ঠিক করলো। আমি কেমনভাবে কেসটা চালাই তা দেখায়ও তার আগ্রহ ছিল। সকালে স্নান করে, কফি খেয়ে আমি অফিসে গিয়ে বসতাম। দশটার সময় খেয়েদেয়ে কোর্টে যেতাম। এমনি ভাবে দু'মাস কেটে গেল।

একদিন সকালে যখন আমি স্নান করছিলাম তখন লোকটি আমাকে তান্ডাতাড়ি স্নান ক'রে বাইরে আসতে বলল। কয়েকজন মক্কেল এসেছে ব'লে হুখবরটি আমাকে জানালো। আমার স্নান শেষ হ'য়ে গিয়েছিল। তান্ডাতাড়ি কাপড়জামা পরে পাঁচ

মিনিটের মধ্যে অফিসে গিয়ে কাউকেই দেখতে পেলাম না। ‘মক্কেল কোথায়?’ জিজ্ঞেস করার পর ‘তারা অল্প উকীলের বাড়ীর খোঁজ করতে এখানে এসেছিল’—এই উত্তর পেলাম। লগুনে আমি যখন এক ব্যারিস্টারের অধীনে শিকানিবাসী করছিলাম তখন সেই ভদ্রলোক একটা গল্প শুনিয়েছিলেন। তার কথা এখন মনে হলো।

প্র্যাকটিশ আরম্ভ করার বেশ কিছুদিন পরও কোনো কেস হাতে না পাওয়া এক ব্যারিস্টারের গল্প। এই ভদ্রলোক রোজ অফিসে যেতেন। কিছুক্ষণ সেখানে ব’সে কোর্টে যেতেন। কোর্টে যাবার আগে তিনি ক্লার্ককে বলে যেতেন যে যদি কোন মক্কেল আসে তা’হলে তাঁকে যেন কোর্টে খবর দেওয়া হয়। এমনি ভাবে বেশ কিছু কাল কেটে গেল, মক্কেলের কোনো পাত্তা নেই। একদিন ব্যারিস্টার কোর্টে বসে আছেন, সেই সময় তাঁর কেরানীটি ছুটে এসে খবর দিল যে একজন মক্কেল এসেছে। ব্যারিস্টারটি শুনে খুব খুশী হয়ে ক্লার্ককে বলেন,—শীগগির গিয়ে তাঁকে বসাও, আমি এক্ষুনি আসছি।

ক্লার্ক বলল—মক্কেল পালাতে পারবে না, আমি দরজার চাবি দিয়ে এসেছি।

তাঁর কেরানীটির তৎপরতায় খুশী হয়ে ব্যারিস্টার অফিসে এসে দরজা খুলে দেখেন ঘরেতে কেউ নেই। পেছনের দরজা বন্ধ করতে কেরানীটি ভুলে গিয়েছিল।

তা সে বাই হোক, বেশী দেবী না করে এই লোকটি একটা কেস আমার জন্তে নিয়ে এল। তখন আমি একটি ক্লার্কও পেয়েছি। কেসটি ছিল হেরিডেটারী পার্টিকিপেটের জন্ত একটা আরজি। লোকটি আমার উপদেশ দিল—‘সায়েরের কোর্টে কেস উঠেছে। বেশ ভালো করে লক্ষ্য রাখবেন।’ এইটেই আমার প্রথম কেস। পাঁচ টাকা ফী পেলাম। পিটিশনটা খুব ভালো করে পড়লাম, আইনকাহ্নও সব দেখলাম। ‘প্রথম কেস, যেন জিত্তি’—মনে মনে এই প্রার্থনা ক’রে কোর্টে গেলাম, তখন জেলা জজ ছিলেন মিঃ জ্যাকসন। আমার কেসের ভাক পড়লো। আমি সব রেকর্ড নিয়ে আইনের বই খুললাম। তার আগেই আরজি অস্বমোদন করে অর্ডার দেওয়া হলো। আমার দাঁড়ানো, বই খোলা ইত্যাদি খুব উৎকর্ষায় সঙ্গে আমার ক্লার্ক আর সেই লোকটি লক্ষ্য করছিল। কিন্তু আমাকে কিছুই বলতে হলো না। এমনি ভাবে আমার প্রথম কেস আমি চালালাম।

কালিকটের বার লাইব্রেরী তখন অনেকটা ক্লাবের মত ছিল। যেসব উকীলদের হাতে বেশী কেস ছিল না তারা এখানে ভাঁড় জমাতো। তারা নানা বিষয়ে গল্পগুজব করতো, আড্ডা মারতো। একটু নিশ্চিন্তে পড়াশুনা করার স্বযোগ এখানে মিলত না। বারা নতুন প্র্যাকটিশ করতে নেমেছে তারা তাদের সরকারী শিকানিবাসীর স্বযোগও

এখানে পেরে না। আজ এই অবস্থার কিছু মাত্র পরিবর্তন হয়েছে কিনা তা আমার সঠিক জানা নেই।

দু'তিনজন উকীল একসঙ্গে প্রাকটিশ করলে বেশ চালানোর খুব সুবিধে হয়, কারণ তাতে একজন আর একজনকে সাহায্য করতে পারে। বিদেশে এই ধরনের চলন থাকলেও আমাদের দেশে এটা দেখা যায় না। যদি এরকম ব্যবস্থার প্রচলন আমাদের দেশে হয়, তা'হলে উকীল এবং মক্কেল দু'জনেরই খুব সুবিধে হয়। আজকেই এই অবস্থার এইরকম একটা ব্যবস্থার পরিকল্পনা করা উচিত বলেই মনে হয়।

কালিকট থেকে তিরুরে একবার একটা কেসের জন্তে আমি গিয়েছিলাম। এখানে আমার এক অদ্ভুত অভিজ্ঞতা হয়েছিল। একদিন সন্ধ্যাবেলায় চার-পাঁচজন লোক অনেকগুলো কাগজের বাগিল এনে আমার বাড়ীতে এসে উপস্থিত। পরদিন তিরুর মুল্লেক কোর্টে একটা কেসে আমার উপস্থিতির জন্ত তারা আমাকে অনুবোধ করতে এসেছে। কেসটা আমি হাতে নিলাম। সব কাগজপত্র দেখার জন্ত আমার তিন ঘণ্টাবও বেশী সময় লাগলো, ফীও ঠিক হলো। ফী আর পথের খরচের টাকা নিয়ে তারা রেলস্টেশনে আমার জন্তে অপেক্ষা করবে বলে বলল। আমি সময়মত স্টেশনে গিয়ে দেখি একজন মাত্র লোক আমার জন্তে অপেক্ষা করছে। গাড়ী ছাড়তে পাঁচ মিনিট বাকী ছিল। ঐ লোকটি আমাকে বলল—“আমার সঙ্গে লোকেরা বাজারে গেছে। তারা অল্প গাড়ীতে আসবে। আমরা এই গাড়ীতে যাঁই চলুন। টাকা ওরা নিয়ে আসবে।” এর পর লোকটা আমার আর তার টিকিট আমাকে দিয়ে কেনালো। আমরা তিরুর পৌঁছোলাম। কি কারণে যেন কেসটাকে কিছুদিনের জন্ত ফেলে রাখা হ'ল। শতকুরী মেনন ছিলেন তখন মুল্লেক। তিনি আমাকে ছোটবেলার থেকেই জানতেন। কেসের দিন ফেলে তিনি দুপুবেলার তাঁর অবসর সময় আমাকে তাঁর নিজস্ব ঘরে ডেকে বসালেন। আমি একজন অল্পবয়সী ব্যারিস্টার, তাই মক্কেলদের সঙ্গে কেমন ভাবে ব্যবহার করতে হবে সে নিয়ে কিছু উপদেশ দিলেন—“যখন বাইরের কোনো কেস হাতে নেবে তখন ফী না নিয়ে কক্ষনো বাড়ীর বাইরে পা দেবে না। মক্কেলরা অনেক সময় ফী না দিয়েই অল্প বয়সী উকীলদের ঠকায়।” তাঁর এই উপদেশ আমার মনে বিঁধে গেল। কালিকটে ফিরে যাবার সময় মক্কেলদের খোঁজ ক'রে কাউকে পেলাম না। এবার থেকে শতকুরী মেননের উপদেশ মতো কাজ করবো ঠিক করে গাঁটের পরশা খরচ ক'রে কালিকটে ফিরে এলাম। এই মক্কেলদের আমি আর পর্বে দেখিনি।

প্রাকটিশ আমি বেশী দিন করিনি। এই অল্প সময়ের মধ্যে আমার যে অভিজ্ঞতা হয় সে সবকিছু এখানে কিছু বলতে চাই। কেস চালাবার সময় কিছু উকীল জজদের সঙ্গে যে

রকম ব্যবহার করে তা আমার খুব খারাপ লেগেছে। কোর্টকে সম্মান দেখানো উচিত। কিন্তু তার জন্ত আত্মসম্মান বিসর্জন দেওয়া উচিত নয়, জজ চেয়ারে বসে আছেন, উকীল বারে দাঁড়িয়ে আছেন। কিন্তু দুজনেই দুজনের কর্তব্য কাজ করছেন। জজের কাউকেই ভয় করার সরকার নেই। উকীলেরও জজকে ভয় করবার দরকার নেই। একজন ভয়ভরহীন উকীলের পক্ষেই তাঁর মজেলের কেস ঠিকমতো চালিয়ে নিয়ে যাওয়া সম্ভব। কেসে হারলেও ক্ষতি নেই কিন্তু তার জন্তে সত্যকে বলি দিলে চলবে না।

জনসাধারণের উপকারের জন্ত উকীলরা অনেক কিছু করতে পারেন। তাঁদের কাজকে শুধুমাত্র পরস্যা উপার্জন করার একমাত্র পথ বলে উকীলদের ভাবা উচিত না। অল্প লোকের ভার লাঘব করে তাদের সুখশান্তি বাড়ানো উকীলদের পক্ষে সম্ভব। অনেক দেশে নিয়ম-সভাগুলোর, সে দেশের শাসন ব্যবস্থার জনপ্রতিষ্ঠানগুলিতে অভিভাবকেরা যে প্রভাব বিস্তার করেন তা রৌতিমত বিস্ময়জনক। দেশের অবস্থা বদলানোর সঙ্গে আমাদের দেশেও অভিভাবকদের দায়িত্ব বেড়ে গেছে। এই দায়িত্ব সূত্রেই পালন করার ক্ষমতা ও মানসিক দৃঢ়তা তাঁদের থাকা উচিত। কেউ কেউ যেমন বলে যে উকীলরা সমাজের পরগাছা তা মোটেই নয়। উকীলরা সমাজের নিয়মকানুন, নীতি, শ্রায়কে রাঁচিয়ে রাখার প্রধান স্তম্ভ।

১৯১৬ সালের আগস্ট মাসে আমি ‘বিলাতের খবর’ বইটি বার করি। এর জন্ত জনসাধারণের কাছ থেকে যে অভূতপূর্ব সাড়া পাই তাতে আমি খুবই আনন্দিত হয়েছিলাম।

বিষমহাযুদ্ধের ফলে ভারতের রাজনৈতিক পরিস্থিতিতে যে সব বিপ্লবাত্মক পরিবর্তন আসতে লাগলো তাতে দেশের রাজনৈতিক আর সামাজিক জীবনে ভাগ নেবার আগ্রহ আমার বাড়তে লাগলো। ছোট ছোট দেশগুলির স্বাধীনতা রক্ষার জন্ত তারা জার্মানীর সঙ্গে যুদ্ধে নেমেছে একথা ব্রিটিশ গভর্নমেন্ট ঘোষণা করলে পর ভারতের মতো একটা বিরাট দেশকে স্বাধীনতা না দেওয়ার অর্থ কি, ভারতবাসীরা জিজ্ঞাসা করলো। ভারত তার নিজের শাসন নিজে করবে এই উদ্দেশ্যে অ্যানি বেসান্টের ‘হোমরুল’ আন্দোলন শুরু হলে পর সারা দেশ একে স্বাগত সম্ভাষণ জানালো। ইংরেজরা যখন একটা বিশ্ব মহাযুদ্ধে জড়িয়ে পড়েছে তখন তাদের সাহায্যের পরিবর্তে ভারতের শাসন ব্যবস্থার পরিবর্তন আনা নিয়ে তাদের বিরুদ্ধ করাটা ঠিক নয় বলে কংগ্রেসের বড় বড় নেতাদের অনেকে বলতে আরম্ভ করলেন। অ্যানি বেসান্টের মত ছিল ঠিক এর উল্টো। তিনি বেশ দৃঢ় ভাবেই বললেন যে ইংরেজরা যখন বিপদের সম্মুখীন তখনই তাদের ভারতবর্ষের কথা বলে আরো ব্যতিব্যস্ত করে তোলা উচিত। ৬৭ বছরের এই বৃদ্ধা এক যুবতীর

উৎসাহ নিয়ে বীর বোদ্ধার মত সময়ে নামলেন। ভারতবর্ষ স্বাধীনতা চায় একথা তিনি জোর গলায় ঘোষণা করলেন। সব কিছু জড়তা আর আলস্য পরিত্যাগ করে হোমরুল আন্দোলনে শক্তি জোগাবার জন্য তিনি জনসাধারণকে আহ্বান জানালেন। দেশের লোক তাঁর এই আহ্বানে সাড়া দিল। স্বাধীনতা সংগ্রামের প্রথম পাঠ এই ভাবেই তারা শিখল। অ্যানি বেসান্টের সম্পাদকীয়কে মাত্রাজ থেকে ‘নিউ ইণ্ডিয়া’ নামে একটা কাগজ এই আন্দোলনের মুখপাত্র হয়ে বেরোলো। দেশের চারিদিকে হোমরুল বা ‘নিজেদের শাসন’ এই শব্দটি ছেয়ে গেল। হোমরুল লীগের শাখা দেশের নানা জায়গায় স্থাপিত হবার সময়ে মালাবারেও স্থাপিত হলো। আমি এই শাখার সেক্রেটারী নির্বাচিত হলাম। এর আগে আমি কংগ্রেস সেক্রেটারীও নির্বাচিত হয়েছিলাম। সংগঠিত ভাবে কংগ্রেসের কাজ এই সময়েই মালাবারে আরম্ভ হয়।

আমি কালিকটে প্র্যাকটিশ আরম্ভ করার কিছু আগে কে. মাধবন নায়ারও প্র্যাকটিশ করার জন্য মাঞ্চেরী থেকে কালিকটে এসেছিলেন। তিনি একজন ভালো উকীল ছিলেন। মালয়ালমে খুব ভালো বক্তৃতাও দিতে পারতেন, কবিতাও লিখতে পারতেন। জনসাধারণের কাজে তার প্রচুর উৎসাহ আর আগ্রহ ছিল। বিকেলবেলা আমরা দুজনে প্রায়ই একসঙ্গে বেড়াতে যেতাম। জনগণের কাজও আমরা দুজনে একসঙ্গে করেছি। আমাদের আর এক বন্ধু ছিলেন। তিনি হচ্ছেন অচ্যুতন উকীল। তখনকার ‘মিতবাদী’ পত্রিকার সম্পাদক কৃষ্ণন উকীলের মতে—“হোমরুল আন্দোলন উঁচু জাতের আন্দোলন, নীচু জাতের লোকেরা এই আন্দোলনে যোগ দিলে তাদের কিছুই লাভ হবে না—” একথার অচ্যুতন উকীল বিশ্বাস করতেন না। তিনি আমাদের সহপ্রবর্তক হিসাবে হোমরুল আন্দোলনকে সাহায্য করে গেছেন। সেই যে জনগণের সেবায় তিনি নেমে ছিলেন, তার থেকে একদিনের জন্যও তিনি বিরত হন নি। সুপ্রসিদ্ধ মাঞ্চেরী রামায়্যার মালাবারের হোমরুল শাখার যেন ভীবন ছিলেন। হাস্তবলিক রামায়্যারের বক্তৃতা, তাঁর ভয়ভরহীন কাজকর্ম, মধুর ব্যবহার মালাবারের হোমরুল আন্দোলনের শক্তি খুবই বাড়িয়ে দিয়েছিল। রামায়্যার ছিলেন অ্যানি বেসান্টের শিষ্য এবং আরাধক। অ্যানি বেসান্টের জন্য তিনি যে কোন ত্যাগ করতে প্রস্তুত ছিলেন।

রাজনৈতিক ক্ষেত্রে না হলেও অন্তর্ভাবে প্রসিদ্ধ কয়েকজন লোকের কথা এখানে বলছি। ডেপুটি কালেকটর ভার্গীস মালাবারের সর্বত্র পরিচিত ছিলেন। ইংরাজী আর মালয়ালমে অতি স্নন্দর বক্তৃতা করতে পারতেন। সং এবং ধর্মপ্রাণ ভার্গীস তাঁর উপরঅলাদের এবং জনসাধারণের বিশ্বাস ও ভালোবাসা অর্জন করেছিলেন। ব্রিটিশ

বিরোধী কোন প্রতিষ্ঠানের সঙ্গে তাঁর যোগ ছিল না। তখনকার অবস্থায় তাঁর এই মনোভাব বোঝা কঠিন নয়। কাজ থেকে অবসর গ্রহণ করার পর কত লোক যে তাঁর উপদেশ আর সাহায্য নেবার জন্য তাঁর কাছে আসত! আমার বাবার বন্ধু ছিলেন ভার্গীস। কালিকটে প্র্যাকটিশ করার সময় তাঁর সঙ্গে বহুবার দেখা করেছি। আমার রাজনৈতিক মতামতে তিনি কষ্ট পেয়েছেন, কিন্তু জীবনে আমার সাফল্য লাভের জন্য তিনি আন্তরিক কামনা করেছেন। সাদা লম্বা কোট, সেই রঙের প্যাণ্ট, বড় পাগড়ী, আর সকলকে মোহিত করা মিষ্টি হাসি নিয়ে ভার্গীস যখন অফিসে আসতেন তখন তাঁকে একবার দেখে কেউ ভুলতে পারত না।

নেটুকাডী ব্যাঙ্কের স্থাপক আঙ্গু নেটুকাডী সে সময় কালিকটের উকীলদের মধ্যে একজন নাম করা উকীল ছিলেন। কাজ থেকে অবসর গ্রহণের পর ব্যাঙ্ক সংগঠনের কাজে তিনি তাঁর সমস্ত সময় ব্যয় করেন। সাদা চামড়ার লোকদের ওপর নেটুকাডীর অদ্ভুত শ্রদ্ধা ছিল। কংগ্রেস বা অন্য কোনো দেশীয় প্রতিষ্ঠানের ওপর তাঁর ভালোবাসা ছিল না। ভারতবাসীরা নিজেদের শাসন নিজেরা করতে পারবে বলে তিনি বিশ্বাস করতেন না। তবে তাঁর কার্যক্ষমতা, ব্যবসায়িক তৎপরতা, সৌজন্যপূর্ণ ব্যবহার ইত্যাদির জন্য তিনি লোকের শ্রদ্ধা আকর্ষণ করেছিলেন। মালয়ালম ভাষার প্রথম উপন্যাসের লেখক বলেও তিনি খ্যাতি অর্জন করেছিলেন।

‘মিতাবাদী’ পত্রিকার সম্পাদক সি. কৃষ্ণনের নামও এখানে করা উচিত। উকীল হলেও ওকালতিতে তিনি বিশেষ মনোযোগ দেন নি। তাঁর সম্প্রদায়ের লোকদের উন্নতির জন্য তিনি তাঁর সমস্ত সময় নিয়োগ করেছেন। তিনি বিশ্বাস করতেন যে তাঁর সম্প্রদায়ের লোকদের অবস্থা পরিবর্তনের আগে যদি ভারতবর্ষ স্বাধীন হয় তা হ’লে সেই স্বাধীনতা উঁচু জাতের লোকদের স্বাধীনতা হবে। নীচু জাতের লোকদের এতে কিছুই লাভ হবে না। রাজনৈতিক ক্ষেত্রে তাঁর সঙ্গে আমার মত বিরোধ থাকলেও জাতের হোঁরাছুঁয়ির ব্যাপারে আমাদের মত বিরোধ ছিল না। কালিকটের তালীর (জয়গার নাম) নীচু জাতের লোকদের যাওয়া নিষিদ্ধ করে একটা বোর্ড টাঙানো ছিল। এই রকম একটা কুপ্রথাকে উঠিয়ে দিতে হবে বলে আমরা ঠিক করলাম। একদিন রামায়্যার, মাধবন নায়ার, সি. কৃষ্ণন আর আমি ঐ রাস্তা দিয়ে গেলাম। আমাদের যাবার সময় কেউ বাধা দেবে না এটা আমরা জানতাম। কৃষ্ণনকে কেউ যদি বাধা দেয় সেই ভেবে আমরা তাঁর সঙ্গে গিয়েছিলাম। সেদিন ধারণা কিছু ঘটলো না। কিন্তু এমনি ভাবে নিয়ম ভাঙার ব্যাপার কৃষ্ণনের ভালো লাগে নি।

সাদা প্যাণ্ট, কালো কোট, পাগড়ী আর কপালে চন্দনের ফোঁটা লাগিয়ে কৃষ্ণন

কালিকট বার এ্যাসোসিয়েশনের ঘরে এলেই তাঁর সম্ভ্রদারের সমস্তার কথা না বলে থাকতে পারতেন না। তিনি বলতেন, জাতির অস্পৃশ্যতা দূর না হলে স্বাধীনতা পাওয়া সম্ভব নয়। এই নিয়ে তাঁর বাদপ্রতিবাদ হ'লেও কৃষ্ণন কখনো রেগে যেতেন না। তাঁর মুখে সব সময় একটা মুহু হাসি লেগেই থাকতো। আজ যদি তিনি বেঁচে থাকতেন তাহ'লে তাঁর মতামত কি হ'ত তা ভাবতেও মজা লাগে।

1916 সালের এপ্রিল মাসে পালঘাটে প্রথম মালাবার জেলা হোমরুল সংগঠনের কনফারেন্স আহূত হয়। অ্যানি বেসান্ট এর সভানেত্রী ছিলেন। এই সভায় হোমরুলের প্রস্তাব এনে আমি বক্তৃতা দিই। এরকমভাবে সরকার বিরোধী বক্তৃতা দিলে আমি সরকারের কোপ নজরে পড়বো, আর তাতে আমার কাজকর্মের অসুবিধে হবে বলে অনেকে আমাকে অনেক রকম উপদেশ দিয়েছিলেন।

পরের কনফারেন্স 1917 সালে কালিকটে আহূত হ'লে তার কয়েকজন সেক্রেটারীর একজন ছিলাম আমি। রামন মেনন ছিলেন অভ্যর্থনা সমিতির চেয়ারম্যান। তিনি কালিকটের একজন নামকরা উকীল। জনজীবনে খুব সক্রিয় ভাবে অংশ গ্রহণ না করলেও আমাদের কাজে তাঁর পূর্ণ সহায়ত্ব ছিল। কনফারেন্সের জন্ত ময়দানে প্যাণ্ডেল বাঁধার অসুবিধা তখনকার কালেক্টর না দেওয়াতে রামন মেননের বাড়ীতে প্যাণ্ডেল খাটিয়ে সেখানে কনফারেন্স করা হল। স্তার সি. পি. রামস্বামী আয়ার এই সভায় সভাপতিত্ব করেন। অ্যানি বেসান্টও বিশেষ রূপে নিমন্ত্রিত হ'য়ে এসেছিলেন।

এমনিভাবে কনফারেন্স সংগঠন করা, জনসভায় বক্তৃতা দেওয়া ইত্যাদিতে আমার অনেক সময় গিয়েছিল। প্র্যাক্টিশ না করে এই সব সরকার-বিরোধী কাজকর্মে সময় নষ্ট করতে বেখে আমার আত্মীয়স্বজন আমাকে অনেক উপদেশ দিলেন। কিন্তু রাজনীতি আমাকে এমনভাবে আকর্ষণ করতো যে আমি তা না করে পারতাম না।

মান্দত কৃষ্ণন নায়ার রাজনীতিতে আমার এই উৎসাহের কথা জানতে পেরে আমাকে একটা চিঠি দিয়েছিলেন। তিনি তখন ত্রিবাঙ্কুরের দেওয়ান ছিলেন। “প্র্যাক্টিশ আরম্ভ করার সময়ই ওপরে ওঠার ভিত্তি খুব নিপুণ ভাবে তৈরী করতে হয়। কেসগুলি খুব মনোযোগ দিয়ে পড়া, সেগুলির আইনকাহুন ঠিকমতো জানা, মক্কেলদের সঙ্গে সৌজন্যপূর্ণ ব্যবহার করা, জজের বিরুদ্ধে উৎপাদন না করে সমস্ত ব্যাপারটা তাঁর বোধগম্য করা—এসব যদি প্র্যাক্টিশ আরম্ভ করার সময় শেখো তাহলে তোমার কাজে

জুনি উন্নতি করতে পারবে। রাজনীতি করার স্বযোগ পরে অনেক পাবে। তখন

তাতে মন দিলেই চলবে। যদি তা না করো, তাহ'লে প্র্যাক্টিশ জমবে না।” এই ছিল তাঁর চিঠির সারাংশ। বলা বাহুল্য, চিঠিটি পেয়ে আমি খুব অস্বস্তি বোধ করেছিলাম।

কাজে উন্নতি করার আকাঙ্ক্ষা আর রাজনীতিতে অংশ গ্রহণ করবার আগ্রহ—এই দুইয়ের মধ্যে একটা ভারসাম্য বজায় রেখে চলা সম্ভব কিনা সেই সমস্যা তখন আমাকে খুবই বিচলিত করে তুলেছিল।

হয়

হোমরুল আন্দোলন

ওকালতী আরম্ভ করার সময়েই সংসারের নানা ভার আমার ঘাড়ে পড়েছিল। আমার পড়াশুনো শেষ হবার আগেই বাবা মারা গিয়েছিলেন। সেই জন্ত ইংল্যান্ডে পড়া শেষ করার জন্ত বেশ কিছু টাকা ধার করতে হয়েছিল। সেই টাকা শোধ করার দায়িত্ব ছিল আমার। সংসারের খরচ জোগাড় করতেই হিমসিম খেয়ে যাচ্ছিলাম। তার ওপর এই দায়িত্ব। আমি যে কি করবো বুঝতে পারছিলাম না। রাজনীতি না ক'রে একমনে প্র্যাকটিশ করার জন্তে অনেকে আমাকে উপদেশ দিলেন। বাবা বেঁচে থাকলে আমাকে সরকার-বিরোধী কোনো কাজ করতে দিতেন না। বাবা মারা যাওয়ার আমার দায়িত্ব আরো অনেক বেড়ে গেছে। আগে সেই দায়িত্ব পালন, তারপর অল্প কাজ—এই সব উপদেশ। আমার দায়িত্বের কথা আমি ভুলিনি। সে দায়িত্ব পালন করার জন্ত আমার যথাসাধ্য চেষ্টাও আমি করছিলাম। তার জন্তে রাজনৈতিক জীবন থেকে নিজেকে সম্পূর্ণ গুটিয়ে নেওয়া আমার পক্ষে সম্ভব ছিল না। প্র্যাকটিশের ক্ষতি না ক'রেও জনসাধারণের উন্নতির কাজে ভাগ নেওয়া যায় এ বিশ্বাস আমার ছিল। এই কাজের জন্ত আমার কিছু সময় আমি দেব বলে ঠিক করলাম।

তখন আমার দৈনন্দিন জীবন এই রকম ছিল—ভোর পাঁচটার উঠে আইনের বইগুলি পড়ি। পরে স্নান করে মনে উৎসাহ আর প্রেরণা জাগায় এমন কতকগুলি বই পড়ি। তারপর কেসগুলি পড়ি। মক্কেলদের সঙ্গে দেখা করে কেসগুলো নিয়ে আলোচনা করি। কেস থাক বা না থাক, রোজ কোর্টে যাই। কোর্ট থেকে ফিরে এসে কাগজ পড়ে পাঁচটার সময় বেড়াতে বেরোই। যদি কোনো মিটিং থাকে তাতে যোগ দিই। রাতের আহারের পর দু'ঘণ্টা বই পড়ি—সাহিত্য, দর্শন, ইতিহাস, রাজনীতি, জীবনী ইত্যাদি। তাস খেলা, ক্লাবে গিয়ে হৈ হৈ করা আমি পছন্দ করতাম না।

আমার কয়েকজন বন্ধুবান্ধব প্রত্যেক রবিবার এক জায়গায় মেলবার একটা ব্যবস্থা করেছিল। সেখানে আমরা নির্দিষ্ট একটা বিষয় নিয়ে আলোচনা করতাম। অল্পবয়সী উকীলেরাই এই চর্চার বেশী সংখ্যায় যোগ দিত। এক এক জনের বাড়ীতে এক এক সপ্তাহে এই সভা বসতো। চা পানের পর আলোচনা শুরু হ'ত। দু'ঘণ্টা ধরে চর্চা চলতো। এই আলোচনার ফলে উপস্থিত লোকদের জনসাধারণের ব্যাপারে একটা

আগ্রহ জেগে উঠেছিল। কংগ্রেস বা হোমরুলের সঙ্গে এর কোনো সম্পর্ক ছিল না, কিন্তু এই আলোচনার ফলে তাঁরা কংগ্রেস আর হোমরুলের কাজকর্ম সম্বন্ধে উৎসাহী হয়ে উঠেছিল।

1916 সালে লখনৌতে আমি প্রথম একটি কংগ্রেস সম্মেলনে যোগ দিই। এই সভায় সভাপতিত্ব করেছিলেন অধিকাচরণ মজুমদার। এই আমি প্রথম মহাত্মা গান্ধী, লোকমাতা তিলক আর স্বরেন্দ্রনাথ ব্যানার্জিকে দেখলাম। তখন প্রথম বিশ্বযুদ্ধ চলছিল বলে কংগ্রেসীদের সম্মুখিত করার জন্য গভর্ণর স্যার জেমস্ মেস্টন কংগ্রেসের এই সভায় এসে বক্তৃতা দিয়েছিলেন। আমার বেশ মনে আছে, এই সভায় স্যার মেস্টন বলেছিলেন যে, যে বছর কংগ্রেস আরম্ভ হয় সেই বছরই তিনি সিভিল সার্ভিসে যোগ দেন, তাই এই প্রতিষ্ঠানের প্রতি তাঁর খুব শ্রদ্ধা। কংগ্রেসীদের সম্মুখিত করার জন্য এই কথাগুলি তিনি বলেছিলেন।

অ্যানি বেসান্টের নেতৃত্বে হোমরুল আন্দোলনের শক্তি দিনের পর দিন বাড়ছিল। হোমরুলের ক্রিয়াকলাপ যুদ্ধ বিরোধী বলে অ্যানি বেসান্ট, তাঁর সহপ্রবর্তক আর্কুওরীন, ওয়াডিয়া প্রভৃতিদের গভর্ণমেন্ট বন্দী করে জেলে পুরলেন। এদের বন্দী করার সঙ্গে সঙ্গে তাঁদের মুক্তির জন্য দেশের সর্বত্র আন্দোলন শুরু হলো। কালিকটেও এই নিয়ে শোভাযাত্রা বার করা, সভা ইত্যাদি করা হ'ল। কংগ্রেস আর হোমরুল কমিটির সেক্রেটারী আমি ছিলাম বলে আমি সরকারের কুনজরে পড়লাম। আমার সহপ্রবর্তকদের ওপরও সরকারের সন্দেহ জন্মালো। এতে আমার কয়েকজন বন্ধুবান্ধব আমার সঙ্গে সম্পর্ক রাখা বা আমার বাড়ীতে আসা একরকম প্রায় ছেড়েই দিলেন। তাঁরা আমাকে বিপথগামী তরুণ বলে মনে করতেন। এই সময় একটা ঘটনা ঘটলো যাতে তাঁদের বিশ্বাস আরো দৃঢ়তর হ'ল।

মাদ্রাজের গভর্ণর কালিকট সন্দর্শনে আসা ঠিক করলে পর যুদ্ধের সাহায্যের জন্য জনগণের পক্ষ থেকে তাঁকে একটি টাকার তোড়া দেওয়া হবে বলে কিছু লোক ঠিক করলেন। এই উপলক্ষ্যে কালিকটের টাউন হলে মিউনিসিপ্যালিটির চেয়ারম্যান সি. ডি. নারায়ন মেননের নেতৃত্বে একটা মিটিং ডাকা হয়। আমি নারায়ন মেননকে আগেই জানিয়েছিলাম যে জনসাধারণের নামে কোনো টাকার তোড়া দেওয়ার প্রস্তাব যদি এই মিটিঙে করা হয় আমি তাহলে তার বিরোধিতা করবো। এই খবর শোনা মাত্র বিরাট একটা জনতা টাউন হলে এসে উপস্থিত হ'ল। কালেক্টর ইভান এই মিটিঙে সভাপতিত্ব করেছিলেন। জেলা জজ জ্যাকসন, পুলিশ ইন্সপেক্টর প্রভৃতি বড় বড় অফিসাররা ছাড়াও দেওয়ান বাহাদুর এবং অন্যান্য আরো অনেক

মাস্তগণ্য লোক উপস্থিত ছিলেন। এঁরা সব ডায়ালে বসেছিলেন। গোলমাল হতে পারে বলে বেশ কিছু সৈন্ত টাউন হলের চারিদিকে পাহারা দিচ্ছিল।

কালেক্টর সভার উদ্দেশ্যে একটা সংক্ষিপ্ত ভাষণ দিয়ে প্রথম প্রস্তাব আনার জন্য মুন্সি নায়রকে ডাকলেন। মাস্তাজের গভর্নর কালিকট সন্মুখীন এলে তাঁকে জনগণের পক্ষ থেকে একটা টাকার তোড়া উপহার দেওয়া হবে এই ছিল প্রস্তাব। প্রস্তাবটিকে সমর্থন করলেন দেওয়ান বাহাদুর। এরপর আমি উঠে প্রস্তাবের উপর দুটি কথা বলার জন্য কালেক্টরের অহুমতি চাইলাম। তিনি অহুমতি দিলে বিপুল হর্ষধ্বনির সঙ্গে আমি আমার বক্তৃতা মালয়ালমে আরম্ভ করলাম। কিন্তু আমি মালয়ালমে আরম্ভ করতেই সভাপতির রাগ হয়ে গেল। তিনি বললেন যে তিনি আমার মালয়ালমে বলার অহুমতি দিতে পারেন না। “এখানে বারা এসে জড়ো হয়েছে তারা মালয়ালমে ভাষায় কথা বলে। এখানে বেশীর ভাগ লোককেই ইংরাজী জানে না। তাদের নামে পাশ করা প্রস্তাবের বিষয়বস্তু কি তা তাদের জানার অধিকার আছে। আমি তাই মালয়ালমেই বলবো”—একথা আমি বলার পর লোকেরা আর একবার হর্ষধ্বনি করে উঠলো। তারা সব চীৎকার করতে লাগলো “মালয়ালমে বলুন, মালয়ালমে বলুন।” কিন্তু সভাপতি জেদ ধরলেন তিনি কিছুতেই আমাকে মালয়ালমে বলতে দেবেন না। “যদি তাই হয়, তাহলে আত্মমর্দাদা সম্পন্ন মালয়ালীরা এই সভায় অংশ গ্রহণ করবে না” বলে আমি হল থেকে বেরিয়ে এলাম। আমার পেছন পেছন হলের সব লোকই প্রায় বেরিয়ে এল। এই ঘটনার শহরে খুবই হৈ হৈ পড়ে গিয়েছিল। আমাকে অ্যারেস্ট করা হবে এখনও বেশ ক’দিন শোনা গিয়েছিল।

সাদা চামড়ার অফিসারদের আমার ওপর খুব রাগ, এ কথা অনেকে বিশ্বাস করতো। তাই তাদের এজলাসে কোনো মামলা এলে তাতে উকীল হিসেবে আমার ডাক খুব কমই পড়তো। কিন্তু তাহলেও বিশেষ বিশেষ কোনো কারণে আমাকে কয়েকবার তাদের সামনে উপস্থিত হতে হয়েছে। এই রকম একটা মামলা কালিকটের সাবডিভিসনাল ম্যাজিস্ট্রেট মি: হলের আদালতে এল।

মুসলমানদের আহম্মদীয় সম্প্রদায়ের মধ্যে এই মামলা খুব আগ্রহ জাগিয়েছিল। বিবাদী পক্ষের হয়ে হাজির হয়েছিলেন হু’জুন নামকরা উকীল। বাদী পক্ষের সাক্ষীদের ঠিকমত আর একবার পরীক্ষার অহুমতি ম্যাজিস্ট্রেট তাদের দেয় নি। এইজন্য হু’দিন কেস চলবার পর আমার কাছে এলেন। তাঁদের হয়ে কোর্টে হাজির হলাম। কোর্টের বাইরে ভেতরে বহু লোকের ভীড়। বেলা ১১টার মামলা শুরু হলো। আমি কোর্টের কাছে প্রার্থনা জানালাম যে আগের দিন যে সব সাক্ষীদের জেরা করা হ’য়েছে তাদের

কিছু প্রশ্ন করতে আমাদের অসুস্থতি দেওয়া হোক। ম্যাজিস্ট্রেট জানানলেন যে অসুস্থতি দেওয়া হবে না। “কতকগুলো আরবী শব্দের অর্থ আমি সাক্ষীদের জিজ্ঞেস করতে চাই।” ম্যাজিস্ট্রেট তার উত্তরে বললেন যে, সাক্ষীরা আরবী জানেন না। তখন আমি জেদধরলাম—“তাহলে সাক্ষী নিজে সে কথা বলুক। আপনি বললে হবে না।” ম্যাজিস্ট্রেট তাতে আরো রেগে গিয়ে বললেন—“আমি সম্মতি দিতে পারি না। কখনোই দেব না।” “তাহলে আমি এই প্রশ্ন করেছি এবং কোর্ট থেকে আমাদের এ প্রশ্ন করার অসুস্থতি দেয়নি একথা লিখে রাখতে হবে” আমি বললাম। ম্যাজিস্ট্রেট এতেও সম্মত হ’লেন না। আমি তখন আমার প্রশ্নটা লিখে ম্যাজিস্ট্রেটকে একটা পিটিশন দিলাম। ম্যাজিস্ট্রেট সেটা পড়ে বললেন—‘কোর্ট যে সব প্রশ্ন করতে অসুস্থতি আপনাকে দেয়নি সেই সব প্রশ্ন করে আপনি পিটিশান দেবেন বলে ভাবছেন নাকি?’

—হ্যাঁ, সেই ভাবেই আমি তৈরী হ’য়ে এসেছি।

তখন আমার পিটিশান নিয়ে সাক্ষীকে জেরা করার অসুস্থতি তিনি আমার দিলেন।

এতে অনেক সময় গেল। কোর্টে উপস্থিত লোকেরা খুব আগ্রহের সঙ্গে আমার আর ম্যাজিস্ট্রেটের তর্কাতর্কি শুনছিল। কোর্ট শেষ হবার পর বাইরে এসে ম্যাজিস্ট্রেট মিঃ হল আমার পিঠের ওপর হাত রেখে বললেন,

—আমি আপনার মকেলকে শাস্তি দেব তবু কেন আপনি এত গুণগোল করলেন?

—আমি তা জানি। সেই জন্তেই তো আপীল করার দরকারী প্রমাণ সংগ্রহ করছি।

পরের দিন মামলার বিচার খুব সূচুভাবে সম্পন্ন হলো। ম্যাজিস্ট্রেট কোন গোলামালের সৃষ্টি করলেন না। ছ’পক্ষের বাদপ্রতিবাদ শুনে রায় দেবার দিন আর একদিন ফেললেন।

আমরা যখন জানতে পারলাম যে বিবাদীরা দোষী নয় বলে ম্যাজিস্ট্রেট তাঁদের ছেড়ে দিয়েছেন তখন আমাদের বিশ্বাসের আর অবধি রইল না। আমার মতো একটা তরুণ উকীলের এটা একটা বিরীট সাফল্য।

সেই কেস জেতার দিনই টাউন হলে কালেক্টরের সঙ্গে আমার সংঘর্ষ হয়েছিল।

সাত

সংগঠিত রাজনৈতিক কাজ

সংগঠিত ও সক্রিয়ভাবে ভারতবর্ষে জনসাধারণের জ্ঞান কাজ আরম্ভ করেছিলেন অ্যানি বেসান্ত। ১৯২১ সালের অসহযোগ আন্দোলনের মত হোমরুল আন্দোলন অতটা ছড়িয়ে পড়েনি বা শক্তিশালী করেনি এটা ঠিক। রাজনৈতিক স্বাধীনতা শুধু বক্তৃতা দিয়ে মিলবে না, তার জ্ঞান সংগঠিত কাজকর্মেরও দরকার, একথা বেশ ভালো ভাবেই জেনে উৎসাহের সঙ্গে অ্যানি বেসান্ত তাঁর কাজ আরম্ভ করেছিলেন। অ্যানি বেসান্ত এতদিন ধর্ম, সমাজ, দর্শন, বিজ্ঞাপিকার ক্ষেত্রে কাজ করছিলেন। এখন যখন তিনি রাজনৈতিক ক্ষেত্রে প্রবেশ করলেন তখন ভারতবর্ষের স্বাধীনতা আন্দোলনে এক নতুন জাগরণ, নতুন উন্মেষের সৃষ্টি হল, যে কোন কাজেই হাত দিন না কেন, তা সৃষ্টি ভাবে করার ক্ষমতা অ্যানি বেসান্তের ছিল। এই মহীয়সী নারীর অদ্ভুত ব্যক্তিত্ব, কঠিন পরিশ্রম করার শক্তি, অতুলনীয় বাগ্মিতা, তাঁর সংস্পর্শে যারা এসেছে তাদের কাছে এক অবিস্মরণীয় অভিজ্ঞতা হয়ে থাকবে।

মালাবারের হোমরুল লীগের সেক্রেটারী হিসেবে আমার অ্যানি বেসান্তের সঙ্গে অনেকবার দেখা হয়েছে। কাছে আসার সুযোগও হয়েছে। কয়েকবার তাঁর সঙ্গে আমি সফরেও গিয়েছি।

কোনো জনসভায় বক্তৃতা করতে হ'লে তিনি নির্দিষ্ট সময়ে সেখানে পৌঁছোবেন। কোনোরকম ভূমিকা না করে বক্তৃতা করবেন, নির্দিষ্ট সময়ের মধ্যে তা শেষ করবেন। তিনি অনর্গল বক্তৃতা করে যেতে পারতেন। এক মুহূর্ত সময় তিনি নষ্ট করতেন না। ঘোঁটরে বা ট্রেনে যাত্রার সময়ও তিনি কোনো না কোনো কাজ করতেন।

যাত্রাজ থেকে দিল্লী অবধি একবার আমি মিসেস বেসান্তের সঙ্গে সফর করেছিলাম। অ্যানি বেসান্ত সব সময় রিজার্ভ করা কামরায় সফর করতেন। সফরের সময় কি কি কাজ করতে হবে তা তিনি আগে থাকতেই ঠিক করে রাখতেন। ট্রেনে বসে সেই কাজগুলো করতেন। ভোর চারটের সময় তিনি উঠতেন। স্নান আর প্রার্থনা সেয়ে সেই দিনকার কাজ আরম্ভ করতেন। বতরুণ না কাজ শেষ হতো ততক্ষণ তিনি কাজ করে চলতেন। বাঁদে অ্যানি বেসান্তের মত বা বিবাসের সঙ্গে মিল ছিল না তাঁরা

পৰ্বন্ত স্বীকার করতেন যে তিনি অসাধারণ মহিলা ছিলেন। তাঁর কর্মপদ্ধতি, নিয়মনিষ্ঠা আর তৎপরতা দেখে শেখা উচিত। হোমরুল আন্দোলনের সময় তাঁর সঙ্গে কাজ করার যে সৌভাগ্য আমার হয়েছে তার মূল্য অসামান্য। এজন্য নিজেকে আমি ভাগ্যবান বলে মনে করি।

1917 সালের শেষে ভারতের শাসন সংস্কারের ব্যাপারে ভারতবাসীদের অভিমত-জ্ঞানতে তখনকার ভারত সেক্রেটারী মন্টেগু ভারতে এলে হোমরুল লীগের প্রতি নির্দিষ্টা দিল্লীতে আনি বেলান্সের নেতৃত্বে তাঁকে এক স্মারকলিপি দেন। আমিও এই প্রতিনিধিদের দলে ছিলাম। লোকমান্য তিলকও মন্টেগুর সঙ্গে দেখা করেন।

রাজদ্রোহের অপরাধে তিলককে ছয় বছর জেলে বন্দী ক'রে রাখা হয়। 1914 সালে ছাড়া পেয়ে তিনি আবার রাজনীতিতে যোগ দেন।

স্বাধীনতা লাভের জন্ত তিনিও এক হোমরুল লীগের সূত্রপাত করেন। ধূতি পরে, কোর্ট পরে, মহারাষ্ট্রীয় রীতিতে মাথায় পাগড়ী বেঁধে, গলায় একটা চাদর জড়িয়ে, হাতে লাঠি নেওয়া তিলককে তখন দেশের লোক পূজো করতে বললেই হয়। তিলক আর বেলান্স ঐরাই ছিলেন তখন ভারতবর্ষের রাজনীতির আকাশে দুই উজ্জল নক্ষত্র।

মহাত্মা গান্ধী এ সময় দিল্লীতে ছিলেন। গান্ধীজি তখনও রাজনীতিতে সক্রিয় অংশ গ্রহণ করেন নি, খদ্দের ধূতি, সাট আর টুপি পরে। একটা খদ্দের চাদর গায়ে দিয়ে গান্ধীজিও অন্যান্য লোকদের সঙ্গে ভাইসরয় আর মন্টেগুর সঙ্গে দেখা করার জন্য অপেক্ষা করছিলেন।

সি. পি. রামস্বামী আয়ার, রত্নস্বামী আয়ার্জার, রাজাগোপালাচারী, বিজয় রাঘবাচারী, সত্যমূর্ত্তি, নরসিংহ আয়ার প্রভৃতি দক্ষিণ ভারতীয় বড় বড় নেতাদের সঙ্গে পরিচিত হবার সুযোগ আমার এ সময় হয়। সি. পি. রামস্বামী আয়ার হোমরুল আন্দোলনের একজন বড় নেতা ছিলেন। তিনি একজন বিখ্যাত অভিভাবকও ছিলেন। রাজনীতিতে আর সাহিত্যেও তিনি বেশ নাম করেছিলেন। যে কোনো বিষয়েই তাঁর জ্ঞান ছিল অস্তুত। পরে তাঁর জীবন অন্য রাস্তার ঘুরে গেলেও স্বাধীনতা আন্দোলনে তাঁর দান ভোলায় নয়।

একই উদ্দেশ্যে বেসব বছর একসময় একসঙ্গে কাজ করেছে কালক্রমে তাদের মতের বিভিন্নতার জন্য তারা ভিন্ন ভিন্ন পথে পা বাড়ায়। আমরা বা করছি তা ঠিক, আর তারা বা করেছে তা তুল বলে দোষ দেবার মত অনেক লোক থাকে। আমরা যখন অপরের উদ্দেশ্য সযত্নে প্রশ্ন করি তখন আমাদের উদ্দেশ্য শুদ্ধি সযত্নে প্রশ্ন করার অধিকার তাঁদেরও আছে এ কথা মনে রাখা উচিত। অনেক বড় বড় লোকও কোনো

রকম দরাদারি না দেখিয়ে এমনভাবে অপরের দোষ দেয়, সমালোচনা করে যে তা দেখলে আশ্চর্য হ'তে হয়।

সেলমবাসী নরসিংহ আয়ার্স অ্যানি বেসান্তের একজন প্রধান শিষ্য ছিলেন। হোমরুল আন্দোলনে তিনি অত্যন্ত উৎসাহের সঙ্গে অংশ গ্রহণ করেছিলেন। তাঁর দুইটি মেয়ের হঠাৎ অপমৃত্যু হয়। এই আকস্মিক দুর্ঘটনার তিনি জাগতিক জীবন থেকে সরে গিয়ে তাঁর সমস্ত মনোযোগ আধ্যাত্মিক কাজকর্মে দিলেন। সাইবাবার একজন ভক্ত শিষ্যরূপে তিনি 'নরসিংহ স্বামী' নাম নিলেন। 1957 সালে তিনি মারা যান। সামাজিক জীবনে মনের যে শান্তি তিনি হারিয়ে ফেলেছিলেন আধ্যাত্মিক জীবনে বোধহয় তিনি তা লাভ করেন।

এস. সত্যমূর্ত্তি খুব ভালো বক্তা ছিলেন। তামিল আর ইংরিজী দুটোতেই একই ভাবে বরষর করে বক্তৃতা দিতে পারতেন। রাজনৈতিক সভা, লেজিসলেটিভ অ্যাসেম্বলী, বিশ্ববিদ্যালয়ের সিনেট, যেখানেই হোক না কেন, তিনি তাঁর বক্তব্য বিষয় 'ভালো ক'রে পড়াশুনো করে তারপর বক্তৃতা দিতেন। সত্যমূর্ত্তির অকাল মরণ ভারতের পক্ষে একটা বৃহৎ ক্ষতি।

দিল্লীতে আমি স্যার সি. শঙ্করন নাথারকেও দেখেছিলাম। তিনি তখন ভাইসরয়ের এক্সিকিউটিভ কাউন্সিলের একজন সদস্য ছিলেন। কালিকটের টাউন হল আমার আর কালেক্টরের সংঘর্ষের কথা জানতে পেয়ে তিনি আমাকে অভিনন্দন জানালেন। ঠিক কি হ'য়েছিল তা আমাকে সব বলতে বললেন।—“আপনি ঠিকই করেছেন, আমাদের আত্মসম্মতি কখনোই বিসর্জন দেওয়া উচিত না।” একথা তিনি আমায় বলেছিলেন।

‘বিলাতের খবর’ বইটি সমাদর লাভ করলে গোথলে আর তিলকের জীবনী লিখতে আমার আগ্রহ হয়। প্র্যাকটিশ করে যা উপার্জন করতাম তাতে খরচ চালানো যেত না, তাই বই থেকে যা টাকা পেতাম তাতে খুব সাহায্য হ'ত। টাকার কথা ঘুরে থাক, একটা আনা পর্বস্ত নষ্ট করার সজ্জা তখন আমার ছিল না।

এই বছরের মার্চ মাসে জিবাকুরের নান্সুতিরি বোগক্কেম সভা আমাকে ‘কেরল ভিলকম্’ মেডেল উপহার দিয়েছিলেন। কেরলের জনজীবনে আমার কাজের কথা শ্রবণ রেখে এই মেডেল আমাকে দেওয়া হয়। এই মেডেল আমার হাত থেকে খোঁরা গেছে, কিন্তু এই মেডেল দিয়ে নান্সুতিরি সমাজ যে আমাকে সম্মানিত করেছেন তা অতি কৃতজ্ঞ চিন্তে আমি শ্রবণ করছি।

হোমরুল আন্দোলনের সময় জাতীয় বিজ্ঞাপিকার জাগরণ হয়। টাকা সংগ্রহ করার

জন্ম কালিকটে আমরা একটা কার্নিভ্যাল মতো করেছিলাম। তিন দিন ধরে এই কার্নিভালে বহু লোক এসেছিল। যাদের হোমরুল আন্দোলনের সঙ্গে কোনো সহায়ত ছিল না, তারাও এই কার্নিভ্যালকে সফল হবে তোলার জন্য অনেক সাহায্য করেছিলো।

1918 সালে তালাখোরীতে মালাবার কনফারেন্সের যে সভা হয় তাতে স্বাগত সমিতির অধ্যক্ষ ছিলেন রাম বর্ম। তিনি একজন রাজা ছিলেন। কালিকটের কালেক্টর এই ব্যাপারে কালিকটের সামুতিরিকে (জামোরিন) তিরস্কার করেছিলেন। রাম বর্ম এসব জেনেও অধ্যক্ষের পদ নিয়েছিলেন। তাঁর এই সাহস আর দেশপ্রেমকে সকলেই তখন খুব প্রশংসা করেছিল।

আন্তর্জাতিক কাজকর্মে প্রসিদ্ধি লাভ ক'রে এবং বড় পদে এখন দেশের সেবা ক'রে আসছেন যে কৃষ্ণ মেনন, তিনি তখন হোমরুল আন্দোলনে খুব উৎসাহের সঙ্গে অংশ নিয়েছিলেন। তালাখোরি কনফারেন্সে যোগ দিতে আমি ত্রীকৃষ্ণ মেননের পিতা ত্রীকৃষ্ণ কুরুপের বাড়ীতে ছিলাম। কৃষ্ণ কুরুপ তখন একজন বড় অভিভাষক ছিলেন।

সে বছর কোর্ট বন্ধ হলে পর আমি দেওয়ান মান্ডু কৃষ্ণ নায়ারের সঙ্গে দেখা করতে গেলাম। দেওয়ানের সরকারী বাড়ী ডক্টরবিলাসে আমি সপ্তাহ খানেক ছিলাম। বড় কাজের অহঙ্কার কৃষ্ণ নায়ারকে একটুও স্পর্শ করতে পারে নি। প্রতিদিন কতলোক যে তাঁর সঙ্গে দেখা করতে আসতো তা আর বলার নয়, তাদের মিছিমিছি বসিয়ে রাখা বা তাদের সঙ্গে অসৌজন্য ব্যবহার কখনো তিনি করেন নি।

তাঁর কথামতো আমি জিবাকুরের মহারাজ মূলম্ তিরুনাল মহারাজার সঙ্গে দেখা করেছিলাম। রাজপ্রাসাদে প'রে যাবার পোষাক আমার ছিল না। কৃষ্ণ নায়ারের প্রাইভেট সেক্রেটারী রাঘব পানিকরের লম্বা কোট আমার গায়ের মাপের ছিল। ধুতি আর জরিপাড় মাথার পাগড়ী কৃষ্ণ নায়ারের। এই সব পোষাক প'রে দেওয়ানের ঘোড়ার গাড়ীতে চ'ড়ে আমি যখন রাজপ্রাসাদে যাচ্ছিলাম, তখন রাস্তার আমাদের লোকের হাতে আশীর্বাদ হ'য়ে ভেবেছিল এই অভূত বেশ ধারণ করা লোকটি কে?

একজন সংবাদবাহক আমাদের রাজার কাছে নিয়ে গেল। শুধু মাত্র একটা হস্ত কাপড় পরা মহারাজা দরজার সামনে দাঁড়িয়ে মিষ্টি হাসি দিয়ে আমাদের অভ্যর্থনা করলেন। রাজকীয় কথাবার্তা বা মুখস্থ করে রেখেছিলাম তা তাঁকে দেখে সব ভুলে গেলাম। প্রায় পনের মিনিট ধরে রাজা আমার সঙ্গে কথাবার্তা বললেন। জিবাজ্ঞামে আবার এলে তাঁর সঙ্গে যেন দেখা করি একথাও তিনি বললেন। আমিও কথা দিলাম যে,

এলেই তাঁর সঙ্গে দেখা করবো। তবে এর পরের বার আমি যখন জিবাস্ত্রাম বাই তখন ভৈকম সত্যাগ্রহে আ্যারেস্ট হয়ে মহারাজার জেলের এককুন বন্দী হিসাবে যাই।

এমনি ভাবে কালিকটে আমার তিনটি বছর কেটে গেল। আমার কয়েকজন বন্ধু আমাকে মাজাজে গিয়ে প্র্যাকটিশ করার পরামর্শ দিলেন। একটা পরিবর্তন যে দরকার, সেটা আমারও মনে হলো। গরমের ছুটির পর কোর্ট খুললে মাজাজ গিয়ে প্র্যাকটিশ করার প্রস্তুতি আরম্ভ করলাম।

আট শ্রমিক সংগঠন

কালিকটের চেয়ে মাদ্রাজেই আমার ভালো প্রাকটিশ হলো। এর অনেকগুলো কারণ ছিল। আমার বন্ধু মাধবন নারায়ণ এবং অল্প ছ'একজন উকীল কালিকট থেকে মাঝে মাঝে কিছু কেস পাঠাতেন। তখন মাদ্রাজ বারের একজন প্রধান সদস্য ব্যারিস্টার সি. মাধবন নারায়ণ যেসব ছোট কেসগুলিতে হাজির হ'তে পারতেন না তার কয়েকটা আমাকে দিয়ে সাহায্য করেছিলেন। আমার রাজনৈতিক মতে সহানুভূতিশীল মাদ্রাজের কয়েকজন বন্ধুবান্ধবও আমাকে দরকার মত সাহায্য করেছিলেন। এ ছাড়াও হাইকোর্টে প্রাকটিশ করতে আমার খুব ভালো লাগছিল। কেসের জ্ঞান কখনো কখনো মাদ্রাজের বাইরেও যেতে হয়েছে। একজন অল্পবয়সী উকীল হিসেবে আমি যা উপার্জন করতাম তা মন্দ ছিল না। তবু আমার দায়িত্ব এত বেশী ছিল যে এই উপার্জনে তা মিটিয়ে উঠতে পারছিলাম না।

জনগণের কাজে কয়েকজনের সঙ্গে আমার পরিচয় হবার পর তাদের থেকে একেবারে সরে দাঁড়ানো আমার পক্ষে মুশকিল হ'ল। মাদ্রাজে প্রাকটিশ করতে এলে পর আমার রাজনৈতিক বন্ধুরা খুশী হয়ে মাদ্রাজের জনজীবনে ক্রমে আমাকে টেনে নিয়ে গেল।

ব্যারিস্টার ই. এল. আয়ার্স আর বি. পি. ওয়াডিয়ার সঙ্গে আমি হোমরুল আন্দোলনের সময় পরিচিত হয়েছিলাম। আয়ার্স ইতিমধ্যে শ্রমিকদের মধ্যে কাজ আরম্ভ করে দিয়েছিলেন। তিনি, রাম আয়ার্স আর নরসিংহ আয়ার্স হোমরুল লীগের প্রতিনিধি হিসেবে ভারতের শ্রায়সত্ত্ব দাবী ব্রিটিশ জনগণকে জানানোর জন্য ইংল্যান্ডের পথে রওনা দিলেন। কিন্তু তাঁরা জিরাণ্টারে পৌঁছুলে ব্রিটিশ গভর্নমেন্ট সেখান থেকে তাঁদের আবার ভারতে পাঠিয়ে দিলেন।

ই. এল. আয়ার্স জিমিষ্টাল কোর্টে প্রাকটিশ করতেন। তাঁর বাড়ীতে সবসময় শ্রমিক নেতাদের ভীড় জমতো। তাদের সঙ্গে আয়ার্স অত্যন্ত সৌহার্দ্যপূর্ণ ব্যবহার করতেন। যে কোন কেসে তাদের পক্ষে হাজির হবার জন্য তাঁরা আয়ার্সকে ধরতো, ফী'র ব্যাপারে আয়ার্স কিছুই বলতেন না। যা তাঁরা দিত তাই নিতেন। আয়ার্সকে আমি স্নেহ করতাম বলে শ্রমিকদের কাজে আমি উৎসাহী হ'য়ে উঠেছিলাম।

লেবার ইউনিয়নগুলির ভালোভাবে সংগঠন করতে হবে বলে ঠিক করলাম। ওয়াশিংটন এই কাজ খুব উৎসাহের সঙ্গে করছিলেন। তিনি তখন আন্নি বেসান্টের ‘নিউ ইণ্ডিয়া’ কাগজের অফিস ম্যানেজার ছিলেন। ট্রাম মজুর, রিক্সা মজুর, বাঁড়ুয়ার, মিল মজুর, তেল কোম্পানীর মজুর এমনি সব মজুরদের অনেক ইউনিয়ন তিনি মাদ্রাজে গড়ে তুলেছিলেন। এই সব মজুরদের জন্য একটা কেন্দ্রীয় বোর্ডও গঠন করা হ’ল। এই বোর্ডের কাজকর্ম চালানোর জন্য দরকার মতো নিয়মকানুনেরও প্রবর্তন করা হ’ল। এই ব্যাপারে চকারা চেট্টী, শ্রীরামুলু, হরি সর্বোত্তম প্রভৃতির এগিয়ে এসেছিলেন। এদেরই চেট্টার মাদ্রাজে মজুরদের সংগঠনগুলি খুব তাড়াতাড়ি গড়ে উঠল।

রিক্সা, বাঁড়ুয়ার আর মেথর মজুর ইউনিয়নের প্রেসিডেন্ট ছিলাম আমি। ট্রাম কোম্পানীর আর তেল কোম্পানীর মজুরেরা তখন ধর্মঘট করেছিল। তাদের সমর্থনে অগ্নাগ্ন ইউনিয়নের মজুররাও ধর্মঘট করতে চাইল। প্রত্যেকদিন গ্রায় সন্ধ্যাবেলায় এগমোরে আমার বাড়ীর উঠানে বাঁড়ুয়ারদের মিটিং চলতে লাগলো। একটা সাধারণ ধর্মঘট ডাকার পক্ষে মত খুব জোরদার হচ্ছিল। মজুরদের মধ্যে এই অস্থিরতা দেখে এবার সরকারের টনক নড়লো। তারা বুঝতে পারল যে একটা কিছু করা দরকার।

তখন মাদ্রাজের গভর্নর ছিলেন লর্ড উইলিংডন। পরে তিনি ভারতের বড়লাট হয়েছিলেন। তিনি শ্রমিকদের সমস্তার একটা সন্তোষজনক পথ বার করার জন্য ইউনিয়ন নেতাদের এক গোল টেবিলের বৈঠক ডাকলেন। অগ্নাগ্ন নেতাদের সঙ্গে আমিও ছিলাম। সত্যি করেই এটা একটা গোল টেবিল বৈঠক ছিল। একটা বিরাট গোল টেবিলের চারধারে আমরা বসলাম। বাঁড়ুয়ারদের ইউনিয়নের ভাইস প্রেসিডেন্ট একজন বাঁড়ুয়ার গভর্নরের বাঁ পাশে একটা চেয়ারে বসেছিল। কুট রাজনীতিবিদ লর্ড উইলিংডন মজুরদের অভিযোগ এবং তাদের দরকারের ব্যাপারে খোঁজখবর করবার জন্য একটা কমিটি গঠন করলেন এবং সেই কমিটির সদস্যদের নামও ঘোষণা করলেন। কমিটির একজন সদস্যের ব্যাপারে মজুর নেতাদের আপত্তি ছিল। সে কথা তারা জানালে পর সভা ভেঙে গেল। এরপর যে ধর্মঘট হলো তা বেশ কিছুদিন চলেছিল। এই সময় মজুরদের মধ্যে যে ঐক্য দেখা গেল তা আমাদের পর্যন্ত অবাক করে দিয়েছিল।

ধর্মঘটের ফলে যে গুণগোল হয়েছিল তাতে পুলিশ কয়েক জনকে অ্যারেস্ট করে। তাদের বিচার চাফ প্রেসিডেন্ট ম্যাজিস্ট্রেটের কোর্টে উঠল, ম্যাজিস্ট্রেট ছিলেন ইউরোপীয়ান। লেবার ইউনিয়নের হয়ে আমি আসামীদের সঙ্গে সমর্থন করে কোর্টে হাজির হয়েছিলাম। ম্যাজিস্ট্রেট ঠিক করেছিলেন যে মজুরদের এই ক্রমবর্ধমান শক্তিকে

আর বাড়তে দেওয়া হবে না। তিনি আসামীদের শাস্তি দিলেন। এতে মজুরদের শক্তি কমার বদলে আরো বেড়ে গেল।

এই সময় আমরা দুটো প্রতিষ্ঠান স্থাপন করেছিলাম। একটা হচ্ছে নিও ফেব্রিকান্ সোসাইটি। তার সদস্য সংখ্যা ছিল মাত্র বারোজন। জনগণের সমস্ত ব্যাপার ভাল ভাবে খোঁজ খবর ক'রে, তার ওপর পড়াশুনো ক'রে আমরা প্রবন্ধ লিখতাম। প্রত্যেক শুক্রবার সন্ধ্যা ৬টার সময় এক সদস্যের বাড়ী জড়ো হয়ে পূর্ব নির্ধারিত একটা বিষয়ের ওপর আমরা দু'তিন ঘণ্টা ধরে চর্চা আলোচনা করতাম, এর জন্তে প্রত্যেক সদস্যকে খুব ভালোভাবে পড়াশুনো করে তৈরী থাকতে হ'ত। আলোচনা চলার সময় তার 'নোটস' নেওয়া হ'ত। একদিনেই যে এ চর্চা শেষ হ'য়ে যেত তা নয়। বিষয়ের গুরুত্ব অনুসারে কখনো কখনো হয়তো দু'তিন মাস পর্যন্ত চর্চা চলতো। তারপর আমাদের মিলিত মতামত একটা বইয়ের আকারে বার করতাম। এমনি ভাবে আমরা দুটো বই বার করেছিলাম 'মটেঙ্গ চেম্‌স্ ফোর্ড রিপোর্ট' ও—'মাত্রাজ রাজ্যে ভোটাধিকারের প্রশ্ন'। এই দুইটি বই বিলেতের ফেব্রিকান্ সোসাইটির খুব প্রশংসা পেয়েছিল। চর্চার শেষে সদস্যেরা সকলে একসঙ্গে বসে আহার করতেন। কোনো প্রকার আতিথেয় প্রথা আমরা মানবো না এই-ই ছিল আমাদের দৃঢ় নিয়ম। আমি যতদিন মাত্রাজে ছিলাম ততদিন এই সোসাইটির কাজ চলেছিল।

ভারতের স্বাধীনতা লাভের জন্ত যে কোন পথ অবলম্বন করার জন্ত গোপন ভাবে আর একটি সংগঠন আমরা গড়েছিলাম। এর সদস্যেরা দু' সপ্তাহ অন্তর বৈশাখ হোক এক সভার মিলিত হতো। কি ভাবে কাজ করতে হবে সে বিষয়ে আলোচনা হ'ত। এর সদস্য ছিলেন মাত্র আট দশজন। এই প্রতিষ্ঠানটির আবু বেক্রিদিন টেকেনি।

আমি মাত্রাজে প্র্যাকটিশ করার সময় একদিন ব্যারিষ্টার ডক্টর স্বামীনাথন আমার সঙ্গে দেখা করতে এলেন। তাঁর আগমনে আমি একটু আশ্চর্য হয়ে গেলাম। তিনি মাত্রাজ বারের একজন বড় ক্রিমিন্যাল অভিভাবক ছিলেন। কোর্ট আর বাড়ী ছাড়া ডক্টর স্বামীনাথন আর কোথাও যেতেন না। কেস আর মক্কেল এই ছিল তাঁর জীবনের সব। সেই ডক্টর স্বামীনাথনকে আমার বাড়ী আসতে দেখে আমি একটু ঘাবড়েও গেলাম। ডক্টর স্বামীনাথন আমার মনোভাব অনুমান করতে পেরে বললেন,

—আপনি হয়তো আমাকে এখানে দেখে আশ্চর্য হ'য়ে গেছেন। একটা কাজে আপনার সঙ্গে দেখা করতে এসেছি। কোর্ট অফ্ ওয়ার্ডস বাক্সারের কেসের ব্যাপারটা তো আপনার জানা আছে। এই কেসের বিচার যদি এখানে হয় তাহ'লে আসামীদের সাজা হবে। তাই কেসটা আমি এই হাইকোর্ট থেকে অন্য হাইকোর্টে সরানোয়

ব্যবস্থা করছি। তার জন্তে পিটিশানও তৈরী করেছি। এর একটা অ্যাফিডাবিট চাই। সেটা এই হাইকোর্টে প্র্যাকটিশ করা একজন উকীলের হ'লে ভালো হয়। তার জন্তে কয়েকজন বড় বড় উকীলের সঙ্গে আমি দেখা করেছিলাম। কিন্তু তাঁরা অ্যাফিডাবিট দিতে খুব ইচ্ছুক নন। আপনি একটা অ্যাফিডাবিট দেবেন কিনা তা জানতে আমি আপনার কাছে এসেছি।

এই কেসটা তখন সকলের দৃষ্টি আকর্ষণ করেছিল। ধনী জমিদার বালকদের পড়াবার জন্তে মাদ্রাজ কোর্ট অফ ওয়ার্ডসের অধীনে 'জিউইংটন' বলে একটা জায়গা ছিল। একজন ইউরোপীয়ান এই জায়গাটার দেখান্তনো করতো আর বাচ্চাদের পড়াতো। একদিন কে যেন এই লোকটিকে গুলি করে হত্যা করে। এতে এই বালকদের মধ্যে হত্যার অপরাধে দোষী সাব্যস্ত করে দু'জনকে অ্যারেস্ট করা হয়। এই কেসের বিচার করবে মাদ্রাজ হাইকোর্ট, আর জুরীরা সকলে হবে মাদ্রাজ শহরের লোক। শহরের সর্বত্র এই কেস নিয়ে ভীষণ হৈ হৈ চলছিল। এই অবস্থার জুরীদের কাছ থেকে জায়গত বিচার পাওয়া যাবে না বলে ডক্টর স্বামীনাথনের মনে হয়েছিল। ডক্টর স্বামীনাথন আগামীদের পক্ষ সমর্থন করে হাজির হ'য়েছিলেন। কেসটা এখান থেকে সরিয়ে নিয়ে বম্বে বা অন্য কোনো হাইকোর্টে বিচারের জন্ত গভর্নর জেনারেলকে তিনি একটা পিটিশান দেবেন ঠিক করেন। এর জন্ত দরকার ছিল অ্যাফিডাবিটের। আর সেইজন্ত তিনি আমার কাছে আসেন। আমি অ্যাফিডাবিট দিয়েও ছিলাম। গভর্নর জেনারেল আরজি অস্বীকার করেন। কেস বম্বে হাইকোর্টে সরিয়ে দেওয়া হয়।

এরপর আর একদিন ডক্টর স্বামীনাথন আমার বাড়ীতে আসেন।

—“অ্যাফিডাবিট দেবার জন্ত আপনাকে আমি ধন্যবাদ জানাচ্ছি। কিন্তু একটা কথা আপনাকে বলি; আমি যদি আপনার অবস্থার পড়তাম তাহলে ঐ রকম একটা অ্যাফিডাবিটে আমার সই দিতাম না। সই দেবার আগে আমি ভাবতাম—আমি একজন তরুণ ব্যারিস্টার। এই অ্যাফিডাবিট দিলে ভালোর চেয়ে আমার খারাপই হবে। ইংরেজ জজ এবং অন্তদেরও এটা ভালো লাগবে না। কেন মিছা-মিছি আমি তাদের বিরাগের পাজ্জ হবো।”

তারপর হঠাৎ উঠে ডক্টর স্বামীনাথন বলেন—“আপনার ভালো হবে”—বলে আমার কাঁধের ওপর তাঁর হাতটা একবার রেখে ধীরপদে বেরিয়ে গেলেন।

এই কেসে আগামীরা নির্দোষ বলে বম্বে হাইকোর্ট রায় দেয় এবং ছেলেকে ছেড়ে দেওয়া হয়।

এই ঘটনার পর একদিন ঐ জমিদার ছেলে দুটিকে নিয়ে ডক্টর স্বামীনাথন আমার বাড়ীতে আসেন।

—এই ছেলে দুটি সেই মামলার আসামী ছিল। কেসের বিচার যদি মাদ্রাজ হাইকোর্টে হ'ত তাহলে এদের যত্নাদও হ'তো। আপনার অ্যাফিডাবিটের জন্তই কেসটা এখান থেকে সরিয়ে নেওয়া সম্ভব হয়েছিল। এদের জীবন রক্ষা করার জন্তে যারা সাহায্য করেছে আপনি তাদের মধ্যে একজন। তাই আপনার সঙ্গে দেখা করে তাদের কৃতজ্ঞতা জানাবার জন্তে আমি তাদের নিয়ে এসেছি।

ডক্টর স্বামীনাথনের অন্তর থেকে বার হওয়া এই কথাগুলি আমাকে খুবই খুশী করেছিল।

বি. বি. এস. আর্যায়, স্বরেন্দ্রনাথ আর্ষ, এস. দোরাইস্বামী, সব আমার বন্ধু ছিলেন। আর্যায় একটা আদর্শ জীবন যাপন করতে ভালোবাসতেন। তিনি একটা গুরুকুল স্থাপন করে তাঁর শিষ্যদের সঙ্গে সেখানে বাস করতেন। 'তিরুক্কুরল' নামে বিশিষ্ট গ্রন্থটি তিনি তামিল থেকে ইংরিজীতে অনুবাদ করেন।

নদীতে স্নান করার সময় তাঁর মেয়ে পা ফসকে পড়ে গিয়ে ডুবে যায়। তাকে রক্ষা করতে গিয়ে তিনিও মারা যান। তাঁর যত্নাতে তামিল সাহিত্যের খুব বড় একটা ক্ষতি হয়। আর সেই গুরুকুলও বেশীদিন টেকেনি।

স্বরেন্দ্রনাথ আর্ষ ব্রাহ্মসমাজ আর ঐতিক আন্দোলন দুটোর কাজই খুব উৎসাহের সঙ্গে করেছিলেন। রাজনৈতিক ব্যাপারে তিনি সবসময় প্রগতিশীল দলের দিকে থাকতেন। 1954 সালে তিনি মারা যান।

এস. দোরাইস্বামী মাদ্রাজ হাইকোর্টের একজন বড় উকীল ছিলেন। তিনি সবসময় পরকে সাহায্য করার জন্ত এগিয়ে যেতেন। তাই তাঁর অনেক বন্ধু ছিল। তাঁর প্রায়কটিশ খুব ভালো হলেও তাঁর আগ্রহ ছিল আধ্যাত্মিক কাজকর্মে। হাজার হাজার টাকা রোজগারের পথ ছেড়ে দিয়ে তিনি মনের শান্তি খোজার জন্ত পণ্ডিচেরীতে অববিন্দ আশ্রমে যোগ দেন। বেশ কিছুদিন সেখানে তিনি ছিলেন। এরপর আশ্রম থেকে চলে এলেও আধ্যাত্মিক চিন্তায়ই তিনি তাঁর দিন কাটান। কয়েক বছর আগে আমি মাদ্রাজে তাঁর সঙ্গে দেখা করি। টাকা পরয়া, নাম যশ কিছুই আর তাঁকে তখন আকর্ষণ করতে পারে নি। 'এ সবেব অর্থ কি? এই জীবন আমাদের কোথায় নিয়ে যাচ্ছে'—এই প্রশ্নের উত্তর তিনি খুঁজছিলেন।

জীবনের ব্যাপারে আমাদের অনেক লোকের সঙ্গে পরিচয় হয়। তারা আমাদের অভ্যন্তরে আমাদের বর্তাব চরিত্র, মতামত অনেক সময় বললে দেয়। কারোঁর কারোঁর

কথা, তাদের কাজকর্ম চিরকাল আমাদের মনে গেঁথে যায়। কতরকমের ভাবনা চিন্তা, দর্শন, আদর্শ তাদের কাজগুলিকে নিয়ন্ত্রণ করে। কেউ কেউ বলে যে মানুষের সব কাজের পেছনে আছে তার স্বার্থ। এই স্বার্থই তাকে প্রেরণা শক্তি জোগায়। বেশীর ভাগ লোকের সম্পর্কে হয়তো এ কথা সত্যি। কিন্তু এর ব্যতিক্রম কিছু মহৎ ব্যক্তিও আছেন। তাঁদের সংখ্যা খুব কম। এঁদেরই আমরা শ্রদ্ধা করি, ভালোবাসি। খুব সূক্ষ্মভাবে ভেবে দেখলে দেখা যায় যে একটি লোকের ইচ্ছা আকাঙ্ক্ষা যে সমাজে সে বাস করে তার ইচ্ছা আকাঙ্ক্ষার সঙ্গে মিলিয়ে চলা সম্ভব। যদি সম্ভব না হয় তাহলে বোঝা যাবে যে দু'পক্ষেরই মধ্যে কোথাও কিছু গোলোযোগ আছে। সমাজ ব্যক্তিগত মানুষের সুখ সুবিধার দিকে লক্ষ্য রাখবে, আবার সমাজের কল্যাণের কথা ভেবেই ব্যক্তি তার জীবনকে নিয়ন্ত্রিত করার চেষ্টা করবে। তার মঙ্গলে সমাজের মঙ্গল, আর সমাজের মঙ্গলে তার মঙ্গল, এ বোধ এখনো মানুষের জাগেনি। দার্শনিকেরা যে আদর্শ জগতের কথা বলেছেন তা সাধারণ লোকের মূঠি থেকে দূরে চলে যাচ্ছে। আদর্শকে পাওয়ার, তাকে প্রতিষ্ঠিত করার মধ্যে যে প্রচেষ্টা সেই প্রচেষ্টাই আমাদের জীবনে আনন্দ আর প্রেরণা জোগায়।

নয়

একটা নতুন আলোড়ন

হোমরুল লীগের আন্দোলনের ফলে ব্রিটিশ সরকার ভারতবর্ষে কতকগুলো শাসনসংস্কার করবেন বলে ঠিক করলেন। তখনকার ভারত-সেক্রেটারী মন্টেগু এবং বড়লাট চেম্‌স্‌ফোর্ড ভারতবর্ষে এসে খোঁজ খবর করে যে রিপোর্ট তৈরী করেছিলেন তা 1918 সালের নভেম্বর মাসে বার করা হয়। এই রিপোর্টের বিবরণ পড়ে ভারতবাসীরা দুই ভাগে ভাগ হ'য়ে গেল। রিপোর্ট অস্থায়ী শাসনসংস্কার এতটুকু সন্তোষজনক নয়, এই শাসনসংস্কারকে তারা গ্রহণ করতে পারে না বলে চরমপন্থীরা জানালো। নরমপন্থীরা বল যে এই শাসনসংস্কারের কিছু কিছু গ্রহণযোগ্য, তাদের কিছুকাল পরীক্ষা করে দেখা হোক। তবে চরমপন্থীরাই ছিল সংখ্যায় অধিক। রিপোর্ট প্রকাশ পাওয়ার পর অনেকদিন ধরে দু'পক্ষের বাদপ্রতিবাদ, ময়দানে আর কাগজে বক্তৃতার ঝড় তুললো। একসঙ্গে কাজ করে আসা অনেক ঘনিষ্ঠ বন্ধুরাও এখন বিভক্ত হয়ে পরস্পরের বিরুদ্ধে বিষ উদ্‌গীরণ করতে লাগলো।

মন্টেগু চেম্‌স্‌ফোর্ড রিপোর্ট মনোযোগ সহকারে পড়ে তার ভেতরকার রক্তগুলো ভালো করে পরীক্ষা করবার জন্য আমরা কয়েকজন নিউ ইণ্ডিয়া অফিসে প্রায়ই এসে মিলতাম। অ্যানি বেসান্ট, রামস্বামী আয়ার, ই. এল. আয়ার এবং আরো কয়েকজন এই গ্রুপে ছিলেন, আমিও ছিলাম। অ্যানি বেসান্ট, আর সি. পি. রামস্বামীর মতে শাসনসংস্কারগুলো একবার পরীক্ষা করে দেখা উচিত। কিন্তু আমরা কয়েকজন তাঁদের মতে মত দিতে পারলাম না। ক্রমে আমরা তাঁদের থেকে বিচ্ছিন্ন হয়ে যাচ্ছি একথা বেশ বুঝতে পারছিলাম।

ভারতবর্ষের সর্বত্র যখন এই বিরোধ দেখা দিল তখন মালাবারের কংগ্রেস এর থেকে বাদ পড়ল না। আমি মাদ্রাজে থাকলেও মালাবারের রাজনীতির সঙ্গে আমার যোগস্বত্র হারাইনি। তাই 1921 সালের এপ্রিল মাসে মাকেরীতে মালাবার মেলা কনফারেন্স ডাকা হ'লে আমার বাওয়া দরকার বলে কে. মাধবন. নারায়ণ বখন আমাকে জানালেন তখন তার কারণ বুঝতে আমার একটুও দেরী হ'ল না।

‘হিন্দু’ পত্রিকার সম্পাদক কস্তুরী আরেদার এই কনফারেন্সের সভাপতি ছিলেন, অ্যানি বেসান্টও এই কনফারেন্সে যোগ দিয়েছিলেন। একটা অস্থবিধাজনক

আবহাওয়ার কনফারেন্স বসতে চলেছে তা বেসিকেরই তাকানো যায়, দেখলে বোঝা যায়। কনফারেন্সের আগের দিন থেকেই হুঁদলের লোকেরা তাদের দিকের লোক জোগাড় করার চেষ্টা করছিল।

ঝিলাফতের ব্যাপারে ব্রিটিশ গভর্নমেন্ট যে মনোভাব অবলম্বন করেছিল তাতে মুসলমানেরা অভ্যস্ত হুঁক হয়েছিল। ব্রিটিশ সরকার ভারতবর্ষে যে শাসনসংস্কার করতে চলেছে তার সঙ্গে তাদের প্রতীক্ষিত সংস্কারের যে কিছু মিল নেই তা জানার পর রাজনৈতিক আবহাওয়া আর একবার ঘোলাটে হ'য়ে উঠলো। মালাবারে সহযোগী আর অসহযোগীদের মধ্যে একটা যুদ্ধ মাঝেরীতে আরম্ভ হলো। প্রতিনিধিদের মধ্যে অনেক মুসলমানও ছিল। এত বেশী প্রতিনিধি আর কোনো কনফারেন্সে দেখা যায়নি। 28শে এপ্রিল বেলা 12টার সময় কনফারেন্স আরম্ভ হয়। সেদিন সকাল 8টার সময় তখনকার রাজনৈতিক পরিস্থিতি নিয়ে আমি আর সি. পি. রামস্বামী আয়ার্যার বক্তৃতা দিই। শাসনসংস্কারের নানা দিকগুলো জনসাধারণকে বুঝিয়ে, আমরা বক্তৃতা দিই। 29শে এপ্রিল সকালে সভা আরম্ভ হ'লে পর দেখা গেল 1300 প্রতিনিধি এই সভায় বোগ দিয়েছে। আবহাওয়া ততকণে খুব গরম হয়ে উঠেছে। তর্কাতীত কতকগুলি প্রস্তাব পাশ হবার পর শাসনসংস্কার বিষয়ক প্রস্তাবটি কে. পি. রামন মেনন আনলেন।

—ভারতবর্ষ সম্পূর্ণ দায়িত্বশীল শাসনের উপযুক্ত। মন্টেগু-চেমস্ফোর্ড রিপোর্টে ভারতের শ্রায়সঙ্গত দাবীকে অবহেলা করা হয়েছে সেইজন্য এই শাসনসংস্কার এতটুকু সন্তোষজনক ও আশাজনক নয়। 'অসন্তোষজনক ও নিরাশাজনক' এই দুটি শব্দ প্রস্তাব থেকে তুলে নেবার জন্তে অ্যানি বেঙ্গান্ট একটা প্রস্তাব আনেন। নীলায়ুরের ছোট রাজাসাহেব এই প্রস্তাব সমর্থন করেন, আর আমি বিপক্ষে বক্তৃতা দিই, বেশীর ভাগ প্রতিনিধিরা তাঁর বিপক্ষে দেখে অ্যানি বেঙ্গান্ট এবং তাঁর সহকর্মীরা সভা থেকে বেরিয়ে যান। প্রস্তাব ভোটে ফেলা হলে বিরাট সংখ্যাগরিষ্ঠতার পাশ হয়।

অ্যানি বেঙ্গান্টের এই ব্যবহার বড়ই দুর্ভাগ্যজনক বলে আমার মনে হয়েছিল। কিন্তু এর জন্তে তাঁর ওপর আমার শ্রদ্ধা একটুকু কমে নি। অ্যানি বেঙ্গান্ট ভারতবর্ষের জন্ত অনেক কিছু করে ভারতবাসীদের কৃতজ্ঞতাজান্ন হয়েছেন। ভারতের ইতিহাসে তাঁর অকর স্থান থাকবে। মাহুকের মত বদলে যায়। অ্যানি বেঙ্গান্টেরও গিয়েছিল। কিন্তু ভারতবর্ষের নিঃস্বার্থ সেবায় নিজেকে সম্পূর্ণরূপে সমর্পণ করা সেই বিশাল হৃদয়ের সামনে মাথা নত না করে কি থাকা যায়?

দেশবাসীদের চমকে দিয়ে একটার পর একটা ঘটনা দ্রুতগতিতে ঘটে চলছিল। পরাধীনতার শৃঙ্খলে বাঁধা ভারত তার শৃঙ্খল ভেঙে কেলার জন্ত প্রার্থণা চেষ্টা করে

বাচ্ছিল। আলিয়ানওয়ারা বাগের হতাকাও আর তার কলে মিলিটারী শাসন বিদেশী শাসকদের নয় রূপ দেশের লোকের সামনে ধরা পড়লো।

পাক্কাবে সেন্তশাসন প্রবর্তন করার অন্ত ডাইসরয়ের এক্সিকিউটিভ কাউন্সিলের সদস্ত তার সি. শঙ্করনু নায়ার পদত্যাগ করেছেন জেনে দেশবাসী তাঁকে স্বাগত জানালো, কার্যে ইস্তফা দিয়ে মাদ্রাজে ফেরার পথে শঙ্করনু নায়ারকে পথের মধ্যে যে অভ্যর্থনা জানানো হলো তাতে সরকারের বিরুদ্ধে জনগণের অসন্তুষ্টি আর ঘৃণাই প্রকাশ পেল।

দেশে যে সব ঘটনা ঘটছিল তাতে আমি খুব বিচলিত হয়ে পড়েছিলাম। কাজে ভালো করে মন দিতে পারছিলাম না। সংসারের দায়িত্ব আর রাজনীতি এই দুটোটার পড়ে আমার মন খুব অস্থির হয়ে পড়েছিল। স্ত্রী আর সন্তান ছাড়াও আমার মা ভাই বোনদের দায়িত্বও পড়েছিল। আমার ছ' ভাই আর চার বোন ছিল, আর ছিল প্রচুর ধার দেনা শোধ করবার দায়িত্ব। যতক্ষণ না আমার দেনা আমি শোধ করতে পারি ততক্ষণ আমার আর অন্য কোন দায়িত্ব নেওয়া উচিত নয় এ চিন্তা আমার মনে অনেকবার উদয় হয়েছে। কিন্তু কি একটা অনিয়ন্ত্রিত শক্তি আমাকে রাজনীতির দিকে পুনঃপুনঃ টেনে নিয়ে যাচ্ছিল। আমার যদি বেশ কিছু টাকা থাকতো, একথা যে আমি কতবার ভাবলাম। টাকা পরমা হাতে থাকলে আমার খুশীমতো জীবন আমি বেছে নিতাম। আমি জানি যে আমি না থাকলেও স্বাধীনতার সংগ্রাম খুব জোরের সঙ্গেই এগিয়ে যেতো। ভারতবর্ষের স্বাধীনতা প্রাপ্তি আমার সাহায্য ছাড়া মিলবে না এরকম ভ্রান্ত ধারণা আমার ছিল না। কিন্তু দেশের কাজে আমি একটা ভারী তৃপ্তি, ভারী আনন্দ অহুতব করতাম। আমার সেই অহুতবের পথে যে সব বাধা এসে জড়ো হয়েছিল তাদের আমি ঘৃণা করতাম, অভিশাপ দিতাম।

সি. রাজাগোপালাচারী এই সময় মাদ্রাজে প্র্যাকটিশ করছিলেন। হোমরুল আন্দোলন শুরু হওয়ার সময় থেকে তাঁর সঙ্গে আমার পরিচয়। মাঝে মাঝে আমাদের দুজনের দেখা হত। তিনি আমাকে খুব সহায়ত্বের সঙ্গে ব্যুত্রে চেষ্টা করতেন। তাঁর ভীত বুদ্ধি, ভালোমন্দ বোঝার ক্ষমতা, জনগণের সেবা করার আকাংক্ষা দেখে আমি তাঁর প্রতি আকৃষ্ট হয়েছিলাম, জনগণের কাজে তিনি আমাকে খুব উৎসাহ দিয়েছিলেন। তাঁর সঙ্গে একত্রে কাজ করার স্বপ্ন এখনো আমার মনে জলজল করছে।

স্বাধীনতা সংগ্রামে উৎসাহের সঙ্গে যোগ দেবার প্রেরণা আমি আর একজনের কাছ থেকে পেয়েছি। তিনি হচ্ছেন শ্রীরামলু। শ্রীরামলু ভ্রমিক আন্দোলনের সঙ্গে যুক্ত ছিলেন। তিনি খুব শিক্ষিত লোক ছিলেন, আর ভ্রমিকদের মধ্যে তাঁর অসাধারণ

প্রভাব ছিল। শ্রীরামলু মাতাজের সকলের কাছে সুপরিচিত ছিলেন। রোজ তিনি আমার বাড়ীতে আসতেন। পরিবারের খোঁজ খবর করতেন।

এক বিখ্যাত সাহিত্যিক বলেছেন, জীবন একটা মোচাকের মত। মোমাছির নানা ফুল থেকে মধু সংগ্রহ করে চাকে আনে। ফুলেদের গুণাগুণে মধু মেলে। কোন ফুলের মধুতে মিষ্টি কম, কোনোটায় বা মিষ্টি বেশি, কোন ফুলের গন্ধ থাকে, কোনটায় থাকে না। এমনি ভাবে নানা ফুলের নানা ধরনের মধুর মিশ্রণে আসল মধু আমরা পাই। জীবনও সেইরকম, নানা ধরনের লোক আমাদের জীবনকে ছুঁয়ে ছুঁয়ে যায়। বজুবান্দব, আত্মীয়স্বজন, জানা, অজানা নানা লোকের দোষ গুণ আমাদের চরিত্রের ওপর, জীবনের ওপর, প্রভাব বিস্তার করে। এগুলি আমাদের চরিত্রকে কখনো উজ্জ্বল, কখনো স্তিমিত করে। আমরা হয়তো এসব কিছু জানতে পারি না, কিন্তু এটাই সত্যি।

প্র্যাকটিশ ছেড়ে জনসাধারণের কাজে

১৯২০ সালের ডিসেম্বর মাসে নাগপুরে কংগ্রেসের যে অধিবেশন হয় তা ভারতের স্বাধীনতা সংগ্রামের ইতিহাসে এক নতুন অধ্যায়ের সৃষ্টি করে। মহাত্মা গান্ধীর ভারতের রাজনৈতিক ক্ষেত্রে প্রবেশের ফলে দেশের সর্বত্র একটা বৈপ্লবিক পরিবর্তন দেখা দিল। কংগ্রেস ভাষার ভিত্তিতে ভারতের সমস্ত প্রদেশগুলোকে পুনর্গঠিত করতে চাইল। কংগ্রেসের লক্ষ্য স্বরাজ, কিন্তু তার পথ অহিংস অসহযোগ আন্দোলন, একথাও কংগ্রেস ঘোষণা করলো। কংগ্রেসের এই ঘোষণার ফলে দেশের বেশ কিছু লোক চাকরী বাকরী ছেড়ে কংগ্রেসের অসহযোগ আন্দোলনে যোগ দিল। অনেক অভিভাবকেরা প্র্যাকটিশ ছেড়ে দিয়ে রাজনীতিতে যোগ দিল। ছাত্রেরা স্কুল কলেজ ছেড়ে দিয়ে স্বাধীনতার আন্দোলনে অংশ গ্রহণ করলো। হিন্দুদের সঙ্গে মুসলমানেরাও অনেকে স্বাধীনতা আন্দোলনে যোগ ছিল। জাতিভেদের বিলোপ করা কংগ্রেসের লক্ষ্য জেনে সবরকম সম্প্রদায়ের লোকেরা এই আন্দোলনে আকৃষ্ট হলো। বিলাফত আন্দোলনে কংগ্রেসের সহায়ত্ব হিন্দু মুসলমানের মৈত্রীকে দৃঢ় করতে সাহায্য করলো। দেশের চারিদিকে অঙ্কুরিত এক উৎসাহ জেগে উঠলো। সারা দেশে একটা দৃঢ় ঐক্য গড়ে উঠলো। লোকের মধ্যে আত্মত্যাগের একটা স্পৃহা দেখা দিল।

নাগপুর কংগ্রেসের সিদ্ধান্ত জেনে এবং দেশের এক প্রান্ত থেকে অপর প্রান্তে এই উৎসাহের জাগরণ দেখে আমি অত্যন্ত উত্তেজিত হয়ে উঠলাম। মন আমার তখন ভারী অস্থির। আমি যে কি করবো তা ভেবে না পেয়ে খুব চিন্তিত হ'য়ে দিন কাটাচ্ছিলাম। এই সময় অনেকবার রাজাগোপালাচারী আমার সঙ্গে দেখা করেছিলেন।

‘রাজ আপনার জায়গা মালাবারে। কংগ্রেস একটা বিরূপ সংগ্রামের অন্ত তৈরী হচ্ছে,—এই কথাগুলি রাজাগোপালাচারী আমাকে এক বার বলেছিলেন। দেশের স্বাধীনতা সংগ্রামে অংশ গ্রহণ করার ব্যাপারে কারোর কাছ থেকে প্রেরণা পাবার দরকার আমার অবশ্য ছিল না।—কিন্তু আমার ভাবনা ছিল আমার পরিবার নিয়ে। আমি দরিদ্র, আমি যদি আমার পরিবারের কোনো ব্যবস্থা না করে স্বাধীনতা আন্দোলনে যোগ দিই তাহলে সেটা কি আমার পক্ষে হঠকারিতা নয়? আমার এর অন্ত দিকটাও আমি ভাবলাম, ধরা বাক যে ভারতবর্ষ একটা স্বাধীন দেশ। ভারত আর

একটা দেশের সঙ্গে যুদ্ধেতে লিপ্ত হয়েছে। প্রাপ্তবয়স্ক সমস্ত পুরুষদের যুদ্ধেতে নামতে হবে এটা যদি ভারতবর্ষ ঠিক করে তাহলে তার থেকে কি আমি সরে দাঁড়াতে পারবো? কংগ্রেস হয়তো আমার ওপর জোর করতে পারে না কিন্তু তার এই আহ্বান কি আমি উপেক্ষা করতে পারি? কংগ্রেসের কাছে আমার কি একটা ঋণ নেই? এমনি ভাবে একটার পর একটা চিন্তা আমার মনকে খুব অস্থির করে তুললো।

মালাবারের রাজনৈতিক অবস্থা তখন বিশেষ ভালো ছিল না। নাগপুর কংগ্রেসের সিদ্ধান্তে মালাবারে কংগ্রেসের কাজকর্মে একটা নতুন জাগরণ আনলো। খিলাফত আন্দোলন এই জাগরণে আরো শক্তি জুগিয়েছিল।

দেশীয় রাজ্যগুলিতে কংগ্রেসের কাজ করার জন্ত, কোচীন, ত্রিবান্দুর আর মালাবার নিয়ে একটা কংগ্রেস সংগঠন করা হয়। কে. মাধবন নায়ার এই নতুন কংগ্রেস কমিটির সেক্রেটারী হলেন।

মুসলমানদের মধ্যে যে অস্থিরতা দেখা যাচ্ছিল তা আরো বিপজ্জনক ভাবে বেড়ে যাবে বলে দেশের শাসনকর্তারা বেশ ভয় পেয়ে গেলেন। এই অস্থিরতা বন্ধ করার জন্ত জেলা ম্যাজিস্ট্রেট সভাসমিতি সব বন্ধ করে দিলেন। মাদ্রাজের একমুখ প্রাধান মুসলিম নেতা ইয়াকুব হাসান সাহেবের কালিকটের এক জনসভায় বক্তৃতা দেওয়ার কথা ছিল। তিনি সেখানে উপস্থিত হওয়া মাত্র তাঁর ওপর নিষেধাজ্ঞা জারী হলো। সেটা ছিল 1921 সালের 15ই ফেব্রুয়ারী। গোপাল মেনন, মানবন নায়ার আর ময়দীন কয়া এই সভার যোগ দেবেন বলে ঠিক করাতে তাঁদের ওপরও নিষেধাজ্ঞা জারী হ'ল। নিষেধাজ্ঞা মানবেন না বলে তাঁরা ঠিক করাতে তাঁদের আ্যারেস্ট করার জন্তে জেলা ম্যাজিস্ট্রেট পুলিশ সুপারিন্টেন্ডেন্টকে হুকুম দিলেন। একথা জানতে পেরে একটা বিরাট জনতা জেলা ম্যাজিস্ট্রেটের অফিসের চারিদিকে জড়ো হলো। অফিসের গেট বন্ধ করে দেওয়া হলো। ব্যারাক থেকে গোরা সৈন্যদের বাইরে আনা হলো। পুলিশ ইয়াকুব হাসান এবং অন্তদের বেলা ছুটোর সময় বন্দী করে নিয়ে এলো। এদের চারজনকে ছ' মাসের জন্ত ভালো ব্যবহারের মূলেকা দেবার জন্ত আনা হয়েছিল। কিন্তু তাঁরা তাতে রাজী হলেন না। তাই তাঁদের ছ'মাস বিনাশ্রম কারাদণ্ড দিয়ে কান্নুর জেলে পাঠিয়ে দেওয়া হলো।

এই খবর বনে আগুন লাগার মত দেশের সর্বত্র ছড়িয়ে পড়ল। দোকান বাজার সব বন্ধ হ'য়ে গেল। ছেলেমেয়েরা স্কুল কলেজ থেকে বেরিয়ে এলো। অনেক উকীল কোর্টে যাওয়া বন্ধ করলেন। সরকারের এই অস্বাভাবিক আচরণের নিষেধ করে মালাবারে এবং তার বাইরেও অনেক জাগরায় জনসভা হ'ল।

—‘নেতাদের আরেস্ট করা হয়েছে। রাজনৈতিক পরিস্থিতি খুবই গুরুতর। শীঘ্র চলে আসুন’—এই টেলিগ্রাম কালিকট থেকে পেয়ে আমার কর্তব্য সঙ্কে আমার আর বিলম্বমাত্র সম্বন্ধে রইল না। সেইদিনই কালিকট রওনা হবো বলে ঠিক করলাম। রাজাগোপালাচারীও আমার সঙ্গে আসবেন বলে বরেন, আমার স্ত্রী এবং ছেলেমেয়েরা তখন মাদ্রাজে ছিল, আমি একুনি কালিকট রওনা হচ্ছি জানতে পেরে তারা খুব ঘাবড়ে গেল। আমার রাজনৈতিক কাজকর্মে তারা বাধা দিতে চায়নি, কিন্তু আমি এমনভাবে রাজনৈতিক কাজে বাঁপ দিলে তাদের অবস্থা যে কি হবে সে কথা ভেবে তাদের উৎকণ্ঠিত হওয়াটা খুবই স্বাভাবিক। সেই দিনের গাড়ীতেই রাজাগোপালাচারীও সঙ্গে আমি কালিকট রওনা হলাম।

কালিকটের ঘটনা মালাবারের জনসাধারণকে যে খুবই উত্তেজিত করে তুলেছে তা পথে আসতে আসতে প্রতিটি রেলওয়ে স্টেশনে জনগণের ভীড় দেখে বুঝতে পারলাম। কালিকট রেলস্টেশনে পুলিশ আর একটা বিরাট জনতা আমাদের আগমনের অপেক্ষা করছিল। আমরা স্টেশন থেকে লোজা মাধবন নারায়ের বাড়ীতে গেলাম। বন্ধুবান্ধবদের কাছ থেকে সব খবর জানতে পারলাম।

দু’দিন পরে আমরা কান্নুর জেলে গিয়ে আমাদের সহকর্মীদের সঙ্গে দেখা করলাম। আমাদের দেখতে পেয়ে তাঁরা খুব খুশীই হলেন, পুলিশ আমাদের খোলাখুলি কথাবার্তা কানো বাধা দেয়নি। সে সময় জেলে রাজনৈতিক বন্দীদের সংখ্যা খুব কমই ছিল।

কালিকটে আসার পর আমার কর্তব্য আমি ঠিক করে ফেললাম। প্র্যাকটিশ বন্ধ করে জনগণের কাজে নামবো বলে ঠিক করলাম। মালাবারের কংগ্রেসের ভার আমি নিলাম। মাধবন নারায়ের বাড়ীতে কংগ্রেসের অফিস খুললাম। সেখানেই আমার থাকার ব্যবস্থা করলাম। এমনি ভাবে তিন সপ্তাহ কেটে গেল।

আমি প্র্যাকটিশ ছেড়ে দিয়ে রাজনীতির কাজে নেমেছি এ খবর আমার স্ত্রী এবং ছেলেমেয়েরা প্রথম জানতে পারে খবরের কাগজ থেকে। আমার আত্মীয়স্বজনরা এ খবর কেমন ভাবে নেবে এই ভয় তাদের ছিল, আমারও ছিল। কালিকট থেকে যখন আমি পালঘাটে গেলাম, তখন আত্মীয়স্বজনদের মুখের ভাব দেখেই বুঝতে পারলাম যে আমার এই ব্যবহারে তাঁরা কতখানি অসন্তুষ্ট হয়েছেন। ওকালতি ছেড়ে দিয়ে এমনি ভাবে রাজনীতিতে নামা তাঁরা একেবারেই বরদাস্ত করতে পারেন নি। তাঁদের এ সম্বন্ধে বলে কিছু লাভ নেই এ আমি জান্তাম। আমার বক্তব্য শোনার বা আমার অবস্থা বোঝার ইচ্ছেও তাঁদের নেই। তাঁরা আমাকে লোজাহুজি কিছু না বলে মান্ধত কৃষ্ণ নারায় এবং দু’ একজন মাননীয় ব্যক্তিকে আমাকে বুঝিয়ে বলার

অন্ত অশ্রুরোধ জানিয়েছিলেন। তাঁরা জানতেন যে কৃষ্ণ নায়ারের ওপর আমার শ্রদ্ধা কতখানি। কৃষ্ণ নায়ার আমাকে অনেক উপদেশ দিলেন। কিন্তু একবার যখন পা বাড়িয়েছি তখন সেই পা আবার পেছনে টেনে নেওয়ার ইচ্ছে আমার ছিল না।

মাত্রাজ থেকে আমার পরিবারকে তাড়াতাড়ি কালিকটে নিয়ে আসা ঠিক করলাম। সেখানে আমার কতকগুলো কাজ সারবার ছিল, তাই আমি মাত্রাজ রওনা হলাম।

রাজাগোপালাচারী আমাকে রাজনৈতিক কাজে নামার অনেক উৎসাহ দিয়েছিলেন। আমি কালিকট রওনা হবার আগে তিনি মাত্রাজে আমার বাড়ীতে দু'একবার এসে আমার অবস্থা সব খোঁজখুলি জিজ্ঞাসা করেছিলেন। তিনি বেশ ভালোভাবেই জানতেন যে প্রাকটিশ ছেড়ে দিয়ে রাজনৈতিক কাজে নামার অবস্থা আমার নেই। তিনি আমাকে একটা চেক দিয়ে বলেছিলেন—এটা রেখে দিন। সে সময় এই চেকটি আমার খুবই কাজে লেগেছিল।

আইনের বই আর কোর্টের কেসগুলো বন্ধুবান্ধবদের হাতে দিয়ে আইন লন্ডন আর বেঙ্গল সেবা করতে আমি মাত্রাজ থেকে কালিকটে ফিরে এলাম।

এগার

অসহযোগ আন্দোলন

কেরল প্রদেশ কংগ্রেস কমিটির সেক্রেটারী হিসেবে কংগ্রেসের শাখা স্থাপন করা আর তার সংগঠনের কাজে আমিই প্রথম পরিশ্রম করেছিলাম। এই কাজের খরচের জন্য রাজাগোপালাচারী আমাকে 1000 টাকা দিয়েছিলেন। আমি মাধবন নারায়ের বাড়ীতে আমার পরিবার সহ বাস করতে লাগলাম। কংগ্রেসের অফিস ছিল বাড়ীর একতলায়। আমার কয়েকজন উকীল বন্ধু ওকালতি ছেড়ে দিয়ে কংগ্রেসের কাজে আমাকে উৎসাহের সঙ্গে সাহায্য করেছিলেন।

কয়েকদল ছাত্রও পড়াশুনো ছেড়ে দিয়ে কংগ্রেসের আন্দোলনে যোগ দিয়েছিল। তাদের মধ্যে কেউ কেউ কংগ্রেস সংগঠনের কাজে খুবই উৎসাহ দেখায়। খুব একটা সন্ধ্যার সময় তারা যে ভাবে কংগ্রেসের কাজ করেছিল তা সত্যিই প্রশংসনীয়। এদের মধ্যে একজনের নাম বিশেষ ভাবে করতে চাই। তিনি হচ্ছেন এ. কে. পিল্লা। অসহযোগ আন্দোলন আরম্ভ হবার সময় তিনি অক্সফোর্ড বিশ্ববিদ্যালয়ের ছাত্র ছিলেন। পড়াশুনো ছেড়ে দিয়ে কেরলে কংগ্রেসের কাজ করতে তিনি এসেছেন। কিসের প্রেরণা পেয়ে তিনি এসেছেন এসব কথা তিনি খুব সহজভাবে হাসতে হাসতে আমাদের বলেছিলেন। এমনি ভাবে তাঁর সঙ্গে আমার পরিচয় হয়। পিল্লা আমার খুবই বন্ধু ছিলেন। অনেকদিন তিনি খুব আন্তরিক ভাবে কংগ্রেসের সেবা করেছিলেন। একসময় তাঁকে অনেক ক্ষতি, অনেক কষ্টও সহ করতে হয়েছে।

কংগ্রেসের আদর্শ প্রচারের জন্য তিনি কইলন থেকে ‘স্বরাট’ বলে একটা মালয়ালম কাগজ বের করেন। বেশ কিছু দিন পরে পিল্লা কংগ্রেস ছেড়ে দিয়ে মানবেজনাথ রায়ের পার্টিতে যোগ দেন। শেষ দিকে আমাদের দুজনের রাজনৈতিক মতামত ভিন্ন হ’লেও আমাদের ব্যক্তিগত বন্ধুত্ব তাতে ক্ষুণ্ণ হয়নি।

অসহযোগ আন্দোলন আরম্ভের সময় একদিন এক যুবক কংগ্রেস অফিসে আসেন। তিনি বোধহেতে ল’ পড়ছিলেন। পড়াশুনা ছেড়ে দিয়ে দেশের কাজে যোগ দিতে তিনি এসেছেন। এই ছাত্রটিই পরে তাঁর দেশ সেবার জন্য প্রচুর নাম করেছিলেন। তাঁর নাম কে. কেল্লান্ন।

অসহযোগ আন্দোলনের সময় মুহম্মদ আবদুর রহমান আলিগড়ে পড়ছিলেন।

পড়ানো ছেড়ে দিয়ে তিনিও কালিকটে চলে এলেন। কংগ্রেসের জন্ত ও খিলাফত আন্দোলনের জন্ত তাঁর কাজ মনে রাখার মত। ‘আল্ আন্ন’ নামে একখানি কাগজের মালিক আর সম্পাদক ছুটোই তিনি ছিলেন। তাঁর নাম আর খ্যাতি যখন উচ্চ শিখরে তখন নিষ্ঠুর বিধাতা সেই দেশপ্রেমিককে ছিনিয়ে নিয়ে গেলেন। তাঁর অকাল মৃত্যু কেরলের রাজনৈতিক কাজকর্মে গুরুতর একটা ক্ষতির সৃষ্টি করে।

কংগ্রেসের প্রচার কাজে কংগ্রেস কমিটির শাখা রাজ্যের সব জায়গার স্থাপন করার কাজে আমাকে সপ্তাহে দু’তিনবার কালিকটের বাইরে যেতে হতো।

মুসলমানদের কংগ্রেসের আদর্শ বোঝানো, তাদের কংগ্রেসে যোগ দেওয়ানোর জন্তে মেরেতু মৌলভী যা করেছেন তার কথাও এখানে বলা উচিত। তিনি খুব সহজ ভাষায় কংগ্রেসের আর খিলাফত আন্দোলনের উদ্দেশ্য সবক্ষে হাজার হাজার মুসলমানদের বলে বুঝিয়েছিলেন। তখন থেকে আজ অবধি মৌলভী সাহেব দেশের সেবা করে আসছেন।

মোহম্মদ মুশালিয়ার আর একজন উৎসাহী কংগ্রেস কর্মী ছিলেন। অসহযোগ আন্দোলনের প্রথম থেকেই তিনি কংগ্রেসের প্রচার কাজে নেমেছিলেন। মুশালিয়ার বক্তৃতা করতে উঠলে ঘণ্টা দুই ধরে শ্রোতাদের আকৃষ্ট করে রাখতে পারতেন। তখন মাইক বলে কিছু ছিল না, একথা যেন মনে থাকে।

কংগ্রেসের প্রচার কাজে একবার উত্তর মালাবারে বাবার পর সেখানে ভারী একটা মজার ঘটনা ঘটেছিল। একটা গির্জার কাছে একটা ময়দানে সভার ব্যবস্থা করা হয়েছিল। একটা উঁচু প্র্যাটফর্মও তৈরী করা হয়েছিল। তার ওপর চেয়ার টেবিল ইত্যাদি সাজানো। বহুলোক এই সভায় যোগ দিয়েছিল। সভার কাজ শেষ হবার পর প্র্যাটফর্ম থেকে নীচে নেমে জানতে পারলাম যে একটা গভীর কুয়ার ওপর কাঠের তক্তা বসিয়ে প্র্যাটফর্ম তৈরী করা হয়েছিল। তক্তাগুলো ভেঙে গেলে আমরা সবাই কুয়ার মধ্যে পড়ে যেতাম। কি সাংঘাতিক ব্যাপার! আমি যখন এ নিয়ে সভার সংগঠকদের বললাম, তারা তখন বল—ও কিছু না, তক্তাগুলো খুবই শক্ত। আপনাদের ভয়ের কিছু নেই।

কংগ্রেস কর্মীদের ট্রেনিং দেবার জন্ত কেরল কংগ্রেস একটা স্কুল খুলেছিল। কেরলের নানা জায়গা থেকে ট্রেনিং নেবার জন্ত কর্মীরা এই স্কুলে আসতো। তাদের তিন সপ্তাহের ট্রেনিং দেওয়া হতো। পৃথিবীর ইতিহাস, ভারতের ইতিহাস, কংগ্রেসের ইতিহাস, কংগ্রেসের কার্যাবলী, স্বাধীনতা যুদ্ধের সৈনিকদের আদর্শ, এই সব বিষয়ে তাদের পড়ানো হতো। ইউ. গোবিন্দন নামের ছিলেন এই স্কুলের ম্যানেজার। মদুরাস পুরুষোত্তম বলে একজন জঙ্গরাটি চরখা বিভাগের চার্জে ছিলেন। সকাল

বেলা পড়াশুনো করা, ছুপুরের পর মদের দোকানগুলিতে পিকেটিং করা আর হুতোকাটা, এটাই ছিল কংগ্রেসের কাজ। ক্লাশ নেবার জন্ত রোজ সকালে আটটার সময় আমি স্থলে যেতাম। দু'ঘণ্টা ক্লাশ নেবার পর কংগ্রেস অফিসে ফিরতাম। অফিসে এবং স্থলে গভর্নমেন্ট অফিসের মতো নিয়ম আর শৃঙ্খলা স্থাপন করা হলো। হাকিম আফজল খাঁ আর রাজাগোপালাচাৰী একদিন কংগ্রেস অফিসে এসে এর কাজকর্ম দেখে খুব প্রশংসা করেছিলেন।

কোচীন রাজ্য কংগ্রেসের প্রচারণার কাজে যখন আমি কোচীন যাই তখন দিন দুইয়ের জন্ত আমি বেকতৌরভীতে ছিলাম। এখানে আমি কেরল রাজ্য কংগ্রেস কমিটির সংবিধান লিখে তৈরী করি। প্রথম সংবিধানে কংগ্রেস কমিটির কোন সভাপতি ছিলো না। তার বদলে সাতজনকে নিয়ে একটা কাউন্সিল গঠন করা হয়েছিল। এঁদের নির্দেশমত সেক্রেটারী কাজ করতেন।

1921 সালে ওট্টাপালমে প্রথম কেরল রাজ্য কংগ্রেস কনফারেন্স ডাকার প্রস্তুতি শেষ হয়। তার আগে মালাবার জেলা কনফারেন্স ডাকা হয়। ওট্টাপালম কমিটির সেক্রেটারী সি. রাম্মুরী মেনন ওধানকার একজন উকীল ছিলেন। ছাত্রাবস্থা থেকেই তিনি দেশের কাজে এগিয়ে এসেছিলেন। যে কাজের ভারই তাঁকে দেওয়া হোক না কেন, তিনি তা শেষ করবেনই। সকাল থেকে সন্ধ্যা অবধি কাজ করতে তিনি ভালোবাসতেন। অনেকদিন পরে তিনি যখন 'মাতৃভূমি'র সম্পাদকের পদ গ্রহণ করেছিলেন তখন তাঁর স্বভাবের এই বৈশিষ্ট্য আর একবার ভালো করে ফুটে উঠেছিল। তাঁর নানা গুণের জন্ত তিনি কেরলের জনগণের শ্রদ্ধাভাজন হয়েছিলেন। তাঁর মৃত্যু দেশের অনেক ক্ষতি করেছে।

ওট্টাপালম কনফারেন্স সফল করার জন্ত রাম্মুরী মেনন খুবই উৎসাহের সঙ্গে কাজ করেছিলেন। তাঁকে সাহায্য করার জন্ত আমি মাঝে মাঝে কালিকট থেকে ওট্টাপালমে যেতাম। অসহযোগ আন্দোলন আরম্ভ হবার পর এই প্রথম কনফারেন্স বলে কেরলের নানা জায়গা থেকে প্রতিনিধিরা এতে বোগ দিয়েছিল। এই কনফারেন্সে সভাপতিত্ব করেছিলেন টি. প্রকাশম্। রাজনৈতিক কনফারেন্সের সঙ্গে খিলাফত্ কনফারেন্স আর ছাত্র কনফারেন্সও আহ্বান করা হয়।

দ্বিতীয় ওট্টাপালমে এই কনফারেন্স অল্পত এক জাগরণ এনে দিয়েছিল। দু'দিন ধরে সারা ওট্টাপালম বক্তৃতা আর স্লোগানে মুখরিত হয়ে ওঠে। এই সময় একটা দুর্ভাগ্যজনক ঘটনা ঘটে, যাতে লোকস্বের উত্তেজনা আরো বেড়ে যায়।

অসহযোগ আন্দোলন শুরু হবার পর যেমন করে হোক এই আন্দোলনকে চেপে

যেয়ে ফেলতে হবে এই ছিল শাসনকর্তাদের মনোভাব। হিন্দু-মুসলমান একসঙ্গে মিলে স্বাধীনতা সংগ্রামে অংশ গ্রহণ করেছে এটা দেখা তাদের অসহ্য হয়ে দাঁড়িয়েছিল। পুলিশ তাই আগে থাকতেই ঠিক করে রেখেছিল এই আন্দোলনের বিরুদ্ধে কি কি উপায় অবলম্বন করবে। রামুদ্রী মেননকে কেমন ভাবে শিকা দেবে তার স্বযোগের অপেক্ষা করছিল তারা। কনফারেন্সের দ্বিতীয় দিনে দুপুরের পর গোলমাল শুরু হলো। রামুদ্রী মেনন আর ডলান্টিয়ারদের ক্যান্টেন মাধব মেননকে পুলিশ লাঠির ঘায়ে আহত করেছে এ খবর পাওয়া গেল। রক্তাক্ত অবস্থায় রামুদ্রী মেননকে একজন মুসলমান প্যাওলে ব'য়ে নিয়ে আসার পর জনতা ভীষণ উত্তেজিত হয়ে পড়ল। কিন্তু তাদের সংগ্রাম অহিংস সংগ্রাম এই কথা মনে করে তারা পুলিশকে কিছু না বলে নিরস্ত হয়ে রইল।

অনেক লোকে বড় গুণ্ডাগোলের আশঙ্কায় গুটাপালয় ছেড়ে চলে গেল। সমস্ত ঘটনা অন্বেষণ করে একটা রিপোর্ট তৈরী করার ভার কনফারেন্স একটা কমিটিকে দিল। এই কমিটির আমিও একজন মেম্বর ছিলাম। আহতদের সঙ্গে দেখা করে প্রমাণ সংগ্রহ করে আমি কালিকটে ফিরে গেলাম। একমাসের মধ্যে রিপোর্ট বার করা হলো। এই রিপোর্টে আমরা বলেছিলাম যে শান্ত জনগণের ওপর পুলিশ বিনা প্ররোচনায় লাঠি চার্জ করেছে এবং এর জন্ত সম্পূর্ণ দায়ী পুলিশ সুপারিন্টেন্ডেন্ট হিচক্ক।

এই রিপোর্ট প্রকাশ হবার পর তার মানহানি করা হয়েছে বলে হিচক্ক আমাদের নামে মানহানির কেস করলেন। তখন আদালত বহিকরণ আন্দোলন চলছিল বলে আমরা আমাদের কেসের সওয়াল করতে বাইনি।

‘ভারতবর্ষে জায়ের নামে যে গ্রহসন চলছে তাতে আমার বিশ্বাস নেই তাই এই কেসের সওয়াল করবো না’ বলে আমি কোর্টকে জানিয়ে দিয়েছিলাম। এই কেসে উচু আর নীচু দুই আদালতই হিচক্কের অহুকুলে রায় দিয়েছিল। কিন্তু জনগণ আমাদের এই রিপোর্টকে সমর্থন করেছিল।

হিচক্ক একজন যোগ্য পুলিশ অফিসার ছিলেন। এরনাডে গুণ্ডাগোলের সময় দুক্কতকারীদের দ্বারা জন্ত তিনি বিশেষ কৃতিত্বের পরিচয় দিয়েছিলেন। ইংল্যান্ডে ফিরে যাবার পর তখনকার পুলিশ অফিসারদের চেটায় তাঁর নামে একটা স্মৃতিফলক তৈরী করা হয়। এই নিয়ে পরে খুব গুণ্ডাগোল হয়। স্বাধীনতা লাভের পর এইরকম ফলক রাখা দেশের পক্ষে অপমানজনক বলে সেটা সরিয়ে ফেলা হয়।

বুটিশদের সময়ের ছবি, ঠাচু, আরগার নাম ইত্যাদি বদলে দেবার একটা আন্দোলন আমাদের দেশে সম্প্রতি হচ্ছে। ইতিহাসকে বদলে দেবার সাধ্য আমাদের নেই, তার

দরকারও নেই। বিদেশী শাসনকে স্বরণ করিয়ে দেওয়া কিছু স্বতিচিহ্ন থাকলে ক্ষতি কি? আমাদের তা সতর্কতা মূলক বিজ্ঞপ্তি বলেই মনে করা উচিত।

গত বিশ্বযুদ্ধে জাপানীরা সিঙ্গাপুর দখল করার পর ব্রিটিশ শাসনের অনেক স্বতি চিহ্ন নষ্ট করে ফেলেছিল। তাদের শাসনের সময় তারা অনেক ঘর বাড়ী প্রতিষ্ঠানের স্বতিচিহ্ন তৈরী করে। যুদ্ধশেষে ব্রিটিশেরা আবার যখন সিঙ্গাপুরে ফিরে এল তারা জাপানীদের সব কিছু নষ্ট করে ফেললো। এমন করে আর কি ইতিহাস মুছে ফেলা যায়? বা ঘটেছে তার অস্তিত্বকে কি এমন করে বিলোপ করা যায়?

বারো

বিপদ সংকেত

ছ'মাস জেল ভোগের পর ইয়াকুব হাসান, মাধবন নারায়ণ, গোপাল মেনন, ময়তীন কয়া 1921 সালের 17ই আগস্ট বাইরে এলেন। কালিকটে আসার পথে প্রত্যেকটি রেল স্টেশনে তাঁদের বিপুল সমর্থনা জানানো হলো। এদের অভিযান করার জন্য কালিকট রেলস্টেশনে এক বিপুল জনতা সাগ্রহে অপেক্ষা করছিল। ইয়াকুব হাসান সোজা মাদ্রাজে চলে গিয়েছিলেন। বাকী তিনজনকে শহরের রাস্তা দিয়ে শোভাযাত্রা করে নিয়ে যাওয়া হলো। নানারকম বাজনা, স্লোগান আর হর্ষধ্বনির সঙ্গে এই শোভাযাত্রা যখন অগ্রসর হচ্ছিল তখন জনতা নেতাদের গলার মালা পরিয়ে দিচ্ছিল। বালাপুরে কংগ্রেসের অফিসে আসতে শোভাযাত্রার তিনঘণ্টা লাগে। সেদিন সন্ধ্যাবেলায় কালিকটের সমুদ্রতীরে যে সভা হয় তাতে হাজার হাজার লোক যোগ দিয়েছিল। সেদিন হিন্দু-মুসলমানের মৈত্রী যেন সবচেয়ে উচ্চ ভাবে বাঁধা ছিল। আমি ক'দিন নেতাদের এই অভিযানের ব্যস্ত ছিলাম বলে অফিসের কাজে দৃষ্টি দিতে পারিনি। এখন অফিসের কাজে একটু মন দিলাম। নেতাদের জেল থেকে ছেড়ে দেবার বেশ কিছু দিন আগের থেকেই এরনাডের স্বতন্ত্রজনক অবস্থার ব্যাপারে কংগ্রেস অফিসে রিপোর্ট পাচ্ছিলাম। সেখানে কংগ্রেস আর খিলাফত কমিটিগুলোকে ভেঙে দেবার জন্তে পুলিশ খুব চেষ্টা করছিল। যে কোনো ছুতোর পুলিশের খিলাফত অফিসে গিয়ে সেখানকার কর্মীদের মারধোর করা, আ্যারেস্ট করা যেন একটা মৈনন্দিন ব্যাপার হয়ে পড়েছিল। পুলিশের এই অত্যাচার কংগ্রেস ও খিলাফত কর্মীরা বেশ কিছুদিন সহ্য করেছিল। অহিংসার সীমা কোথায় তা জানতে না পেরে তারা যেন একটু হতবুদ্ধি হয়ে পড়েছিল। আমি যখন এরনাডে বাই তখন পুলিশের এই অত্যাচারের ব্যাপারে তারা আমার কাছে অনেক অভিযোগ করে। পুলিশ আমাদের ওপর বতই অত্যাচার করুক না কেন অহিংসা আমাদের ব্রত, তার থেকে এক পা ব্যতিক্রম করলে চলবে না একথা আমি তাদের বলি। কিন্তু একটানা পুলিশের অত্যাচার সহ্য করার ক্ষমতা জনগণের ছিল না। কর্মীদের রিপোর্ট থেকে আমি এ সব জানতে পেরেছিলাম।

কংগ্রেস কমিটিগুলোর সংখ্যা বাড়লে শাসনকর্তারা খুব বিচলিত হয় নি। বেটা তারা সহ্য করতে পারছিলেন না তা হচ্ছে খিলাফত কমিটিগুলোর শক্তি বর্ধন।

খলিফত কমিটিগুলো একটা গুপ্তগোল করতে চলেছে এই ভয় তাদের জেগেছিল।

খলিফত আন্দোলন কি তা পাঠকদের জানা উচিত। ‘খলিফা’ এই আরবী শব্দটিরও অর্থ প্রতিনিধি। ঈশ্বরের প্রতিনিধি এই বিশেষ অর্থে শব্দটি ব্যবহার করা হয়। অবতায় মুহম্মদের স্বর্গারোহণের পর রাজ্যের শাসন ক্ষমতা আর ধর্মের নেতৃত্ব একজন ব্যক্তির ওপরই স্তম্ভ ছিল। প্রথম খলিফাকে নির্বাচন করা হয়। পরে এই পদ আরবের রাজপরিবার বংশ পরম্পরায় লাভ করেন। তারপর তুর্কী সুলতান এই পদ পান। সুলতানের এই খলিফা উপাধি নেওয়া মুসলমানেরা অস্বীকার করে। খলিফা উপাধি পাওয়া ব্যক্তি নিজের শাসন চালাবার ষোণ্যতা সম্পন্ন মুসলমান রাজা হবেন এরকম একটা বাধাবাধকতা মুসলমানদের ছিল। এ ছাড়াও খলিফার আর একটা দায়িত্ব ছিল সেটা হচ্ছে মুসলমানদের পুণ্যস্থানগুলো রক্ষা করা। দ্বিতীয় তুর্কী সুলতানের এই ক্ষমতা ছিল বলে মুসলমানেরা তাঁকে খলিফা বলে মেনে নিরেছিল। তুর্কীর সুলতানকে ব্রিটিশরাও খলিফা বলে স্বীকার করে নিরেছিল।

খলিফার আদেশ ‘আম্রা’ আর মুহম্মদ অবতারের আদেশ বলে মেনে নেওয়া। এর বিরুদ্ধাচরণ করলে পরলোকে তাদের কোন সঙ্গতি হবে না বলে মুসলমানদের বিশ্বাস। তাই খলিফার পদমর্যাদা আর প্রতীক বাতে অভ্যস্ত থাকে তা দেখা সব মুসলমানের কর্তব্য বলে তারা মনে করে। তেমনি ভাবে ইসলামের প্রধান কেন্দ্র আরব মুসলমানদের অধীনে এবং তাদের রক্ষাবেক্ষণে থাকবে বলে তাদের জ্ঞেদ।

খলিফত আন্দোলনের ব্যাপারে সমালোচনা করার সময় দুটো জিনিষ বিশেষ ভাবে মনে রাখা দরকার। প্রথম—খলিফার উপাধি আর প্রতীককে অস্বীকার রাখার দায়িত্ব সব মুসলমানের, দ্বিতীয়—ইসলাম ধর্মের কেন্দ্র আরব দেশ এবং সেখানকার পুণ্য স্থানগুলি অস্ত্র ধর্মের অধিকারে যেন চলে না যায় তা দেখার দায়িত্বও তাদের। এই দুটি বিশ্বাস অনেককাল ধরে মুসলমানদের মনে শেকড় গেড়ে বসেছিল।

1914 সালে প্রথম বিশ্বযুদ্ধের সময় তুর্কীর সুলতান ব্রিটিশের বিরুদ্ধে জার্মানীর সঙ্গে যোগ দিয়েছিলেন। এতে ভারতের মুসলমানদের অবস্থা খুব কাহিল হ’য়ে পড়ে। তারা ব্রিটিশ গভর্নমেন্টের প্রজা। এই অবস্থার ব্রিটিশ গভর্নমেন্টকে সাহায্য করার কর্তব্য তাদের। আবার তুর্কীর সুলতান তাদের খলিফা। এই অবস্থার খলিফার বিরুদ্ধেও তারা কিছু করতে পারে না। খলিফার পদমর্যাদা আর ক্ষমতা অস্বীকার রাখার দায়িত্ব তাদের। ভারতের মুসলমানদের এই উত্তর সঙ্কটের কথা ভালো করে জেনেই ব্রিটিশরা তাদের সাহায্য পাওয়ার উপায় খুঁজে বার করলো।

মুসলমানদের পুণ্যস্থানগুলি তারা ধ্বংস করবে না, তাদের যুদ্ধ তুর্কী সরকারের সঙ্গে। স্বলতানের সঙ্গে নয়। ইউরোপীয় কোন সরকারের অধীনে না থেকে নির্ভের অধিকার চালানোর ক্ষমতা খলিফার থাকা উচিত বলে মুসলমানেরা যে মনে করে তাকে বৃটিশ সরকার শ্রদ্ধা করে। এই কথাগুলি বৃটিশ সম্রাটের প্রতিনিধি হিসেবে ভারতের তাইসরয় বলেছিলেন। এর ফলে মুসলমানদের কাছ থেকে অর্থ ও অস্ত্রাস্ত্র সাহায্য বৃটিশ গভর্নমেন্টের প্রচুর মিলেছিল।

যুদ্ধ শেষ হ'ল। বিজয়ী বৃটিশ গভর্নমেন্ট তাদের কথা রাখবার কোন উৎসাহ দেখালো না। 1920 সালের জুন মাসে প্যারিসে যে চুক্তি হলো তাতে তুর্কী স্বলতানের ক্ষমতা এবং পদমর্যাদা কেটে ছেঁটে অনেক ছোট করে ফেলা হল। তুর্কী সাম্রাজ্যের অনেক অংশ অস্ত্রের করতলগত হ'ল। স্বলতানের হাতে নামনাড় ক্ষমতা রইল।

খলিফার এই অপমানের ভারতীয় মুসলমানেরা খুবই ক্ষুব্ধ হলো। খলিফার পুরোনো পদমর্যাদা আর ক্ষমতা তাঁকে আবার ফিরিয়ে দিতে হবে বলে তারা দাবী জানালো। আবেদন নিবেদন করে যখন কোন ফল হলো না তখন তাদের কার্বালিস্কির অস্ত্র তারা আন্দোলন করার জন্য প্রস্তুত হলো। কংগ্রেস তাদের সাহায্য করবে বলে কথা দিল। এমনি ভাবে অসহযোগ আন্দোলনের সঙ্গে খিলাফত্ আন্দোলনও শুরু হলো। দেশের সর্বত্র কংগ্রেসের মতো খিলাফত্ কমিটিও স্থাপন করা হ'ল।

খিলাফত্ ব্যাপারটা যে কি এ সম্বন্ধে সাধারণ মুসলমানের ধারণা ছিল না। মুসলমানদের ধর্মবিশ্বাসে বৃটিশ গভর্নমেন্ট আঘাত দিয়েছে তাই মুসলমানেরা সরকারের সঙ্গে সহযোগিতা করছে না এইটেই ছিল সাধারণ মুসলমানের ধারণা। আর তাই তারা এত উত্তেজিত হ'য়ে উঠেছিল। মুসলমানদের ধর্মবিশ্বাসে আঘাত দেওয়া হয়েছে এবং তার জন্তে তারা যে কোনো বিপদের ঝুঁকি নিতে প্রস্তুত একথা দেশের শাসন কর্তারা বেশ ভালো ভাবেই জানতো। তাই মুসলমান অধ্যুষিত এলাকায় খিলাফত্ আন্দোলনের শক্তিকে ভেঙে ফেলতে হবে এ সিদ্ধান্ত তারা নিয়েছিল।

খিলাফত্ আন্দোলনকে ভেঙে ফেলবার জন্তে মালাবারের মুসলমানদের নিয়ে শাসনকর্তারা একটা দল গড়লো। এই দলটি বলতে লাগলো খিলাফত্ এবং কংগ্রেস আন্দোলনে যোগ দেওয়া মুসলমানদের ধর্মবিরুদ্ধ। 1921 সালের 24শে জুলাই পোন্নানীতে একটা খিলাফত্ সভার আয়োজন করা হয়েছিল। বিপক্ষ দলটি এর বিরুদ্ধে আর একটা পালটা সভার আয়োজন করলো। এতে দেশের শাসনকর্তারা তাদের সাহায্য করেছিল। খিলাফত্ আন্দোলনকে ভেঙে ছুঁড়ার করে দেবার যে

কোনো একটা ছুতোর অপেক্ষা করেছিল পুলিশ কিন্তু সেদিন খিলাফত্ কর্মীদের অসীম ধৈর্য আর স্থিরবুদ্ধি একটা বিরাট গোলমালকে পরিহার করতে পেরেছিল।

তখন পোন্নানীর কংগ্রেস কমিটির সেক্রেটারী ছিলেন কেল্লন। তিনি গান্ধীবাদী নৈর্ভীক এক কর্মী। অনেক সময় তিনি নিজের জীবন বিপন্ন করেও বিক্ষোভকারীদের শান্ত করেছেন।

পোন্নানীর ঘটনার পর তিরুৱাঞ্চাভিতে একটা জনসভায় আমি সভাপতিত্ব করেছিলাম বলে মনে আছে। ওখানকার খিলাফত্ এই সভা ডেকেছিল। পুলিশের আচরণে উত্তেজিত না হয়ে অহিংসা থেকে এক পা না নাড়া জনগণের কর্তব্য বলে আমি সেখানকার সম্মিলিত জনতার কাছে আবেদন জানিয়েছিলাম।

সে সময় এরনাডে তালুক কংগ্রেস কমিটির সেক্রেটারী ছিলেন এম. পি. নারায়ণ মেনন। এরনাডের অবস্থা খুব ভালো ভাবে পর্যবেক্ষণ করে দু' তিনবার তিনি কালিকটে এসে এরনাডের আবহাওয়া গরম হয়ে উঠছে বলে আমাদের সাবধান করে দিয়েছিলেন। পুলিশের অত্যাচার সহ্য করতে না পেরে প্রতিশোধ নেবার জন্তে কিছু লোক যে অস্ত্রশস্ত্র সংগ্রহ করছে সেকথাও তিনি জানতে পেরেছিলেন। এই কথাগুলি মনে রেখেই তিরুৱাঞ্চাভির সভায় জনগণকে সম্পূর্ণ অহিংস আচরণ করার আহ্বান জানিয়েছিলাম। ভেবেছিলাম আমার এই আবেদনে ফল হবে কিন্তু পরে যে সব ঘটনা ঘটলো তাতে আমার বিশ্বাস যে কতখানি ভুল তার প্রমাণ হয়।

ভেরো

মালাবার বিকোভের আরম্ভ

1921 সালের 19শে আগস্ট মালাবার খিলাফত কমিটির সেক্রেটারী মুহম্মদ আবদুর রহমান রাত প্রায় দশটার সময় আমার সঙ্গে দেখা করার জন্য কংগ্রেস অফিসে আসেন। কতকগুলো খুব জরুরী ব্যাপার আমাকে জানাতে তিনি এসেছিলেন। পুলিশ আর সৈন্ত নিয়ে একটা স্পেশাল ট্রেন একঘণ্টা আগে কালিকট থেকে রওনা দিয়েছে একথা তিনি আমায় জানানেন। তারা যে কোথায় গেছে সে খবর তিনি বলতে পারলেন না। হয়তো পুকোট্টুরে গেছে এইটুকু শুধু তিনি বলতে পারলেন। কিছুদিন আগে পুকোট্টুরে বেশ গোলমাল হয়েছিল তাই পুলিশ আর সৈন্ত সেখানে গেছে বলে আবদুর রহমান অস্বস্তি করেছিলেন। পুলিশ পুকোট্টুরে যদি অ্যারেস্ট করতে আরম্ভ করে তাহলে লোকদের শান্ত থাকতে বলার জন্যে তাঁকে সেখানে যেতে হবে বলে আবদুর রহমান বললেন। সমস্ত ব্যাপারটা বেশ কিছুক্ষণ ভেবে আমি এখন যাবো না বলে ঠিক করলাম। সৈন্তেরা যে কোথায় গিয়েছে ঠিক নেই। পুকোট্টুরে গেলেও তাদের পৌঁছানোর আগে আমি সেখানে পৌঁছাতে পারবো না। তাই তত্বনি রওনা হবার কোনো দরকার নেই বলে মনে হল। ঠিক ঠিক খবর পেলে পরের দিন সকালে আমাকে জানাবার জন্যে আমি আবদুর রহমানকে বললাম।

20 তারিখে দুপুরের পর কালিকটে নানারকম খবর আসতে লাগলো। এরনাডে খুব গণ্ডগোল হয়েছে। সৈন্তেরা বহু লোককে গুলী করে মেরেছে। বিকোভকারীরাও বেশ কিছু সৈন্তকে মেরে কেলেছে। সৈন্তেরা এখন কালিকটে আসছে ইত্যাদি খবর শহরের চারিদিকে ছড়িয়ে পড়তে আরম্ভ করলো। সঠিক খবর জানার জন্যে হাজার হাজার লোক কংগ্রেস অফিসে আসতে লাগলো। সন্ধ্যার সময় খবর পাওয়া গেল যে গণ্ডগোল হয়েছে তিরুনাভাডিতে। বিকোভকারীরা সৈন্তদের ওখান থেকে হটিয়ে দিয়েছে। সেখানে মারপিট হত্যা চলছে। খবর পাওয়া মাত্র সমস্ত শহর ভরে শুক হ'য়ে গেল। দোকান বাজার সব বন্ধ হয়ে গেল। রাস্তায় লোক চলাচল কমে গেল। সন্ধ্যা হবার আগে লোকে বাড়ী ফিরতে লাগলো। জোরে কথা বলতে পর্বস্ত লোকে ভয় পেয়ে গেল।

সেদিন প্রায় রাত একটার সময় কিসের যেন একটা শব্দ বাড়ীর নীচে গুনতে

পেলায়। উঠানে যেন কিছু লোকের কথাবার্তা শুনে পেলাম। উঠে বারান্দা থেকে নীচের দিকে তাকিয়ে দেখি উঠানে সাত আটজন লোক দাঁড়িয়ে আছে। ‘কে?’ জিজ্ঞেস করলে পর বল, আমরা এরনাড থেকে আসছি। আপনার সঙ্গে কতকগুলো জরুরী কথা বলার আছে। আমি নীচে নামলে পর একজন আমাকে তাদের মধ্যকার অপর দুজনকে দেখিয়ে দিয়ে বল—আমরা চেরুবারুর থেকে আসছি আর এই দুজন তিরুনাভি থেকে এসেছে ওখানকার খবর দিতে।

লোক দুটি আমাকে জানালো যে সৈন্তেরা সেদিন ভোরবেলা তিরুনাভিতে গিয়ে লোকদের আ্যারেস্ট করেছে। মসজিদ ঘিরে ফেলেছে, কয়েকজন লোককে গুলী করে হত্যা করেছে। কিছু লোকে সৈন্তদের বাধাও দিয়েছে। কালেক্টর তমাস আর পুলিশ সুপারিন্টেন্ডেন্ট হিচককও মারা গেছে। তবে এ খবরটি ঠিক নয়।

সব কিছু জানানোর পর তারা জিজ্ঞেস করলো আমরা এখন কি করবো?

আমি বললাম—আপনারা এখন কিছু করবেন না। বাড়ী ফিরে যান। আমি সকালেই তিরুনাভি যাব। ওখান থেকে ফিরে এসে কি করবো ঠিক করবো।

“কাল সৈন্তেরা আসবে। আমাদের তাদের বাধা দেওয়া উচিত। গাছ কেটে রাস্তার ব্যারিকেড তৈরী করলে হয় না?”

—“অমন করলে আবার অন্তরকম গোলমাল শুরু হতে পারে। আপনারা এখন এরকম কিছু করবেন না”—বলে আমি তাদের ক্ষেত্র পাঠিয়ে দিলাম। সকাল বেলায় কি করবো না করবো ভেবে ঠিক করে শুতে গেলাম, কিন্তু ঘুম হ’ল না।

21শের সকাল বেলা। গোলমালের খবর জানার সঙ্গে লোকেরা কংগ্রেস অফিসে এসে ভীড় জমাতে লাগলো। নানারকম গুজব শহরে ছড়িয়ে পড়েছিল। অনেক লোক এসে আমাদের বিকোভের জায়গায় না যাওয়ার উপদেশ দিল।

সকালে আমি আমার তিন চারজন বন্ধুর সঙ্গে তিরুনাভি রওনা হলাম। রাস্তার কুণ্ডোটি বলে একটা জায়গায় একজন মুসলমান নেতা তাদের বাড়ীতে নামলে বহু লোক সেখানে এসে জড়ো হলো। এখানে জানতে পারলাম যে সেদিন সকালে তিরুনাভির থেকে বিকোভকারীদের একটা বিরাট দল মাঞ্চেরী দিকে রওনা হয়েছে। বিকোভকারীরা সেখানে পৌছানোর আগে আমাদের সেখানে পৌছাতে হবে বলে আমরা ঠিক করলাম।

গাড়ীতে যেতে যেতে রাস্তার বিরাট বিরাট গাছ কেটে ব্যারিকেড তৈরী করা হয়েছে দেখতে পেলাম। আমরা গাড়ী থামাতে কয়েকজন লোক ছুটে এসে জানালো যে মাঞ্চেরী অবধি সারা রাস্তার এমনি ব্যারিকেড তৈরী করা হয়েছে তাই মাঞ্চেরী

অবধি গাড়ী নিয়ে যাওয়া সম্ভব নয়। মাঝেরী যাবার আর কোনো উপায় না দেখে আমরা কুণ্ডলিতে ফিরে এলাম, গাড়ী সেখানে রেখে আমরা পায়ে হেঁটে তিরুৱাঙ্গাডি রওনা দিলাম।

তিরুৱাঙ্গাডি পৌছোতে আমাদের বেশ কষ্ট হয়েছিল। রাস্তা ভালো ছিল না। খেতখামার ঝোপঝাড় উচুনীচু টিলা সব পার হ'তে হয়েছিল। পথে বহুলোকের ভীড় দেখলাম। অনেক জায়গায় তারা আমাদের ডাবের জল, চিঁড়ে গুড় খাইয়েছিল। তিরুৱাঙ্গাডির কাছাকাছি এলে পর আমাদের একটা নদী পার হ'তে হলো। নদীর অপর পারে বহু লোক ভীড় করে আছে দেখতে পেলাম। এই সব লোকদের হাতে নানারকম অস্ত্র দেখলাম। নৌকা থেকে নেমে আমরা গোলমালের জায়গায় রওনা হ'লে তারাও আমাদের পেছন পেছন চললো।

পথে যেতে যেতে আগের দিনের ঘটনার কথা সব শুনলাম। যেখানে যেখানে 'গুণ্ডগোল' হ'য়েছিল সে জায়গাগুলোও আমাদের দেখান হ'ল। আমাদের একটা বিরাট বাড়ীতে অভ্যর্থনা করে নিয়ে যাওয়া হয়, বাড়ীর ওপরের বারান্দায় দাঁড়িয়ে আমি নীচে জড়ো হওয়া লোকগুলিকে দেখলাম। তিরুৱাঙ্গাডি যে দুর্ববস্থার সম্মুখীন হয়েছে তাতে সহানুভূতি জানিয়ে শাস্তি রক্ষা করার জন্ত আমি অনুরোধ করলাম। আমার উপদেশ শোনার মত মনের অবস্থা যে তাদের নেই তা আমি বেশ বুঝতে পারছিলাম। তবে দু'একজন কর্মী আমার কথা বুঝতে পেরেছিলেন। এই বিশ্বাসেই আমি ঐটুকু বলেছিলাম। 20শে আগস্ট যে ঘটনা ঘটেছিল তার সংক্ষিপ্ত বিবরণ এখানে দিলাম :

19শে আগস্ট রাতে সৈন্ত আর পুলিশে ভরা একটা স্পেশাল ট্রেন তিরুৱাঙ্গাডির দিকে রওনা হয়। পরদিন ভোরে তিরুৱাঙ্গাডির পথে তারা রওনা হয়। কেরীঘাটে তারা সৈন্তদের পাহারা দিতে রাখে। সকাল পাঁচটার মধ্যেই সব প্রস্তুতি শেষ হ'লো। তিরুৱাঙ্গাডির মসজিদ, থিলাফত্ অফিস আর কয়েকজন নেতার বাড়ী সৈন্তেরা ঘিরে রাখল। সকাল হ'লে পর পুলিশ সমস্ত কিছু সার্চ ক'রে থিলাফত্ অফিসের রেকর্ডগুলো সব নিয়ে গেল। কাউকে কাউকে আ্যারেস্ট করে পুলিশ ষ্টেশনে নিয়ে যায়। গোলমাল কিন্তু তখনো পর্বন্ত হয়নি। ঘটনাগুলোর খবর যখন ক্ষত ছড়িয়ে পড়লো তখনই গোলমাল শুরু হলো। তিরুৱাঙ্গাডির মসজিদ সৈন্তেরা ঘিরে ফেলেছে, মসজিদে গুলী চলেছে, মুসলমানদের বাড়ী থেকে জোর করে ধরে নিয়ে গেছে, কাউকে কাউকে গুলি করে হত্যাও করেছে ইত্যাদি খবর খুব ক্ষত পরপর গ্রামগুলোতে ছড়িয়ে পড়ল। এ সব জায়গায় মুসলমানেরা সব এসে তিরুৱাঙ্গাডিতে জড়ো হ'ল। বিরাট এক জনতা

পুলিশ ষ্টেশনের দিকে রওনা হ'লো। পুলিশ আর সৈন্ত তাদের পথ রোধ করলো। 'তোমাদের কি চাই?' পুলিশ জিজ্ঞেস করলে পর "বন্দীদের ছেড়ে দাও" বলে আলি মুসালিয়ার বলেন। আলি মুসালিয়ার মসজিদের মোল্লা ছিলেন। ওখানকার মুসলমানদের ওপর তাঁর খুব প্রভাব ছিল।

"তোমরা আর এগিও না, বন্দীদের ছেড়ে দেওয়া হবে"—এ কথা হেড কনস্টেবল বললে পরে জনতা সেখানে বসে পড়লো। আধ মিনিটের মধ্যে এই জনতার ওপর গুলি চালানার আদেশ মিলিটারী দিল। বন্দুকের শব্দ—আহতদের আর্ডনাদ, রক্ষা পাবার জন্ত লোকদের ছোট্টাছুটি সমস্ত কিছু মিলিয়ে সে জায়গাটা যেন একটা ছোটখাট যুদ্ধভূমিতে পরিণত হলো। সৈন্তদের এই প্রবঞ্চনার ক্রুদ্ধ জনতা তাদের হাতে বা অস্ত্র ছিল তাই দিয়ে সৈন্তদের আক্রমণ করলো। বন্দুকের গুলি উপেক্ষা ক'রে তারা এগিয়ে চললো, হেড কনস্টেবল আর দুজন গোরা সৈন্ত মারা গেল। সৈন্তেরা এবার ভয় পেয়ে পেছন ফিরলো।

তিরুৱাঝাড়ির আশপাশ থেকে আসা লোকেরা এই ঘটনার পর ফেব্রার পথে গভর্ণমেন্ট অফিস, পুলিশ ষ্টেশন, রেলওয়ে ষ্টেশন, আদালত সব জালিয়ে গুড়িয়ে দিল। রেলের লাইন উপড়ে তুলে ফেললো, তার কাটলো। তারা তখন সব কিছু করতে প্রস্তুত।

তিরুৱাঝাড়ির ঘটনা জানতে পেরে সেখানকার মিলিটারীকে সাহায্য করার জন্ত মালাপুরম থেকে হুই লরী ভর্তি পুলিশ আর মোটর গাড়ী বিকোন্ডকারীরা রাস্তায় আটকে ফেললো। তারা তাদের অস্ত্রশস্ত্র কেড়ে নিল, পুলিশদেরও কয়েকজনকে মেরে ফেলো।

তাদের আর রক্ষা নেই জানতে পেরে পুলিশ সুপারিন্টেন্ডেন্ট হিচকক আর কালেক্টর তমাস সেই রাত কোনরকমে পুলিশ ষ্টেশনে কাটিয়ে পরদিন ভোরবেলা কালিকট রওনা হলো। পথে একটা বিরাট জনতা তাদের অহসরণ করে। পুলিশ আর মিলিটারী তাদের গুলি করতে করতে চললো।

এই সব খবর জানতে পেরে মসজিদে গিয়ে আলি মুসালিয়ারের কাছ থেকে সব খবর জানার আগ্রহ হ'লেও হাতে সময় ছিল না বলে সে ইচ্ছে পরিত্যাগ করতে হলো। সেই রাতেই আমরা কালিকটের পথে রওনা দিলাম।

পথে একটা জায়গায় অনেক লোক রাস্তায় দাঁড়িয়ে আছে দেখতে পেলাম। তারা আমাদের গাড়ী থামাতে বলল। গাড়ী থেকে নেমে দেখি যে ওখানে একটা ছোট পুল ভেঙে হ্রমার হয়ে পড়ে আছে। আমরা সকালবেলা ঐ পথ দিয়ে গিয়েছি

একথা এই লোকগুলি জানতো। সন্ধ্যা অবধি তারা আমাদের জন্য অপেক্ষা করে আমাদের গাড়ী দেখতে না পেয়ে আমরা অগ্ন্যপথে ফিরে গেছি ভেবে পুল ভেঙে দিয়েছে। কালিকটে নদীপথে ফিরে যাবার জন্য তারা তক্ষুণি আমাদের একটা ছোট্ট নৌকো ঠিক করে দিল। পরদিন সন্ধ্যা পাঁচটার আমরা কালিকটে পৌঁছোলাম।

আমার কোনো খবর না পেয়ে আমার পরিবার, আত্মীয়স্বজন, বন্ধুবান্ধব সব খুব উৎকর্ষার সঙ্গে অপেক্ষা করছিল। আমাদের ফিরতে দেখে তারা স্বস্তির নিঃশ্বাস ফেললো। ইতিমধ্যে কালিকট এবং আরো কয়েকটি জায়গায় মিলিটারী শাসন চালু হয়ে গেছে।

চোদ্দ

বিকোভস্থলে যাত্রা

তিরুবাঞ্চাড়ির ঘটনা আমাদের বিচলিত করেছিল। ওখান থেকে ফিরে আসার পর আমাদের প্রধান চেষ্টা হলো যাতে বিকোভ আর অন্নাগ্ন জায়গায় ছড়িয়ে না পড়ে তা দেখা। এরনাড এবং অন্নাগ্ন জায়গায় মিলিটারী-শাসন আরী হওয়ার ফলে সেখানে ইচ্ছমতো ঘুরে বেড়ানোর স্বাধীনতাও ছিল না। সরকারের বিনামূল্যে সেখানে বাবার উপায় ছিল না। তাই সেখানে বাবার অহুমতি চেয়ে জেলা ম্যাজিস্ট্রেট তমাসকে একটা চিঠি আমি লিখলাম।

—“এরনাডে যে সব ঘটনা ঘটে গেছে তার জন্ত আপনার মতো আমিও খুব দুঃখিত। আমি আর আমার কয়েকজন কর্মী বিকোভের জায়গাগুলিতে গিয়ে শান্তি স্থাপন করতে চাই। তার সব সুবোগ সুবিধা করে দেওয়ার জন্ত আপনার এবং মিলিটারী শাসনকর্তাদের কাছে আবেদন জানাচ্ছি। আপনারদের অহুমতি পেলেই এরনাডে রওনা হবো ভাবছি।”

এই চিঠি ম্যাজিস্ট্রেটকে পৌঁছে দেওয়া অত সহজ ছিল না। সামরিক শাসন চালু ছিল বলে কারোরই জেলা ম্যাজিস্ট্রেট বা সামরিক শাসনকর্তাদের কাছে যাওয়া সহজ ছিল না। গোপাল মেনন ছাত্রাবস্থায় পড়াশুনো ছেড়ে দিয়ে কংগ্রেসের কাজ করছিলেন। তিনি ঐ চিঠি তমাসের কাছে নিয়ে যাবেন বলে বজেন। বন্ধুদের পাঞ্জাবি আর গাছী টুপি দেখলে ওপরওয়ালারা তখন খুবই চটে যেতেন। কিন্তু গোপাল মেনন এই পোষাকেই তমাসের সঙ্গে দেখা করে চিঠিটা দিলেন। এই দৌত-কাঁধ নির্বাহ করার জন্ত গোপাল মেনন যে সাহস দেখিয়েছিলেন তা সত্যিই প্রশংসনীয়। এই সব গুণের জন্তই তিনি পরে নানা রাজ্যে ভারতের রাষ্ট্রদূত হয়ে কাজ করে নাম করেছেন।

তমাসের উত্তর পেতে দুদিন লাগলো।

—“আপনার চিঠি পেলাম। আপনারদের প্রচারণার কৃফল আপনারা বুঝতে পেরেছেন এবং যে আশুন আপনারা জালিয়েছেন সে আশুন নিতোবার চেষ্টা আপনি করতে চান জেনে আমি খুশী হয়েছি। বিকোভের জায়গাগুলিতে খুশীমতো ঘুরে বেড়ানোর জন্ত আমি এবং মিলিটারী শাসনকর্তারা আপনাকে অহুমতি দিচ্ছি। আপনার প্রচেষ্টার সাক্ষ্য কামনা করি।”

চিঠির দ্বিতীয় লাইনটা পড়ে আমার একটু রাগ হলো। আমি তখন তার একটা জবাব লিখে পাঠালাম। জবাবটা এইরকম—“আপনার চিঠি পেলাম, বিকোভের জারগাগুলি সন্দর্শন করতে অসুখমতি দেওয়ার জন্য আপনাকে এবং কন্যাশ্রম অফিসারকে ধন্যবাদ জানাচ্ছি। কিন্তু গোলমালের কারণ আমাদের প্রচারণার ফল বলে আপনি বলেছেন। আমি তার প্রতিবাদ করছি। গোলমালের কারণ কে তা নিয়ে তর্ক করার সময় এটা নয়। আমি 24 জন কংগ্রেস কর্মীর সঙ্গে কাল সকালে এরনাড রওনা হচ্ছি। আমরা ওখানে গিয়ে বিকোভকারীদের শাস্ত করার আগে মিলিটারী ঘেন সেখানকার জনতাকে উত্তেজিত না করে। তাহলে আমাদের যাওয়া একেবারে বিফল হবে। আশা করি আপনারা এ সম্বন্ধে অবহিত হয়ে সেইমতো মিলিটারীকে নির্দেশ দেবেন।”

26শে আগস্ট সকালবেলায় আমরা 24 জন দুটো ঘোড়ার গাড়ী করে কালিকট থেকে রওনা হয়ে ফারোক ব্রিজের কাছে এলাম। ব্রিজের কাছে সৈন্তরা পাহারা দিচ্ছিল। একজন সার্জেটকে দেখে তার কাছে ম্যাজিষ্ট্রেটের অসুখমতি পত্রটা দেখালাম। সার্জেট এ চিঠি নিয়ে টটেনহাম বলে এক মিলিটারী অফিসারের কাছে গেল। দশ মিনিটের মধ্যে টটেনহাম উপস্থিত হয়ে আমাদের সকলকে এক এক করে গুণে ‘Pass 24 non-co-operators from Calicut Taluk to Ernad Taluk along the Feroke bridge’ বলে ঐ চিঠির ওপর লিখে দিলেন।

ব্রিজ পার হয়ে ওপারে পৌঁছানোর পর আমার হঠাৎ সন্দেহ হ’লো ফিরে আসার সময় এই পাশ দেখালে হবে কিনা। আমি আমার সন্দেহ নিরসনের জন্য আবার ফারোক ষ্টেশনে গিয়ে টটেনহামকে জিজ্ঞেস করতে ঐ পাশ যথেষ্ট বলে তিনি আমাকে বললেন। টটেনহাম আমাকে দেখে কোনোরকমে তাঁর ক্রোধ সংবরণ করেছিলেন তা তাঁর মুখ দেখে আমি বুঝতে পারছিলাম। আমি বেরিয়ে আসার সময়—“বিকোভকারীদের সঙ্গে আপনাকেও ফাঁসি দেওয়া উচিত” বলে তিনি বলেন।

“দরকার হ’লে আমি খুলী মনেই ফাঁসির মধ্যে উঠবো” আমি বললাম। তাতে তিনি হেসে বলেন—“আমি ঠাট্টা করছিলাম।” আমি বললাম—“আমি কিন্তু ঠাট্টা করছি না।”

খন্ডরের সার্ট আর গাছী টুপি মাথায় দিয়ে আমরা ছুজন করে ফারোক থেকে পায়ে হেঁটে রওনা দিলাম। রাস্তার খুব কম লোক আমরা দেখতে পেলাম। আশপাশের বাড়ীগুলোও সব খালি খালি মনে হলো।

ফারোক থেকে চার পাঁচ মাইল পূর্বে পৌঁছালে পর দূরে ভাঙা চোরা একটা কুটির থেকে দুজন লোক বেরিয়ে এল। আমরা তিরুবাঙ্কাড়ি যাচ্ছি তা তারা বুঝতে

পেরেছিল। কালিকট থেকে সৈন্ত বা পুলিশ এলে সে খবর বিক্ষোভকারীদের জানিয়ে দেবার জন্য রাস্তায় লোকেরা এখানে ওখানে লুকিয়ে ছিল সেটা আমরা পরে জানতে পারলাম। এই ছদ্মন তাদেরই কেউ হবে। পথে যেতে যেতে আমরা ৪/১০ টা লরী আর মোটর করে সৈন্তদের বিক্ষোভের জায়গায় নিয়ে যাওয়া হচ্ছে দেখতে পেলাম। দূর থেকে আমাদের দেখে মিলিটারী ডেবে ভুল করে বিক্ষোভকারীরা আমাদের গুলি করে মেরে ফেলতে পারে একথা তারা আমাদের জানালো। তাই তাদের মধ্যে থেকে একজন তক্ষুনি আমাদের আসার খবর বিক্ষোভকারীদের দিতে গেল।

ফেরাঘাটে পৌঁছে যে দৃশ্য দেখলাম তা ভোলার নয়। কংগ্রেস আর খিলাফত পতাকা নিয়ে দুটো বড় নোকোর অস্ত্রশস্ত্রে সজ্জিত আলি মুসালিয়ারের লোকেরা আমাদের জন্য অপেক্ষা করছিল। তারা আমাদের খুব সম্মানের সঙ্গে অভ্যর্থনা করলো। তারা জানালো যে তিরুরাঙ্গাডি এবং কাছাকাছি জায়গাগুলোতে বৃষ্টিশ ণাসনের অবসান হয়েছে। আলি মুসালিয়ারের নির্দেশ অনুযায়ী তার লোকেরা সেখানে শাসন চালাচ্ছে। এদের মধ্যে মুসালিয়ারের মন্ত্রী লবকুটিও ছিলেন।

নদী পার হ'য়ে ওপারে পৌঁছোতেই আলি মুসালিয়ারের একশ'র বেশী সৈনিক আমাদের স্বাগত জানাল। তারা ছাড়াও আরো বহু লোক জড়ো হয়েছিল। আমাদের দেখে রাস্তায় ছ'পাশের ঘন জনতা হর্ষধ্বনি করে উঠলো। লবকুটি সকলকে কাজের নির্দেশ দিয়েছিলেন। তিরুরাঙ্গাড়ির খিলাফত অফিসে পৌঁছে দেখি সেখানেও একদল ভলান্টিয়ার দাঁড়িয়ে আছে। আমি, গোপাল মেনন আর ময়তু মৌলভী ওপরে উঠে আলি মুসালিয়ারের ঘরে ঢুকলাম।

আলি মুসালিয়ার একটু পরে এলেন। তাঁর সঙ্গে ছ'তিনজন লোক ছিল। আমরা উঠে তাঁকে অভিবাদন করতেই তিনি আমাকে জড়িয়ে ধরলেন। একটু পরে তাঁর কাছ থেকে তিরুরাঙ্গাড়ির সব ঘটনা শুনে পেলাম।

আলি মুসালিয়ারের বয়স তখন প্রায় পঁয়ষাট বছর। ফর্সা, লম্বা, পাতলা চেহারা। তাঁর হুকুম মানার জন্যে যে কতলোক তখন সেখানে দাঁড়িয়েছিল!

আলি মুসালিয়ারের কাছে সব শুনে আমি তাঁকে জিজ্ঞেস করলাম—এখন তাহ'লে কি করবেন বলে ভাবছেন?

তিনি আমাকে পালটা প্রশ্ন করলেন—কি করবো বলুন?

এই বকম একটা কঠিন পরিস্থিতিতে বিবেককে ফাঁকি দিয়ে উপদেশ দেওয়া অত্যন্ত সহজ নয়। আমার আগমনের উদ্দেশ্যে যে এই তা হয়তো তিনি অনুমান করতে পেরেছিলেন।

—আমি যা বলছি তাতে আপনি ভুল বুঝবেন না, এই ভূমিকা করে আমি তাঁকে আমার অভিমত জানালাম।

—যা হয়ে গেছে সে বিষয়ে আর বেশী কথা বলে লাভ নেই। অপ্রত্যাশিত ভাবে কতকগুলো ঘটনা ঘটে গেছে। এরপরও যদি আমরা আবার গুণগোলের জন্ত তৈরী হই তাহ'লে আমাদের খুব বড় একটা বিপদের সম্মুখীন হ'তে হবে। আমাদের আশার পথে আমরা বহু সৈন্তকে গাড়ী ক'রে আসতে দেখেছি। তারা এসেই যদি গুলি ছুঁড়তে আরম্ভ করে তাহ'লে যে কি হবে তা তো বুঝতেই পারছেন। যদি সে রকমটি না চান তাহ'লে সরকার যেসব লোকদের ধরতে চায় তাদের মিলিটারীর কাছে সমর্পণ করার জন্ত তৈরী থাকতে হবে। তাহ'লেই তিকরাঝাড়ি এবং এখানকার লোকদের বাঁচানো সম্ভব হবে। আত্মসমর্পণকারীদের অবস্থা শান্তি হবে। তবে তারা এইভাবে ত্যাগ করলেই তবে অন্তদের বাঁচানো সম্ভব হবে। আপনি একথা আপনার লোকদের বুঝিয়ে বলুন। এইই হচ্ছে আমার বক্তব্য।

আলি মুসালিয়ার সব শুনে একটা দীর্ঘনিঃশ্বাস ফেলে সেখানে জড়ো হওয়া লোকগুলির দিকে খানিকক্ষণ তাকিয়ে রইলেন। পরে আমাকে বলেন—আপনি যা বলেছেন তা ঠিকই। আমাদের কর্তব্য এখনি অন্তদের সঙ্গে আলোচনা করে ঠিক করবো। সবকুটি আর কুঞ্জলবির সঙ্গে দেখা করে তাদের এই কথা বললে ভালো হয়।

আমরা তাঁকে বললাম যে তাই করবো। তখন প্রায় সন্ধ্যা হয়ে এসেছে। আমাদের আগমনের উদ্দেশ্য যে কি তা অজ্ঞান করে কিছু লোক গোপনে কি সব বলাবলি করেছে। তাই সেখানে বেশীক্ষণ থাকাটা বিপজ্জনক একথা আমাদের জানিয়ে আলি মুসালিয়ার মসজিদে চলে গেলেন। আমরাও ফিরে যাবার জন্ত প্রস্তুত হলাম।

ঝিলাফত্ অফিসের সামনে কুঞ্জলবি দাঁড়িয়েছিল। তার হাতে একটা তলোয়ার, কাঁধে একটা তলোয়ার। সে আমাদের দেখতে পেয়ে এগিয়ে এলো। আলি মুসালিয়ারের সৈন্তদের ক্যাপ্টেন ছিল কুঞ্জলবি। বিশেষ আগন্ত তিকরাঝাড়ির গুণগোলে যে দুজন গোরা সৈন্ত মারা যার তাদের মেরেছিল কুঞ্জলবি। সেদিনকার সব ঘটনা আমি কুঞ্জলবির কাছ থেকেই শুনলাম। সব শুনে আমি তাকে জিজ্ঞেস করলাম—‘আপনি এখন কি করবেন?’ ‘আত্মসমর্পণ করার কথা আপনি আমাকে বলবেন না। সাহেবরা যদি আমাকে পায় তাহ'লে আমাকে অমনি মারবে না, আমাকে বাঁটনা বাটার মতো ধেঁতো করবে। আমি ওদের সঙ্গে যুদ্ধ করতে কর্তৃত্বই মরবো’—এই কথাগুলি কুঞ্জলবি আমাকে খুব বিনয়ের সঙ্গেই বলল।

—‘ঠিক আছে তাই কখন। কিন্তু তিরুনাভুরি অবস্থা তাহ’লে কি হবে বুঝতে পারছেন তো? মিলিটারী যদি মসজিদে গুলি করে?’

—আপনি যদি এখানে থাকেন তাহ’লে ঐ গুলির একটাও মসজিদে লাগবে না—কুঞ্জলবি উত্তর দিল। তার বিশ্বাসও তাই।

এরপর আত্মগম্বর্ণের কথা আর কুঞ্জলবির কাছে বলে কোনো লাভ নেই বলে আমার মনে হলো। আলি মুসাগিরার তাকে বুঝাতে পারতেন কিন্তু তিনি তাঁর অহুগামীদের ইচ্ছার বিরুদ্ধে কাজ করতে রাজী ছিলেন না। এই অবস্থায় গোলমাল সে চলতে থাকবে তা বোঝা গেল।

ওধানকার সাবরেজিস্ট্রার করুণাকর মেননের গর্ভবতী পত্নী আর বাচ্চার গোলমালের মধ্যে পড়ে গেছে শুনে তাদের ওধান থেকে যে ক’রে হোক রক্ষা করতে হবে একথা আমি কুঞ্জলবিকে বললাম। সে তত্ন্বি এ সম্বন্ধে ব্যবস্থা করে দিল।

কোয়ার্টার পার হ’তে আমাদের রাত আটটা বেজে গেল। নোকো করে অপর পারে বাবার সময় মসজিদ থেকে মুসলমানদের সম্মিলিত প্রার্থনা সেই ঘন অন্ধকারে কি যে একটা অস্বভূতি আর আবেগে আমার মনকে ভরিয়ে দিয়েছিল তা বর্ণনা করে বোঝানো যায় না। মধ্যে মধ্যে এখানে ওখানে মশালের আলো দেখা যাচ্ছিল। গাছে গাছে হাজার হাজার জোনাকীরা তাদের আলো জালিয়ে উড়ে বেড়াচ্ছে। আমার সহকর্মীরা নিজেদের মধ্যে যুহু স্বরে কথা বলছে। অসহ্য একটা বেদনার ভার আমার মনকে নীচে গভীর নীচে টেনে নিয়ে যাচ্ছিল। কত রকমের ভাবনা যে ক্ষণে আমার মনের মধ্যে দিয়ে বয়ে যাচ্ছিল। নোকো থেকে নেমে কাছেই একটা বাড়ীতে সে রাতে আমরা বাস করলাম। পরের দিন সকালে আবার যাত্রা আরম্ভ করলাম।

করুণাকর মেননের জীকে একটা ইঞ্জিনেরায়ে শুইয়ে আমাদের সঙ্গে লোকেরা বয়ে নিয়ে চললো। দশ মাইল দূরে একজন নায়ারের বাড়ীতে দ্রুপ্তে আমরা আহার করলাম। সেখানে কিছুক্ষণ বিশ্রাম করার পর আবার যাত্রা আরম্ভ করে সন্ধ্যাবেলার আমরা কালিকটে পৌঁছোলাম।

পনের

বিকোভের ব্যাপ্তি ও শক্তি

26শে আগস্ট কয়েকজন কর্মীর সঙ্গে কালিকট থেকে তিরুৱাকাডি যাবার সময় সৈন্তদের ট্রাকে করে বিকোভ স্থানে যেতে দেখেছি বলে বলেছি। তাদের পেছনে রিজার্ভ পুলিশও ছিল। এদের গন্তব্য ছিল তিরুৱাকাডি। সৈন্ত আর পুলিশ যে আসবে তা আলি মুসালিয়ার ও তাঁর সহকর্মীরাও বুঝতে পেরেছিলেন।

আলি মুসালিয়ার তাঁর অধিকৃত জায়গাগুলি থেকে মহিলা আর বাচ্চাদের ভেতরে অনেক দূরে পাঠিয়ে দিয়েছিলেন। কেউ যেন অনাবশ্যক দাঙ্গাহাঙ্গামা না করে। হিন্দুদের ওপর যেন কোনরকম অত্যাচার না করা হয়, হত্যাকারী, হাঙ্গামাকারীকে উচিত মতো শাস্তি দেওয়া হবে বলে আলি মুসালিয়ার ঘোষণা করেছিলেন। বতদিন তাঁর অধিকার ছিল ততদিন এই সব জায়গার দাঙ্গাহাঙ্গামা লুণ্ঠতরাজ খুব কমই ছিল, কিন্তু বেনীদিন এই অবস্থা রইল না।

প্রস্তুতি সব শেষ করে পুলিশ আর সৈন্ত 30শে আগস্ট তিরুৱাকাডিতে এসে উপস্থিত হল। এসেই তারা মসজিদের সামনে তাদের ছাউনী পাতেলো। পরিধা তৈরী করে বন্ধুক সাজিয়ে যুদ্ধের জন্ত তারা তৈরী হ'ল। আলি মুসালিয়ার এবং আরো অনেকে মসজিদের ভেতর ছিলেন। 31শে আগস্ট সকালে মিলিটারী গুলি করতে শুরু করলো। মসজিদের ভেতর থেকে বিকোভকারীরা সৈন্তদের দিকে গুলি ছুঁড়তে আরম্ভ করলো। এমনভাবে হু'পকোর গুলি ছোঁড়া বেশ কিছুক্ষণ ধরে চলল। মসজিদের তিন ভাগ সৈন্তরা ঘিরে রেখেছিল। হুপুয় হ'লে পর কয়েকজন লোক পাগলের মতো হয়ে মসজিদ থেকে বাইরে বেরিয়ে এল। তাদের সঙ্গে কুঞ্জলবিও ছিল। হাতে তলোয়ার আর ছুরি নিয়ে তারা সৈন্তদের সম্মুখীন হল। কয়েকজন সৈন্তকে তারা তলোয়ার আর ছুরির ঘায়ে জবাই করলো। সৈন্তেরা কিন্তু এদের ধরতে পারলে না, তারা ছুটে মসজিদের উত্তর ভাগে একটা জঙ্গলের ভেতরে গিয়ে লুকোলো।

মসজিদের মধ্যে বারা ছিল তারা এর পরেও গুলি চালাতে লাগলো। বুলেট প্রায় শেষ হ'য়ে এসেছিল। আর যুদ্ধ করা অসম্ভব বুঝতে পেরে বিকোভকারীরা সাধা পতাকা উড়িয়ে তারা আত্মসমর্পণ করতে রাজী বলে জানানো। আলি মুসালিয়ার

তার লোকজনদের নিয়ে মসজিদের বাইরে এসে আত্মসমর্পণ করলেন। এমনভাবে তিকুরাঙ্গাডির যুদ্ধ শেষ হ'ল। আলি মুসালায়ার এবং অস্ত্রাস্ত্রদের বন্দী করে পরের দিন তিকুর মেলো নিয়ে যাওয়া হলো।

এই ধরনের বিক্ষোভ শুধু তিকুরাঙ্গাডি নয়, এরনাড্, ভল্লনীড, পোন্নানী, কালিকট এবং আরো কতকগুলো জায়গায় হ'য়েছিল। সেই সব জায়গায় কিছুদিনের অস্ত্র বৃষ্টি শাসনের অবসান হ'য়েছিল। এই সব জায়গায় তখন যে অরাজকতা চলেছিল তা বলায় নয়।

বিক্ষোভকারীরা যখন পোন্নানী ট্রেজারী লুট করতে অগ্রসর হচ্ছিল তখন পথমধ্যে কেলগ্ননের সঙ্গে তাদের দেখা হয়। কেলগ্নন তাদের এর থেকে বিরত হবার অস্ত্র আবেদন জানালেন। তাঁর দেহের ওপর দিয়ে মাড়িয়ে না গেলে ঐ রাস্তা দিয়ে তারা যেতে পারবে না বলে তিনি রাস্তায় শুয়ে পড়ে বিক্ষোভকারীদের ফিরিয়ে দিয়েছিলেন। আর তাঁর নামেই পরে পুলিশ বাড়ীতে আগুন দেওয়ার দোষারোপ করেছিল। মাঞ্চেরী এবং পেরিন্তলুমারাতে বিক্ষোভকারীদের একটা বড় দল গভর্নমেন্টের ট্রেজারী লুট করে নিয়েছিল, পুলিশ টেগন আক্রমণ করে অস্ত্রশস্ত্রও তারা লুট করেছিল। গভর্নমেন্ট অফিসের সব রেকর্ড তারা নষ্ট করে। এই ধরনের ব্যাপার আরো কয়েক জায়গায় ঘটে। জেলে আর লকআপে রাখা চোর ছাচড়দেরও সব ছেড়ে দেওয়া হয়েছিল।

মাঞ্চেরীর রাজপ্রাসাদের লোকেরা বিক্ষোভকারীরা সেদিকে আসছে শুনে আগের থেকেই পালিয়ে গিয়েছিল। নৌলাসুর রাজপ্রাসাদে রাজার দেহরক্ষী আর বিক্ষোভকারীদের মধ্যে মারামারিতে রাজার দেহরক্ষীদের কয়েকজন মারা যায়।

বিক্ষোভকারীদের নেতৃত্ব ধারা দিয়েছিলেন তাঁদের মধ্যে বিশেষ করে নাম করা যায় কুজু আহম্মদ হাজীর। পঞ্চান বছরের হাজী আলি মুসালায়ারের আত্মীয় এবং শিষ্য ছিলেন। তিকুরাঙ্গাডিতে বা ঘটে গেল তা দেখে তিনি যুদ্ধক্ষেত্রে নেমেছিলেন। মাঞ্চেরীতে এক জনসভায় হিন্দুদের ওপর কোনো অত্যাচার করা হবে না, বার মারপিট দাঙ্গাহাঙ্গামা করবে তাদের কঠিন শাস্তি দেওয়া হবে বলে তিনি বলেছিলেন। এই সভায় যোগ দিয়েছিলেন বলে এম. পি. নারায়ণ মেননের নামে রাজজোহের অভিযোগ আনা হয়। এর জঙ্গ মিলাটারী কোর্টে তাঁকে 14 বছরের সশ্রম কারাদণ্ড দেওয়া হয়। নারায়ণ মেনন ছিলেন এরনাডের কংগ্রেস লেক্টরারী। বিক্ষোভকারীদের শাস্ত করার জন্ত তিনি নিজের জীবন বিপন্ন করে যে কঠিন পরিশ্রম করেছিলেন তার পুরস্কার স্বরূপ এই শাস্তি তিনি পেলেন। তখন পুলিশ যে সব অস্ত্রায় করেছিল তার একটি অতি উত্তম উদাহরণ নারায়ণ মেননের এই কঠিন শাস্তি।

বলেছিল যে সে শত্রুর সঙ্গে যুদ্ধ করে মরবে। সেই ভাবেই সে মরলো। লবকুটি পরে গলায় দড়ি দিয়ে আত্মহত্যা করেছিল।

বিকোন্ডের একটা সম্পূর্ণ ইতিহাস আমি এখানে লিখতে বসিনি। বিকোন্ডের সময়ের কতকগুলি প্রধান প্রধান ঘটনা এবং তাতে বারা ভাগ নিয়েছিল সেই সব নেতাদের সম্বন্ধে একটা ছোট্ট বিবরণ এটা। প্রায় 220টি গ্রামে এই বিকোন্ড ছড়িয়ে পড়েছিল। এর এই ব্যাপ্তি, শক্তি আর স্থানিতির কথা ভাবলে মালাবারের অন্যান্য বিকোন্ডের মধ্যে এর যে একটা প্রধান স্থান আছে সে সম্বন্ধে কোন সন্দেহের অবকাশ থাকে না।

সৈন্তরা এই বিকোন্ড দমন করতে যে নিষ্ঠুরতার পরিচয় দিয়েছে তা অবর্ণনীয়। তারা স্ত্রীলোক এবং বাচ্চাদের কেটে ফেলেছে, বাড়ীতে আগুন লাগিয়ে দিয়েছে। সারা গ্রামে অত্যাচার চালিয়েছে। মিলিটারী আসার খবর পেয়ে যখন প্রাণ ভয়ে ভীত লোকেরা দৌড়ে পালাচ্ছিল তখন সৈন্যেরা তাদের বন্যজন্তুর মত হত্যা করে মেরে ফেলে। অপরাধী, নিরপরাধী, শিশু, বৃদ্ধ, স্ত্রী, পুরুষ সকলে প্রাণভয়ে ভীত হয়ে বাড়ী ঘর ছেড়ে জঙ্গলে পাহাড়ে পর্বতে কতদিন যে লুকিয়ে কাটিয়েছে তার হিসেব নেই।

সেই সময় আর একটা ঘটনা ঘটেছিল। এই ঘটনার জরুরতার সকলে স্তম্ভিত হ'য়ে গিয়েছিল।

1921 সালের 10ই নভেম্বর বিকোন্ডকারীদের নব্বুই জনকে বন্দী করে একটা ওয়াগনে করে কোয়ম্বতুর নিয়ে যাওয়া হচ্ছিল। ওয়াগনটি ছিল একটা লোহার বাজের মতো। তাতে বাতাস আলো কিছুই প্রবেশ করার উপায় ছিল না। সৈন্যেরা বন্দুকের গুলিতে করে বন্দীদের এর মধ্যে ঠেলে ঢুকোয়। গাড়ী চলতে আরম্ভ করলে গরম আর তৃষ্ণা সহ্য করতে না পেরে তার ভেতরকার হতভাগ্য লোকগুলির কল্প চীৎকার সারা পথে শোনা যায়। তারপর আন্তে আন্তে তা শান্ত হয়ে গিয়েছিল। ওয়াগনের দরজা খুললে পর এক ভীষণ দৃশ্য দেখা গেল। ঠেসাঠেসি করে জড়িয়ে ধরে পরস্পরকে ধাক্কা, কামড়ে ধরে চোখ গোল হয়ে বেরিয়ে আসা জিভ বার করা মৃত এবং অর্ধমৃত মানুষগুলি মল মূত্রে ভেসে পড়ে আছে। 64 জন ইতিমধ্যেই মারা গেছে। বাকীরা মৃতপ্রায়।

অসহায় বন্দীদের ওপর এই হৃদয়হীন নিষ্ঠুরতার কথা শাসনকর্তারা জনগণের কাছ থেকে চোপে রাখতে চেষ্টা করলেও পরের দিনই আমরা এখবর জানতে পেরেছিলাম। এই খবর মাদ্রাজের কাগজগুলিতে দেবার জন্যে আমরা কালিকট থেকে একজন কংগ্রেস কর্মীকে মাদ্রাজে পাঠালাম।

মালাবারে ছ'মাসেরও বেশী ব্রিটিশ শাসন জারী ছিল। বিকোভকারীদের বিচারের জন্য একটা স্পেশাল কোর্ট তৈরী করা হয় এবং এর জন্য বিশেষ আইনকাহ্ননও করা হয়। বহু বিকোভকারীকে ফাঁসি দেওয়া হলো। অনেককে আন্দামানে পাঠিয়ে দেওয়া হয়। বহু লোককে দশ থেকে চোদ্দ বছরের সশ্রম কারাদণ্ড দেওয়া হয়। বিকোভের নেতাদের গুলি করে হত্যা করা হয়।

বিকোভকারীদের শাস্তি দেবার সময় বিকোভ শাস্ত করার জন্য যে সব নেতারা চেষ্টা করেছিলেন তাঁদেরও শাস্তি দেওয়া হ'ল। এদের মধ্যে ছিলেন কেলগ্নন, নারায়ণ মেনন। ময়তু মৌলভী, আবদুর রহমান, হাসান করা মোল্লা।

এখানে কে. ভি. বালকৃষ্ণ মেননের কথা একটু বলা উচিত। বালকৃষ্ণ পোন্নানীতে কংগ্রেসের কাজ করতেন। কংগ্রেসের নির্দেশ মতো পড়াশুনো ছেড়ে দিয়ে তিনি জনসাধারণের কাজে নিজেকে নিযুক্ত করেছিলেন। বিকোভের প্রথমেই তাঁকে বন্দী করে কাম্বুর জেলে রাখা হয়েছিল। তিনি সেখানেই অসুস্থ হ'য়ে মারা বান। কংগ্রেসের আদর্শ কাজে রূপ দেবার চেষ্টার যারা মালাবার থেকে বীর মৃত্যু বরণ করেছিলেন তাঁদের মধ্যকার প্রথম শহীদ তিনি। কেরলের কংগ্রেস কর্মীদের তাঁর নাম মনে রাখা উচিত।

অনেক মাস ধরে বিকোভের ফলে কত লোক যে মারা যায় তার ঠিক সংখ্যা এখনো জানা যায়নি। দশ হাজারের কম নয় বললে কিছু অত্যাক্তি হয় না। ছ'মাস পরে বিকোভ থামলেও এই বিকোভ যে ক্ষতি করেছিল তার পূরণ হ'তে অনেকদিন লেগেছিল।

যোল বিক্ষোভের পর

একটা ভয়ানক ঘটনার সাক্ষী যারা তারা যখন সেই ঘটনার বিবরণ দেয় তখন তাদের অজান্তে তাদের নিজের অভিপ্রায়, আবেগ সব কিছু এই বিবরণের মধ্যে এসে যায়। তখন আর সেটা এই ঘটনার প্রকৃত ছবি হয় না। ঘটনার অনেকদিন পরে সবরকম আবেগ থেকে মুক্ত হয়ে যদি নিরপেক্ষ ভঙ্গীতে সমস্ত ব্যাপারটা দেখা যায় তখন সেই ঘটনার অল্প একটা ছবি ফুটে ওঠে। আমরা যতই চেষ্টা করি না কেন, সম্পূর্ণ সত্যকে তার নয় রূপে বাইরে বের করা সম্ভব নয়। এটা ইচ্ছে করে করা হয় না। আমাদের অজান্তে এরকম অপরাধ হয়ে পড়ে।

মালাবারের বেশ কয়েকবারের আন্দোলনের কথা ইতিহাসে বিশেষ করে লোগনের ‘মালাবার ম্যাগ্নয়েলে’ বর্ণনা করা হয়েছে। এই সব আন্দোলনের কারণগুলি সম্বন্ধে বিভিন্ন লোকে বিভিন্ন মত প্রকাশ করেছে। ইতিহাস লেখার সময় সেগুলোর সমালোচনা করা হলেও এই বইয়ে তার কোনো স্থান নেই। তবুও 1921 সালের আন্দোলনের কারণ যে কি ছিল তাতে সন্দেহ করবার কিছু নেই। এই আন্দোলন পুলিশের অত্যাচারের ফলে গড়ে উঠেছিল। খিলাফত আন্দোলনকে পিষে মেরে ফেলার অল্প শাসনকর্তারা যে অকথ্য অত্যাচার করেছিল সেইটাই হচ্ছে এই আন্দোলনের প্রধান কারণ। এটা জমিদার আর তার রায়তের গুণ্ডগোল বা মসজিদ নিয়ে বাদাযুবাদ সেসব কিছু নয়। পুলিশের অত্যাচার সহ্য করতে না পেরে অহিংস ধর্ম দূরে ছুঁড়ে ফেলে দিয়ে অত্যাচারকে অত্যাচার দিয়ে রোখার অল্প দেশবাসীরা ঠাঁড়িয়েছিল। এই আন্দোলন যেন বিদেশী শাসনকর্তাদের একটা প্রতিদ্বন্দ্বিতায় আহ্বান করেছিল। এইটাই ছিল প্রধান কারণ। আন্দোলনকারীদের অল্প ধর্মের লোকেদের ওপর অত্যাচার করা বা মেরে ফেলার কারণ অল্প।

বিক্ষোভ যখন আরম্ভ হয় তখন বিক্ষোভকারীরা হিন্দুদের কোনো ক্ষতি করেনি। এরপর সৈন্তরা এসে যখন বিক্ষোভকারীদের ওপর অকথ্য অত্যাচার চালাতে লাগলো, তখন সমস্ত ব্যাপারটা অল্প রূপ নিল। বিক্ষোভকারীদের ধরার দৃষ্ট তারা হিন্দুদের সাহায্য চাইল। হিন্দুরা যদি মিলিটারীর আদেশ অমান্ত করে তাহলে তাদের শাস্তি দেওয়া হবে বলা হল। সৈন্তদের সঙ্গে বিক্ষোভকারীদের খুঁজে বের করার সময়

বিকোভকারীরা প্রতিশোধ নেবার জন্য হিন্দুদের আক্রমণ করতো। এমনি ভাবে এই বিরোধ খুব শীঘ্রই সাম্প্রদায়িকতার রূপ নিল। আর তখনই বিকোভের জায়গা-গুলিতে হিন্দুদের রক্ষা পাওয়া মুশকিল হয়ে উঠলো।

শান্তির ভয়েই সাধারণ লোকে দাঙ্গাহাঙ্গামা করে না। কিন্তু যেখানে কোনো শাসনব্যবস্থা নেই, যেখানে শুধু অরাজকতা ও অবাধ স্বাধীনতা, সেখানকার অবস্থার কথা কেউ কিছু বলতে পারে না। বিকোভ আরম্ভ হবার কিছু পরে এইরকম অবস্থা এরনাড্ ও অজ্ঞাত জায়গাগুলোয় দেখা দেয়।

সরকারের ওপর তাদের ঘৃণার জন্তে বিকোভকারীদের বেশীর ভাগ সরকারী শাসনকর্তা আর তাদের সাহায্যকারীদের ওপর তাদের আক্রমণ চালিয়েছিল। কিন্তু বিকোভকারীদের মধ্যে শুধু এই ধরনের লোক ছিল না। হত্যা, মারপিট, দাঙ্গাহাঙ্গামা করা, জোর করে ধর্ম বদলানো এমন সব লোকও এই বিকোভকারীদের মধ্যে ছিল। সাধারণ সময়ে যে সব খারাপ কাজের কথা আমরা চিন্তাও করতে পারি না, সেই সব খারাপ কাজ আবেগ আর উত্তেজনার মুহূর্তে আমরা করে ফেলি। তখন দয়া, করুণা, স্নায় অস্তায়, মান, সম্মান সব কিছুর কথা ভুলে যাই। আমাদের মধ্যে ঘুমিয়ে থাকা পশুটা এই সব অবসরে তার নগ্নরূপ নিয়ে বেরিয়ে পড়ে। যে কোন দেশেই জনতা গণ্ডোগলের সময় এই সব নীচ কাজ করে। বিকোভের সময় এরনাড্ এবং অজ্ঞাত জায়গায় ঠিক এইটাই ঘটেছিল।

বিকোভের রাশ টেনে ধরা অসম্ভব জেনে আমাদের পরের চেষ্টা হয়েছিল বিকোভের জায়গাগুলো থেকে পালিয়ে আসা শরণার্থীদের থাকার এবং খাবার ব্যবস্থা করা। হাজার হাজার লোক তখন কালিকটে এসেছিল। আমাদের আবেদনের ফলে ভারতবর্ষের নানা জায়গা থেকে প্রচুর অর্থ সাহায্য আমরা পেয়েছিলাম। গান্ধীজী টাকা তোলায় জন্তে সবচেয়ে আগে এগিয়ে এসেছিলেন।

শরণার্থীদের থাকার জন্য তিন চারটে জায়গার ব্যবস্থা আমরা করেছিলাম। রোজ তাদের আহাৰ্হ হিসেবে আমরা চাল বিলি করতাম। আহত ও রোগীদের চিকিৎসার ব্যবস্থাও করা হয়েছিল। সকাল থেকে দুপুর অবধি কংগ্রেস অফিসে রোজ একটা বিরাট জনতা এসে বসে থাকতো। প্রায় ছ'মাস ধরে এই শরণার্থীদের দেখাশোনা আমরা করেছিলাম। আমরা একটা রিলিফ ফাণ্ড খুলেছিলাম। তার থেকে বিকোভের ফলে যারা ক্ষতিগ্রস্ত হয়েছে সেই সব লোকের পরিবারদের দরকার মত সাহায্য করা হয়েছে। এদের মধ্যে হিন্দু মুসলমান দুইই ছিল।

ভারত সেবা সঙ্ঘের নেতৃত্বেও ক্যাম্প খোলা হয়েছিল। শরণার্থীদের জন্য অনেক

কাজ তারাও করেছে। বিক্ষোভ শেষ হবার অনেকদিন পর পর্যন্ত ভারত সেবাশ্রম সম্ভার পুনরুদ্ধারের কাজ চলেছিল।

শরণার্থীদের মধ্যে এমন অনেক লোক ছিল যারা মিলিটারী এবং বিক্ষোভকারীদের দ্বারা অত্যাচারিত হ'য়। কংগ্রেস এই সমস্ত শরণার্থীদের সঙ্গে দেখা করে সমস্ত ঘটনা ঠিক মতো জেনে তাদের অভিজ্ঞতা সমস্ত লিখে রাখার চেষ্টা করে।

বিক্ষোভের জারগাগুলোতে গিয়ে অনেকে দেখে এলো ঠিক ব্যাপারটা কি ঘটেছে। তারা এবং যারা ব্যাপারটা সঠিক জানে না তারাও সকলে মিলে প্রকৃত ব্যাপারটার রং চং বদলে এমন করে বলতে আরম্ভ করলো যে তা শুনে লোকের এই বিক্ষোভ সম্বন্ধে নানারকম উলটো ধারণা জন্মালো। এদের মধ্যে অনেকেই তাদের সঙ্গীর্ণ সাম্প্রদায়িক মনোভাবের ফলে সমস্ত ব্যাপারটা অল্প ভাবে দেখতে আরম্ভ করলো। সত্যের সম্মুখীন হবার ইচ্ছা কারোরই ছিল না। বিক্ষোভকারীরা কেউ কেউ অল্প ধর্মের লোকদের জোর করে ধর্ম বদলিয়েছে এই অভিযোগে খবরের কাগজে তীব্র বাদপ্রতিবাদ বেরোতে লাগল। কেউ কেউ ধর্ম বদলানোর ব্যাপারটার প্রতিবাদ করলো, কেউ কেউ আবার তাকে অতিরঞ্জিত করে বর্ণনা করলো। এই বাদ প্রতিবাদে কংগ্রেস একটি কথাও বলেনি। সমস্ত বিবরণ পুঙ্খানুপুঙ্খরূপে সংগ্রহ করে তা লিপিবদ্ধ করা কংগ্রেসের কাজ ছিল।

—“বিক্ষোভের জারগাগুলিতে ধর্ম বদলানোর কথা যদি সত্য হয় তাহ'লে সে সম্বন্ধে কংগ্রেস সেক্রেটারী হয়তো কিছু বলতেন, কিন্তু তিনি এ সম্বন্ধে একটি কথাও বলেননি বলে ধর্ম পরিবর্তনের কথা একেবারেই বাজে কথা” এমনি ভাবে লেখা একজনের একটি চিঠি হিন্দু পত্রিকায় বেরিয়েছিল। এর উত্তর সকলেই কংগ্রেস সেক্রেটারীর কাছে আশা করেছিল। কেবল কংগ্রেস কমিটির সেক্রেটারী হিসেবে আমার আর চূপ করে থাকা চলল না। আমার জানা কতকগুলি ব্যাপার আমি তখন বাইরে প্রকাশ করলাম। জোর করে ধর্ম বদলানোর খবর কেউ কেউ কংগ্রেস অফিসে এসে বলেছিল। সেটা আমি প্রকাশ করলাম। এটা পড়ে যে কেউ কেউ রেগে যাবেন এ আমি ভালো করেই জানতাম। ‘হিন্দু’ পত্রিকায় আমার লেখা প্রকাশ হবার পরের দিন যে ঘটনা ঘটেছিল তার কথা এখানে বলছি।

রাত প্রায় ন'টার সময় আমি আর আমার পরিবারের লোকেরা খাওয়া লাওয়ার পর কংগ্রেস অফিসের ওপরে বসেছিলাম। জ্যোৎস্না রাত। হঠাৎ উত্তর দিক থেকে একটা ঝিল এসে জানলার ওপর পড়লো। শব্দ শুনে চমকে উঠে ব্যাপারটা কি দেখতে ঘরের ভেতর বাবার সময় আর একটা ঝিল এসে বাড়ীর ওপর পড়ল। এমনি ভাবে চার পাঁচটা ঝিল পড়লো। নীচের অফিস থেকে চাতুহুটি নায়ার ছুটে এলো। ‘কে’ জিজ্ঞেস

করতে তার উত্তরে দুমাদুম ঢিল পড়তে লাগলো। একটু দূর থেকে দুটো তিনটে লোক একটা জায়গা থেকে ঢিল ছুঁড়ছে বলে মনে হলো। প্রায় মিনিট দশেক এমনি ভাবে ঢিল পড়তে লাগলো। ইতিমধ্যে আমাদের চেঁচামেচি শুনতে পেয়ে পাড়া প্রতিবেশীরা বাইরে আসার লোকগুলো ছুটে পালিয়ে গেল।

পরের দিন ডাকে আমার নামে কতকগুলো বোনামী চিঠি এল। জোর করে ধর্ম বদলানো হয়েছিল বলে আমি কাগজে যে লেখা ছেপেছি তাতে আমাকে গালাগালি দিয়ে চিঠিগুলো লেখা হয়েছে। তাতে আমাকে মেরে ফেলা হবে বলে ভয় দেখানোও হয়েছিল। সত্যি কথা বলে যে লেখা আমি লিখেছিলাম তাতে যে লোকে ক্ষুব্ধ হ'তে পারে তা জানার সুযোগ আমার ঘটলো।

এর বেশ কিছুদিন পরে রাজাগোপালাচারী কালিকটে এলেন। জনসভা করার ওপর তখনও নিষেধাজ্ঞা জারী ছিল। হিন্দুমুসলমান মৈত্রীর বন্ধন আবার দৃঢ় করার উদ্দেশ্য নিয়ে রাজাগোপালাচারী এসেছিলেন।

রাজাগোপালাচারী কালিকটে আসার দিন সন্ধ্যাবেলার কালিকটের সমুদ্রতীরে একটা জনসভা ডাকা হ'লো। রাজাগোপালাচারীর সঙ্গে আমিও এই জনসভায় গেলাম। আমরা সভায় উপস্থিত হবার সঙ্গে সঙ্গে আমার উদ্দেশ্যে লোকে ধিক্কার দিতে আরম্ভ করলো। রাজাগোপালাচারীর পর আমি বক্তৃতা দিতে উঠলে মিনিট পাঁচেক তারা আমাকে একটা কথা পর্যন্ত বলতে দিল না। রাজাগোপালাচারী লোকেদের কাছে চুপ করে থাকার আবেদন জানালেও কোনো ফল হ'ল না। আমি কিন্তু ছাড়লাম না। বললাম।

—ধর্ম পরিবর্তনের ব্যাপারে 'হিন্দুতে' আমার একটা চিঠি পড়ে আপনারা ক্ষুব্ধ হ'য়ে এরকম ব্যবহার করছেন তা আমি বুঝতে পেরেছি। আমাকে গালাগালি দিলে যা ঘটেছে সেটা মিথ্যে হ'য়ে যায় না। এ ঘটনা সত্যি হলে আর যেন এরকম ঘটনা না ঘটে সেইটাই দেখা প্রকৃত দেশপ্রেমিক আর সমাজসেবীর কর্তব্য। আমি লোকেদের মুখ থেকে শুনে কিছু লিখিনি। বারা এমনভাবে ধর্মপরিবর্তন করতে বাধ্য হয়েছে তাদের দেখে সমস্ত কিছু ভিজ্জেস করে জেনে তা কাগজে লেখা উচিত বলে মনে করে এই কাজ আমি করেছি। এর জন্তে আমি অহুতাপ করছি না। আপনাদের এইরকম মনোভাব আমাকে সত্যিই বড় ব্যথা দিয়েছে। আমি বিশ্বাস করি দারিদ্র্যজ্ঞানহীন কিছু লোকের এরকম হীন মনোভাবকে তীব্র ভাষার নিন্দা করা উচিত।

আমার এই বক্তৃতার সময় খুব গোলমাল হচ্ছিল, মাঝে মাঝে আমার বক্তৃতা থামানোর চেষ্টা চলছিল। আমি আমার বা বলার ছিল তা একমকম প্রায় বলে শেষ

করলাম। যারা গোলমাল করছিল তারা অবশ্য আমার বক্তৃতায় সন্তুষ্ট হ'লো না, তবে আমি আমার বক্তব্য খোলাখুলি বলতে পেরে খুশী হলাম।

এর আগে আর এর পরে এই ধরনের কত অভিজ্ঞতাই আমার হয়েছে। জনগণের কাছে ধারাই নেমেছেন তাঁদের সকলেরই এরকম অভিজ্ঞতা হয়েছে। এর জন্তে আমাদের কারোর ওপরই রাগ করার বা দুঃখিত হবার কারণ নেই। কাউকে দোষ দেবারও দরকার নেই। এইসব কাজে অন্তদের বিরোধিতা ও ভুল ধারণা এড়ানো যায় না। এ আমাদের অভিজ্ঞতা থেকেই আমরা ভালো করে জানি। কেউ আমাদের ঘৃণা করবে, কেউ ভালোবাসবে, কেউ বিরোধিতা করবে, সাহায্য করবে। এ সব উপেক্ষা করে অন্তরের ভেতর থেকে যে নির্দেশ আসছে তাকে অহুসরণ করলে, এগিয়ে গেলে ভুল করার সম্ভাবনা কম থাকে। যদি একবার ভুল হ'য়ে যায়, তাহলে সে ভুলের সমাধানের পথ আমাদের খুঁজে বের করা সম্ভব।

ঠিক এমনি ভাবে যখন গৈরুদের দোষগুলি, তাদের নৈতিক অবনতির কথা বলা হয়েছিল তখন গভর্নমেন্ট তাতে ক্রুদ্ধ হয়েছিল। মিলিটারীর অকথা অত্যাচারের বলি যারা হয়েছিল তাদের সঙ্গে কথা বলে সমস্ত ঘটনা আমি রেকর্ড করে রেখেছিলাম। কারোকেই কাছে এক গর্তবতী মুসলমান মহিলাকে বর্শা দিয়ে খুঁচিয়ে মারা, একটি মুসলমান বালকের হাত পা ছুরি দিয়ে কেটে ফেলা, এই দুটি ঘটনা আমার কাছে ক্যাম্পে থাকা এই দুটি শরণার্থী বলেছিল।

বিস্ফোভ শেষ হবার বেশ কিছুদিন পরে সরোজিনী নাইডু কালিকটে এসেছিলেন। বিস্ফোভের সব খবর জানাবার সঙ্গে মিলিটারীর নিষ্ঠুরতার কথাও তাঁকে বললাম। উপরোক্ত এই ঘটনা দুটোর কথাও বললাম। সরোজিনী নাইডু বসে যাওয়ার পথে মাজাজে নেমেছিলেন। সেখানে সমুদ্রতটে মিলিটারীর এই অত্যাচারের কথা তিনি তীব্র ভাষায় নিন্দা করেন।

এর দু'দিন পরে মাজাজে গভর্নমেন্ট একটা প্রেস নোটে বলেন যে সরোজিনী নাইডুর কথায় কোনো সত্যতা নেই। মিলিটারীর অত্যাচারের কথাটা একবারেই মিথ্যা। জনসাধারণকে ভুল ধারণার বশবর্তী করার জন্ত ইচ্ছে ক'রেই একথা শুভো সরোজিনী নাইডু বলেছেন। তিনি যদি একথা গুলি প্রত্যাহার না করে নেন তাহ'লে তাঁর বিরুদ্ধে উচিত ব্যবস্থা নেওয়া হবে। এটা প'ড়ে আমি হিন্দু পত্রিকার এই ভাবে একটা উত্তর লিখে পাঠাই।

মালাবারের ঘটনার ব্যাপারে মিসেস নাইডু মাজাজের জনসভায় যে বক্তৃতা দিয়েছেন তা মিথ্যে বলে গভর্নমেন্ট বলেছেন। কিন্তু তাঁর একটি কথাও মিথ্যে নয়। এই সব

ঘটনার বিবরণ সেরোজিনী নাইডুকে আমিই জানিয়েছি। যদি সরকার মনে করেন যে এসব অভিযোগ ভিত্তিহীন তাহ'লে আমার নামে তাঁদের ব্যবস্থা নেওয়া উচিত, মিসেস নাইডুর নামে নয়। যে দু'টি লোক মিলিটারীর অত্যাচারের ভুক্তভোগী হয়েছে তাদের জবানবন্দী আর ফটো পাঠাচ্ছি। এটা দয়া করে ছাপাবেন এই অম্বুরোধ।

হিন্দু পত্রিকা এই চিঠিটি ছেপেছিল। এরপর গভর্ণমেন্টের আর কোনো উত্তর দেওয়ার ছিল না।

দেশে মাঝে মাঝে যে সাম্প্রদায়িক দাঙ্গাহাঙ্গামা হচ্ছিল তাতে আমি অত্যন্ত হতাশ হয়েছিলাম। মনে খুব কষ্টও পেয়েছিলাম। “এই সাম্প্রদায়িকতা আমাদের দেশ ছেড়ে যাবে না। এক বিষবৃক্ষের মতো এই সাম্প্রদায়িকতা তার কঠিন শেকড় গেড়ে বসেছে। একে উপড়ে ফেলা সম্ভব নয়। কেটে টুকরো টুকরো করে ফেললেও তা আবার গজিয়ে উঠবে এরকম কথা অবশ্য অনেকে বলেন। কিন্তু আমি তা বিশ্বাস করি না। ভারতে নানা ধর্মের লোকের বাস। প্রত্যেকের নিজের নিজের ধর্ম বিশ্বাস পালন করা বা প্রচার করা কোনোটাতেই ভারত কোনোদিন বাধা দেয়নি। আমাদের সংস্কৃতির ভিত্তিই হচ্ছে সহিষ্ণুতা। যদি আজ ভারতে এই সাম্প্রদায়িক সম্পর্ক খারাপ হ'য়ে থাকে তা হচ্ছে দু'শ বছরের বিদেশী শাসনের ফল। সাম্প্রদায়িকতা বেড়ে চলেছে কিন্তু আমাদের পুরোনো ঐতিহ্যকে এগিয়ে নিয়ে যাওয়া কি সম্ভব নয়? যাদের মনে দয়ামায়া নেই সেসব লোক কি করে ধর্মকে ভালোবাসতে পারে? যাদের সহিষ্ণুতা নেই তারা নিজেদের মার্জিত, সভ্য বলে মনে করে কি ক'রে? এক ধর্মের লোক যদি অন্য ধর্মের লোকেদের ভালোবাসা আর বিশ্বাসের চোখে না দেখে তাহ'লে তারা সংস্কৃতির বড়াই করে কি ক'রে?

ঈশ্বর আর মানুষের সম্পর্ক এক এক সময়ে এক এক মহান ব্যক্তির চিন্তার বিষয় হয়েছে। এই সব দার্শনিক চিন্তা সমস্ত মানব সমাজের সাধারণ সম্পত্তি হিসেবেই দেখা উচিত। উপনিষদে বলা হয়েছে—নানা রঙের গাভী হয় কিন্তু তাদের দুধ সাদাই হয়। ‘ধর্মপ্রচারকদের গাভীর মত এবং দুধকে জ্ঞানের মতো ভাবতে শেখো’ উপনিষদের এই উপদেশ এই প্রসঙ্গে মনে রাখা উচিত।

কতকগুলো মৌলিক সত্যের ওপর স্ফূর্তভাবে দাঁড়িয়ে থাকলে তা আমাদের ধর্মপথ থেকে বিচ্যুত না হ'তে সাহায্য করে। ধর্মের নামে এই পৃথিবীতে কত শত যুদ্ধই না হ'য়ে গেছে। কত অত্যাচারই না ধর্মের নামে হয়েছে। ১১শ শতাব্দী থেকে ১৪শ শতাব্দী অবধি ক্রিস্চান আর মুসলমানেরা ধর্মের নামে অবিরত যুদ্ধ করেছে। ১৬শ আর ১৭শ শতাব্দীতে ক্রিস্চান ধর্মের দুটি ভাগ প্রটেষ্ট্যান্ট এবং ক্যাথলিক সমানে

নিজেন্দের মধ্যে ঝগড়া লড়াই করেছে। হিন্দু মুসলমানের মধ্যেও তেমনি ধর্মের নামে কত ঝগড়া কত দাড়াহাঝামাই না হ'য়েছে।

ধর্মচক্রবর্তী অশোক তাঁর এক অনুশাসনে বলেছেন,—সমস্ত ধর্মই কোনো না কোনো কারণে প্রকারে যোগ্য। যদি কেউ অপরের ধর্মকে প্রকা করে তাহ'লে সে নিজের ধর্মকেই ওপরে তোলেন, অন্য ধর্মেরও মহিমা বাড়ায়। এই ভাবেই সে অন্য ধর্মের সেবা করে।

এই মত কাজ করলে মানুষের সমাজে কত পরিবর্তনই না হত। এর জন্য কি আমাদের চেষ্টা করা উচিত না?

সতের

রাজনীতির কাজে মন্দগতি

মালাবার বিকোভের পরে বেশ কিছুদিন মালাবারে কোনোরকম রাজনৈতিক কাজ করার উপায় ছিল না। কংগ্রেসের ওপর লোকের বিরোধিতা খুবই বেড়ে গিয়েছিল। দেশের হর্ত্তাকর্ত্তারা এর ওপর বলতে লাগলো, খিলাফত্ আন্দোলনে অংশগ্রহণ করে কংগ্রেস দেশে বিপদ ডেকে এনেছে। কোনো কোনো হিন্দু নেতারা যে সব কংগ্রেস কর্মীরা খিলাফত্ আন্দোলনে যোগ দিয়েছে তারা সমাজের শত্রু বলে গালাগালি দিলে, মালাবারের সমস্ত কংগ্রেস কর্মীদের ধরে জেলে পোরা উচিত বলে তারা অভিমত প্রকাশ করতে দ্বিধা করেনি। এদিকে মুগলমানরাও অভিযোগ করলো যে কংগ্রেসে যোগ দেবার জন্য তারা তাদের উল্কে দিয়েছিল তারা মিলিটারী আর পুলিশের অত্যাচার শুধু হবার সঙ্গে সঙ্গে তাদের হাত ছাড়িয়ে নিয়েছে। এই সব কথা শুনে তখন আমাদের কংগ্রেস কর্মীদের খুবই ধারাপ লেগেছিল। কংগ্রেস কর্মীদের সঙ্গে ভদ্র ব্যবহার করতেও কেউ কেউ ভুলে গিয়েছিল। বন্ধুরা দেখলেও যেন দেখেনি এমন ভাব করতো। কেউ কেউ আবার আমাদের সঙ্গে দেখা করতে পর্বস্ত ভয় পেত। কোনো দরকারে তাদের সঙ্গে দেখা করতে গেলে যত তাড়াতাড়ি আমাদের বিদায় করতে পারলে বাঁচে বলে মনে হতো। বেশ কিছু কংগ্রেস কমিটি অকেজো হয়ে পড়ল। অনেক কংগ্রেস কর্মীদের বন্দী করা হলো। অনেকে কংগ্রেস ছেড়ে দিল। বারি বাকী রয়েল তাদের বোজকার খরচ জোটানোই মুশকিল হয়ে পড়ল। ভারতবর্ষের অন্যান্য কয়েকটি জায়গায় অসহযোগ আন্দোলনের কালে যে মারপিট দাড়াহাদায়া হয় তাতে মালাবারের কংগ্রেস কর্মীদের ওপর লোকের রাগ আরো বেড়ে গেল।

এই সময় রেভারেণ্ড অ্যাণ্ড্‌ জে কালিকটে আগলেন। বিকোভের সঠিক বিবরণ সংগ্রহ করতে তিনি এসেছিলেন। কালিকটে তিনি এক সপ্তাহ ছিলেন। একবার দেখলে আর ভোগা যায় না, এমন মাহুস ছিলেন অ্যাণ্ড্‌ জে। বাঙালীদের মত হুতি আর পাঞ্জাবি পরে কালো লম্বা দাড়ি, হাতজোড় করা আর মুখে বৃহৎ হাসি নিয়ে তিনি যখন আমাদের সঙ্গে দেখা করলেন তখন তাঁর সেই অগ্নীয় রূপ শান্তি আর সৌহার্যের প্রতীক বলে মনে হয়েছিল। গুড, উজ্জল, কলকহীন এক চরিত্র। যেখানে সাধারণ লোকের কষ্ট হচ্ছে, যেখানে হাসিখে, অজ্ঞানের অন্ধকারে মাহুসের আচ্ছাদিত হাদাকার করছে

যেখানে মানুষ অত্যাচারিত, নিৰ্বাচিত, সেখানেই আণ্ড্ৰুজ দৌড়ে গিয়ে উপস্থিত হ'তেন। জয়ে বৃষ্টিপ হলেও ভারতবর্ষকে তিনি তাঁর মাতৃভূমি বলে মেনে নিয়েছিলেন। ভারতের নানা জায়গা, দক্ষিণ আফ্রিকা, সিংহল, মালয়, মরিশাস প্রভৃতি দেশগুলিতে ভারতবাসীরা কেমন ভাবে রয়েছে, তাদের সুবিধা অসুবিধাগুলো জানার জন্তে, তাদের সাহায্য করার জন্ত তিনি অনেক কষ্ট স্বীকার করেছিলেন। যাতায়াতের খরচ, পোষাক-পরিচ্ছদ, খাওয়া-দাওয়া সব ভগবান জুটিয়ে দেবেন। তাঁর ধর্ম হচ্ছে মানুষের সেবা করা, একথা আণ্ড্ৰুজ পূর্ণমাত্রায় বিশ্বাস করতেন।

তিনি রবীন্দ্রনাথ ঠাকুরের শান্তিনিকেতনে থাকতেন। সেখানে তিনি অধ্যাপকের কাজ করতেন। মহাত্মা গান্ধীর অসুস্থতার সময় আণ্ড্ৰুজ তাঁর কাছে গিয়ে তাঁকে সাহায্য করতেন। আণ্ড্ৰুজ এক সপ্তাহ কালিকটে থেকে বিকোন্ডের সব জায়গাগুলো ঘুরে ঘুরে দেখলেন। নানা লোকের সঙ্গে দেখা ক'রে, তাদের সঙ্গে কথাবার্তা বলে কলকাতায় ফিরে গেলেন। আমি যখন তাঁকে জিজ্ঞেস করলাম—‘পথ খরচের পরস্যা আপনার আছে?’—‘হুঁটাকা আছে’ বলে উত্তর দিলেন। তা শুনে রিলিফ ফাণ্ড থেকে তাঁর পথ খরচের জন্ত আমি ২০০ টাকা দিলাম। সেদিন বেলা চারটের সময় শরণার্থীদের শিবিরে যাবার সমস্ত ‘পরস্যা কড়ি সাবধানে রেখেছেন তো?’ আমি খোঁজ করলে পর আনণ্ড্ৰুজ সাঁচের খুব চমকে গেলেন।

—টাকাটা টেবিলের ওপর রেখেছি। বেচারী চাকরটা দেখলে যে কি প্রলোভনেই না পড়বে। চলুন আমরা ফিরে বাই।

আমরা গাড়ী ঘুরিয়ে ফিরে এসে দেখি টাকাটা টেবিলের ওপরই রয়েছে। টাকা-গুলো বাস্তব রেখে চাবি দিয়ে আবার আমরা শিবিরে ফিরে গেলাম।

নিজের স্বার্থ না দেখে অপরকে ভালোবাসতে পারে এমন লোক কি পৃথিবীতে হয় নাকি? এমন সন্দেহ যদি কারো হয় তাহ'লে তাদের আণ্ড্ৰুজকে দেখা উচিত। তিনি যখন শান্তিনিকেতনে ফিরে গেলেন, তখন আমার ছেলে উন্নিকেও নিয়ে গিয়েছিলেন। উন্নি পরে শান্তিনিকেতনে ছ'বছর পড়েছে।

বিকোন্ড থেমে গেলেও তার জের তখনো থামেনি। আমার ওপর কালিকট মিউনিসিপালিটির সৌম্য বাইরে যাবার নিষেধাজ্ঞা জারী করা হ'রেছিল। চৌরীচোরার ভয়ানক ঘটনার পর গান্ধীজী অসহযোগ আন্দোলন বন্ধ করে দিলেন। গান্ধীজীকে আ্যারেস্ট করা হলো। সারা দেশে একটা অনিশ্চিত অবস্থা। অসহযোগ আন্দোলনকে আবার বাঁচিয়ে তোলা অসম্ভব বলে অনেকে ভেবেছিলেন। গান্ধীজীকে রাজকোহের অপরাধে অপরাধী করা হয়েছে, তাঁর সেই ভাবে বিচার হবে এই ধর্মব্রতীদের মধ্যে

একটা ভীষণ আশঙ্কা জাগিয়ে তুললো। বিচারের আগে তাঁর সঙ্গে একবার দেখা করার খুব ইচ্ছে হয়েছিল, কিন্তু আমার ওপর নিষেধাজ্ঞার আদেশ থাকতে কালিকট ছাড়ার উপায় ছিল না। আমি স্বযোগের অপেক্ষা করতে লাগলাম।

আমার ওপর নিষেধাজ্ঞার সময় শেষ হ'য়ে আসছিল। আবার নিষেধাজ্ঞা জারী করার আগে কালিকট ছাড়া যায় কিনা আমি ভাবতে লাগলাম।

বোধের অনেক ব্যবসাদার সে সময় কালিকটে ছিল। কালিকট থেকে মাল নিয়ে জাহাজ মাঝে মাঝে বোম্বে যেত। হাজী রজ্জিলা বলে একজন ব্যবসাদারকে আমার ইচ্ছের কথা গোপনে জানালাম। তিনি কথা দিলেন যে তিনি এ সম্বন্ধে ব্যবস্থা করবেন। তাঁর জাহাজ শুকনো নারকোল নিয়ে যাচ্ছিল। মাল নিয়ে জাহাজ রওনা হবার আগে তিনি আমাকে জানানলেন। আমার ওপর নিষেধাজ্ঞার অর্ডার সেদিনই শেষ হয়ে গিয়েছিল। আমি আমার জিনিসপত্র নিয়ে সমুদ্রতীরে এসে হাজির হ'লাম। হাজী রজ্জিলা আমার জন্য একটা ছোট নৌকা নিয়ে সেখানে অপেক্ষা করছিলেন। সেদিন সন্ধ্যার আগে আমরা জাহাজে চড়লাম। রাতে জাহাজ ছেড়ে পরদিন তালা শেরীতে জাহাজ কিছুক্ষণের জন্য থামলো। রজ্জিলা আমার সব রকম স্বর্থ স্বাক্ষরের প্রতি নজর রেখেছিল। এমনি ভাবে পাঁচ দিন যাত্রার পর আমি বোম্বে পৌঁছোলাম। সেখানে রজ্জিলার অতিথি হয়ে একদিন ছিলাম। পরের দিন আমি আয়েদাবাদ গেলাম।

সেখানে গিয়ে পরের দিনই আমি গান্ধীজীর সঙ্গে দেখা করলাম। অনেক সর্বভারতীয় নেতারাও সেখানে এসেছিলেন। সেদিন আমি সবরমতী আশ্রমে ছিলাম। পরের দিন বিঠল ভাই প্যাটেল এসে আমার খোঁজ খবর করলেন। তাঁর নিমন্ত্রণে আমি করদিন তাঁর বাড়ীতে ছিলাম। গান্ধীজীর কেসের দিন পড়েছিল 10ই মার্চ। এই মামলার বিচার আদালতে না হ'য়ে মুসাবরি বাংলোর হয়েছিল। চারিদিকে অসংখ্য সৈন্য পাহারা বসানো হ'য়েছিল। বিরাট একটা জনতা বাংলোর কাছে এসে ভীড় জমিয়েছিল। জজ আসার একটু আগে গান্ধীজীকে সেখানে নিয়ে আসা হ'ল। হাঁটুর ওপর ধুতি পরা, হলের মধ্যে সেই কৃশকায় মানুষটিকে দেখবামাত্র সেখানকার লোকেরা সব উঠে পাড়ালো। গান্ধীজী একটা চেয়ারে বসলেন।

ঠিক বেলা 12টার সময় জজ এলেন। সঙ্গে সঙ্গে এই ইতিহাস প্রসিদ্ধ মামলার বিচার আরম্ভ হ'লো। গান্ধীজীর অপরাধের একটা বিবরণ তাঁকে পড়ে শোনানো হ'লো। তিনি এই সব অপরাধে অপরাধী একথা গান্ধীজী স্পষ্টভাবেই আদালতকে বলেন। তাঁর বক্তব্য তিনি একটি লিখিত জবানবন্দীতে জজের কাছে সমর্পণ করলেন।

ব্রিটিশ সরকারের অত্যাচারের নররূপ এই সুপ্রসিদ্ধ ট্রেটমেন্টে দেখানো হয়েছিল।

গান্ধীজী যখন এটি পড়ছিলেন তখন তাঁর গলার স্বর, মুখের ভাব আজো আমি ভুলতে পারি না। —‘এই আদালত যে আইন চাণু করতে চাইছে তা অত্যাচার। আমি নিরপরাধী। যদি একথা বিচারক এবং অস্ত্রান্তরা মনে করে তাহলে এই অত্যাচার কাজে তারা যেন ভাগ না নেয়। আর এই দেশের নিয়ম কানুন, শাসনব্যবস্থা ইত্যাদি এ দেশের ভালোর জন্তে করা হয়েছে আর তার পরিপ্রেক্ষিতে আমার কাজকর্ম অপরাধজনক একথা আদালত যদি মনে করে তাহলে আমাকে কঠিন শাস্তি দেওয়া হোক। এই দুটোর একটা না করে আদালতের পক্ষে এখন অল্প কোনো কাজ করা উচিত নয়’ বলে গান্ধীজী তাঁর স্টেটমেন্ট শেষ করলেন।

দু’মিনিট সমস্ত আদালত নিস্তব্ধ হ’য়ে রইল। জজ সেই নিস্তব্ধতা ভেঙে বললেন—

—আপনার দেশের কোটি কোটি লোক আপনাকে একজন দেশপ্রেমিক বলে মনে করে। দেশের কাজে আপনার বিরুদ্ধপক্ষও আপনাকে একজন কর্মযোগী মহাপুরুষ বলে মনে করে। আপনাকে আমি কিন্তু নিয়ম লঙ্ঘনের দোষে দোষী এবং সরকার বিরোধী কাজে লিপ্ত বলে দেখছি। বালগঙ্গাধর তিলককে যেমন এই অপরাধে ছয় বছরের বিনা পরিশ্রমে কারাদণ্ড দেওয়া হয়েছিল আপনাকেও সে বকম দিলে সেটা যে খুব বেশী শাস্তি হবে তা আমি মনে করি না। দেশের অবস্থার পরিবর্তন হলে সরকারের যদি আপনার শাস্তি কম করার স্বযোগ হয় তাহলে আমার চেয়ে বেশী খুশী কেউ হবে না।

জজ তাঁর জারগা থেকে উঠে দাঁড়ালেন। আদালত ভাঙলো। মহাত্মাজীর কাছ থেকে বিদায় নেবার জন্ত তাঁর সহকর্মীরা এগিয়ে গেলেন। আবেগে আর উত্তেজনার নেতাদের অনেকে বাচ্ছা ছেলের মতো জুঁপিয়ে কাঁদতে লাগলেন। বাবু রাজেন্দ্রপ্রসাদকে সাহসনা দেবার গান্ধীজীর প্রচেষ্টার কথা আমার এখনো মনে আছে। আমি তাঁর কাছ থেকে বিদায় নিতে গেলে তিনি বলেন—‘আমি সব ব্যবস্থা করেছি। তার জন্তে উৎকর্ষার কোনো কারণ নেই।’ আমার খরচের জন্ত প্রত্যেক মাসে কিছু টাকা গান্ধীজী আমাকে পাঠাতেন। সেই কথা তিনি এখন বলেন। এ সময় এ কথাও তিনি মনে করে রেখেছিলেন।

গান্ধীজীকে নিয়ে যেতে গাড়ী এল। তিনি তাতে চড়লেন, সঙ্গে সরোজিনী নাইডুও। যতক্ষণ দেখা যায় আমরা গান্ধীজীর গাড়ীর দিকে তাকিয়ে রইলাম।

এই মামলার বিচার আমি ‘The great trial’ বলে আমার একটা ইংরাজী বইয়ে লিখেছি। স্বর্গত টি. প্রকাশন এই বই লিখতে আমাকে প্রেরণা দিয়েছিলেন। দুঃখের বিষয়, এই বইয়ের একটা কপিও আমার কাছে নেই।

সব শেষ হয়ে গেল, স্বাধীনতার যুদ্ধও শেষ হ’য়ে গেল, এমনকি কথা অনেকে বলতে

লাগলো। এটা যে স্বাধীনতা যুদ্ধের আরম্ভ, শেষ নয়, সে কথা তারা বুঝতে পারেনি।

বোধে থেকে ফিরে এসে কংগ্রেস অফিস মাধবন্ নায়ারের বাড়ী থেকে কান্নাই রোডের আর একটা বাড়ীতে স্থানান্তরিত করলাম। আমার থাকার জন্ত আর একটা বাড়ী নিলাম। সে বছর 1922 সালে সর্বভারতীয় কংগ্রেসের সভা হয় গয়ায়। এই সভায় বোগ দেব বলে ঠিক করলাম। চাতুর্কট্ট নায়ারও আমার সঙ্গে এলেন।

গয়ার পথে আমরা কলকাতার নেমে তিনদিন শান্তিনিকেতনে ছিলাম। শান্তিনিকেতনের সবকিছু অ্যাণ্ড্রুজ আমাদের ঘুরে ঘুরে দেখালেন। ছেলেমেয়েদের প্রভাত সঙ্গীত, গাছের তলায় বসে তাদের পড়াশুনো, তাদের খেলাধুলো, আমোদ প্রমোদ, সবকিছু আমাদের কাছে খুব নতুন নতুন লাগছিল। লম্বা চুল আর লম্বা দাড়ি ছিল রবীন্দ্রনাথের। তিনি তাঁর পা পর্ষন্ত লম্বা জোকা প'রে কখনো কখনো সে দিক দিয়ে হাঁটতেন। তখন ছেলেমেয়েরা ছুটে গিয়ে তাঁর পায়ে ধুলো মাখায় নিত। সে দৃশ্য দেখতে এত ভালো লাগতো। তাঁর পিতা মহর্ষি দেবেন্দ্রনাথ ঠাকুর যে জায়গায় ব'সে ধ্যান করতেন সে জায়গাও আমরা দেখলাম।

শান্তিনিকেতনে থাকার সময়ের যে স্মৃতি এখনো আমার মনে উজ্জ্বল হ'য়ে আছে তা হচ্ছে এক সন্ধ্যায় রবীন্দ্রনাথ ঠাকুরের বাড়ীতে বসে তাঁর সঙ্গে সন্ডাষণ।

বারান্দায় একটা ইঞ্জিনেরায়ে রবীন্দ্রনাথ বসেছিলেন। পাশে একটা বেতের চেয়ারে আমি। তাঁর ঘরে টেবিলের ওপর রাখা একটা হারিকেনের আলো বারান্দায় এসে পড়েছিল। চারিদিক অন্ধকার ছিল বলে তাঁর মুখটা পরিষ্কার দেখা যাচ্ছিল না। কিন্তু তাঁর নয়ম গলার আওয়াজ বেশ স্নায় শোনা যাচ্ছিল। তাঁর প্রত্যেকটি কথা শুনতে খুবই ভালো লাগছিল। শান্তিনিকেতন, সেখানকার বিজ্ঞানিকার কথা, বাংলার নৃত্যকলা ইত্যাদির বিষয়ে তিনি বলছিলেন। আধঘণ্টা ধরে এই সন্ডাষণ চলেছিল। পরের দিন আমি শান্তিনিকেতন ছাড়ি।

মহাত্মা গান্ধীর সবারমতী আশ্রমে, অ্যানি বেসান্টের ব্রহ্মবিজ্ঞা মন্দিরে, রবীন্দ্রনাথের শান্তিনিকেতনে থাকার সুযোগ আমার ঘটেছিল। এদের প্রত্যেকটি তাদের ভিন্ন ভিন্ন বৈশিষ্ট্য নিয়ে আমার আকৃষ্ট করেছিল।

সবারমতী আশ্রমে ধারা থেকেছেন তাঁরাই জানেন, নিত্য কর্ম পালন, কঠোর নিয়ন্ত্রণ এর একটা বৈশিষ্ট্য। সকাল চারটের সময় উঠে সম্মিলিত প্রার্থনা, তারপর একটার পর একটা কাজ নিয়ম যতো করে যাওয়া, এই হচ্ছে সবারমতী আশ্রমের কাজ। আশ্রমে পরিষ্কার পরিচ্ছন্নতা থাকলেও একটা শিল্পীমূলক সৌন্দর্য তৈরী করার চেষ্টা এখানে

ছিল না। নানা বিষয়ে নানা বই পড়া, কৃষ্টি সম্বন্ধীয় বিষয়ের আলোচনা করা, এসব দিকে আশ্রমের অধিবাসীরা তাঁদের সময় ব্যবহার করতেন না। হাতের কাছেই তাঁরা বেশী মনোযোগ দিতেন। তাঁরা সেখানে গ্রাম সেবার ট্রেনিং লাভ করেছিলেন। সত্য ও অহিংসায় বিশ্বাস রেখে জনসাধারণকে প্রাণমন দিয়ে সেবা করা এই ব্রতই ছিল সবরমতী আশ্রমের অধিবাসীদের।

আ্যানি বেসান্তের ব্রহ্ম মন্দির স্থাপিত করা হ'য়েছিল আডারারে অতিসুন্দর প্রাকৃতিক পরিবেশে। এখানকার সুন্দর সুন্দর গৃহগুলি, লাইব্রেরী, রঙীন ফুলে ভরা বাগান এই জায়গাটিকে আকর্ষণীয় করে তুলেছে। নানা জায়গা থেকে পণ্ডিত আর দার্শনিকেরা আডারারে এসে সমবেত হতেন। আডারারের সমস্ত পরিবেশ তাই কৃষ্টি, আধ্যাত্মিকতা, পবিত্রতায় ভরা। আ্যানি বেসান্তের সময় এই ব্রহ্ম বিদ্যালয়ের যা নাম ছিল এখন হয়তো তা নেই, তবু এই ঐতিহ্য এখনো সেখানে দেখতে পাওয়া যায়।

শান্তিনিকেতনের বৈশিষ্ট্য অন্তরকম। এখানে কলা, শিল্প, সৌন্দর্য এদেরই প্রাধান্য দেওয়া হয়েছে। এখানে লোকৃত, নাটক, নৃত্য, চিত্রাঙ্কন ইত্যাদি সুস্থ চারুকলার শিক্ষা দেওয়া হয়। বাইরের থেকে নৃত্যশিল্পীরা এসে মাঝে মাঝে তাদের নৃত্য প্রদর্শন করায়। ছাত্রছাত্রীরা এখানে অভিনয় করে। রবীন্দ্রনাথও কয়েকবার এদের সঙ্গে অভিনয় করেছিলেন। এখানে বিজ্ঞা শিক্ষার একটা বড় অংশ কলা শিক্ষা। কলাবিজ্ঞান এক একজনকে কৃতবিদ্য করে তোলাই শান্তিনিকেতনের উদ্দেশ্য। শান্তিনিকেতনের অধিবাসীরা বিশ্বাস করে কলাবিজ্ঞানহীন জীবন অর্থহীন।

এক একটা প্রতিষ্ঠান তার প্রতিষ্ঠাতার আদর্শ আর চরিত্রের প্রতিচ্ছায়া। ওপরের বর্ণিত এই তিনটি প্রতিষ্ঠান থেকে একথা স্পষ্ট বোঝা যায়। শান্তিনিকেতন থেকে আমরা গম্ভীর গেলাম। কেরলের প্রতিনিধিদের থাকার জন্য গম্ভীর একটা বিশেষ শিবির খোলা হয়েছিল। মহাত্মা গান্ধী জেলে থাকার এখন কংগ্রেসের কর্তব্য কি, তাই নিয়ে সকলে খুব উৎকর্ষার সঙ্গে অপেক্ষা করছিল।

কংগ্রেসের প্রোগ্রামে পরিবর্তন আনা নিয়ে গম্ভীর খুব তীব্রভাবে বাদানুবাদ চলেছিল। কংগ্রেসের দুটো মতের মধ্যে ঐক্য স্থাপন করা যে খুবই কঠিন এটা ক্রমে স্পষ্টই বোঝা যাচ্ছিল। একদলের মতে—দেশবাসী এখন আর একটা বড় অসহযোগ আন্দোলনের জন্য তৈরী নয়, আইন লঙ্ঘন এখনকার মতো বাদ দিয়ে আইন সভাগুলিতে প্রবেশ করে স্বাধীনতার যুদ্ধ এর মধ্যে থেকেই আরম্ভ করা হোক। অপর দলের মতে গান্ধীজী যে পথ দেখিয়েছেন তার থেকে এক চুল সত্তার দরকার নেই। গম্ভীর এই দুই দলের মধ্যে প্রচণ্ড সংঘর্ষ হয়েছিল।

সে বছর কংগ্রেস সভাপতি হ'য়েছিলেন চিত্তরঞ্জন দাশ। এই সর্বভাগী মানুষটির জীবন দেশপ্রেমিকদের মনে অদ্ভুত একটা প্রেরণার সৃষ্টি করেছিল। সে সময় তিনি মাসে কত টাকা যে উপার্জন করতেন তার কোন হিসেব ছিল না, কিন্তু সব কিছু উপেক্ষা করে গান্ধীজীর আহ্বানে তিনি স্বাধীনতার আন্দোলনে যোগ দিয়েছিলেন। চিত্তরঞ্জনের লক্ষ্য ছিল সরল জীবনযাপন আর দেশসেবা। চিত্তরঞ্জন তাঁর অদ্ভুত বাগ্মিতা, অতুলনীয় নেতৃত্ব এবং জলন্ত দেশপ্রেম নিয়ে যে আন্দোলনেই নামতেন সে আন্দোলন নবজীবন পেত। কংগ্রেসের প্রোগ্রামে ঝাঁপা পরিবর্তন আনতে চেয়েছিলেন চিত্তরঞ্জন ছিলেন তাঁদের দলে। সভাপতির স্বদীর্ঘ ভাষণে কংগ্রেসের কাজের কোশল বদলানো উচিত বলে তিনি বলেছিলেন।

যাঁরা কংগ্রেসে কোনো পরিবর্তন আনতে চাননি তাঁদের নেতা ছিলেন রাজা-গোপালাচারী। যারা পরিবর্তনের বিরুদ্ধে ছিলেন তাঁরা বলেন যে গান্ধীর ইচ্ছা এবং উপদেশানুসারে কংগ্রেস যে সমস্ত প্রোগ্রাম হাতে নিয়েছে সেগুলো যদি তাঁর অল্পপস্থিতিতে উপেক্ষা করা হয় তা'হলে সেই মহান নেতার কাছে একটা বিরাট অপরাধ করা হয়। পরিবর্তনবাদীরা বলেন যে সম্মোচিত পরিবর্তন আনলে দেশের স্বাধীনতার সংগ্রাম আরো এগিয়ে যাবে। কংগ্রেসের সংখ্যাগরিষ্ঠরা পরিবর্তনের বিরুদ্ধেই মত দিয়েছিল।

চিত্তরঞ্জন দাশ তখন তাঁর সমর্থকদের নিয়ে স্বরাজ্য পার্টি গড়েছিলেন। পণ্ডিত মতিলাল নেহরু এই দলের আর একজন নেতা ছিলেন। স্বরাজ্য পার্টির আদর্শ পরে দেশের মধ্যে খুব ছড়িয়ে পড়েছিল।

প্লেয়ার নিঃস্বার্থ দেশনেতাদের দেখার পর আমার মনে নানা চিন্তার উদয় হয়েছিল। দেশের জন্ত সমস্ত কিছু ত্যাগ করে স্বাধীনতা সংগ্রামে ঝাঁপিয়ে পড়া এইসব দেশ-নেতাদের চরিত্র আমাকে মুগ্ধ করেছিল। কোন্ প্রেরণায়, কোন্ শক্তিতে তারা এমনভাবে সব কিছু ত্যাগ করতে পারেন, সে কথা ভাবতে গেলেই আমার শরীর রোমাঞ্চিত হয়ে উঠতো। বড় বড় কাজ অবহেলায় ছুঁড়ে ফেলে স্বথ-স্বাচ্ছন্দ্যের জীবনের কথা ভুলে গিয়ে দেশসেবার জন্ত তাঁরা এগিয়ে এসেছেন—এই সেবার ফল যে শুধু পুলিশের অত্যাচার আর নির্ধাতন তা সব জেনেও তাঁরা বার হয়েছেন। এই সর্বভাগী দেশপ্রেমিকদের কাহিনী সকলকে অভিভূত না করে পারে না।

কংগ্রেসের অধিবেশনের পর আমরা তীর্থ পরিভ্রমণে বেরোলাম। কাশী, প্রয়াগ, গয়া ইত্যাদি জায়গা ঘুরে দেখলাম। এই সব জায়গার অপরিচ্ছন্নতা, কুঠরোগী, ভিক্ষুক, তাদের নোংরা বেশভূষা দীনহীন চেহারা দেখে আমার খুবই কষ্ট হ'য়েছিল। পাণ্ডাদের

পর্যায় জন্মে কাকালপনা দেখেও আমার খুব খারাপ লেগেছিল। রাজনৈতিক স্বাধীনতা পাওয়ার পর দেশের এই শেকড়গাড়া নোংরা কুসংস্কার, আচার বিচার থেকে দেশকে মুক্ত করতে যে কতদিন লাগবে একথা এখন আমি প্রায়ই ভাবি। আচার বিচারের অর্থ আর তার প্রয়োজনীয়তা না বুঝে তাদের অন্ধের মত অনুসরণ করা দেখলে আশ্চর্য হ'তে হয়। এ বিষয়ে শিক্ষিত অশিক্ষিতে বেশী ভেদ নেই।

উত্তর ভারত থেকে দেশে ফেরার আগে আমি বুদ্ধগয়া দেখতে গেলাম। বুদ্ধের পবিত্র নামের সঙ্গে জড়ানো একটি পুণ্যস্থান এটি। প্রতিদিন পৃথিবীর কতদিক থেকে কত লোক যে এই পুণ্যস্থান দর্শন করতে আসে। সিদ্ধার্থ এখানকার বোধিবৃক্ষের ছায়ায় ধ্যান করতে করতে বুদ্ধ হয়েছিলেন। এই বোধিবৃক্ষের কাছে দাঁড়িয়ে এক অদ্ভুত আবেগে সমস্ত মনটা ভরে যায়। 2500 হাজার বছর আগে এই বৃক্ষের তলায় ধ্যাননিরত একাগ্রচিত্ত সেই স্বর্গীয় পুরুষটিকে আমি যেন এখন আমার মানসচক্ষে দেখতে পেলাম। আজ হাজার হাজার বছর ধরে কত শত মানুষ তাঁর কাছ থেকে শান্তি আর আনন্দ পেয়েছে। কতলোকের জীবনধারা বদলে গেছে, কত লোক তাঁর বাণীতে অনুপ্রাণিত হ'য়ে কত মহৎ কাজ করেছেন। আজ পৃথিবীতে বুদ্ধের মতকে কোটি কোটি লোকে অনুসরণ করছে। করুণার প্রতিমূর্তি বুদ্ধকে আমি আর একবার আমার নমস্কার জানালাম। এই সব মহাপুরুষেরা যদি না জন্মাতেন তাহ'লে এই পৃথিবীর অবস্থা কি হতো? বুদ্ধ, ক্রাইষ্ট, মুহম্মদ, শ্রীরামকৃষ্ণ পরমহংস ছাড়া এ পৃথিবীর কথা চিন্তা করাও অসম্ভব।

আঠার মাতৃভূমি পত্রিকার জন্ম

যে কোনো আন্দোলনকে সফলভাবে এগিয়ে নিয়ে যেতে হ'লে সবচেয়ে আগে দরকার একটি সংবাদপত্রের। অসহযোগ আন্দোলনের সময় কালিকটে চারটি মালয়ালম কাগজ আর দুটো ইংরাজী কাগজ ছিল। 'কেরল পত্রিকা', 'মনোরমা', 'কেরলসংসারী' ও 'মিতবাদী' এই চারটে ছিল তখনকার মালয়ালম কাগজ। সব কাগজগুলোই ছিল সাপ্তাহিক।

কুঞ্জিরাম মেনন 'কেরল পত্রিকা'র সম্পাদক ছিলেন। তিনি একজন নামকরা সম্পাদক ছিলেন। তিনি গান্ধীজীর অসহযোগ আন্দোলনের নাম পর্যন্ত শুনতে পারতেন না। তার কাগজে তিনি অসহযোগ আন্দোলন আর অসহযোগীদের বিরুদ্ধে তাঁর সমস্ত আক্রোশ ঢেলে দিতেন।

অত শক্ত ভাষায় না হ'লেও 'মনোরমা' কাগজটিও এই আন্দোলনের বিরোধিতা করেছিল। প্রথমে সাপ্তাহিক পত্রিকা রূপে বের হ'লেও পরে মনোরমা সপ্তাহে তিনদিন করে বেরোচ্ছিল। কুঞ্জিকৃষ্ণ মেনন ছিলেন তাঁর প্রথম সম্পাদক। তাঁর মৃত্যুর পর তাঁর জামাই কাগজের ভার হাতে নিলেও মনোরমার নীতির কোনো পরিবর্তন হয়নি।

'কেরলসংসারী'ও এই ধরনের পত্রিকা ছিল। সরকার বিরোধী কোনো খবর এর সম্পাদক গোবিন্দ নায়ার ছাপাতে পছন্দ করতেন না। অসহযোগ আন্দোলনের সঙ্গে তাঁর সহায়ত্ব ছাড়া থাকলেও বাইরে তিনি তা দেখাতেন না।

'মিতবাদী' পত্রিকার সম্পাদক সি. কৃষ্ণন্ বিশ্বাস করতেন যে ব্রিটিশ গভর্নমেন্ট ভারতবর্ষে না থাকলে ভারত অরক্ষিত একটি গৃহের মতো হ'য়ে দাঁড়াবে। তাঁর এই বিশ্বাসের ছাপ মিতবাদী পত্রিকায় স্কুটে উঠতো।

ইংরাজী 'ওয়েস্টকোর্ট স্পেক্টেটর', 'ওয়েস্টকোর্ট রিফর্মার' এই দুটি সাপ্তাহিক কাগজ কালিকট থেকে বের হ'তো। স্বক্কারাও বতদিন স্পেক্টেটর সাপ্তাহিকটির সম্পাদক ছিলেন ততদিন কাগজটি ভালোই চলেছিল। দেশের সমস্ত অবস্থা নির্ভাক ভাবে সমালোচনা করতো এই কাগজটি। কিন্তু কাগজের এই নীতি তাঁর মৃত্যুর পর বদলে গেল। 'রিফর্মার' সাপ্তাহিকটির কোনো একটি বিশেষ মত ছিল না।

'মাতৃভূমি' বখন বার হয় তখন আরো দুটি সাপ্তাহিক দেশীয় আন্দোলনকে সমর্থন করে

বার হ'য়েছিল। একটি হচ্ছে 'স্বরাহ' পত্রিকা, কুইলন্ থেকে এ. কে. পিল্লার পরিচালনায় বার হচ্ছিল। আর একটা সাপ্তাহিক 'স্ব ভারত' পালঘাট থেকে কৃষ্ণস্বামী আশ্রায় বার করেছিলেন। এই সাপ্তাহিকটির আকার গান্ধীজীর 'ইয়ং ইণ্ডিয়া'র মত ছিল। দেশীয় আন্দোলনের সঙ্গে দেশের লোকের পরিচয় করিয়ে দেবার জন্তে এই সাপ্তাহিকটা বার করা হ'য়েছিল।

কৃষ্ণস্বামী আশ্রায় প্রকৃতই গান্ধীবাদী ছিলেন। খাদির প্রচার আর অস্পৃশ্যতা নিবারণে তাঁর নিঃস্বার্থ সেবা অতুলনীয়। ওলভাকোটে হরিজনদের জন্ত তিনি যে শবরী আশ্রম গড়ে তুলেছিলেন তা এখনো দাঁড়িয়ে আছে। "স্ব ভারত"-এর প্রচার বেশী না হলেও গান্ধীজীর আদর্শ আর অসহযোগ আন্দোলনের বাণী জনসাধারণকে বোঝানোর জন্তে এই সাপ্তাহিকটি অনেক কাজ করেছে।

কংগ্রেসের প্রোগ্রাম বা কংগ্রেস কর্মীদের কাজকর্ম সম্বন্ধে কিছু লেখা কালিকটের কাগজগুলিতে দিলে তারা তা ছাপতে চাইত না। কোনো অভিযোগের উত্তর দিয়ে কিছু লিখে পাঠালে তারা তা গায়ে লাগাতো না। আমাদের বক্তব্য বিশেষ ভাবে ছেপে তা বিতরণ করার স্বযোগস্ববিধাও ছিল না। প্রেসের লোকেরাও এই সব ছাপাতে ভয় পেত। এই সব কারণে কখনো কখনো ত্রিচর বা অন্ত কোনখানে কংগ্রেসের কার্যাবলী ছাপানো হতো। কিছুদিন পরে এতেও অস্ববিধা দেখা গেল। তারপর একটা সাইক্লোস্টাইল মেশিন কিনে তাতে কপি করে তা বিতরণ করবার ব্যবস্থা করেছিলাম। এই সময় একটা কাগজ বার করার প্রয়োজনীয়তা আমরা খুবই অনুভব করছিলাম।

প্রথমে আমরা 'নবীন কেরলম্' বলে একটা কাগজ বার করবো ঠিক করলাম। হোমরুল আন্দোলনের সময় আনি বেসামন্তের পরিচালনায় 'নিউ ইণ্ডিয়া' নামে যে কাগজ বার হ'ত 'নবীন কেরলম্' তেমনিভাবে অসহযোগ আন্দোলনের মুখপত্র হবে বলে আমরা ঠিক করেছিলাম। এই সময়েই মালাবার বিক্ষোভ শুরু হ'য়েছিল। তাই কাগজ বের করা তখন সম্ভব হ'ল না।

বিক্ষোভের পর গোপাল মেনন আর কুণ্ডুগ্নি মেনন মাদ্রাজে গেলেন। সেখান থেকে তাঁরা 'নবীন কেরলম্' নামে একটা সাপ্তাহিক বার করলেন।

মালাবার বিক্ষোভের পর দেশের অবস্থা একটু শান্ত হলে একটা কাগজ বের করার আলোচনা আবার আমরা করতে লাগলাম। আমার আর মাধবন নারায়ের আবার ওকালতির কাজে ফিরে যাবার ইচ্ছে ছিল না। বিপুল উত্তম কংগ্রেসের কাজ করার সময়ও গেটা ছিল না। তাই বেশ কিছুদিন ধরে একটা কাগজ বার করার যে ইচ্ছে

আমাদের মনে ছিল তা এখন আরো প্রবল হ'ল। যে করেই হোক একটা কাগজ বার করবো বলে আমরা ঠিক করলাম।

মাধবন্ নায়ারের ভাই কেশবন্ নায়ায় তখন কালিকটে প্র্যাকটিশ করছিলেন। তিনি আমাকে একদিন বলেন—আমরা যে কাগজ বার করবো ভেবেছিলাম, সে কাগজ ইতিমধ্যে বার হ'য়ে গেছে। এখন আর 'নবীন কেরলম্' নাম দেওয়া যাবে না। একটা ভালো দেখে নাম বের করতে হবে।

আমি বললাম—একটা নাম ভেবে রেখেছি, কিন্তু সেটা এখন বলবো না। সব কিছু ঠিক হ'য়ে যাবার পর বলবো। 'নবীন কেরলম্' বার হবার পর আমি অল্প কতকগুলো নাম ভেবে রেখেছিলাম—'দেশোদ্ধারিণী', 'স্বাধীনতার ডাক', 'অরুণোদয়' ইত্যাদি কিন্তু 'মাতৃভূমি' নামটা মনে উদয় হবার সঙ্গে সঙ্গে অল্প নামগুলো সব বাতিল ক'রে দিলাম। 'মাতৃভূমি' নামটা যখন কেশবন্ নায়ারের কাছে বললাম, তখন তাঁর এই নামটা খুবই পছন্দ হলো। এরপর মাতৃভূমি কোম্পানী রেজিষ্টার্ড করতে বেশী সময় লাগলো না।

পাঁচ টাকার শেয়ারে কুড়ি হাজার শেয়ার হোল্ডার অর্থাৎ একলক্ষ টাকার মূলধনের ওপর 1922 সালের 15ই ফেব্রুয়ারী মাতৃভূমি কোম্পানী কাজ আরম্ভ করলো। কে. মাধবন্ নায়ায় ছিলেন ম্যানেজিং ডাইরেক্টর। টাকা পরসার হিসেব তিনি ঠিকমতো রাখতে পারতেন এবং কাজকর্মের ছিল তাঁর প্রচুর উৎসাহ। তবে ম্যানেজিং ডাইরেক্টর এবং ম্যানেজার একজনের হওয়া সম্ভব নয় বলে এবং ম্যানেজার হিসেবে মাধবন নায়ায়ের কাজ অভ্যস্ত দরকার বলে আমি পরে ম্যানেজিং ডাইরেক্টরের পদ গ্রহণ করি।

কোম্পানী তো রেজিষ্টার্ড হলো, কিন্তু এই শেয়ার কেনার লোক পাওয়া খুব সহজ হ'লো না। কংগ্রেসের আদর্শ দেশের লোকের কাছে তুলে ধরে স্বাধীনতা আন্দোলনে তাদের সমর্থন আর সাহায্য লাভের উদ্দেশ্যে কাগজ বের করছি একথা আমরা কোম্পানীর স্মারক লিপিতে বলেছিলাম। কাজেই এই রকম কোম্পানীর শেয়ার নিতে অনেকেই দ্বিধা বোধ করলো। যাদের এই উদ্দেশ্যের সঙ্গে সহানুভূতি ছিল তারা পর্যন্ত ভয় পেয়ে গেল। তারা নানা ছুতোর শেয়ার কিনতে রাজী হ'ল না। কত কথা যে তারা বলল।—'এসব কিছুই বেশী দিন চলবে না। এরকম কত কোম্পানী রেজিস্ট্রী হ'তে দেখলাম। এর গতিও সেই একই হবে। ওকালতি ছেড়ে দিয়ে বেকার কতকগুলো লোক শেয়ার জোগাড় করতে এসেছে। এ কোম্পানীর শীঘ্রই লাগবাতি জলবে। তবে ঐরা কষ্ট করে এসেছেন কিছু না দিয়ে ফেরালে ভালো দেখায় না।' এমন সব বলে কেউ কেউ ছুটো তিনটে শেয়ার কিনলেন। অবশ্য এমন অনেকে ছিলেন যারা আমাদের প্রচেষ্টাকে আন্তরিক ভাবে সাহায্য করেছিলেন। মালদ্বালয় কাগজ সম্পর্কে যাদের খুব

নীচু ধারণা এমন ক'জনের সঙ্গেও দেখা করেছিলাম। 'এই রকম বোকামি কি কেউ করে নাকি?'—এই ছিল তাদের মনোভাব। 'ইংরিজী কাগজ বের করবে বলে তার মানে বোকা যায়। একটা মালয়ালম কাগজ বের করার জন্য কোম্পানী রেজিস্ট্রী করা, তার শেয়ার সংগ্রহ করা, এসব কি কেউ করে নাকি?'—এমনি তাদের কথাবার্তার ভাব। মালয়ালম কাগজ বার করা সম্বন্ধে একজন রসিক কবি যা বলেছিলেন তা আমার এখন মনে পড়ছে। তিনি বলেছিলেন—'যাদের টাকা নেই, যারা প্রতিশোধ নেবার সুযোগ খুঁজছে, যাদের কাজ নেই, যারা পরভূতিকার মতো অপরের ওপর নির্ভর করে আছে, আর পরীক্ষাতে যারা ফেল করেছে এমনি পাঁচ রকমের লোক মিলে এই কাগজের সম্পাদক হ'তে চলেছে।'

কোম্পানীর জন্তে শেয়ার সংগ্রহ করতে যাবার সময় আমরা শেয়ারের অঙ্গীকারদের বলেছিলাম যে তাঁরা যে টাকাটা দিচ্ছেন সেটা যেন তাঁরা চান্দা হিসেবে দিচ্ছেন বলে মনে করেন। বম্বে, মাদ্রাজ, মালাবার, কোচীন এই সব জায়গায় শেয়ার সংগ্রহ করতে আমরা ঘুরেছিলাম। শেয়ার সংগ্রহ করার সময় অনেক মজার মজার অভিজ্ঞতা হ'য়েছিল। আমি আর মাধবন্ নায়াড় একবার এক বন্ধুর কাছে শেয়ার জোগাড় করতে গেছি। এই বন্ধুটি আমার সঙ্গে একসঙ্গে পড়েছিলেন। তাঁর সঙ্গে আমার খুব বন্ধুত্ব ছিল। তিনি বেশ ধনীও ছিলেন। তাই তাঁকে দশটা শেয়ার বিক্রী করবো বলে ভেবেছিলাম। নদী, জল, বোপবাড়, ধানখেত ইত্যাদি পার হ'য়ে একদিন দুপুরের শেষে তাঁর বাড়ীতে উপস্থিত হলাম। বন্ধুর কাছ থেকে যে অভ্যর্থনা আশা করা যায় তা তাঁর কাছে পেলাম না। হয়তো তিনি জানতে পেরেছিলেন আমাদের আগমনের উদ্দেশ্যটা কি। আমি ভেবেছিলাম তাঁকে দশটা শেয়ার বিক্রী করবো কিন্তু তাঁর রকম সকম দেখে দুটো শেয়ার নেবার কথা বললাম। 'দেখি, ভেবে দেখি' বলে তিনি উত্তর দিলেন। আমরা তাঁর কাছ থেকে তখন বিদায় নিলাম। মাধবন্ নায়াড়ের মুখে রাগ আর হতাশার চিহ্ন ফুটে উঠেছে। কিছুক্ষণ চলার পর মাধবন্ নায়াড় মৌনতা ভঙ্গ করে বলেন :

—এমন সব বন্ধুদের কাছে আর যাবার ইচ্ছে আপনার আছে ?

আমি শুধু বললাম— এই ধরনের অভিজ্ঞতা আমাদের আরো হবে।

ত্রিশ বছর পরে আমার এই বন্ধুর সঙ্গে আবার দেখা হ'য়েছিল 1953 সালে আমার এক বন্ধুর মেয়ের বিয়েতে। তিনি আমাকে দেখেই, 'তোমার সঙ্গে কতদিন দেখা হয়নি বলতো ? কতদিন ধরে ভাবছি যে তোমার সঙ্গে দেখা করবো'— বলে আমার দিকে এগিয়ে এলেন। তারপরের প্রশ্ন—আচ্ছা আমাদের সর্বশেষ দেখা ক'বে হয় বলতো ?

আমি বললাম,— আমি আর মাধবন্ নারায় বধন তোমার কাছে মাতৃভূমির শেষার বিক্রী করতে গিয়েছিলাম তখন। মনে আছে? সেই আমাদের শেষ দেখা।

আমার একথা শোনার পর তাঁর মনে নিশ্চয়ই কতকগুলো অবস্থিকর স্মৃতি জেগে উঠেছিল। বেশ কিছুক্ষণ তিনি কিছুই বলেন না।

আর একটা অভিজ্ঞতার কথা বলছি। এই অভিজ্ঞতাটা হ'য়েছিল আমার এক ঘনিষ্ঠ ধনী নারায় বন্ধুর কাছ থেকে। আমি আর টি. আর. কৃষ্ণস্বামী তাঁর সঙ্গে দেখা করতে গেলাম। এক ঘণ্টার বেশী আমরা নৌচে অপেক্ষা করলাম। তিনি ওপরে ছিলেন। আমরা অর্ধেক হয়ে বাড়ীর ভূতটিকে দেখতে পেয়ে তাকে বললাম যে আমরা ঐ বাড়ীর মালিকের সঙ্গে দেখা করতে এসেছি, এ কথা তাকে একটু জানাতে। ভূত এক মুহূর্তের মধ্যে ফিরে এল—

—“তিনি এখন চান করতে বেরোচ্ছেন। চান ক'রে মন্দিরে যাবেন। মন্দির থেকে ফিরতে বেশ কিছুক্ষণ সময় লাগবে। আর একদিন আসতে তিনি বলে দিলেন।” আমরা আর একটি কথাও না বলে সেখান থেকে ফিরে এলাম। দু'দিন পরে ভ্রাতৃলোকের আন, আহা, দিবানিজ্ঞা ইত্যাদি সারার পর তাঁর সঙ্গে দেখা করার ভালো সময় মনে করে বেলা চারটের সময় তাঁর বাড়ীতে গেলাম। আবেগের পর তাঁর সঙ্গে দেখা হ'ল। তিনি নৌচে নেমে এলে পর আমাদের আগমনের উদ্দেশ্য তাঁকে জানালাম।

—এ বছরের বাজেট আমার তৈরী হ'য়ে গেছে, শেষার নেবার কথা পরের বছর ভেবে দেখবো—বলে তিনি বলেন।

—আমরা একটা খুব বেশী শেষার আপনাকে নিতে বলছি না, এই দশ পনেরটা নিলেই হবে।

—বাজেটের বাইরে কোন খরচ সাধারণত: আমি করি না।

বসে থেকে কোনো লাভ নেই দেখে আমরা উঠে পড়লাম। পরের বছর বাজেটে তিনি মাতৃভূমির শেষারের টাকাটা রেখেছিলেন কিনা জানতে পারিনি। এর দুবছর পরে যখন মাতৃভূমির কাঠটি বেশ ভালো হচ্ছে তখন হঠাৎ তাঁর সঙ্গে আমার দেখা হয়ে যায়।

‘কাগজ তো বেশ ভালোই চলছে— না? আমি নিয়মিত এই কাগজ পড়ছি—’ একথাগুলো বলতে ভ্রাতৃলোকের এতটুকুও বাধলো না।

শেষার না নিলেও ভ্রাতৃলোক মাতৃভূমি পড়ছেন বলে আমি নিজেকে নিজে সন্তুষ্ট দিলাম। কারোর কারোর অভ্যস্ত ব্যবহার দেখে মনে হয়েছে শেষারের জন্ত টাকা জোগাড় করতে না বেরোলেই হতো। তখন আমাদের মনে রাগ, ক্ষেপ, হীনতা,

আক্রোশ, হতাশা কতরকমই যে কষ্ট গিয়েছে। এর আগে একটা কোম্পানীর শেয়ার জোগাড় আমি কখনোই করিনি, এর পরেও না।

কিছু টাকা পয়সা জোগাড় হবার পর একটা প্রেস কিনবো ঠিক করলাম। কেশব মেননের 'এক্সপ্রেস ভিক্টোরিয়া প্রেস' নামে একটা ছাপাখানা আমরা তাঁর কাছ থেকে 15,000 হাজার টাকায় কিনলাম। সব দামটা একসঙ্গে দেবার মত পয়সা আমাদের ছিল না। সেদিনকার সেই ছোট্ট বাড়ীটা থেকে আজকের মাতৃভূমির এই বিরাট বাড়ীটি হয়েছে।

হাতে যা পয়সা ছিল তাই দিয়ে তো প্রেস কেনা হ'লো, এখন কাগজ কেনার পয়সা চাই। টাকা জোগাড় না করে কাগজ বার করাটা খুবই সাহসের কাজ, আবার কাগজ বের না হ'লে টাকা জোগাড় করাও মুশকিল। তাই যেমন করে পারা যায় কাগজ বের করতেই হবে এইরকম কেউ কেউ বল, শেষ সিদ্ধান্ত নেবার জন্তু ডাইরেক্টর বোর্ডের মিটিং-এর কথা আমার মনে পড়ছে। শেষ পর্যন্ত ঠিক হল যে টাকা জোগাড় করবার চেষ্টা আমরা করবো, কিন্তু তার জন্তু কাগজ বার করতে দেবী করলে চলবে না। সম্পাদকের পদ আমি গ্রহণ করলাম। 1923 সালের 17ই মার্চ কাগজ প্রকাশ করার দিন ঠিক করলাম। এই দিনটি ঠিক করার একটা বিশেষ কারণ ছিল। 1922 সালের 18ই মার্চ গান্ধীজীকে ছ'বছরের জন্তু সাজা দেওয়া হয়। অসহযোগ আন্দোলনের নেতা গান্ধীজীকে শাস্তি দেবার এক বছর পূর্ণ হবার দিন মাতৃভূমি প্রকাশ করা ঠিক হবে বলে আমার মনে হ'য়েছিল। 18ই মার্চ ছিল রবিবার। তাই প্রথম কপি 17ই শনিবার বের করার ঠিক করেছিলাম। মাতৃভূমি প্রথম প্রথম সপ্তাহে তিনবার বেরোতে লাগল—মঙ্গল, বৃহস্পতি আর শনিবার।

মাতৃভূমির প্রথম কপি আমার মানস চক্ষে আমি দেখেছিলাম। মাধবন্ নায়াব এবং অন্তান্তদের সঙ্গে এ নিয়ে অনেকবার আলোচনাও করলাম। আমার প্রথম সম্পাদকীয় লেখা তাদের পড়িয়ে শোনালাম। তারপর তা কাটছাঁট করে স্ফন্দর করা হ'ল।

16ই মার্চ সকালবেলা আমরা সবাই কাগজের অফিসে এলাম। মাধবন্ নায়াব আর আমার ঘর পাশাপাশিই ছিল। হাসিখুশী মাধবন্ নায়াব নীচে গিয়ে কম্পোজিটারদের কাজকর্ম দেখে ওপরে আসতেন। সকলের মধ্যে তিনি যেন উৎসাহের আমেজ ছাড়িয়ে দিচ্ছিলেন! কাল কাগজ বের হবে এখনো পর্যন্ত কিছুই তার ঠিক হয়নি এমনি অভিযোগ করে অচ্যুতন উকীল একটা লাঠি হাতে নিয়ে এমিক থেকে এমিক বিচলিত হ'য়ে ঘুরে বেড়াচ্ছিলেন। কর্মীরা, সাহায্যকারীরা, দর্শকেরা এমনি

বহু লোক সেদিন মাতৃভূমির অফিসে ভীড় ক'রেছিল। সন্ধ্যাবেলায় খাওয়া দাওয়ার পর আবার আমি মাতৃভূমির অফিসে গেলাম।

দেয়ালে টাঙানো ঘড়ির দিকে তাকিয়ে আমি এদিক ওদিক ঘুরছিলাম। ভোর চারটে তখন। চাতুর্ভুজি মেশিন ঘোরাতে লাগল। আমরা বেশ কিছুক্ষণ তা দাঁড়িয়ে দেখলাম। কাগজের পাতাগুলো একসঙ্গে ভাঁজ করে প্রথম কপি মেশিনম্যান চাতুর্ভুজি আমার হাতে দিল। আমি খুলে দেখলাম। এমনি ভাবে মাতৃভূমির জন্ম হ'লো।

মাতৃভূমির এই কপি নিয়ে আমি বাড়ী চলেলাম। সকাল হ'য়ে এসেছে। দু'একটা দোকান খুলেছে। সকালের গাড়ী ধরার জন্ত লোকেরা খুব দ্রুত হাঁটছে। মাল নিয়ে গ্রামের ভেতর থেকে আসা গরুর গাড়ীগুলো একটার পর একটা লাইন করে আস্তে আস্তে চলছে। গাড়ীটানা গরুগুলো আর গাড়োরানগুলো একই ভাবে শ্রান্ত হ'য়ে পড়েছিল। এরা কি মাতৃভূমির জন্মের কথা জানতে পেরেছে? এই চিন্তা আমার মনে একবার খেলে গেল।

বাড়ী পৌছে সকলকে ডেকে উঠেলাম। তাদের মাতৃভূমি দেখালাম। যেন একটি শিশু জন্মেছে এমনি ভাবে মাতৃভূমির প্রথম কপিটি দেখে তাদের আনন্দ হ'ল। আগের দিন সারাদিন আর সারারাত কঠিন পরিশ্রম করার ফলে খুব ক্লান্ত লাগছিল। সকাল হ'লেও আমি গিয়ে শুয়ে পড়লাম, মুহূর্তের মধ্যে সব কিছু ভুলে গিয়ে সুখনিদ্রায় ডুবে গেলাম।

উনিশ

সংবাদপত্রের শিক্ষানবিসি

পরের দিন সকালে মাতৃভূমি খুলে তার ভেতরের সব কিছু আর একবার খুঁটিয়ে দেখলাম। সম্পাদকীয়টা আর একবার পড়লাম। ‘দেশের জনসাধারণের মঙ্গল মাত্র লক্ষ্য করে, সত্যকে অস্বীকার না করে, কোনো বিশেষ ধর্ম বা জাতের জ্ঞান এই কাগজ আমরা বার করিনি একথা মনে রেখে, মৌলিক অধিকারে সব মানুষই সমান এই বিশ্বাস নিয়ে স্বাধীনতার সময়ে নির্ভয়ে যুদ্ধ করতে আমরা কারোরই পেছনে নেই’—এই অংশটা পড়ার সময় কেরলীয়দের উদ্দেশ্য করে একটা পবিত্র পণ কি নয় বলে আমার মনে হ’লো। এই পণ পূর্ণ করতে মাতৃভূমি কোন ঔদাস্ত বা ভীরুতা দেখায় নি। মাতৃভূমির দীর্ঘকালের ইতিহাসই এর সাক্ষী দেবে।

কাগজের নীতি আর উদ্দেশ্য কি তা বুলেও সেটা কাজে পরিণত করা যে অত সহজ নয় এ অভিজ্ঞতা আমার প্রায়ই হয়েছে। মাতৃভূমি পক্ষপাতহীন কাগজ, মাতৃভূমি কারোর ওপরই বিশেষ নেই, তাই মাতৃভূমির পাতায় সমালোচনা নির্ভয়ে এবং পক্ষপাতহীন ভাবে করা যাবে এইটেই আমার ইচ্ছে ছিল। জনসাধারণের যা জানা উচিত তার রং না বদলে তাদের সামনে রাখবো এই রকম আমি ভেবেছিলাম। মাতৃভূমি বার হবার দু’দিন আগে আমার এক বন্ধু বলেছিলেন যে একটা বিরাট প্রত্যাশা নিয়ে লোকে মাতৃভূমির আগমন প্রতীক্ষা করছে। একথাটা আমার প্রায়ই মনে হ’তো।

পত্রিকায় সমালোচনা করার ব্যাপারে গান্ধীজীর ইয়ং ইণ্ডিয়া আমাদের আদর্শ ছিল। কাগজের রিপোর্টগুলি যাতে পক্ষপাতহীন ও বস্তুনিষ্ঠ হয় সেই মতো রিপোর্টারদের নির্দেশ দেওয়া হয়েছিল।

কাগজের ব্যাপারে আমাদের কারোরই কোনো অভিজ্ঞতা ছিল না। কুন্তলি মেনন মাতৃভূমিতে যোগ দেবার আগে অল্প ছ’একটা কাগজে কাজ করলেও কাগজ বার করবার ব্যাপারে তাঁর খুব একটা অভিজ্ঞতা ছিল না। কিডাবো আর মাধব মেননেরও বিশেষ অভিজ্ঞতা ছিল না। রাবুল্লি মেনন ছিলেন কাগজের সহ-সম্পাদক। তিনি খুব ভালো ইংরিজী লিখতেন। তখন পর্বস্ত মালয়ালমে একটা লেখাও তিনি লেখেননি। তাহ’লেও অল্প দিনের মধ্যে খুব স্বন্দর মালয়ালম তিনি কারোর সাহায্য ছাড়াই লিখতে পেয়েছিলেন।

এমনিভাবে কাগজের ব্যাপারে আমাদের খুব অভিজ্ঞতা কারোরই ছিল না, কিন্তু মাতৃভূমিকে একটা ভালো কাগজ হিসেবে চালানোর উৎসাহ আর ইচ্ছে আমাদের প্রবল ছিল। তাই আমাদের স্ববিধা অস্ববিধার কথা কিছু না ভেবে মাতৃভূমির জন্ত কাজ করতে আমরা সর্বদা প্রস্তুত ছিলাম। মাতৃভূমি প্রথম প্রথম বার হবার সময় এটার খুব দরকার ছিল।

রাতে অনেকক্ষণ ধরে কাজ করলে অস্ববিধে এবং অর্থব্যয় দুটোই হয় বলে ম্যানেজার কয়েকবার অভিযোগ করেছিলেন কিন্তু সহ-সম্পাদক রাবুন্নি মেনন তাতে গা লাগাতেন না। তিনি একটানা রাত 10টা অবধি কাজ করে যেতেন। কখনো কখনো রাত দু'টো অবধিও কাজ করতেন।

মাতৃভূমির শৈশবে যে দুঃখভূর্ণা সহ করতে হ'য়েছিল তার থেকে আমরাও কেউ বাদ পড়িনি। প্রতিদিন যে টাকা পাওয়া যেত তা কাগজ কেনার ষ্ট্যাম্প কেনার আর প্রেসের জন্ত খরচ হ'য়ে যেত। এই সব খরচের পর আমাদের নিজেদের জন্ত অল্প কিছু পাওয়া যেত। প্রায়ই খালি হাতে বাড়ী গেলে সেখানকার খরচ কি ভাবে চলবে সে সমস্তার সমাধান আমরা খুঁজে পেতাম না। দু'তিনদিনের কথা হ'লে কিছু নয় কিন্তু বেশ কিছুদিন যদি এ ভাবে চলে তাহ'লে মন যে হতাশা আর নিঃসাহায়ে ভরে যায় তা বলা বাহুল্য। এর সঙ্গে যোঝা খুব সহজ কথা নয়। অফিসে বসে কাজ করার সময় মাঝে মাঝে রান্নাঘরের কথা মনে হতো। তখন কলম হাতে নিয়ে বেশ কিছুক্ষণ চুপ করে বসে থাকতাম। তখন মনকে এই বলে সান্ত্বনা দিতাম যে, যে কোনও ভালো কাগজের প্রারম্ভে বাধা বিঘ্ন থাকবেই। তবুও প্রায়ই যখন এমনি ভাবে বাধা বিঘ্নের সম্মুখীন হ'তে হ'তো তখন এই সব দার্শনিক চিন্তা মন থেকে মুছে যেত। তখন মুখে একটা হাসি থাকলেও ভেতরটা ধুঁ করে জ্বলতো। কিন্তু আমাদের ব্যক্তিগত এই দুঃখ কষ্ট কাগজ চালানোর ব্যাপারে এতটুকু বাধা সৃষ্টি করতে পারে নি। কাগজের প্রত্যেকটি সংখ্যা নির্ধারিত দিনেই বেরিয়েছে। পরবর্তী সংখ্যাটি আগামী সংখ্যার চেয়ে ভালো করতে হবে, সব ভুলে গিয়ে এই আলোচনাই আমরা করেছি।

কিছুদিন পরে আমরা ঠিক করলাম, শুধু খবর দেওয়া নয়, যাতে পাঠকদের জ্ঞানবৃদ্ধি হয় এমন চেষ্টাও মাতৃভূমি করবে। এর উপযুক্ত লেখাও আমরা ছাপিয়ে ছিলাম। এ ছাড়া 'পৃথিবী এবং এর মানুষেরা', 'কেউ কেউ, কিছু কিছু অভিযোগ এবং অভিপ্রায়' ইত্যাদি লেখাগুলোর তখনকার দিনে এক নতুনত্ব ছিল। পাঠকরা এই লেখাগুলি খুবই পছন্দ করতো। সত্য, সমতা, স্বাধীনতা এই মূল্যবাক্যগুলি সম্পাদকীয় প্রবন্ধের ওপর লেখা থাকতো।

মাতৃভূমির আদর্শগুলিকে কাজে রূপ দেবার চেষ্টার দেশের শাসনকর্তা এবং তাদের সমর্থকদের সঙ্গে মাতৃভূমিকে সবসময় লড়াই করতে হয়েছে। এর অনেক 'উদাহরণ মাতৃভূমি কাগজের ইতিহাসে আছে। এই সময় অর্থ, বাধাবিহ্ন, দুঃখকষ্ট, অবিধা অহবিধা কোনো কিছুর কথা না ভেবে আমাদের আদর্শকে সামনে রেখে যে কাজ আমরা করেছিলাম সে কথা ভাবলে গর্বে আমাদের মন ভরে ওঠে।

একবার একজন সম্পাদক আমাকে বলেছিলেন—'মুখে যা বলা যায় না, কাগজেও তা লেখা যায় না' কিন্তু ঘৃণা ও বিবেচনা জাগিয়ে পক্ষপাতহীন নির্ভীক সমালোচনা করলে কাগজের প্রভাব বাড়ে এ অভিজ্ঞতা হ'তে আমার বেশী দেবী হ'ল না।

মাতৃভূমি বার হবার একবছর পরের একটি ঘটনার কথা এখানে বলব। কে. এম. নায়ার সেই সময় কাউন্সিল অফ স্টেটের মেম্বর ছিলেন। তিনি যখন দ্বিতীয়বার নির্বাচনে দাঁড়ান তখন আর একজন প্রার্থী গোপাল মেনন, নায়ারকে ভোট না দেবার কারণগুলো দেখিয়ে আমাদের একটা লেখা পাঠিয়েছিলেন, আমরা সেটা ছাপিয়েছিলাম। এই চিঠিতে বলা হয়েছিল কাউন্সিল অব্ স্টেটে লবণের ওপর কর নিয়ে তর্কাতর্কির পর যখন ভোট নেওয়া হয় তখন নায়ার সেখানে ছিলেন না! এটা দেশের লোকের কাছে তাঁর একটা গুরুতর অপরাধ। জনগণের কল্যাণের ব্যাপারে তাদের অহুত্ব ভোট দেবার সময় সভায় না থেকে তিনি ভোটারদের বিশ্বাস হারিয়েছেন।

মাতৃভূমিতে এই চিঠি ছাপানো হ'লে পর কে. এম. নায়ার আমাদের এমনি ভাবে একটি চিঠি দিলেন :

—আপনাদের কাগজে একটি চিঠিতে আমি লবণ করের ব্যাপারে সরকার পক্ষে ভোট দিয়েছি এই মিথ্যে কথা এবং জনসাধারণের মনে কতকগুলো ভুল ধারণা জন্মিয়ে দেবার জন্ত আরো কতকগুলো কথা বলা হয়েছে। কয়েকজন ভোটার এটা পড়ে ভুল বুঝে আমার বিরুদ্ধে ভোট দিতে পারে। এটা খুবই গুরুতর ব্যাপার। তাই এই চিঠি পাওয়ার এক সপ্তাহের মধ্যে আপনাদের কাগজে ছাপানো চিঠিতে আমার বিরুদ্ধে যে সব দোষারোপ করা হ'য়েছে তা সম্পূর্ণ মিথ্যা একথা প্রমাণ সহ দেখানো আর তা যদি সম্ভব না হয় তাহ'লে আপনাদের প্রকাশিত চিঠি প্রত্যাহার করে নিয়ে আমার প্রতি যে ভুল করা হয়েছে তার জন্তে ক্ষমা চাওয়া দরকার বলে আমি মনে করি। যদি তা না করেন তাহ'লে এই চিঠি ছাপানোর জন্তে আপনাদের বিরুদ্ধে আমি উচিতমতো ব্যবস্থা গ্রহণ করবো। এর উত্তর আপনারা আমার উকীলের কাছে পাঠাবেন।

এই চিঠি তিনি অন্ত আরো দুটো কাগজেও পাঠিয়েছিলেন। * এই কাগজ দুটো

গোপাল মেননের চিঠিটা ছাপিয়েছিল। এই কাগজ দুটো সঙ্গে সঙ্গে কমা চেয়ে তা তাদের কাগজে ছাপালো। মাতৃভূমি কিন্তু এসব কিছুই করলো না। আমাদের কাগজ যে নীতি গ্রহণ করেছে তা যে সম্পূর্ণ ঠিক সে সম্বন্ধে আমার কোন সন্দেহ ছিল না। কেমের ভয়ে মাতৃভূমি তার আত্মমর্যাদা বিসর্জন দিয়ে কাগজে ছাপানো চিঠি প্রত্যাহার করে নেবে বা মাপ চাইবে এই দুটোর কোনটার অন্তর্গত ছিল না। একথা আমি নারায়ের উকীলকে জানিয়ে চিঠি দিলাম। সেই চিঠিটা মাতৃভূমিতে ছাপা হয়েছিল। সেটা এখানে তুলে দিচ্ছি :

—1923 সালের 9ই অক্টোবর মাতৃভূমিতে ছাপানো একটা চিঠির ব্যাপারে আপনার মক্কেল কে. এম. নারায় যে চিঠিটা পাঠিয়েছেন আমরা তা পেয়েছি। গোপাল মেননের চিঠি আমাদের মিথ্যা বা অবাস্তব বলে মনে হয় নি। গোপাল মেননের চিঠিতে যে অভিযোগ মিঃ নারায়ের বিরুদ্ধে আনা হয়েছে সেই অভিযোগগুলি খণ্ডন করে মিঃ নারায় যদি তা আমাদের কাগজে প্রকাশ করতেন তাহলে আমরা অবশ্যই তা ছাপাতাম। তিনি যখন তা করেননি, তখন আমাদের কাগজে ছাপানো গোপাল মেননের চিঠি প্রত্যাহার করে নেওয়া বা চিঠি ছাপানোর অন্তর্গত মাপ চাওয়া কোনোটোর অন্তর্গতই আমরা প্রস্তুত নই।

এর পর মিঃ নারায় বা তাঁর উকীলের কাছ থেকে আমরা কোনো চিঠি পাই নি। আমাদের বিরুদ্ধে কোনো কেসও দেওয়া হয় নি। এই সব দেখে অল্প দুট কাগজ ভাবলো যে তাদের কমা না চাইলেই হতো। এই ঘটনার মাতৃভূমির মর্যাদা আরো বেড়ে গেল। অনেক মাগুগণ্য ব্যক্তি এ নিয়ে আমাদের অভিনন্দন জানিয়ে চিঠি লিখেছিলেন এবং এবং মুখেও জানিয়েছিলেন।

একজনকে ছোট করে অল্পজনকে বড় করা, এক সম্প্রদায়ের নিন্দা করা, অল্প সম্প্রদায়ের প্রশংসা করার ব্যাপারে মাতৃভূমি কাগজে কিছু ছাপা হবে না এই বিশ্বাস জনসাধারণের মনে ক্রমে ক্রমে বাড়তে লাগলো। এই ঐতিহ্যই মাতৃভূমি আজ পর্যন্ত রেখে আসছে।

দুটো কারণে অনেক সময় সম্পাদককে বিপদে পড়তে হয়। সে দুটোর একটা হচ্ছে নাম আর খ্যাতির লোভে কাগজে একটু জারগা খুঁজে বেড়ানো কিছু লেখকের দোয়াস্তা। আর দ্বিতীয়টা হচ্ছে বাস্তব ঘটনাগুলোকে নিজেদের স্বার্থের জন্য লুকিয়ে রাখা এবং তা না ছাপানোর অন্তর্গত সম্পাদকের কাছে আবেদন জানানো। এ বিষয়ে দু'একটা অভিজ্ঞতার কথা এখানে বলব।

একদিন দুপুরে কিছু রসদ আর হিসেবের বই নিয়ে একটি লোক আমার সঙ্গে দেখা

করতে এলেন। রসদগুলো আর হিসেবের বই তিনি টেবিলের ওপর খুলে রাখলেন। একজন মন্ত্রী তাঁদের অঞ্চল পরিদর্শন করতে এলে তাঁর অভ্যর্থনার সমস্ত ব্যয়ভার তিনিই বহন করেছিলেন। মন্ত্রীর আগমন উপলক্ষে মাতৃভূমিতে যে রিপোর্ট ছাপা হয়েছিল তাতে তাঁর নাম নেই বলে তিনি অভিযোগ জানাতে এসেছেন। এই আগমন উপলক্ষে সমস্ত ব্যয়ভার তিনি একাই বহন করেছিলেন তা প্রমাণ করবার জন্য তিনি রগাদ আর হিসেবের বই সঙ্গে করে নিয়ে এসেছিলেন। রাগে এবং হতাশায় ভরা তাঁর মুখখানি দেখে আমার সত্যিই কষ্ট হলো।

—‘আমার বিষয়ে কাগজে কিছু একটু লিখুন। আমার নাম কাগজে ছাপা হবে বলে নেতাদের কথামত এইসব খরচ করেছি’—তিনি খুব বিনোদভাবে বলেন। রিপোর্টারদের কাছে খোঁজ করবো বলে তাঁকে আশ্বাস দিয়ে আমি পাঠিয়ে দিলাম। এই বোচারী লোকটি সব খরচ করেছেন একথা মাতৃভূমির রিপোর্টারের জানা ছিল না। জানা থাকলেও লেখা যেত না। তিনি টাকা পরস্যা সব খরচ করলেন আর নাম পেল অন্তর।

আর একটা ঘটনা হচ্ছে, সম্প্রতি উত্তর ভারতের একটি দেবমন্দিরে বিনোবাজী হরিজনদের সঙ্গে ঢুকতে চেষ্টা করলে কেউ কেউ তাঁকে আঘাত করেছিল বলে খবরের কাগজে একটা খবর বেরিয়েছিল সে কথা হয়তো পাঠকদের মনে আছে। এই ঘটনার কিছুদিন পরে আমি একটা চিঠি পেলাম। এই চিঠির বক্তব্য হচ্ছে যে বিনোবাজীকে আঘাত করা হয়েছে এখন কাগজে পড়ার পর চিঠির লেখক আহ্বার করা ছেড়ে দিয়েছেন, তাঁর চোখে ঘুম নেই। এই ঘটনায় তিনি মর্মান্বিত হয়েছেন এই খবরটা কাগজে ছাপলে তিনি বাধিত হবেন। এর সঙ্গে তিনি একটি ফটোও পাঠিয়েছিলেন, যাতে চিঠির সঙ্গে সেটা ছাপানো হয়। অনেকদিন অপেক্ষা করার পর তাঁর চিঠি কাগজে না দেখে যে তাঁর কতটা আশাভঙ্গ হয়েছিল তা আমি বেশ অনুমান করতে পেরেছিলাম। তিনি নিশ্চয়ই কাগজ আর কাগজের সম্পাদককে একই ভাবে শাপ দিয়েছিলেন।

নাম এবং খ্যাতির মোহ সব মানুষেরই আছে। কারোর কারোর এর জন্ত এত বেশী মোহ যে তা যেন তারা চেপে বন্ধ করে রাখতে পারে না। অবশ্য মানুষকে কাজে আকৃষ্ট করার একটা বড় প্রেরণা হচ্ছে এই খ্যাতির মোহ, কাগজের লোকদের এটা জানা থাকা ভালো। মানুষের এই আগ্রহকে সন্তোষজনক ভাবে রূপ দেওয়া তাদের উচিত। তবে মানুষের স্বহকার, হামবড়াই ভাব বাড়াবার দায়িত্ব তাদের নয়।

নিজেদের সম্বন্ধে কিছু খবরের কাগজে দেখার বাদের খুবই ইচ্ছে তাদেরই মধ্যে আবার কিছু কিছু ব্যাপার লুকিয়ে রাখার একটা ভীষণ আকাঙ্ক্ষা দেখা যায়। এইরকম অনেক ঘটনার কথা আমার জানা আছে। একটার কথা এখানে শুধু বলবো।

আমাকে জরুরী একটা খবর দেবার জন্য আমার এক বন্ধু একটি লোককে আমার কাছে পাঠিয়েছিলেন। ইনি একজন মাস্তগণ্য লোক। তাঁর ছেলেকে পুলিশ একটা কেসে ধরে, পরে জামিনে ছেড়েছিল। এই খবর কাগজে বেরোলে তাঁর এবং তাঁর পরিবারের পক্ষে অভ্যন্ত লজ্জাকর হবে। এই খবর অন্তত: কিছু দিনের জন্য খেন প্রকাশ না করা হয়, এই অনুরোধ জানাতে তিনি আমার কাছে এসেছিলেন। এতবড় একজন মানীলোকের পুত্র একটা নীচ কাজে ধরা পড়েছে এ খবর কাগজে বের হলে তাঁর কতখানি যে সম্মান হানি হবে আমি তা বেশ ভালোই বুঝতে পারলাম, কিন্তু এই খবর চেপে রাখার উপায়ও আমার ছিল না। এই কথা আমি তাঁকে জানালাম।

কাগজে কোনো খবর ছাপানো উচিত কি উচিত না তা ঠিক করার জন্য দুটো জিনিষ দেখতে হয়। একটা হচ্ছে খবরটা বিশ্বাসযোগ্য কিনা, আর একটা হচ্ছে খবর হিসেবে তার প্রাধান্য আছে কিনা। এই খবরের বিশ্বাসযোগ্যতা সম্বন্ধে কোন সন্দেহই ছিল না এবং ভুললোকের পদমর্যাদার কথা ভাবলে খবরটির যে প্রাধান্য আছে সে সম্বন্ধেও কোনো সন্দেহ নেই। কাজেই সেই খবর পাঠকদের কাছ থেকে লুকিয়ে রাখাটা একেবারেই ঠিক নয়। আমি যে কি করবো তা তিনি বুঝতে পেরেছিলেন কিনা আমি জানি না। জার্নালিস্টদের এই ধরনের কতকগুলো অভিজ্ঞতা এড়িয়ে যাবার কোনো উপায়ই নেই।

যতই সাবধান হওয়া থাক না কেন, ছাপানোর অযোগ্য কিছু খবর আর মতামত কখনো কখনো কাগজের পাতায় বেরিয়ে যায়। এ সব খবর ছাপানোর দায়িত্ব থেকে অব্যাহতি পাওয়ার সুযোগও সম্পাদকদের নেই। এটা সত্যিই খুব দুঃখের কথা!

মাতৃভূমির সম্পাদকের কাজ করার সময় কেবল কংগ্রেস কমিটির সেক্রেটারী হিসেবেও আমি কাজ করছিলাম। কিন্তু মালাবার বিক্ষোভের পরে দেশে যে অবস্থার সৃষ্টি হয়, তাতে কংগ্রেসের কাজ আরম্ভ করার খুবই অসুবিধা ছিল, খুলী মতো ঘুরে বেড়ানোর বা সভা করার সুবিধা ছিল না। শুধু তাই নয় বিক্ষোভের সময় জনসাধারণের মধ্যে যে ভয়ের সঞ্চার হ'য়েছিল তার থেকে তারা তখনও মুক্ত হয় নি। এ সব সম্বন্ধে কেবল কংগ্রেসের দ্বিতীয় অধিবেশন বসাবার সিদ্ধান্ত আমরা নিলাম। 1923 সালের ৫ই মে পালমাটিতে এই অধিবেশন বসে। তখন মাতৃভূমি প্রকাশ হবার ছ' সপ্তাহ মাত্র কেটেছে।

শ্রীমতী সরোজিনী নাইডু এই অধিবেশনের সভানেত্রী হ'য়েছিলেন। আলি সহোদরদের মা, রাজাগোপালাচারী, দেবদাস গান্ধী এরা সব এই অধিবেশনে বোগ দিয়েছিলেন। এরা ওলাভাকোট্ট আমার বাড়ীতে ছিলেন। অধিবেশনের প্যাংগোল বাধা হ'য়েছিল একটা ধানখেতের উপর। সভার দিন দুয়ের পাহাড়কলি দেখে

সরোজিনী নাইডু বলে উঠলেন— বাঃ কি সুন্দর দৃশ্য! এই অপূর্ব দৃশ্য দেখলে কার মনে না কবিত্বের সঞ্চার হয়?

সেদিন সরোজিনী নাইডুর বক্তৃতা একটি কবিতার আকারে বেরিয়েছিল। কেরলের ঐতিহাসিক সৌন্দর্য বর্ণনা করে তিনি তাঁর বক্তৃতা আরম্ভ করেছিলেন। তখনকার প্রধান সমস্যা ভারতের বিভিন্ন সম্প্রদায়ের বিরোধের সমালোচনা করে, ভারতবর্ষের সাধারণ রাজনৈতিক পরিস্থিতির বিশ্লেষণ তাঁর সহজসিদ্ধ বাগ্মিতা দিয়ে শ্রীমতী নাইডু করেছিলেন।

ভারতের স্বাধীনতা আন্দোলনের নেতৃবৃন্দের মধ্যে সরোজিনী নাইডুর জায়গা খুবই উচুতে। তাঁর বাগ্মিতা মাত্র এর কারণ নয়। তাঁর অটল দেশপ্রেম, বন্ধুত্বপূর্ণ ব্যবহার, সমস্যাগুলোকে পক্ষপাতহীন ভাবে বিচার করার ক্ষমতা ইত্যাদি গুণগুলির জন্য সরোজিনী নাইডু ভারতবাসীর অতি শ্রদ্ধার ও ভক্তির পাত্র ছিলেন। যে কোনও জটিল পরিস্থিতিতে তাঁর মনের সোম্যভাব নষ্ট হ'ত না। মহাত্মা গান্ধী সবরমতী জেলে থাকার সময় সরোজিনী নাইডুর সঙ্গে আমিও তাঁর সঙ্গে দেখা করেছিলাম। জেল গেটে পৌঁছানোর পর বিরাট দরজার একদিক মাত্র জেলরক্ষী খুলে রেখেছিল। এইটাই সাধারণ নিয়ম।

—এর মধ্যে দিয়ে মহিলারা কি ক'রে যাবে? দরজা সমস্তটা খোল—সরোজিনী নাইডু এ আদেশ দিলে পর জেলরক্ষক জেলের নিয়মকাহ্ন তখনকার মত ভুলে গিয়ে দরজা খুলে দিয়েছিল।

এই অধিবেশন সফল হবার আর একটা কারণ আলি ভাতৃব্বের মা বৃদ্ধা বিউম্মার এই কনকারেলে যোগদান। ইঁটতে পর্বন্ত তাঁর কষ্ট হ'চ্ছিল তখন। তথাপি দূর দূরান্ত সঞ্চার করে সভাগুলিতে যোগ দিয়ে স্বাধীনতা আন্দোলনের শক্তি তিনি বাড়িয়ে ছিলেন।

রাজনৈতিক সভা শেষ হবার পর একটা সাহিত্য সম্মেলনও হয়। তাঁর সভাপতি ছিলেন সর্দার কে. এম. পাণিকার।

অধিবেশনের শেষের দিন পাণ্ডোলে সব জাতের লোক মিলে একটা মিশ্র ভোজ খাওয়া হয়। ব্রাহ্মণ, অত্রাহ্মণ, নারায়, নান্নাণ্ডি সকলে এতে যোগ দিয়েছিল। এই মিশ্র ভোজের ব্যাপারে কয়েকজন পরে খুব মুশকিলে পড়েছিল। উঁচু জাতির কিছু লোককে সন্তুষ্ট করার জন্য তাদের প্রায়শ্চিত্ত করতে হ'য়েছিল। এই ব্যাপার নিয়ে আবার গোলমাল হ'তে পারে সে রকম ভয়ও ছিল। সে যাই হোক, পালঘাটের এই অধিবেশন রাজনীতি আর অস্পৃহতা নিবারণে একটা নতুন জাগরণ আনতে সক্ষম হ'য়েছিল।

কুড়ি

ভৈকম সত্যাগ্রহ

কেরলের কংগ্রেসকে যখন নতুন করে জাগিয়ে তোলার কথা ভাবছি তখন একদিন ‘দেশাভিমানীর’ সম্পাদক টি. কে. মাধবন্ নায়াঁর আমার সঙ্গে দেখা করার জন্য কালিকটে এসে উপস্থিত হ’লেন। নিঃস্বার্থ সমাজসেবী হিসাবে শ্রীমাধবনের কথা না জানতেন এমন লোক কেরলে খুব কম ছিল। দীর্ঘদিন নিঃস্বার্থভাবে সমাজসেবা করার জন্য সমাজে তাঁর একটা উঁচু স্থান ছিল। ‘সম্পাদক’ এই নামে অনেকে তাঁকে ডাকতো। তাঁর ভাষা ছিল অত্যন্ত মার্জিত। তাঁর আন্তরিকতা এবং রসপূর্ণ কথাবার্তা তাঁর বিরুদ্ধ দলকেও খুশী ক’রে তুলত। তিনি নিজেকে যেমন উৎসাহী ছিলেন অন্যদের মধ্যেও তাঁর এই উৎসাহ সঞ্চারিত করে দিতে পারতেন। তাঁর মতো উদার হৃদয়, বন্ধুবৎসল লোক খুব কমই দেখা যেত। তিনি তাঁর সমস্ত মনোযোগ দিয়েছিলেন অস্পৃশ্য সম্প্রদায়ের উন্নতির জন্যে, তাই রাজনৈতিক ক্ষেত্রে প্রবেশ করার সময় তিনি পান নি। কংগ্রেস যখন অস্পৃশ্যতা নিবারণ একটা প্রোগ্রাম বলে গ্রহণ করলো তখন কংগ্রেসের কাছে তিনি উৎসাহ দেখাতে আরম্ভ করলেন। অস্পৃশ্য জাতির সমস্ত দুঃখ দুর্দশা দূর করে তবে রাজনৈতিক স্বাধীনতার জন্য সংগ্রাম করা উচিত একথা তিনি মনে করতেন। তিনি শ্রীনারায়ণ গুরুকে নিজের আধ্যাত্মিক গুরু বলে মানতেন। নারায়ণ গুরুর উপদেশ আর আদর্শকে কাজে রূপায়িত করতে তিনি নিরন্তর চেষ্টা করতেন। মহাকবি কুমারন্ হাসানের কথায় যাদের ছোঁরা যায় না, যাদের কাছে যাওয়া যায় না, তারা চোখে পড়লেও দোষের। বিবাহবন্ধনে যারা বাঁধা পড়ে না, যারা একসঙ্গে থায় না— এই ভাবে কত রকমই যে জাতের বোকামি আছে। আজকের যুগের লোকদের এই কথাগুলো বুঝতে মুশকিল হবে। এই কুপ্রথার সম্পূর্ণ বিলোপ সাধন করতে প্রস্তুত হ’য়ে বেরিয়েছিলেন এই সাহসী সম্পাদক মাধবন্।

অস্পৃশ্যতা নিবারণ নিয়ে আমরা অনেক কথা সেদিন বলেছিলাম। মাধবন্ নায়াঁরের চরিত্রে উদ্বেগ এবং কাজের এমন অপূর্ব সংমিশ্রণ আমি আর কারো মধ্যে পাইনি। এরপর বেশ কয়েকটি আন্দোলনে আমরা ভাগ নিয়েছিলাম। সেদিনকার সেই পরিচয় খুব দ্রুত গাঢ় বন্ধুত্বে পরিণত হয়েছিল। এককটা কথা বলার পর তিনি বিদায় নিলেন। তারপর তাঁর সঙ্গে আমার দেখা হয় সেই বছরই ডিসেম্বর মাসে কাকিনাডার কংগ্রেসের অধিবেশনে।

মাখবন্, সর্দার কে. এম. পাণিকর এবং আমি এই তিনজন মিলে মাজাজ' থেকে কাকিনাড়া'য় যাই। পাণিকর সে সময় 'স্বরাজ্য' পত্রিকাটির সম্পাদক ছিলেন। পাণিকরকে গল্প আর মাখবনের হাসিঠাট্টা আমাদের ভ্রমণপথের সব ক্লান্তি দূর করেছিল। এই সময় কংগ্রেসের সভাপতি ছিলেন মোলানা মুহম্মদ আলি। মাখবন্ এই অধিবেশনে 'ভারতে অস্পৃশ্য জাতির জন্য সর্বভারতীয় কংগ্রেস কমিটির কাছে আবেদন' বলে একটা লেখা লিখে তার কপি ছাপিয়ে কংগ্রেসের সভাপতি, কংগ্রেস কমিটির সভ্যদের, কাগজের প্রতিনিধিদের দিয়েছিলেন। মাখবনের এই অক্লান্ত চেষ্টার ফলে অস্পৃশ্যতা নিবারণী কাজকর্ম আরো জোরদার করার নির্দেশ কংগ্রেস রাজ্য কমিটিগুলোকে দেবার সিদ্ধান্ত করেছিল।

মোলানা মুহম্মদ আলি এবং তাঁর ভাই মোলানা শওকত আলি সেসময় কংগ্রেসের দুটি স্ফূট স্তরের মত ছিলেন। তাঁরা গান্ধীজীর বনিষ্ঠ মিত্রও ছিলেন। খিলাফত আন্দোলনের মধ্যে দিয়ে তাঁরা কংগ্রেসে এসেছিলেন।

কাকিনাড়া কংগ্রেসের পর মাখবন্ কংগ্রেসে যোগদান করেন। ওখান থেকে ফিরে কংগ্রেসের সিদ্ধান্তগুলো আমরা কাজে পরিণত করতে একটুও দেরী করিনি।

1924 সালের 24শে ভাদ্রয়ারী এর্ণাকুলমে আহৃত প্রদেশ কংগ্রেস কমিটির সভায় অস্পৃশ্যতা নিবারণ একটা জরুরী প্রোগ্রাম হিসাবে নিয়ে তাকে কার্যকরী করার জন্য একটা বিশেষ কমিটি গঠন করা হ'ল। কংগ্রেসের কার্যাবলী জনসাধারণকে বোঝাবার জন্তে কেরলের বিভিন্ন স্থান পৰ্যটন করার জন্য আর একটি কমিটি গঠন করা হ'ল। আমাদের নিয়ে এই কমিটির সভ্য সংখ্যা ছিল বারজন। ত্রিবান্থুরের এক প্রান্ত থেকে আর এক প্রান্ত, শহরে, গ্রামে ঘুরে ঘুরে বিরাট বিরাট জনসভায় আমরা বক্তৃতা করেছিলাম। সে কি উত্তেজনাময় দিনগুলোই না গেছে। রোজ তিনটে করে সভা এক এক জায়গার ডাকা হতো। কোনো কোনো দিন তারও বেশী। জাতি ধর্ম নির্বিশেষে জনসাধারণ এই সব সভায় যোগ দিয়েছিল। চব্বিশ দিন ধরে এই দীর্ঘ পৰ্যটনে বেশ কয়েকটি মজার অভিজ্ঞতা আমাদের হ'য়েছিল।

একদিন রাতে এক জনসভার পর আমরা আমাদের নিয়ন্ত্রণ কর্তার বাড়ীতে এলাম। কিছুক্ষণ পরে একজন খাবার জন্তে আমাদের এক গ্লাস দুধ আর কলা এনে দিলেন। দুধ আর কলা খেয়ে আমি সেখানে কয়েকজন বন্ধুবান্ধবের সঙ্গে কথাবার্তা বললাম। তারপর চান করে রাতের খাবারের জন্য অপেক্ষা করতে লাগলাম। রাত দশটা বেজে গেছে। রাতের খাবারের কোনো আয়োজন দেখলাম না। আমার তখন খুবই খিদে পেয়েছে। কি ব্যাপার খোঁজ করব ঠিক করলাম। 'স্নান' কি অনেক

দেয়ী আছে?’ একথা জিজ্ঞেস করতে আমার অতিথি সেবক চমকে উঠলেন। ‘রাতে দুখ আর কলা খাবেন বলে ভেবেছিলাম’—অতিথি সেবকের হ’য়ে একজন বন্ধন। ‘দুখ আর কলা আমি খাই’—কিন্তু সে’তো ভাত খাবার পর—আমি একথা বলার পর ভদ্রলোক হাসলেন। খুব তাড়াতাড়ি খাবার তৈরী করে আনলেন। অন্তেরা বা খায় দেশসেবকেরা তা খায় না এই তারা ভেবেছিল।

খাওয়া দাওয়া, বেশভূষা, আচার ব্যবহারে একটা বৈশিষ্ট্য তখনকার কিছু কিছু কংগ্রেস কর্মীর মধ্যে দেখা যেত। সাধারণ লোকের মত তাদের কাপড় পরা, খাওয়া দাওয়া, আচার ব্যবহার কিছুই নয় এই সব কথা অনেকে তখন বিশ্বাস করতো। সেই সেই বিশ্বাসের জন্ত আমাকে এই অভিজ্ঞতা লাভ করতে হয়।

আমাদের ভ্রমণ সূচিকা অক্টোবর 1924 সালের 28শে ফেব্রুয়ারী আমরা ভৈকমে উপস্থিত হলাম। সেখানে পৌঁছে আমরা জানতে পারলাম যে ভৈকমের মন্দিরের সামনের সরকারী রাস্তা দিয়ে অস্পৃশ্য জাতির লোকদের হাঁটাচলা নিষিদ্ধ। সেদিন সন্ধ্যাবেলার ভৈকমে অনুষ্ঠিত এক জনসভায় এ নিয়ে তীব্র নিন্দা করে আমি বক্তৃতা দিয়েছিলাম।—‘বিদেশীরা আমাদের ওপর যখন অত্যাচার করে তখন তার প্রতিবাদ আমরা করি আর যখন আমরা আমাদের দেশবাসীর ওপর অত্যাচার করি তখন তার প্রতিবাদ করতে আমরা এগোই না কেন? অস্পৃশ্য জাতিদের প্রতি এই অত্যাচার প্রতিরোধ করার দায়িত্ব কি আমাদের নয়?’—একথা জিজ্ঞেস করার সঙ্গে সঙ্গে খুব হাততালি পড়তে লাগলো। ‘হাততালি দিতে অনুবিধা নেই, কিন্তু কাজ করতে গেলেই বত গোলমাল আরম্ভ হবে। অস্পৃশ্য জাতিদের সঙ্গে একসঙ্গে মন্দিরের রাস্তা দিয়ে শোভাযাত্রা করে যাবার জন্তে এখানকার সম্মিলিত জনতার ক’জন রাজী আছেন?’—একথা আমি জিজ্ঞেস করলে পর ‘সকলে’ ‘সকলে’ বলে জনতা চীৎকার করলো। ‘তাহ’লে কালই আমরা এই শোভাযাত্রা করবো’ বলার পর পাঁচ মিনিট ধরে হাততালি চললো। সেদিন সেই সভা থেকে সকলে খুব উৎসাহের সঙ্গে ফিরে গেল।

সভার পর আমি আমার বিশ্রামস্থলে ফিরে এলে সেখানে ম্যাজিস্ট্রেট, তহশীলদার, পুলিশ অফিসার শহরের মান্তগণ্য লোক প্রভৃতি অনেকে জড়ো হয়েছেন দেখতে পেলাম। সভায় আমার বোষণা অক্টোবরী পরদিন অস্পৃশ্য জাতির সঙ্গে মন্দিরের রাস্তাদিয়ে শোভা-যাত্রা বের করলে তাতে ভীষণ গণ্ডগোল, বক্তৃপাত ইত্যাদি হবে। তাই এইসব না করে মাস খানেক ধরে অক্টোবরী আবেদনের সৃষ্টি করা উচিত বলে তাঁদের মধ্যে অনেকে আমার বন্ধন। সেই বন্ধন করা হবে বলে ঠিক করে আমরা কালিকটে ফিরে এলাম।

ভৈকম মন্দিরের সামনের সরকারী রাস্তা সকল জাতির লোকদের জন্ত খুলে দেওয়া

উচিত বলে আমরা আমাদের আন্দোলন শুরু করলাম। এর জন্ত আমরা নানা জায়গায় সভা সমিতি করলাম। ছোট ছোট পুস্তিকা ছাপিয়ে প্রকাশ করলাম। নেতাদের সঙ্গে দেখা করে আলাপ আলোচনা চালালাম। খবরের কাগজের সমর্থনও পেলাম। কিন্তু এত কিছু করার পরও মন্দিরের পরিচালকেরা তাদের নিয়মের এতটুকু রদবদল করতে চাইলেন না। সত্যগ্রহ ছাড়া এই রাস্তায় সকল জাতের চলার স্বাধীনতা মিলবে না বুঝে আমরা সত্যগ্রহ করবো বলে ঠিক করলাম।

তার আগে গান্ধীজীকে ভৈরবের অবস্থা সম্বন্ধে এবং এই অবস্থা কি ভাবে আমাদের সত্যগ্রহের পথে ঠেলে দিয়েছে তা সব জানিয়ে আমাদের এই প্রচেষ্টার তাঁর আশীর্বাদ চেয়ে একটা চিঠি পাঠালাম। তার উত্তরে গান্ধীজী যা লিখেছিলেন তা নীচে দিলাম—

আজ্ঞেরী

19-3-24

প্রিয় কেশব মেনন,

আপনার চিঠি পেলাম। আপনাদের ঐ জায়গার অধিবাসীদের অবস্থা ভারতের অন্যান্য জায়গার অধিবাসীদের তুলনায় সবচেয়ে শোচনীয় তা আমি জানি। আপনি যেমন বলেছেন যে এই অস্পৃশ্য জাতিদের শুধু ছোঁওয়া যায় না মাত্র নয়, তাদের কতকগুলো রাস্তা দিয়ে হাঁটা পর্যন্ত বারণ। এতই শোচনীয় অবস্থা তাদের। আমরা যে এখনো স্বাধীনতা পাইনি তাতে আমি খুব আশ্চর্য বোধ করছি না। আমাদের নিজেদের দেশবাসী এই অধঃপতিত জাতিদের সরকারী রাস্তা ব্যবহার করার দাবী তুলে ধরবার জন্ত নিষিদ্ধ রাস্তা দিয়ে একটা শোভাযাত্রা বার করবেন বলে আপনারা ঠিক করেছেন। এটা একরকমের সত্যগ্রহ। এই বিষয়ে আপনাকে বিশেষ কিছু বলার আছে বলে আমার মনে হয় না। আমাদের নিজেদের লোকেরা আপনাদের বাধা দিলে আপনারা তাদের বিরুদ্ধে আপনাদের শক্তি প্রয়োগ করতে পারবেন না। আপনাদের সব অহিংস ভাবে সহ্য করতে হবে। মারলে মার খেতে হবে। এই সত্যগ্রহে যারা বোণ দেবে তাদের একথা ভালো করে বুঝিয়ে দেবেন। তারা যেন এই সব শর্ত পূর্ণ মাত্রায় পালন করে। সকলে একসঙ্গে যাবেন না। এক এক দলে ভাগ হ'য়ে যাবেন। যদি শোভাযাত্রাকারীদের কেউ এই সব শর্ত না মানেন তাহলে আপনাদের শোভাযাত্রা বন্ধ করে দিতে এতটুকু ইতস্ততঃ করবেন না। যারা অহিংসায় বিশ্বাস করে না তাদের আমরা আমাদের দিকে টানার চেষ্টা করিনি। তাই সব কিছু খুব ভেবে চিন্তে কাজ করার দরকার। এ ধরনের কাজ খুব তাড়াতাড়ি শেষ করা যায় না। এখান রোগশয্যায় শুয়ে আপনাদের উপদেশ দিতে অবস্তা আমার কোনো অহুবিধে

নেই। তাই আপনাদের একটি ব্যাপারের ওপর বিশেষ লক্ষ্য রাখার কথা মনে করিয়ে দিয়ে আপনাদের প্রচেষ্টার পূর্ণ সফলতা কামনা করে এখনকার মতো থামছি।

—এম. কে. গান্ধী।

1924 সালের 30শে মার্চ আমরা সত্যাগ্রহ আরম্ভ করবো বলে ঠিক করেছিলাম। তার চারদিন আগে আমি ভৈকমে এলাম। সত্যাগ্রহে সাহায্য করার জন্ত অনেক বন্ধু ও ভ্রাতৃপুত্র ইতিমধ্যে সেখানে জড়ো হয়েছিলেন। নায়ার এবং ইউবা সম্প্রদায়ের নেতারাও এসেছিলেন। তাঁদের বক্তৃতা, আলাপ আলোচনা, উৎসাহপূর্ণ প্রস্তুতি সব মিলিয়ে ভৈকমে যেন একটা উৎসবের সাড়া পড়ে গিয়েছিল। টাকা সংগ্রহ করতে, জিনিসপত্র জোগাড় করতে, অতিথিদের অভ্যর্থনা করতে, ভ্রাতৃপুত্রদের ব্যবস্থা করতে সব কিছুর আলাদা আলাদা কমিটি করা হয়েছিল। নেতাদের বন্দী করলেও সত্যাগ্রহে যেন ভাঁটা না পড়ে তেমনি ভাবে সমস্ত ব্যবস্থা করা হয়েছিল।

29 তারিখে রাতে শুতে খুব দেবী হয়ে গিয়েছিল। মাঝরাতে কারা যেন আমাকে ডেকে ওঠাল। এই ডাকলোকেরা আমার সঙ্গে কতকগুলো জরুরী ব্যাপার আলোচনা করতে এসেছেন। এই লোকগুলি তাঁদের সম্প্রদায়ের নেতা ছিলেন। তাঁরা আমাকে জানালেন যে পরের দিন সকালে পূর্বনির্দিষ্ট সত্যাগ্রহ আরম্ভ করলে খুব গোলমাল হবে। এর ফলে অস্পৃশ্যতা নিবারণী আন্দোলন অনেক পিছিয়ে যাবে। তাই পরের দিন সত্যাগ্রহ আরম্ভ করাটা খুব বিচক্ষণের কাজ হবে না। তাদের এই কথাবার্তা আমাকে বেশ ভয় পাইয়ে দিল। আমার সঙ্গে সত্যাগ্রহের ব্যাপারে কাজ করে এসেছিলেন কয়েকজন বন্ধু তাঁরাও এই দলে ছিলেন। হঠাৎ তাঁদের এই মত পরিবর্তনের কারণ কি ভেবে আমি খুবই অবাক হ'লাম। যাহোক তাদের আমি বললাম যে পরের দিন সত্যাগ্রহ না করলে সত্যাগ্রহ করার আর দরকার নেই। সত্যাগ্রহ না করার কোনো কারণ আমি দেখতে পাচ্ছি না। আমরা সকলে মিলে অনেক আলোচনার পরেই না এটা ঠিক করেছি। আমাদের এখন পেছন ফেরার কোনো মানে হয় না। আমাদের হারজিং যাই হোক না কেন, যেমন ঠিক করেছিলাম সত্যাগ্রহ কাল আরম্ভ হবে। এই কথাগুলি তাঁদের বলে আমি শুতে গেলাম।

30শে সকাল। সত্যাগ্রহ ক্যাম্পের লোকেরা ভোরে উঠে স্নান সেরে কপালে ফোঁটা কেটে মন্দিরের রাস্তায় বাবার জন্তে প্রস্তুত। তিনজন করে একটা দল প্রথম দিন সত্যাগ্রহের জন্তে রওনা হলো। কুঞ্জাপি নামে একজন পুন্ড্রা (অস্পৃশ্য জাতি), বাহুলেশ্বর নামে একজন ইউবা (অস্পৃশ্য জাতি) আর গোবিন্দন পাণ্ডিত্য নামে একজন নায়ার। সকাল 7টার সময় আমরা ক্যাম্প থেকে বেরিয়ে দুজন দুজন করে অগ্রসর

হ'লাম। ক্যাম্প থেকে মন্দিরের রাস্তা প্রায় এক মাইল। আমরা আস্তে আস্তে হেঁটে সেখানে পৌঁছোলাম। দর্শক আর পুলিশে মিলে একটা বিরাট জনতা সেখানে ভাঁড় করেছিল। 'অস্পৃশ্য জাতিদের "এর ওধারে প্রবেশ নিষেধ" বলে একটা বোর্ড মন্দিরের একশ গজ দূরে রাস্তার ওপর পুঁতে রাখা ছিল। এই বোর্ডের পঞ্চাশ গজ নিকটে এলে সকলে আমরা দাঁড়িয়ে পড়লাম। শুধু তিনজন সত্যাগ্রহী আরো এগিয়ে গেল। বোর্ডের কাছে আট দশজন পুলিশ লাইন দিয়ে দাঁড়িয়েছিল।

—আপনারা প্রত্যেকে কোন জাতের?—একজন পুলিশ অফিসার সত্যাগ্রহীদের জিজ্ঞেস করলেন।

সত্যাগ্রহী তিনজনই 'আমি পুলার', 'আমি ইড়বা', 'আমি নারার' এই উত্তর দিলেন। 'নারার এগিয়ে যেতে পারে অস্ত্র দুজনকে এগোতে দেওয়া হবে না'—পুলিশ অফিসার হুকুম দিলেন। 'এদের দুজনকে এই রাস্তায় নিয়ে যাবার অস্ত্রে আমি ওদের সঙ্গে এসেছি'—গোবিন্দ পাণিকর উত্তর দিল। পুলিশে পথ আটকাঁলো। সত্যাগ্রহী তিনজন পুলিশের মুখোমুখি দাঁড়িয়ে। এমনভাবে কিছুক্ষণ কাটলো। 'হয় আমাদের এই রাস্তা দিয়ে যেতে দিন, নয় এই রাস্তা দিয়ে যাবার চেষ্টা করছি বলে আমাদের অ্যারেস্ট করুন, নইলে আমরা এখান থেকে ফিরবো না'—এই বলে সত্যাগ্রহীরা ওখানেই বসে পড়ল।

জেলা ম্যাজিস্ট্রেট ও পুলিশ অফিসারেরা কিছুক্ষণ আলোচনা করে সত্যাগ্রহীদের অ্যারেস্ট করতে হুকুম দিলেন। তাদের অ্যারেস্ট করে নিয়ে যাবার পর আমরা সকলে ক্যাম্পে ফিরে গেলাম। এমনভাবে প্রথম দিনের সত্যাগ্রহ শেষ হলো।

পরের দিন এই সত্যাগ্রহীদের বিচার হলো। বিচারে বিনা পরিশ্রমে তাদের ছ'মাসের কারাদণ্ড হ'ল। আরো তিন জন সেদিন সত্যাগ্রহ করলো। তাদেরও শাস্তি দিয়ে জেলে পোরা হলো।

এই দু'দিনে কোনোকিছু গোলমাল হয়নি। সত্যাগ্রহ এমন শান্তভাবে সম্পন্ন হওয়ার আমরাও খুব খুশী হলাম। কিন্তু আমাদের এই সত্যাগ্রহে কিছু উচ্চবর্ণের হিন্দু ভয় পেয়ে গেল। অনেক কিছু উড়ো খবর তখন বেরোচ্ছিল। "মন্দিরে অস্পৃশ্য জাতিরা ঢুকতে যাচ্ছে। তারা গঙ্গাগোলের জন্ত তৈরী হচ্ছে"—এই সব উড়ো খবর। আমি কয়েকটা চিঠিও এই মর্মে পেলাম। আমার কয়েকজন বন্ধু আমাকে বলেন যে সত্যাগ্রহ দু'দিনের জন্ত বন্ধ রেখে উচ্চবর্ণের হিন্দুদের সঙ্গে দেখা করে তাদের একবার বুঝিয়ে বলা দরকার। তাদের পরামর্শ মতো সত্যাগ্রহ দু'দিনের জন্ত বন্ধ রাখলাম। এই সময় গান্ধীজীর আর একটি চিঠি পেলাম। চিঠিটা এই—

আমেরী— 1লা এপ্রিল

প্রিয় কেশব মেনন,

আপনাদের সত্যাগ্রহের ব্যাপারে আমাকে কিছু বলার জন্তে মিঃ শিবরামায়ার, মিঃ বকীশ্বরায়ার এখানে এসেছিলেন। এরা আমাকে বলেন, যে রাস্তার প্রবেশ নিয়ে তর্ক উঠেছে সেটা মন্দিরের নিজস্ব সম্পত্তি। সে রাস্তা মন্দিরে যাবার রাস্তা। মন্দির ট্রাস্টীদের হাতে। জনসাধারণের এই রাস্তা দিয়ে যাবার অধিকার আছে কিনা তা এই ট্রাস্টীই ঠিক করবে। আমি তাঁদের তখন জিজ্ঞেস করলাম এই রাস্তাটি ব্রাহ্মণদের ব্যক্তিগত সম্পত্তি হ'লেও অত্রাহ্মণরা ঐ রাস্তা দিয়ে যাতায়াত করে কিনা। তাতে তাঁরা জানালেন যে অত্রাহ্মণেরা ঐ রাস্তা দিয়ে যাতায়াত করে। যদি একজনও অত্রাহ্মণকে ঐ রাস্তা দিয়ে যাবার অস্বস্তি দেওয়া হয় তাহ'লে তৎক্ষণাৎ অস্পৃশ্য লোকদেরও ঐ রাস্তা দিয়ে যাবার অধিকার দেওয়া উচিত বলে আমি মনে করি বলে আমি তাঁদের বলেছি। তাঁরা এতে রাজী হ'লেও রাস্তার আর মন্দিরের মালিক ট্রাস্টীদের এবং অন্যান্য ব্রাহ্মণদের এই ব্যাপারে বুঝিয়ে বলতে কিছু সময় লাগবে বলে আমাকে বলেন।

মালবাজী দু'মাসের মধ্যে ওখানে আসছেন আমি জানতে পারলাম। অস্পৃশ্য জাতির প্রতিনিধি হিসাবে আপনি এবং মন্দিরের কর্তাদের মধ্যকার ঝগড়া মালবাজীর মধ্যস্থতায় মিটমাট করার জন্ত তিনি কি ঠিক করেছেন সেটা একটা নির্দিষ্ট সময়ের মধ্যে জানালে এবং তাতে ব্রাহ্মণদের অমত না থাকলে মন্দিরের রাস্তা দিয়ে যাতায়াতের প্রশ্ন আলাপ আলোচনার মধ্যে দিয়ে ঠিক করা হবে বলে সত্যাগ্রহ কিছুদিনের জন্য বন্ধ রাখা হলো—এটা খোলাখুলি জানিয়ে সত্যাগ্রহ বন্ধ রাখার উপদেশ আমি আপনাদের দিছি।

এই দুই ভাই আমাকে এই ব্যাপারে যা বলেছেন তা যথার্থ সত্য এই বিশ্বাসে আমি আপনাকে এমনভাবে উপদেশ দিলাম। এই দুই ভাই আমাকে বলেন যে এই সংস্কারের ব্যাপারে মন্দিরের অধিকর্তারাও আমাদের মত আগ্রহী। যদি তা সত্যি হয় তাহ'লে এদেরও আমাদের সঙ্গে নিয়ে মিলেমিশে স্নেহের সঙ্গে কাজ করা উচিত।

আপনার বিশ্বস্ত এম. কে. গান্ধী

আমি এর উত্তরে গান্ধীজীকে লিখি,

ভৈকম 6-4-24

প্রিয় মহাত্মাজী,

সত্যাগ্রহ এখনকার মত বন্ধ করে রাখতে বলে আপনি আমাকে একটা চিঠি

পাঠিয়েছেন সে খবর ৪ঠা এপ্রিলের ‘হিন্দু’ কাগজে পড়লাম। আপনার চিঠি আমার হাতে এখনো আসেনি তবে আসবে বলে অপেক্ষা করছি। এখানকার অবস্থা সমস্ত আপনাকে জানানো উচিত বলে আপনার চিঠি পাবার আগেই আপনাকে লিখছি।

আপনার চিঠিতে উল্লিখিত শ্রী শিবরামকৃষ্ণায়ার আর বঙ্কীশ্বরায়ারের সঙ্গে আমার ব্যক্তিগত পরিচয় নেই। ওঁরা আপনাকে যে সব কথা বলেছেন তার সত্যতা সম্বন্ধে আমি সন্দেহান। ভৈকম মন্দির এবং তার সামনের রাস্তা কোনোটাই কোন ব্যক্তি বা ট্রাস্টের ব্যক্তিগত সম্পত্তি নয়। মন্দির দ্বিবাস্কর সরকারের। এর কাজকর্ম চালান সরকারী অফিসারেরা। সরকার জনগণের কাছ থেকে ষ্ট্যাক্স নিয়ে মন্দিরের যাবার রাস্তার দেখাশোনা করছে। এই রাস্তা দিয়ে শুধু ব্রাহ্মণ আর উচ্চবর্ণের হিন্দুরা নয় মুসলমান এবং খৃষ্টানেরাও যাওয়া আসা করে। তিয়া, পুলায়া প্রভৃতি অস্পৃশ্য জাতিদের মাত্র পথ দিয়ে যেতে দেওয়া হয় না। নিয়মাহুযায়ী ব্রাহ্মণ ও সর্বর্ণ হিন্দুদের মত অস্পৃশ্য জাতিদেরও এই পথ দিয়ে যাতায়াত করার অধিকার আছে। আপনি যখন এটা জানতে পারবেন তখন সত্যগ্রহ না থামিয়ে চালিয়ে যাবার উপদেশ দেবেন এ আমি জানি।

মালবাজীর মধ্যস্থতায় সমস্ত কিছু ঠিক করার ব্যাপারে আপনি যা বলেছেন তাতে আমার বক্তব্য হচ্ছে যে আপনি ধরে নিয়েছেন যে মন্দির ব্রাহ্মণ ট্রাস্টীদের ব্যক্তিগত সম্পত্তি এবং তারা মালবাজীর মধ্যস্থতায় সমস্ত ব্যাপারটা মিটমাট করে নিতে রাজী হবে। কিন্তু ওপরে যেমন লিখেছি মন্দিরের ট্রাস্টী এবং অধিকর্তা দ্বিবাস্কর সরকার। এই সরকার আপনার কথামতো কাজ করতে রাজী হলে আমরা অধঃপতিত জাতির প্রতিনিধি হিসেবে আপনার উপদেশ অত্যন্ত শ্রদ্ধার সঙ্গে স্বীকার করতে রাজী আছি। কিন্তু ততদিন পর্যন্ত আমাদের এই সংগ্রাম না চালিয়ে কোন উপার নেই।

কয়েকদিনের জন্ত সত্যগ্রহ বন্ধ রাখার ব্যাপারে আমরা আপনাকে টিলিগ্রাম পাঠিয়েছি। এখানকার অবস্থা এখন একটু ভালো হওয়ার আমরা কাল আবার সত্যগ্রহ আরম্ভ করতে বাচ্ছি।

খুব শীঘ্র আপনাকে এবং আমার সহকর্মীদের অ্যারেস্ট করা হবে বলে আমি মনে করছি। আমাদের ধরে নিয়ে যাবার পর শ্রীজর্জ জোসেফের নেতৃত্বে সত্যগ্রহ আরো বেশী জোরদার হবে বলে আমি বিশ্বাস করি। শ্রীজোসেফ এখানকার সমস্ত বিবরণ আপনাকে সঙ্গে সঙ্গে জানাবেন। আপনার আশীর্বাদ আমাদের উপর থাক্ অল্পরোধ জানিয়ে চিঠি শেষ করছি। ইতি

—আপনার বিশ্বস্ত কে. পি. কেশব মেনন

এর মধ্যে সর্বর্ণ হিন্দুদের একটা সভায় যোগ দিয়ে অস্পৃশ্য জাতিদের মন্দিরের সামনের রাস্তা দিয়ে যাবার অল্পমতি দেবার জ্ঞপ্তি সরকারের কাছে তাদের আবেদন জানানো উচিত, এই স্বর্ণ স্বযোগ যেন তাঁরা হেলায় না হারান একথা আমি তাঁদের বললাম। এতে যে খুব একটা ফল হ'লো তা নয়। ক্যাম্প ফিরে এসে সহকর্মীদের সঙ্গে আলোচনা করে পরের দিন আবার সত্যগ্রহ আরম্ভ করা ঠিক করলাম।

টি. কে. মাধবন এবং আমি সেদিন সত্যগ্রহের জ্ঞপ্তি প্রস্তুত হলাম। সত্যগ্রহ আবার আরম্ভ হচ্ছে জানতে পেয়ে জনতা সেদিনও ভৈকম মন্দিরের রাস্তার দুপাশে ভাঁড় করে দাঁড়িয়েছিল। আমরা ক্যাম্প থেকে বেরিয়ে মন্দিরের দিকে হাঁটা শুরু করলাম। বেশ কিছুটা যাবার পর পুলিশ আমাদের অ্যারেস্ট করলো। দুপুরের পর কোর্টে আমাদের কেসের বিচার শুরু হলো।

নীচু জাতিদের আমরা মন্দিরের রাস্তা দিয়ে যেতে উৎসাহিত করেছি। তাঁরা যদি ঐ রাস্তা দিয়ে হাঁটতে আরম্ভ করে তাতে সর্বর্ণ হিন্দুদের আপত্তি হবে এবং এর জ্ঞপ্তি তাঁরা বিক্ষোভের জ্ঞপ্তি হ'তে পারে ইত্যাদি ছিল আমাদের বিরুদ্ধে অভিযোগের সারাংশ।

কোর্টে আমার বক্তব্য আমি এইভাবে বলেছিলাম—জেলা ম্যাজিস্ট্রেটের হুকুম অমান্য করে মন্দিরের রাস্তা দিয়ে অস্পৃশ্য জাতিদের হাঁটার উৎসাহ আমি দিয়েছি এই অভিযোগ ঠিক। যতদিন এই আদেশ জারী থাকবে ততদিন এই নিয়ম ভাঙার জ্ঞপ্তি আমি অস্পৃশ্য জাতিদের উৎসাহ দেব। সর্বর্ণ হিন্দু, মুসলমান আর খৃষ্টানেরা যদি ঐ রাস্তা দিয়ে হাঁটতে পারে তাহ'লে অস্পৃশ্য জাতিরাও পারে। ঐ রাস্তা দিয়ে হাঁটার স্বাধীনতা তাদের জুগিয়ে দেবার জ্ঞপ্তি আমরা এখন চেষ্টা করছি। আমাদের উদ্দেশ্য সৰ্ব্বদে কিছু কিছু লোকের কিছু ভুল ধারণা আছে। অস্পৃশ্য জাতি বলে পরিচিত লোকদের আমরা মন্দিরে প্রবেশ করাবার জ্ঞপ্তি এগিয়ে আসিনি। আমরা এগিয়ে এসেছি জনসাধারণের রাস্তা দিয়ে চলাফেরা করার স্বাধীনতা অর্জন করার কাজে তাদের সাহায্য করতে। অনেকদিন ধরে সরকারকে আবেদন নিবেদন জানিয়ে যখন কোন ফল হ'ল না তখন এই অধিকার সত্যগ্রহ দিয়ে অর্জন করা যায় বলে আমরা সত্যগ্রহে নেমেছি। আমাদের এই বিশ্বাসের ফলে আমরা যে শান্তি পেতে যাচ্ছি তা' এই দুর্ভাগ্যকে কেবল থেকে সমূলে উৎপাটিত করতে যদি সাহায্য করে তাহ'লে তার থেকে আনন্দের আর কিছু নেই।

বিচারের পর 500 টাকার আমাদের জামিন দেবার জ্ঞপ্তি কোর্ট আদেশ দিয়েছিল। জামিন দিতে আমরা রাজী না হওয়ায় আমাদের হ'মাল বিনা পরিশ্রমে কারাদণ্ড

হলো। এই বিচারের বিরুদ্ধে আপীল করার ইচ্ছে আমাদের নেই, একথা আমরা ম্যাজিস্ট্রেটকে জানালাম। আমাদের সেই দিনই জিবাক্সাম জেলে নিয়ে যাওয়া ঠিক হলো। বেলা তিনটের সময় আমি আর মাধবন্ একজন সাব্‌ইন্স্পেক্টরের সঙ্গে গাড়ীতে জিবাক্সাম রওনা হলাম। রাত দশটায় আমরা জিবাক্সাম পৌঁছোলাম।

একুশ

পূজাপুরার সুখের দিনগুলি

ত্রিবাঙ্গাম শহর থেকে তিন মাইল দূরে পূজাপুরা বলে একটা জায়গায় একটা পাহাড়ের ওপর ত্রিবাঙ্গাম গেষ্টাল জেল। সেই পাহাড়ের উপর থেকে দেখলে চারিদিকের অতি মনোরম প্রাকৃতিক দৃশ্য দেখা যায়। এখানে ওখানে সারি সারি ছোট ছোট পাহাড়। যতদূর চোখ যায় নারকেল গাছের সারি। সুন্দর সুন্দর বাড়ী, তাদের ছুঁয়ে বয়ে যাওয়া ছোট্ট নদী আর চারিদিকে ছেয়ে থাকা এক অনাবিল শান্ততা—এ যে আমার মনে কি আনন্দের লহরী তুলতো তা বলে বোঝাতে পারবো না।

ত্রিবাঙ্গাম জেলে পৌছোবার পর জেলার নীলকণ্ঠ পিজার বাড়ী থেকে আমাদের সেদিন রাতের খাবার এনে দেওয়া হলো। ডাল থেকে পায়স অবধি সব রকম ভালো ভালো খাওয়া ছিল। ছ'মাস এখানে বাস করে যে জীবন উপভোগ করতে যাচ্ছি এ যেন তার গৌরচন্দ্রিকা।

চারিদিকে বারান্দা দিয়ে ঘেরা বিরাট একটা ঘরে মাধবনের আর আমার শোবার জন্য খাট পাতা হয়েছিল। স্নানের ঘর, পড়াশুনো করবার জায়গা, সকাল বিকেলে চলাফেরা করার একটা ছোট্ট উঠোন সব সেখানে ছিল। আমাদের পছন্দ মত খাবার সময় মতো আমাদের দেওয়া হতো। আমাদের সব রকম সুখ সুবিধের দিকে জেল সুপারিন্টেন্ডেন্ট আর জেলার সব সময় নজর রাখতেন।

আমাদের পছন্দ মত বই, খবরের কাগজ সব আমাদের দেওয়া হয়েছিল। বন্ধু এবং আত্মীয় স্বজনকে চিঠি লেখার এবং তাদের কাছ থেকে চিঠি পাবার অল্পমতিও আমরা পেয়েছিলাম। যারা দেখা করতে আসতো তাদের নির্দিষ্ট সময়ে দেখা করার কোনো বাধা ছিল না। জেলের বাইরে যাওয়া ছাড়া আর সব রকম সুবিধে আমাদের ছিল। কিন্তু এসব সত্ত্বেও যখন চারিদিকের উঁচু দেয়ালগুলোর দিকে তাকাতাম তখন আমাদের স্বাধীনতা যে কতটুকু তা মনে না এসে পারতো না।

আমাদের এই জেলে আগার দু'দিন পরে আমাদের আগে শান্তি পাওয়া সত্য্যগ্রহী সুজাপুর, বাহমেনন আর গোবিন্দ পাণ্ডিকরকে সেখানে নিয়ে আসা হলো। এই তিনজন সত্য্যগ্রহীকে ভৈকম থেকে ত্রিবাঙ্গাম পর্বত হাটিয়ে নিয়ে আসা হ'য়েছিল। এদের তিনজনকে জেলের সাধারণ কয়েদীদের ওয়ার্ডে নিয়ে যাওয়া হ'ল। এর দু'দিন

পরে এ. কে. পিল্লা, কে. কেলগ্নন, ভেলায়ুধ মেনন, কৃষ্ণস্বামী আর্যার জেলে এসে পৌঁছোলেন। আর এক সপ্তাহ পরে জর্জ জোসেফও এসে পৌঁছোলেন। তাঁকে আমার সঙ্গে রাখা হ'লো। অহিন্দুদের এই সত্যগ্রহে অংশ নেওয়া সম্বন্ধে কিছু বাধাহুবাদ কাগজে এ সময় দেখা গিয়েছিল। সে কথারও উল্লেখ এখানে করা উচিত।

জর্জ জোসেফ একজন নামকরা রাজনৈতিক নেতা ছিলেন। জর্জ জোসেফ সংবাদপত্র পরিচালনায় এবং বক্তৃতামঞ্চেও খ্যাতি লাভ করেছিলেন। অসহযোগ আন্দোলনের প্রথম থেকেই তিনি তাতে যোগ দিয়েছিলেন। কয়েকবার তাঁকে জেলে যেতেও হ'য়েছিল। মহাত্মা গান্ধী জেলে থাকার সময় তাঁর 'ইয়ং ইন্ডিয়া' সাপ্তাহিকটির পরিচালনা জর্জ জোসেফ কিছুদিন করেছিলেন।

সত্যগ্রহীদের তিন ভাগে ভাগ করে জেলে রাখা হ'য়েছিল। আমাদের লক্ষ্য ছিল এক। তাই শাস্তিটাও এক হওয়া উচিত ছিল। কিন্তু আমাদের কয়েকজনকে কতকগুলো বিশেষ স্ববিধে দেওয়া এবং অন্তদের সাধারণ কয়েদীর মত রাখা যে খুবই অগ্রায় সেটা আমরা উপলব্ধি করি। আমরা এতে ক্ষুব্ধ হয়ে জেল সুপারিন্টেন্ডেন্ট মিঃ পোতনুকে একটা চিঠি দিয়েছিলাম।

চিঠি পেয়ে মিঃ পোতনু ভয় পেয়ে গভর্নমেন্টকে সব জানালেন। কিছুদিন পরে এই সত্যগ্রহীদেরও আমাদের পাওয়া সব স্বখস্ববিধে মিললো। এমনি ভাবে জেলের বাকী দিনগুলো আমরা একসঙ্গে কাটালাম।

জেলে সকালবেলা স্নান সেরে কফি খাওয়ার পর দু'ঘণ্টা বসে লিখতাম। ওয়েল্‌স-এর 'পৃথিবীর ইতিহাস' বইখানির অঙ্করণে মালয়ালমে একখানি ইতিহাস লিখবো বলে ঠিক করে তা আরম্ভ করলাম। বেশ কিছুটা লিখেও ছিলাম কিন্তু তা শেষ করতে পারি নি। এর অন্ত সরকারী দ্রষ্টব্য বই জিব্রাল্টার লাইব্রেরী থেকে পেয়েছিলাম। 'বন্ধন থেকে' এই বইটি জেলে বাস করবার সময় লিখেছিলাম। দুপুরে ভাত খাওয়ার পর একটু বিশ্রাম করে বই পড়তাম—নানা রকমের বই। সন্ধ্যাবেলায় নিয়মিত প্রার্থনা সভায় যোগ দিতাম। কৃষ্ণস্বামী অষ্টপদী শ্লোক আওড়াতে। কয়েকটি ভক্তি সঙ্গীতও পাওয়া হতো। তারপর রাতের খাওয়া শেষ করে জেলের ভেতরের কম্পাউণ্ডে একটু ইঁটাটাটি করতাম। ন'টার সময় শুতে যেতাম। এই ছিল আমার দৈনন্দিন রুটিন।

জেলে বাস করার সময় অন্ত কোনো অস্ববিধা ভোগ করতে না হ'লেও আমার দংসারের কথা ভেবে আমি বড় চিন্তায় থাকতাম। দংসারের আর নেই বলে আমার পরিবার আর্থিক কষ্টে পড়বে বলে শুধু নয় আমার আদর্শ এবং কর্মে এতটুকু সহায়ত্ব

না থাক। কিছু আত্মীয়স্বজনের কথাবার্তার খোঁচা তাদের স্বস্তি দেবে না এই ভয় আমার ছিল। আমাকে সাশুনা দেবার জন্তে আমার স্ত্রী লক্ষ্মী আমাকে লিখেছিল যে এমন ভাবে কেউ তাদের কিছু বলেনি তবুও আমার শ্রিয়তম স্ত্রীর তখনকার অভিজ্ঞতা আমি খুব ভালোভাবেই অনুভব করতে পারতাম। আমার বন্দী হবার বেশ কিছুদিন পরে লক্ষ্মী আমাকে লিখেছিল।

—তোমার এই জেলে যাওয়ার একটা বিপদ বলে মনে করি না। আমার প্রথম চিঠিতে ‘ত্রিবাঙ্গায় জেলে’র ঠিকানায় আমাকে চিঠি লিখতে হবে একথা আমি স্বপ্নেও ভাবিনি’ একথা আমি সেজন্ত লিখি নি। ব্রিটিশ সরকার তোমাকে গত তিনবছর ধরে বন্দী করার জন্তে নানা রকম চেষ্টা করেছেও পারে নি। সেই অবস্থায় ত্রিবাঙ্গুর সরকার এত সহজে তোমাকে বন্দী করে ফেললো দেখে আশ্চর্য লাগছে। আমার প্রথম চিঠিতে তাই অমন ভাবে লিখেছিলাম।

তোমার আংটি চিন্নানু দিয়ে গেছে (আমাকে অ্যারেস্ট করার আগের দিন আমি আংটিটা আমার ভাই-এর হাত দিয়ে লক্ষ্মীর কাছে পাঠিয়ে দিই)। আংটি পেয়ে আমার মনে যে কি কষ্ট হ’রেছিল তা আমি তোমাকে বলে বোঝাতে পারব না। আংটিটা বান্ধে রাখিনি। হাতে পরেছি। এটা সব সময় আমার চোখের সামনে রয়েছে এইটাই এখন আমার সাশুনা।

অফিস থেকে তোমার ফেরার সময়, ভাত খাওয়ার সময় আর চা তৈরী করার সময় বড় কষ্ট হয়। তেল মেখে চান করতে পাচ্ছ এবং তোমার প্রতিদিনের কাজকর্মে কোনো ব্যাধাত পড়েনি জেনে আশস্ত হলাম। আমার খুব ইচ্ছে তোমার সঙ্গে গিয়ে দেখা করি কিন্তু আমাকে ছেলেমেয়েরা কি একা যেতে দেবে? আমরা যদি সকলে একসঙ্গে আসি তাতে অনেক পরশা খরচ হবে—সে পরশা কোথায়? একা এসে তোমাকে দেখে একা ফিরে আসার সাহস আমার নেই।

এই চিঠির অন্ত খানিকটা অংশও লিখছি। সর্দার কে. এম. পানিকর ভৈকম সত্যগ্রহের ব্যাপারে খুব উৎসাহ দেখিয়েছিলেন। তাঁর কাছ থেকে আমার স্ত্রী একটা চিঠি পেয়েছিল। সেই চিঠির কথাই এই অংশে লেখা ছিল।

—কে. এম. পানিকরের চিঠি আজ পেলাম। তোমার জেলে যাওয়ার ব্যাপারে তিনি খুবই দুঃখিত। আমাদের সব দুঃখকষ্টের কথা তিনি বুঝতে পারছেন। অন্ততসরে গিয়ে পড়েছিলেন বলে ভৈকম সত্যগ্রহে যোগ দিতে পারেন নি। তিনি যদি আমাদের জন্ত কিছু করতে পারেন তাহলে খুবই হবেন এই সব লিখেছেন।

আমার বড় মেয়ে চেন্নাম্মাও আমাকে মাঝে মাঝে চিঠি দিত। তার চিঠি থেকে

ভৈকম সত্যাগ্রহের ব্যাপারে কারো কারোর মনোভাব জানা সম্ভব হ'য়েছিল।

1924 সালের 15ই মে গুর চিঠির অংশ থেকে কিছুটা তুলে দিচ্ছি—দুদিন আগে অমুক বাবু এসেছিলেন। তিনি বলছিলেন যে বাবা এসবের মধ্যে না গেলেই ভালো করতেন। আমি তাঁর সঙ্গে অনেকক্ষণ তর্ক করলাম। অন্তেরা ব্যাপারটা ঠিকঠাক বুঝলে বুঝতে পারে কিন্তু অমুকবাবু কিছুতেই বুঝবেন না। কেউ কেউ বলছেন যে ভৈকমের অবস্থা এরকম হলে তোমাদের চেষ্টা সফল হতে অনেক দিন লাগবে। তোমার কি মনে হয়? তোমার চেষ্টা যাতে সফল হয় তার জন্ত আমি ভগবানের কাছে প্রার্থনা জানাচ্ছি।

তখন চেন্নাম্মার বয়স মাত্র 15 বছর ছিল।

ত্রিবাঙ্গাম জেলে আসার দু'মাস পরে আমার স্ত্রী, ছেলে আর ছোট মেয়ে লীলা আমার সঙ্গে দেখা করতে এসেছিল। সুপারিন্টেন্ডেন্টের অফিসে বসে তাদের সঙ্গে দেখা হ'ল। অফিসে পৌঁছেই আমি আমার ছোট মেয়ে লীলাকে কোলে তুলে নিলাম। আমি যে জেলে আছি সে কথা তুলেই গেলাম। দু'ঘণ্টা আমি আমার পরিবারের সঙ্গে ছিলাম। সময় হ'য়ে যাবার পর তারা যখন বিদায় নিল তখন তারা না এলেই ভালো হতো বলে আমার মনে হলো।

একদিন দুপুরবেলা খাওয়ার সময়ে জেলের ভেতর থেকে একটা আর্ন্ত চাঁৎকার শুনতে পেলাম। প্রচণ্ড মারের শব্দ আর তার সঙ্গে এক হতভাগ্যের করণ চাঁৎকার। আমি আর শুনতে পারলাম না। একজন কয়েদীকে কি একটা অপরাধে হাত পা বেঁধে মারা হচ্ছে। গুণ্ডা, সমাজদ্রোহী, চোর ছাঁচড়দের শাস্তি দেওয়া উচিত ঠিকই কিন্তু তা বলে হাত পা বেঁধে একটা লোহার দাঁড়া দিয়ে মারার প্রথা বন্ধ করা উচিত বলে আমার মনে হ'ল। কোনো কোনো কয়েদীকে কোনরকম শাস্তিতেই শাস্তি দেওয়া যায় না, তাই তাদের মেরে শাস্তি দেওয়া উচিত বলে বলা হয়। আমাদের জেলগুলি আজও শাস্তির জায়গা। মাহুশকে সংশোধন করার চেষ্টা সেখানে কম। এই ব্যাপারে পশ্চিমের দেশগুলি নানা পরীক্ষা নিরীক্ষা করেছে। আমাদের তা অনুকরণ করা উচিত। মারধোর করা একটা রোগের মত হ'য়ে দাঁড়িয়েছে। অজ্ঞান অহুঁখের মতো এরও চিকিৎসার দরকার। এই কথা মনে রেখে আমাদের জেলগুলির সংস্কার করা উচিত।

ভৈকম সত্যাগ্রহ এই সময় সর্বভারতীয় খ্যাতি লাভ করেছিল, তামিলনাড়ুর রামস্বামী নায়কার ভৈকমে এসে সত্যাগ্রহে যোগ দিয়ে ত্রিবাঙ্গাম জেলে এলেন। শ্রী শ্রীনিবাস আরেকদার, স্বামী অরুণানন্দ প্রভৃতি নেতারা জেলে আমাদের সঙ্গে দেখা করতে এসেছিলেন। পাঞ্জাব থেকে একদল আকালী ভৈকমে এসেছিলেন। ভারতের নানা

জায়গা থেকে রোজ অসংখ্য লোক ভৈকমে আসতো। পুলিশ তখন সত্যাগ্রহীদের জেলে পোরা বন্ধ করলো। চাতুকুটি নারায় হুঁদিন হুঁরাত রাস্তায় বসে অনশন করে জ্ঞান হারিয়ে ফেললে ডাক্তারদের সহায়তায় তাকে যখন হাসপাতালে নিয়ে যাওয়া হলো তখন লোকে খুবই উত্তেজিত হ'য়ে পড়েছিল। এই ঘটনার ভৈকম সত্যাগ্রহ যেন নতুন করে জীবন পেল।

অপ্রত্যাশিত একটা ঘটনা সে সময় ঘটলো। ত্রিবাঙ্কুরের মহারাজা শ্রীমূলম তিরুনালা দেহ রাখলেন। তাঁর ছেলে চিত্তিরা তিরুনালা অগ্রাপ্তবয়স্ক ছিলেন বলে মহারানী লক্ষ্মীবান্দি শাসন পরিচালনা নিজের হাতে নিলেন। মহারাজার নির্বাণে সত্যাগ্রহী বন্দীদের মুক্ত করে দিতে মহারানী ঠিক করলেন।

একদিন সকালে খবর পেলাম যে আমাদের জেল থেকে ছেড়ে দেওয়া হবে। পাঁচ মাস এত আরাম করে থাকার জায়গা ছেড়ে যাচ্ছি বলেও এতটুকু দুঃখ হ'ল না। সুপারিন্টেন্ডেন্ট ও জেলের অফিসারদের ধন্যবাদ দিয়ে আমরা জেলের বাইরে এলাম। আমি সেইদিনই ভৈকমে রওনা দিলাম। আমাদের অভিযর্থনায় আরোজিত ভৈকমে এক জনসভায় যোগ দিয়ে পরদিন পালঘাট রওনা হলাম।

আমাদের জেল থেকে ছাড়লেও ভৈকম সত্যাগ্রহ বন্ধ হয় নি। এই সময় গান্ধীজী ভৈকমে এলেন। এখানে এসে অনেকের সঙ্গে কথা বলে তিনি সরকারের সঙ্গেও কথা বলতে তৈরী হ'লেন। খুশান মুসলমানেরা যে রাস্তা দিয়ে হেঁটে যেতে পারে সেই রাস্তায় সব হিন্দুরা জাতি নির্বিশেষে হাঁটতে পারবে বলে তিনি ঠিক করলেন। তবে সর্ব হিন্দুদের মন্দিরের আশেপাশে অবর্ণ হিন্দুদের প্রবেশ করতে দেওয়া উচিত বলে সত্যাগ্রহীরা জোর করতে পারবে না বলে ঠিক হলো, সেই মত 'অস্পৃশ জাতিদের এ রাস্তা দিয়ে যাতায়াত নিষিদ্ধ' বলে লেখা বোর্ডটি উঠিয়ে নেওয়া হ'ল। সত্যাগ্রহও উঠিয়ে নেওয়া হ'ল। এইভাবে ভৈকম সত্যাগ্রহ যে উদ্দেশ্যে করা হ'য়েছিল তার একটা সমস্তার সমাধান হলেও অস্পৃশতা দূর করা সম্ভব হ'ল না। গান্ধীজীর উপদেশ মত এর জন্ত চেষ্টা অব্যক্ত আমরা করে চললাম।

ভৈকম থেকে ত্রিবাঙ্কুর পর্যন্ত সর্ব হিন্দুদের একটা শোভাযাত্রা বের করবো বলে আমরা ঠিক করলাম। তার জন্তে সব রকম আরোজন আমরা খুব তাড়াতাড়ি করে ফেললাম। আমাদের এই শোভাযাত্রা পথের সব জায়গা থেকে বিপুল অভিযর্থনা পেলো। পথে মাঝে মাঝে জনগণ্ডাও করা হ'য়েছিল। এক একটা জায়গায় শোভাযাত্রা উপস্থিত হলে সেখানে নতুন নতুন লোকেরা এই শোভাযাত্রার যোগ দিচ্ছিল। এমনি ভাবে আর একটা শোভাযাত্রা উত্তর নাইডুর নেড়ুখে নাগরকোবিল থেকে বেরোলো।

জিবাশ্রামের সমুদ্র সৈকতে আহুত এক বিরাট জনসভায় অস্পৃশ্যতা সম্মলে উৎপাটিত করার ব্যবস্থা গ্রহণ করার জন্তে গভর্নমেন্টের কাছে আবেদন জানিয়ে একটা প্রস্তাব পাশ করা হলো। সর্ব হিন্দুদের একটা প্রতিনিধি সঙ্ঘ মহারানীর সঙ্গে দেখা করে 25000 হাজার সর্ব হিন্দুদের সহি করা একটা বিরাট আবেদন মহারানীর হাতে দেয়।

ভৈকম সত্যাগ্রহ প্রায় কুড়ি মাস ধরে চলেছিল। এই সত্যাগ্রহ শুধু কেরলেই নয়, ভারতের অন্যান্য প্রদেশেও অস্পৃশ্যতা নিবারণ করে সর্ব হিন্দুদের আত্মমর্যাদা ফিরিয়ে আনার ভিত্তি তৈরী করেছিল। এই সত্যাগ্রহের ফলে একটা নতুন সমাজ ব্যবস্থা সৃষ্টি করার আবহাওয়া তৈরী হ'য়েছিল। কেরলে কংগ্রেসের কাজের গৌরবজনক ইতিহাসে ভৈকম সত্যাগ্রহ এক উদ্দীপনাময় অধ্যায়।

বাইশ অপ্রত্যাশিত দুর্দৈব

“দেশের সেবার যারা আত্মনিয়োগ করেছে তারা কখনো সখনো হঠাৎ ফুলের মালা পায় কিন্তু অনেক সময় তাদের বহু খারাপ অভিজ্ঞতা হয়, সে কথা অল্পেরা জানতে পারে না”— একথাগুলো একবার পোপাল কৃষ্ণ গোথলে বলেছিলেন। অনেক হতাশার সময় তাঁর এই কথাগুলো আমার মনে উদয় হতো। দেশের কাজে আত্মনিয়োগ করা জীবন সুখের জীবন নয় আমি জানি, কিন্তু তা সত্ত্বেও ব্যাখ্যা করা যায় না এমন একটি শক্তি আমাকে এই দিকে আকর্ষণ করেছিল।

জেস থেকে বাড়ী আসার পর আত্মীয়স্বজনদের কাছ থেকে যে সব কটু কথা শুনতে হ'য়েছিল সে সম্বন্ধে আমার স্ত্রী আমাকে বলল। “কত টাকা খরচ করে পড়িয়েছি। কত কি যে আঁপা ওর কাছ থেকে ছিল, আর এখন আসছে জেলের কয়েদী হয়ে। যারা স্ত্রীকে সম্মানকে ভালোবাসে তারা কি এমন কাজ করতে পারে? সে যে এমন কাজে এগিয়ে গেলো স্ত্রী পুত্র পরিবারের কথা একবার চিন্তাও করলো না। কারা তাদের ভার বহিবে বলে সে ভেবেছে?” খুব কম দিনই গেছে যখন আমার স্ত্রীকে এই ধরনের কথাবার্তা শুনতে হয় নি। সংসার চালানোর ক্ষেত্রে আমার স্ত্রীর অপরের কাছে হাত পাততে হয়েছিল। সাহসনা দেবার কেউ সেখানে ছিল না। দেশের সেবার যারা আত্মনিয়োগ করেছে তাদের আত্মত্যাগের কথা আমরা বলে থাকি, কিন্তু তাদের পরিবারেরা যে কতখানি আত্মত্যাগ করে সে কথা কি আমরা কেউ মনে রাখি? বিরাট ত্যাগ তারাই কি করে না?

1921 সালের অসহযোগ আন্দোলনে বোঁগ দেবার জন্ত ওকালতি ছেড়ে আমি কালিকটে এলে পর কিছুদিন কটেমুটে সংসার চালানোর মত টাকা আমার হাতে ছিল। টাকা পরশা আমি খুব সাবধানে খরচ করতে পারি না। টাকা পরশার যে দরকার নেই তা ভেবে নয়, আমি টাকা রাখার অনেকবার চেষ্টা করেছিলাম। হিসেব রাখা, পাই পরশা গোণা, কি কি খরচ হ'তে পারে সে সম্বন্ধে ভেবে রাখা সবই আমি করেছি। কিন্তু এমনি ভাবে কিছুদিন চলার পর আমি আবার আমার আগেকার খড়াবে ফিরে যেতাম। রাজনীতিতে বোঁগ দেবার পর অনেকবার টাকা পরশার ব্যাপারে আমাকে খুব চিন্তা করতে হয়েছিল। কেমন করে সংসার চালানোর পরশা জোগাড় করবো?

ত্নী পুত্র পরিবারকে দেখাশোনার দায়িত্ব কি আমার নয়? অত্যাচার্ কৰ্তব্যও কি আমার নেই— এই সব চিন্তা আমাকে খুবই উদ্বিগ্ন করতো, কিন্তু তখন ‘কোন একটা উপায় বার হবেই’ বলে মনকে সাহসনা দিয়েছি।

যে সব উকীল ওকালতি বন্ধ করে দেশের কাজে যোগ দিয়েছিল তাদের সাহায্যের জন্য কংগ্রেস কোষাধ্যক্ষ স্বমুনালাল বাজাজ এক লক্ষ টাকার একটা ফাণ্ড আলাদা করে রেখেছিলেন। সেই ফাণ্ড থেকে প্রত্যেক মাসে আমি 100 টাকা পেতাম। গান্ধীজীও প্রত্যেক মাসে আমাকে 100 টাকা করে পাঠাতেন। প্রায় একবছর এই রকম ভাবে চালিয়েছি। 1922 সালের মার্চ মাসে গান্ধীজী জেলে গেলে পর এই অবস্থার পরিবর্তন হলো। বাজাজ ফাণ্ডের টাকা শেষ হ’য়ে গিয়েছিল। গান্ধীজী আমাকে যে টাকা পাঠাতেন তাও পাওয়া বাজিল না। তাঁর জেলে যাবার পর দু’ তিন মাস মাত্র টাকাটা পেয়েছিলাম। তারপর আর পাইনি। হাতে তখন টাকাও নেই, কোন সঞ্চয়ও নেই। খরচও বন্ধ করা যায় না। দরকার মেটাতে হবে। এমন সময়ও গেছে যখন আমার কাছে আট আনা পয়সা পর্যন্ত ছিল না। সে সব কথা মনে পড়লে এখন আমি শিউরে উঠি।

এই সময় একবার এর্পাকুলমে কেরল কংগ্রেস কমিটির একটা সভা হয়। এই সভাটা খুবই জল্পরী ছিল। আমি কেরল প্রদেশ কংগ্রেস কমিটির সেক্রেটারী ছিলাম বলে এই সভায় না গিয়ে আমার উপায় ছিল না। অথচ আমার হাতে তখন মাত্র দুটো টাকা ছিল। সে টাকা দুটি নিয়ে আমি গেলে বাড়ীতে খরচের একটা পয়সাও থাকবে না। এমনি ভাবে উভয়সকটে যখন পড়েছি তখন হঠাৎ একটা পথ দেখতে পেলাম। কান্নাই থেকে ত্রিচূর অবধি টিকিট কিনলাম তাতে এক টাকা ক’ আনা পড়লো। বাকী খুচরো বাড়ীতে পাঠিয়ে দিলাম। নীলকণ্ঠ নান্দুতিরিগাড্ তখন রাজ্য কংগ্রেস কমিটির কার্যকরী সমিতির সদস্য ছিলেন। তিনিও এই গাড়ীতে ত্রিচূর থেকে এর্পাকুলম যাবেন। ত্রিচূরে পৌছে সেখান থেকে এর্পাকুলম অবধি টিকিট তাঁকে দিয়ে কাটাবো ঠিক করলাম। সেই মত কাজও হলো। টিকিটের চেয়ে বেশী দরকার ছিল কফি খাওয়া। তার জন্তেও নান্দুতিরিগাডের উদারতার আশ্রয় নিলাম। এর্পাকুলম থেকে কালিকটেও এই ভাবে ফিরলাম।

দিল্লী, কলকাতা অথবা অন্য কোন জায়গার সর্বভারতীয় কংগ্রেস কমিটির মিটিঙ হ’তো। তাতে যেতে হ’লে অনেক খরচ। প্রত্যেকবার কংগ্রেস কমিটির মিটিঙে যোগ দেবার সময় কোনো উদার বন্ধুর কাছে হাত পাতা একটা নিয়ম হ’য়ে দাঁড়িয়ে গিয়েছিল। হ’একবার চাইলে তারা খুশী মনে দিত। কিন্তু বারবার তাদের টাকার জন্তে বিরক্ত করলে তারা নিশ্চয়ই মনে মনে আমাদের গালাগালি দিত। কিন্তু

আমাদের আর কোনো উপায় ছিল না। তবে টাকা চেয়ে খালি হাতে কোনো দিন ফিরে আসিনি। সেই সময়কার একটা অভিজ্ঞতার কথা এখানে বলছি।

সংসারের খরচের জন্ত সেদিন আমার হাতে একটাও পরস্যা ছিল না। যথা নিয়মে ‘মাতৃভূমি’ অফিসে এলাম। বাড়ী ফিরে যাবার সময় কিছু হাতে নিয়ে যেতে পারবো বলে ভেবেছিলাম। বাড়ীতেও তাই বলে আমি অফিসে এসেছিলাম। কাজ করতে করতে মাঝে মাঝে পরস্যার কথা মনে হচ্ছে। পিওন এলে পর পরস্যা কিছু পাওয়া গেছে কিনা বলে খোঁজ করলাম। ২২ টাকা পাওয়া গেছে বলে ম্যানেজার আমাকে বলেন। সে টাকার কাগজ ষ্ট্যাম্প ইত্যাদি কিনে বাকী পরস্যা কম্পোজিটারদের দেওয়া হয়েছে। শুনে আমি খুব নিরাশ হয়ে গেলাম। খালি হাতে কি করে এখন বাড়ী ফিরি? এই ভাবে তিন ঘণ্টা কেটে গেল। দুপুরে খাওয়ার জন্তে বাড়ী ফেরার সময় হয়ে এল। রান্না কিছু হয়েছে কিনা তাও জানি না। খুব শক্ত মনে আমি রিক্সার চড়লাম। তখন পিওন আসছে দেখতে পেলাম। ডাক দেখে বাড়ী ফিরবো ভেবে আবার অফিসে ফিরলাম। সেদিনকার চিঠিগুলোর মধ্যে একটা খাম খুলে দেখি তাতে ১০০ টাকার একটা নোট আর একটা চিঠি—“আপনি খুব কষ্টে পড়েছেন তা আমি জানতে পেরেছি। হতাশ হবেন না। টাকা আরো পাবেন। এখন এই টাকাটা পাঠাচ্ছি”—এই ছিল চিঠির সংক্ষিপ্ত বক্তব্য। কে যে টাকাটা পাঠিয়েছে তা তখন জানতে পারিনি, পরে অবশ্য জানতে পেরেছিলাম। এই চিঠি আর টাকা পেয়ে আমার কি আনন্দ যে হলো। এই টাকা থেকে কিছুটা আমার সহকর্মীদের এবং কিছু অফিসের জরুরী দরকারে দিলাম। বাকী টাকাটা নিয়ে আমি বাড়ী ফিরলাম।

সেদিন যদি আমি ঐ টাকাটা না পেতাম তাহলে আমার অবস্থা যে কি শোচনীয় হ’ত তা আমি নিজেই জানতাম। ঠিক এই সময় কি ক’রে যে টাকা পাঠাবার কথা সেই বন্ধুটি ভেবেছিলেন তা আজো আমার অজ্ঞাত। এই ধরনের অভিজ্ঞতা শুধু একবার নয়, অনেকবারই হয়েছে। এই সব অভিজ্ঞতা থেকে আমার মন সেই পরম শক্তির দুজ্জের রহস্যের কাছে বারবার মাথা নীচু করেছে এবং আমি যে সম্পূর্ণ একা নই এই বিশ্বাস আমাকে সংকটের মুহূর্তগুলি পার হতে সাহায্য করেছে।

জী এবং ছেলোমেয়েদের নিয়ে আমি পালঘাট থেকে কালিকটে এলাম। কিছুদিন পরে ভৈকম থেকে জিবাঙ্গ্রামে সর্ব হিন্দুদের শোভাযাত্রা পাঠানোর ব্যবস্থা করার জন্ত আবার আমাকে ভৈকম আসতে হলো। শোভাযাত্রার সঙ্গে জিবাঙ্গ্রাম অবধি যাবো বলে ঠিক করেছিলাম আর তখন “জীর খুব অসুস্থ, জীজ কালিকটে আছেন” বলে একটা তার পেলাম। আমি তদুপস্থি কালিকট রওনা হলাম।

প্রবল জরে আক্রান্ত শীর্ণ শারিত্রীকে দেখে এটা সাধারণ জ্বর নয় বলে আমার সন্দেহ হ'লো। বেশ কিছুদিন ডাক্তার আমাকে রোগটা কি বলেন নি। পরে একদিন বলেন,—আমার সন্দেহ ঠিক জেনে আপনাকে বলবো ডেবোঁছলাম। আপনায় জ্বর ক্ষয়রোগ হয়েছে। আর একটুও দেরী না করে মাত্রাজে নিয়ে গিয়ে ওঁনার চিকিৎসা করানো ভালো বলে আমি মনে করি।

একটুও দেরী না ক'রে মাত্রাজে চিকিৎসা করাতে ডাক্তার উপদেশ দিলেন। কিন্তু সেটা কি ক'রে সম্ভব হবে? রোজকার সংসার চালাবার খরচ জোগাড় করতে গিয়ে আমি হিমসিম খেয়ে যাচ্ছি, তার উপর মাত্রাজে বাবার পথের খরচ, সেখানে থাকার, চিকিৎসা করার খরচ কি করে আমি জোগাড় করবো? আর চিকিৎসা না করিয়ে রোগীকে কালিকটে রেখে দেবই বা কি করে? কিছু টাকা আমার শস্তর নিয়ে এলেন কিন্তু তা খুবই কম। - হাতে টাকা না নিয়ে বেরোবই বা কি করে? কিন্তু বেরোতে হবেই। মাত্রাজে পৌঁছে অল্প সব কিছু ভাববো ঠিক করে আমি যাত্রার দিন ঠিক করলাম। রওনা হবার আগের দিন একটা সেকেণ্ড ক্লাশ কামরা রিজার্ভ করা হ'য়েছে বলে আমার এক বন্ধু আমাকে জানালেন। এ খবর পেয়ে আমি হাঁক ছেড়ে বাঁচলাম। পরের দিন আমাদের বিদায় দিতে অনেক বন্ধুবান্ধব ষ্টেশনে এলেন। গাড়ী ছাড়ার সময় একজন শেঠ আমার হাতে একটা খাম দিলেন। গাড়ী ছাড়ার পর খামটা খুলে দেখি তার মধ্যে 400 টাকার নোট। আমি হ'বার গুণে দেখলাম। খামটা হাতে নিয়ে অসহায় ভাবে শুয়ে থাকা আমার জীব দিকে তাকিয়ে নিজের অজান্তে আমার চোখ দিয়ে হুঁফোঁটা জল গড়িয়ে পড়ল।

অদৃশ্য এক বিধাতার নিয়ন্ত্রণে আমরা নিয়ন্ত্রিত একথা প্রায়ই আমার মনে হয়। কখন কোন দিক থেকে যে আঘাত আসবে সে কথা আমরা কেউ বলতে পারি না। তবু জলের স্রোতে মিশিয়ে বয়ে যাওয়া খড়কুটোর মত মানুষ অসহায় নয় একথা আমার মনে হয়। অনেক বিপদ আসে বা আমাদের নিয়ন্ত্রণের বাইরে। তার জন্তে আমাদের কষ্ট সহ্য করতে হয়। আবার আমাদের প্রচেষ্টার দ্বারা কতকগুলো জিনিস অর্জন করা এবং কতকগুলো জিনিস বর্জন করা আমাদের পক্ষে সম্ভব। এ আমার নিজের অভিজ্ঞতা থেকেই আমি জানি। আমাদের জীবনের যাত্রাপথে সবচেয়ে দরকার হচ্ছে দৃঢ় বিশ্বাস এবং কতকগুলো মৌলিক নীতিকৈ শক্ত করে আঁকড়ে ধরে রাখা। এই নীতিগুলোর ধারণা এক একজনের কাছে এক একরকম। আমি অনেক বন্ধু পেয়েছি কিন্তু আমার দরকারে আমি তাদের কাছে লাগাতে চাই নি, তাই বোধহয় আমার উপর তাদের ভালোবাসা কমেই এক অপ্রত্যাশিত ভাবে তাদের সাহায্য পেয়েছি।

বকনা, নিষ্ঠুরতা, স্বার্থপরতা, মিথ্যা আমি অনেক দেখেছি। তেমনি ভাবে সত্যনিষ্ঠা, দয়া, করুণা, সত্যতা, নিঃস্বার্থপরতা এবং অসীম স্নেহ আমি দেখেছি। এই দু'ধরনের লোক অবশ্য পৃথিবীতে কম। অধিকাংশ লোকই এই দুই দলের বাইরে। সাধারণ মানুষ নিষ্ঠুর অথবা আত্মত্যাগী নয়। তার স্বার্থে যাতে আঘাত না লাগে তেমনি ভাবে সে অন্তদের সঙ্গে সম্পর্ক গড়ে তুলতে চায়। তারা অপরের কতি করতেও চায় না, ত্যাগের জন্তও প্রস্তুত নয়।

পাঁচ মাস আমি মাদ্রাজে ছিলাম। কয়রোগের চিকিৎসা এবং ওষুধ আজকের মতো তখনকার দিনে অত সহজ ছিল না। ডাক্তার কেশব পাই ছিলেন তখনকার দিনে মাদ্রাজের বিখ্যাত কয়রোগ চিকিৎসক। আমার দেওয়া পারিশ্রমিক হিসাবে তিনি আমার জ্বর চিকিৎসা করেন নি। ওকালতি ছেড়ে দিয়ে রাজনৈতিক কাজে নামা একজন লোক বলে বোধহয় তিনি আমার ওপর এত দয়াদাক্ষিণ্য দেখিয়েছেন। আমার জ্বর স্বাস্থ্য ভালো থাকলে আমি মাঝে মাঝে এক একটা দরকারে মাদ্রাজের বাইরে যেতাম। এমনি ভাবে একবার আমি চাতুকুটী নারায়কে সঙ্গে নিয়ে মাতৃভূমির শেয়ার জোগাড় করতে কোলারে গিয়েছিলাম। কোলারে তখন বহু মালমালী কর্মচারী ছিলেন, তাই শেয়ার জোগাড় করতে আমার একটুও অসুবিধা হয়নি। লিফটে করে স্বর্ণ খনির ছ'হাজার ফুট নীচে নেমে সোনার শিলাগুলো কেটে ওপরে ওঠানো, শিলা গুঁড়ো করে তার থেকে সোনা সংগ্রহ করে তা গলিয়ে সোনার বাট করা সব আমরা দেখেছিলাম। এক সপ্তাহ পরে আমরা মাদ্রাজ ফিরে এলাম।

এই সময় কেরলের অস্পৃশ্যতা নিবারণী আন্দোলনের বিষয়ে বিশেষ করে ভৈকম সত্যাগ্রহের কথা জানবার জন্তে রেভারেণ্ড অ্যাণ্ড্‌ জু জিবাঙ্কুরে এসেছিলেন। পথে দু'তিন দিন তিনি মাদ্রাজে ছিলেন। আমি মাদ্রাজে আছি জানতে পেরে ঠেশনে তাঁর সঙ্গে দেখা করবার জন্ত একটা তার তিনি আমাকে পাঠিয়েছিলেন। আমাকে দেখে বলেন যে ভৈকম সত্যাগ্রহের সন্ধে তিনি কিছু বিবরণ সংগ্রহ করতে চান, তাই আমি যদি মৈলাপুরে তাঁর আবাসস্থলে একবার আসি তাহ'লে ভাল হয়। এর সঙ্গে তিনি আমাকে ছপুরে খাওয়ার নিমন্ত্রণও করলেন। বেলা 12টার সময় আমি মৈলাপুরে গেলে পর অ্যাণ্ড্‌ জু সেখানে ছিলেন না। ওখানকার লোকদের বলে গেছেন শীঘ্র ফিরবেন। 1টা বাজার সময়ও তাঁর দেখা নেই। আমার তখন খুব খিদে লেগেছে। প্রায় দুটোর সময় ঘেমে নেয়ে অ্যাণ্ড্‌ জু সেখানে এলেন। আমাকে দেখে বলেন,—‘আপনাকে অনেকক্ষণ বসিয়ে রেখেছি। এত দেরী হবে আমি তা ভাবতে পারিনি। আপনি একটু বসুন আমি এতুনি খেয়ে আসছি।’

আমাকে যে তিনি খেতে বলেছেন তা ভুলে গেছেন। কি যে করবো তা আমি ভেবে পেলাম না। এদিকে এত খিদে পেয়েছে যে চূপ করেও থাকতে পারছি না। “মি: অ্যাণ্ড্রুজ আপনি আমাকে যে খাবার নিমন্ত্রণ করেছিলেন তাকি ভুলে গেলেন”— আমি একথা বলতেই অ্যাণ্ড্রুজ কি রকম যেন হয়ে গেলেন। “ইস, কি লজ্জার কথা দেখুন তো, হাজার বার আপনার কাছে ক্ষমা চাইছি। চলুন খেয়ে আসি” বলে আমাকে সঙ্গে নিয়ে তিনি খেতে চললেন। ঝাণ্ডা দাওয়ার পর দু’ঘণ্টা তাঁর সঙ্গে কথাবার্তা বজায়। সেই যে আমাদের শেষ দেখা একথা আমি ভাবতেই পারিনি। আমরা অবশ্য পরস্পরকে চিঠি লিখতাম, কিন্তু এর পরে তাঁর সঙ্গে আর দেখা হয়নি। সিঙ্গাপুরে থাকাকালীন তাঁর মৃত্যুর খবর পেয়েছিলাম। সিঙ্গাপুরে ভারতীয়দের এক জনসভায় অ্যাণ্ড্রুজের ব্যক্তিত্ব, তাঁর বিশাল হৃদয়ের কাছে শেষবারের মত অঞ্জলি সমর্পণ করেছিলাম।

চার পাঁচ মাস একটানা মাস্ত্রাজে থাকতে হ’য়েছিল বলে আমাকে মাতৃভূমির সম্পাদকের পদ ত্যাগ করতে হয়। মাতৃভূমির পাঠকদের কাছ থেকে বিদায় নিয়ে আমি 1925 সালের 31শে জাহুয়ারী সম্পাদকীয়তে এইভাবে লিখেছিলাম—তিন বছর পূর্ণ না হওয়া শিশুর কাছ থেকে বিদায় নেবার সময় পিতার মনে যে দুঃখ বোধ হয়, মাতৃভূমির কাছ থেকে বিদায় নিতে গিয়ে তার চেয়ে কম বেদনা আমি বোধ করছি না। আমার সব রকম দ্বন্দ্বকষ্ট আমি ভুলে যেতাম যখন মাতৃভূমির কাজে নিজেকে ডুবিয়ে রাখতাম। মাতৃভূমির কাজ করে যাবার ভাগ্য থাকলে তার জন্য আমি নিজেকে কৃতার্থ মনে করতাম। নিজের দেশবাসীর মধ্যে স্বাধীনতা বোধ, ভ্রাতৃত্ব বোধ এবং আত্মমর্দাদা বাড়িয়ে তোলার স্বযোগ পেলে যে কোন ভারতবাসীই তাকে ভাগ্য বলে মনে করবে। কারোর কারোর সারা জীবন দেশের সেবার কাঁটে, তারা ভাগ্যবান। কিন্তু এমন হতভাগ্যও আছে যাদের কপালে দেশকে সেবা করার স্বযোগ ঘটে না। আমি তাদের মধ্যে একজন। আমাকে আজ যে মাতৃভূমি ছেড়ে চলে যেতে হচ্ছে তার কারণগুলো খুবই গভীর। সম্পাদকের পদ ত্যাগ করছি বলে কাগজের সঙ্গে সব সম্পর্ক চূকে গেছে এ যেন কেউ মনে না করেন। মাতৃভূমির জন্য যে কলম ব্যবহার করেছি তা আমি সর্বদা ব্যবহার করবো। সম্পাদকের দায়িত্ব থেকে অব্যাহতি নেওয়া ছাড়া কাগজের সঙ্গে আর সব সম্পর্ক থাকবে। শুধু তাই নয় সম্পাদকের দায়িত্ব নেই বলে মাতৃভূমিকে সাহায্য করবার বেশী স্বাধীনতা আমার এখন থাকবে। তিন বছর আগে একটা মহৎ রাজনৈতিক আন্দোলনের সময় মাতৃভূমি জন্ম নেয়। আজ মাতৃভূমি কেবলে একটা বিরাট প্রতিষ্ঠান হ’য়ে দাঁড়িয়েছে। কেবলে এবং কেবলের বাইরের মাগয়ালীরা

মাতৃভূমিকে সাহায্য করবার জন্ত সশা প্রস্তুত, এ আমি দেখছি। মাতৃভূমি সাপ্তাহিকের প্রচার বাড়াতে বোঝা যাচ্ছে যে পাঠকদের এর উপর প্রীতি বাড়ছে। পারিভ্রমিক না বাড়ালেও, নিজের সুবিধা অসুবিধার কথা না ভেবে দিনরাত মাতৃভূমির জন্ত যারা খেটে এসেছেন এবং ভবিষ্যতে এরকম ভাবে খেটে যাবেন, আমার সেই শ্রদ্ধের বন্ধুদের হাতেই মাতৃভূমি চালানোর ভার রয়েছে। সত্য, সমতা এবং স্বাভাব্য এই মন্ত্র নিয়ে মাতৃভূমি তার আদর্শ নির্ভয়ে ঘোষণা করবে। মাতৃভূমির এই কাজে সাহায্য করার জন্ত আমি পাঠকদের কাছে আবেদন জানাচ্ছি।

কেবল প্রদেশ কংগ্রেস কমিটির সেক্রেটারীর পদ থেকেও আমি ইস্তাফা দিলাম। পি. রামুন্নি মেনন আমার জায়গায় সেক্রেটারী হলেন।

আমার শান্তি আমারদের সঙ্গে মাত্রাজে এসেছিলেন। তিনি এ সময় বসন্ত রোগে আক্রান্ত হ'য়ে মাত্রাজে মারা গেলেন। আমাদের দুঃখকষ্ট এতে আরো বেড়ে গেল।

দ্বীপ স্বাস্থ্য দিনের পর দিন খারাপ হ'তে লাগলো। কবিরাজী চিকিৎসা করিয়ে দেখবো ভেবে ফেব্রুয়ারী মাসে পালঘাটে ফিরে এলাম। আমার সব কাজকর্ম ছেড়ে দিয়ে দ্বীপ শুশ্রূষায় সমস্ত সময় নিয়োগ করলাম।

আমাদের দেশে লক্ষ লক্ষ লোক প্রতি বছর ক্ষয় রোগে মারা যাচ্ছে। তার পাঁচগুণ লোক এই রোগে ভুগছে। এই সব লোকের বেশীর ভাগই ডাক্তারদের সাহায্য বা চিকিৎসার সুযোগ সুবিধা পায় না। কি অসহ্য দুঃখজনক অবস্থা এটা। আজকাল ক্ষয়রোগীদের হাসপাতালের সংখ্যা বেড়েছে। নতুন নতুন ওষুধও বার হ'য়েছে। তবুও এই ভয়ঙ্কর ব্যাধির সঙ্গে লড়ার উপকরণ এখনো যথেষ্ট নয়। ভারতের জনসাধারণ যে পাঁচটি মহাব্যাধিতে ভোগে তার মধ্যে একটি হচ্ছে ক্ষয়রোগ।

রোগের গুরুত্ব রোগীকে না জানাবার জন্তে বই পড়ে, কথা বলে, ছেলেমেয়েদের দিয়ে গান গাইয়ে দ্বীপকে তুলিয়ে রাখতে চেষ্টা করতাম। এপ্রিল মাসের শেষের দিকে দ্বীপ অবস্থা আরো খারাপ হলো। রাতে ঘুম নেই, পা ফুলতে শুরু করলো, মুখের ভেতর ক্ষত দেখা দিল। কাশতে এবং খুঁ ফেলতে পর্বন্ত শক্তি সে হারিয়ে ফেললো। সে যে এত অসহায় এই ভাব তার চোখে মুখে ফুটে উঠল। এক সপ্তাহ এমনভাবে কাটলো। পরের দু'তিন দিন রোগটা যেন একটু কমেছে বলে মনে হল।

1925 সালে 26শে এপ্রিলের অধ্বাত্রি কেটে গেছে। লক্ষ্মীর ঘরে একটা স্তিমিত প্রদীপ জলছিল। আমি এতক্ষণ ভ্রমে ছিলাম এবার একটু বারান্দায় গিয়ে শুলাম। দু'তিন ঘণ্টা ঘুমোলাম। প্রায় রাত চারটের সময় কে যেন আমাকে ডেকে তুললো। আমি লক্ষ্মীর কাছে ছুটে গেলাম। কাশতে কাশতে কফ বাইরে না বেরোনোর জন্ত

চোখদুটো তার গোল গোল হ'য়ে বেরিয়ে আসছে। আমার লক্ষ্মীর জন্তে অসহ্য কষ্ট হলো। লক্ষ্মী ততক্ষণে তার খোলা চোখদুটি বন্ধ করেছে। কিছুক্ষণ সে নিম্পন্দ হ'য়ে পড়ে রইল। বাড়ীর সকলে ইতিমধ্যে উঠে পড়ে রোগীর ঘরে এসে জড়ো হয়েছে। লক্ষ্মী আর একবার চোখ খুললো, কি যেন বলতে চেষ্টা করলো কিন্তু পারলো না। মূর্গা আর কাক ডাকছে, ভোর হয়েছে। ঘরে জড়ো হওয়া সকলের দিকে তাকিয়ে রোগিনী কাউকেই চিনতে পারল না। খোলা চোখ দুটি অর্ধেক বন্ধ হলো, শ্বাস বন্ধ হ'য়ে গেল, তারপর সব শেষ। লক্ষ্মীবিলীন সেই হতভাগ্য ভবনে ততক্ষণে সূর্যের আলো উঁকি মারতে শুরু করেছে।

ভেইশ

মরণান্তর জীবন

এমনি ভাবে উনিশ বছরের দাম্পত্য জীবনের অবসান হলো। লক্ষ্মীর মতো জী পাওয়া খুবই ভাগ্যের কথা। রাধা বাড়ী সংসারের সমস্ত কাজ সে করেছে। সংসার খরচের পরস্যা না থাকলে সে আমার কাছে মুখ ফুটে পরস্যা চায় নি, পাছে আমি কষ্ট পাই, সমস্ত কষ্ট সে মুখ বুজে সহ করেছে। আমি যা খেতে ভালোবাসতাম তা সব রকম অহুবিধার মধ্যেও তৈরী করে খাইয়েছে। লক্ষ্মী বই পড়তে খুব ভালোবাসতো। আমার মতের সঙ্গে তার মত না মিললেও সে কখনো তার বিপরীত একটা কথাও বলতো না। ও রকম ভাবে বললে আমি কষ্ট পাব তাই সে চুপ করে থাকতো। কিন্তু তার মুখের মুহূ হাসি দেখে বুঝতে পারতাম যে সে আমার মতের সঙ্গে একমত নয়।

রোগশয্যায় শুয়ে একদিন লক্ষ্মী আমাকে বলেছিল—“আমি মরে গেলেও তোমাকে ছেড়ে যাবো না। আমি তোমার কাছে কাছেই থাকবো। তুমি বিশ্বাস করো আমার কথা।”

তার এই কথাগুলো তার মৃত্যুর পর আমার প্রায়ই মনে পড়ত। এ কথার সত্যতা থাক বা না থাক লক্ষ্মীকে আমি ভুলতে পারি নি। তার পোষাক, তার ব্যবহৃত অলঙ্কার, তার জিনিষপত্রগুলোকে দেখে ছুঁয়ে আমি যেন তার ছোঁয়া পেতাম। এমনি ভাবে সকলের মাঝে থেকেও একান্ত একাকী আমার দিন কাটতে লাগলো।

প্রতিদিন লক্ষ লক্ষ মানুষ মৃত্যু মুখে পতিত হচ্ছে। তাতে আমাদের কিছু যায় আসে না। আমরা এটাকে খুব সাধারণ ব্যাপার বলে মনে করি। শুধু যখন আমাদের প্রিয়জনকে আমরা হারাই, শুধু তখনই তার নিষ্ঠুরতা, তার ক্ষতি আমরা বুঝতে পারি। তখন জীবনের ওপর আমাদের আর আশঙ্কি থাকে না। জীবন এক শূন্যতার ভরে যায়। এ এমন এক শূন্যতা যাকে আর পূর্ণ করা যায় না। আশে পাশে চারিদিকে লোক থাকলেও আমি একা, সম্পূর্ণ একা এই কথাই বার বার মনে হয়। অন্তরের সাধনা, আশাস তখন কোনো কাজেই লাগে না। দুঃখের দহনে দগ্ধ হয়ে, একলা বসে, আমার প্রিয়তমার মুখখানি চিন্তা করতে করতে, ফেলে আসা দিনগুলোর কথা ভেবে চোখের জল ফেলে তখন আমি দিন কাটাতাম।

আমার এই অপূরণীয় ক্ষতিতে সেই সর্বশক্তিমান ঈশ্বরের করুণা আমার ওপর আর নেই

একথা আমার বারবার মনে হলো। এর জন্তে ঘোষ কি আমার নয়? ঈশ্বরের বিধানে কোনো ক্রটি, কোনো অজ্ঞায় কি আছে? কালচক্র ঘূর্ণনের সঙ্গে সঙ্গে সেই মহাশক্তির নিয়মও নিতুল ভাবে ঘুরে চলেছে। যা আমাদের জানার অসাধ্য তাকে আমাদের সীমিত বুদ্ধি দিয়ে জানতে চেষ্টা করি। এই চেষ্টার ঘটনার কার্যকারণ, তাদের পরস্পরের সম্পর্ক, তাদের অর্থ না বুঝে আমরা ভয় পাই। সাধারণ মানুষের যে ক্ষমতা নেই তা ঋষি আর দার্শনিকদের আছে বলে শুনেছি। আমাদের জানার অসাধ্য কিছু কিছু তাঁরা তাদের দিব্যশক্তি দিয়ে জানতে পারেন। মানুষের মধ্যে না থাকা কিছু কিছু শক্তি ছোট ছোট প্রাণীদের মধ্যে পাওয়া যায়। পৃথক আরশোলা বহুদূরে ওড়া মেয়ে আরশোলার গন্ধ পায়। মিষ্টি জিনিষ যেখানেই রাখা হোক না কেন পিপড়ে ঠিক সেখানে উপস্থিত হবে। কিছু কিছু জন্তর মানুষের চেয়ে শ্রবণ শক্তি তীক্ষ্ণ একথা গবেষণায় জানা গেছে। প্রাণীতত্ত্ব বিশারদেরা বলেন প্রজাপতি এক নাগাড়ে 3000 হাজার মাইল উড়ে যেতে পারে। এই সব যখন জানা যায় তখন জীবনের অগাধ রহস্য, অপার মহিমার দিকটাও আমাদের বিন্মিত ক'রে তোলে।

রাত্রে আকাশের দিকে তাকিয়ে দেখলে আমাদের মনে যে সব ভাবনা চিন্তার উদয় হয় তা অনির্বচনীয়। কোটি কোটি নক্ষত্র আমরা সেখানে দেখতে পাই কিন্তু আরো কত কোটি কোটি নক্ষত্র এই আকাশের বৃকে লুকিয়ে আছে যা আমাদের চোখে পড়ে না। একথা যখন ভাবি তখন আমরা কত ক্ষুদ্র লোকখা মনে না উঠে পারে না। আমাদের ক্ষুদ্রতা আর ঈশ্বরের মহিমা তখনই বুঝতে পারি। কিন্তু এই সব ভাবনা চিন্তা আমার মনকে এতটুকু শান্তি দিতে পারে নি। মরণের রহস্য জানার জন্ত আমি খুবই উত্তলা হ'য়ে উঠলাম।

বাগাংসি জীর্ণানি বথা বিহার
নবানি গৃহাতি নরো পরাণি
তথা শরীরানি বিহার জীর্ণাঙ্গানি
সংঘাতি নবানি দেহী।

গীতার এই শ্লোকটিও আমার মনে সাধুনা দিতে পারল না। তখন আমার কাজ করার মন একেবারেই ছিল না। কেন কাজ করবো কার জন্ত করবো এই রকম একটা চিন্তা মনে উদয় হ'তো। বই পড়ে মনের শান্তি পেলাম না। বদ্ধবান্ধবদের কাছ থেকে পাওয়া সাধুনা আমাকে এতটুকু উৎসাহ দিতে পারলো না। অবশেষে মনের শান্তি খোজার জন্ত আমি পণ্ডিচেরীতে অরবিন্দাশ্রমে এসে উপস্থিত হলাম।

আমার একজন প্রিয় বন্ধু, দোরাইস্বামী শ্রীঅরবিন্দের দর্শনে মাঝে মাঝে পণ্ডিচেরীতে

যেতেন। তিনিই আশ্রমে যাবার, শ্রীঅরবিন্দকে দর্শন করার সমস্ত ব্যবস্থা করে দিলেন।

1925 সালের আগস্ট মাসে একদিন সকাল বেলায় আমি পণ্ডিচেরীতে এসে উপস্থিত হলাম। সকাল 11টার সময় শ্রীঅরবিন্দকে দর্শন করার সময় ঠিক করা হয়েছিল।

অরবিন্দ ঘোবের সঙ্গে দেখা করতে হলে কাছের পুলিশ ষ্টেশনে জানাতে হবে এই ছিল তখনকার নিয়ম। পূর্বজীবনে অরবিন্দ ঘোষ একজন বিপ্লবী ছিলেন। রাজনীতি থেকে বিদায় নিয়ে আধ্যাত্মিক চিন্তায় নিজেকে ডুবিয়ে দিলেও তাঁর ওপর থেকে ব্রিটিশ গভর্নমেন্টের সন্দেহ যায়নি। তাই তাঁর সঙ্গে যারাই দেখা করতে আসতো তাদের সমস্ত বিবরণ পুলিশকে দিতে হ'ত। আমিও আমার আগমনের উদ্দেশ্য, কতদিন সেখানে থাকবো সবই পুলিশকে আগের থাকতে জানিয়েছিলাম।

শ্রীঅরবিন্দের এক ছোট ভাই সে সময় আশ্রমে বাস করছিলেন। তিনি আমাকে আশ্রমের কয়েকজনের সঙ্গে পরিচয় করিয়ে দিলেন। শ্রীঅরবিন্দের সঙ্গে দেখা করার সময় হ'লে পর একজন আমাকে তাঁর কাছে নিয়ে গেলেন। তিনি ওপরে থাকতেন। তখন বছরে একবার দর্শন দেবার ব্যবস্থাটা চালু হয়নি। রোজ দুপুরে খানিকক্ষণ তিনি বারান্দায় এসে বসতেন। সেইটাই ছিল দর্শনের সময়। সেদিন আমি একাই ছিলাম, তাই আধ্যাত্মটারও একটু বেশী সময় তাঁর সঙ্গে কথা বলার সুযোগ আমার ঘটেছিল।

তখন তাঁর বয়স ছিল প্রায় পঞ্চাশ। একটু মোটা সোটা শরীর। মাথা আর দাড়ির চুল লম্বা। একটা সাদা ধুতি আর একটা সাদা চাদরে তাঁর দেহ ঢাকা ছিল। কথা বলছিলেন খুব আন্তে আন্তে থেমে থেমে। মাঝে মাঝে কোনো কথা জোর দিয়ে বলার সময় হাত নেড়ে সেটার ওপর জোর দিচ্ছিলেন। মুখ তাঁর অনাবিল শান্ত, হাসি প্রায় ছিল না বললেই হয়।

প্রথমটা আমি একটু বিধায় পড়ে গিয়েছিলাম। কি তাঁকে জিজ্ঞেস করবো। কেমন ভাবে কথাবার্তা আরম্ভ করবো। কিন্তু সে খুব অল্প সময়ের অন্ত। মৃত্যুর পর কি অবস্থা হয় সেটা জানতে চেয়েছিলাম। মৃত্যুর পর কি সব শেষ হ'য়ে যায়? অথবা মৃত্যু আর একটা অন্ত লোকের পথ দেখার? মৃত লোকদের প্রেতাত্মার সঙ্গে কথাবার্তা বলার কাহিনী আমি বইয়ে পড়েছি, একি সত্যি? বিশ্বাসযোগ্য? মৃত ব্যক্তিদের কি দেখা যায়? অন্ত লোকে অন্ত রূপে থাকার সময় মৃত ব্যক্তির এই পৃথিবীতে তাদের প্রিয়জনের কথা কি ভাবে? তাদের সঙ্গে সম্পর্ক রাখতে চাইলে কি সেটা পছন্দ হবে? এমনভাবে অনেক কিছু তাঁকে আমি জিজ্ঞেস করেছিলাম। আমার কোনো কোনো প্রশ্ন হয়তো তাঁর কাছে ছেলেরাছবের মতো মনে হ'য়েছে।

মৃত্যুর পর সব শেষ হ'য়ে যায় না। মৃত্যু শুধু একটা অবস্থার পরিবর্তন, কোনো বিশেষ পরিবেশে প্রিয়জনদের সঙ্গে মৃত্যুর পরও সম্পর্ক রাখা সম্ভব বলে তিনি আমাকে বলেছিলেন।

মৃত্যু একটা অবস্থার পরিবর্তন, জীবন এই দেহ ছেড়ে গেলেও তার শেষ হয় না একথা আর এক মহান ব্যক্তি আমাকে বলেছিলেন। আপনার সঙ্গে যেমন কথা বলছি তেমন প্রেতলোকে যারা আছেন তাঁদের সঙ্গেও কথা বলা আমার পক্ষে সম্ভব—একথা শ্রীঅরবিন্দ যখন বলেন তখন 'তা সম্ভব নয়' একথা বলার সাহস আমার হলো না। কিন্তু একথা বিশ্বাস করতে কষ্ট হয়।

শ্রীঅরবিন্দের সঙ্গে কথা বলে যখন ফিরছি তখন তাঁর একজন ভক্ত কিছু ফুল তাঁর সম্মুখে রেখে তাঁর পাদম্পর্শ করলেন। শ্রীঅরবিন্দের সঙ্গে দেখা করে ফেরার সময় কি যে সব আবেগ আর চিন্তার আমার মন ভরে গিয়েছিল সে সব কথা এখন আর আমার মনে নেই। কিন্তু কি যেন একটা অস্পষ্ট আলো দূরে দেখতে পেয়েছিলাম। আহা, নিদ্রা, স্নেহ, ঘৃণা, দেওয়া নেওয়া, এইই জীবন নয়। এসবের ওপরে জীবনের কি যেন একটা অর্থ, কি যেন একটা উদ্দেশ্য আছে বলে আমার তখন মনে হ'য়েছিল।

এই সময় এবং এর কিছু পরেও মরণের পর জীবনের কি হয় তা জানার ইচ্ছা আমার ক্রমেই বাড়তে লাগলো। এই বিষয়ে আমি বহু বই পড়লাম। 'মরণের আগে', 'মরণের সময়', 'মরণের পরে', এই শিরোনামার এক ফরাসী লেখকের লেখা তিনটি বই আমার খুবই ভালো লেখেছিল। এই বইগুলি ব্যক্তিগত অভিজ্ঞতা, বাস্তব ঘটনা আর বৈজ্ঞানিক ভিত্তির ওপর নির্ভর করে লেখা হয়েছিল। ইংল্যান্ড থেকে বেরোনো 'স্পিরিচুয়ালিস্ট' সাপ্তাহিকটি আমি নিয়মিত পড়তাম। এতে অবিশ্বাস করার অনেক কিছু ছিল কিন্তু তাহলেও এর কতকগুলো কাহিনী আমার মনকে খুবই নাড়া দিয়েছিল।

স্বামী বিবেকানন্দের 'বক্তৃতা ও রচনা' এই গিরিজের সাতখানা বই আমি অনেকবার পড়েছি। এখন মনে উৎসাহ জাগানোর জন্তে আবার সেগুলো পড়লাম। যারা আত্মশান্তি খুঁজে বেড়াচ্ছে তারা এই বইগুলি থেকে তা লাভ করবে।

ভগবৎগীতার শ্লোক থেকেও আমি সাহস লাভ করতে চেষ্টা করেছিলাম। গীতা অবশ্য রোজ পড়তাম না। এক একটা সংকটের সময় মনে সাহস জোগাবার অংশগুলো বারবার পড়তাম।

আমাদের অজানা অনেক বিষয়ে, জানার অসাধ্য কতকগুলো বিষয়ে বিশেষ কোনো মতের প্রকাশ করা খুবই সাহসের পরিচয়। আমাদের অভিজ্ঞতার বাইরে কোন ঘটনার কথা কেউ যদি বলে তা শুনে 'অসম্ভব', 'কি সব বোকার মত কথাবার্তা'

এসব বলা ঠিক নয়। এক সময় যা অবাস্তব বলে আমরা বিশ্বাস করে এসেছি তা এখন বাস্তব বলে প্রমাণিত হয়েছে এমন ঘটনার অভাব নেই। প্রকৃতির নিয়ম বিরুদ্ধ বলে কোনো কোনো ঘটনাকে এখন প্রকৃতির নিয়মাত্মক বলে আমরা বুঝতে পেরেছি।

বিখ্যাত বৈজ্ঞানিক কোপার্নিকাসের সময় সূর্য পৃথিবীকে প্রদক্ষিণ করতো এই লোকে বিশ্বাস করতো। 1543 সালে কোপার্নিকাসের বিপ্লবাত্মক আবিষ্কার পৃথিবী সম্বন্ধে আমাদের জ্ঞানে এক আমূল পরিবর্তন এনেছে। সূর্যকে প্রদক্ষিণ করে পৃথিবী ঘুরছে বলে পর জনসাধারণের এতদিনকার বদ্ধমূল ধারণাকে ভেঙে দেওয়ার অপরাধে তাঁকে অপরাধী করা হয়েছিল। তেমনি ভাবে সেই সব অমর বৈজ্ঞানিকেরা সেই গ্যালিলিও, ক্রো—তঁারাও শাসনকর্তাদের কোপদৃষ্টিতে পড়েছিলেন। আজ তাঁদের মত সারা পৃথিবী স্বীকার করে নিয়েছে।

এমনি ভাবে একদিন মরণের পরের অবস্থা জানা সম্ভব হবে। তখন অবিশ্বাসের কোনো প্রশ্ন আসবে না। এখনো সে অবস্থায় আমরা পৌঁছুইনি। অভিজ্ঞতা সম্পন্ন বৈজ্ঞানিকরা যা বলেন তা আমাদের বুদ্ধি আর বিবেচনা দিয়ে মেনে নেওয়া উচিত। কিছু কিছু বিশ্বাস আমরা মেনে নিতে পারিনি বলে তাদের অবহেলা করাটা ঠিক নয়। অভিজ্ঞতার আলোকে তাদের পুনর্বিচার করা এবং তাদের সম্বন্ধে গভীর ভাবে চিন্তা করা আমাদের উচিত।

চব্বিশ

মালয় যাত্রা

1925 সালের জুলাই মাসে আমি আবার মাদ্রাজে ওকালতি শুরু করলাম। চার বছর প্র্যাকটিশ ছেড়ে দেওয়ার ফলে কেস পেতে আমার দেরী হতে লাগলো। ধৈর্য ধরে অপেক্ষা করে থাকার মত আর্থিক সঙ্গতি ছিল না। বন্ধুরা বলাবলি করছিল—“আবার কবে এসব দরকার নেই বলে মেনন চলে যাবে তার কোনো ঠিক নেই। মেননের পছন্দ হচ্ছে পলিটিক্‌স্‌।” আমার সম্বন্ধে এ রকম ধারণা অনেকের ছিল, তাতে আমার প্র্যাকটিশ করার পক্ষেও খুবই অসুবিধা হয়েছিল।

খরচ চালানোর টাকা হাতে না থাকলে দেশের কাজেও সম্পূর্ণভাবে নিজেকে ঢেলে দেওয়া যায় না। তাই যতদিন না ভাল প্র্যাকটিশ হচ্ছে ততদিন অস্ত্র আর কিছু না ক’রে ওকালতিতে সমস্ত মনোযোগ দেব বলে ঠিক করলাম। আমার হিতাকাজীদের কেউ কেউ উপদেশ দিল—“বাজে কাজে মাথা না ঘামিয়ে প্র্যাকটিশে মনোযোগ দিলে এতদিনে অবস্থার উন্নতি করতে পারতে। এখনো যদি এদিকে মন দাও তাহলে যথেষ্ট আয় করতে পারবে।”

আমার পরিবারটি বেশ বড় ছিল। আমি দ্বিতীয় বার বিয়ে করেছিলাম—লক্ষ্মীর বোন আশ্বকে। আশ্ব দুটি পুত্রকে নিয়ে বিধবা হয়েছিল। আশ্ব খুব শান্ত আর কোমল স্বভাবের ছিল। তাই আমার নতুন পারিবারিক জীবন সুখেরই হ’য়েছিল। আশ্ব খুব হিসেব করে চলতে পারতো। কিন্তু কষ্টেহুটে চালালেও টাকার দরকার। তাই টাকার অভাবে আমি খুব কষ্ট পাচ্ছিলাম।

“ধার চেও না বা ধার দিও না” বলে লেক্সপীয়ার যে উপদেশ দিয়েছেন তা যে খুব বাস্তব বুদ্ধিসম্পন্ন তা আমার মনে হয় না। যাদের ধার করতে হয় না তারা যে ভাগ্যবান সে বিষয়ে কোন সন্দেহ নেই। আর যখন কোনো বন্ধু ধার চায় তখন তাকে ধার দিয়ে সাহায্য করাটাও তার চেয়ে বড় ভাগ্য। তৃষ্ণার্ত মানুষকে জল দিলে যে আনন্দ হয় সেই আনন্দ তখন অসুভব করা যায়।

কিন্তু ধার চাওয়ার ব্যাপারটা সে রকম নয়। ধার চাওয়ার মত হীনতা আর কোনো কিছুতেই নেই! দীনবন্ধু ঈশ্বর যদি আমাদের কোনো বর দিতে চান তাহলে ‘ধার চাওয়ার দীনতা থেকে আমাদের রক্ষা করুন’—এই হবে আমার প্রার্থনা। আমাদের

যে কতবার এই হীনতা সহ্য করতে হয়েছে। এক একবার মনে হয়েছে এমনি মেনাদার হয়েছে কি সারা জীবনটা কাটাতে হবে? কাউকে কিছু ক্ষেত্রত দেবার নেই এই তৃপ্তি কি আমার কোনোদিনই হবে না? এমনি সব কথা আমি প্রায়ই ভাবতাম।

মাত্রাজে প্র্যাকটিশ করার সময় একদিন পি. কে. নাথিয়্যার নামে এক ব্যারিষ্টার আমার সঙ্গে দেখা করতে এলেন। মিঃ নাথিয়্যার বহুদিন পেনাঙে প্র্যাকটিশ করছেন এবং খুব নাম ও টাকা করেছেন। তিনি আগে মাত্রাজে প্র্যাকটিশ করতেন। মালয়ে ব্যারিষ্টারদের প্র্যাকটিশের ব্যাপারে তিনি আমাকে অনেক খবর দিলেন। আমি যদি সেখানে যেতে রাজী হই তাহলে তার জন্তে যথোচিত সাহায্য করবেন বলেও বলেন। আমার সেই অবস্থায় নাথিয়্যারের সঙ্গে হঠাৎ এই দেখা হ'য়ে যাওয়াটা একটা আশীর্বাদের মতো আমার মনে হলো। তাঁর সঙ্গে দেখা হবার পর মালয়ে বাবার আগ্রহ আমার হল। আমি অবশ্য তখন কিছু ঠিক করিনি। ভেবে চিন্তে তাঁকে পেনাঙ-এ লিখবো বলে জানালাম।

পি. কে. নাথিয়্যারের সঙ্গে দেখা হবার বেশ কিছুদিন আগের একটা ঘটনার কথা এখানে বলি। একদিন সকালবেলা এক সন্ন্যাসী আমার বাড়ী এসে হাজির। মুখভর্তি দাড়ি গোঁফ মাথায় লম্বা চুল, ছেঁড়া গেকরা বস্ত্র পরণে, হাতে একটা দণ্ড। আমি তাঁকে পরশা দিতে গেলে পর তিনি নিলেন না। তাঁর কাপড়ের দরকার বলেন। আমি তাঁকে একটা কাপড় দিলাম। তখন তিনি সামনের গাছ থেকে একটা পাতা ছিঁড়ে আমার হাতে দিলেন। আমি হাতে পেলাম ভয়। আমি খুব আশ্চর্য হয়ে তাঁর দিকে তাকাতেই কি একটা আশ্বাসে আমার সারা মন ভরে গেল। “আপনি আপনার পরিবাবের সঙ্গে জাহাজে করে সমুদ্র পেরিয়ে খুব শীঘ্র অন্ত একটা দেশে যাবেন”। আমি মালয়ে বাবার চার পাঁচ মাস আগের ঘটনা এটা। সন্ন্যাসীর সঙ্গে দেখা হবার সময় মালয়ে বাবার আমার কোনো প্রাণই ছিল না। দু’তিন মাস বাদে আমি যখন মালয় বাওয়া ঠিক করলাম তখন এই সন্ন্যাসীর কথাগুলো মনে পড়লো।

মাত্রাজে দ্বিতীয় বার প্র্যাকটিশ শুরু করার এক বছর পরে আমার প্রথম কস্তা চেলোয়া অস্থ্য হ'য়ে পড়লো। তার মা'র অস্থ্য তাকে ধরেছিল। দশ মাস সে অস্থ্য ছিল। ডক্টর পাই তার চিকিৎসা করেছিলেন। কবিরাজী ক'রেও দেখলাম, কোনো ফল হ'ল না। দিন দিন সে ক'রে যেতে লাগলো। অর্থাভাবে তখন আমি খুব কষ্ট পাচ্ছি। একদিন তার কাছে যখন বসে আছি সে আমাকে বল :

—বাবা এ সবের কি মানে হয় বলুন তো? পরসার জন্তে আপনার এই দুশ্চিন্তা? আমার এই বস্থ্য সারা? আচ্ছা আমরা কি পাপ করেছি বার জন্তে এইরকম ভুগছি?

এ প্রব্রের উত্তর দেওয়া খুবই কঠিন ছিল। অনেকবার এ প্রশ্ন আমাদের বিচলিত করেছে—তবু তাকে সাদৃশ্য দিয়ে বললাম—এ রোগ সারবে না কে তোকে বল? তুই এমন কথা ভাবছিল কেন?

মৃত্যু এগিয়ে আসছে—এমন একটা অল্পভূতি তার হ'য়েছিল। এই নিয়ে সে মাঝে মাঝে আমাদের বলত। মৃতদেহ স্থানে কি ভাবে নিয়ে যাওয়া হবে সে বিষয়েও সে আমাদের নির্দেশ দিত।

একদিন সে আমাদের বলল—“আন্তারচিত্রার কুয়োর জল খাবার ইচ্ছে হয়েছে আমার।” ওলাভাকোটের কাছে আমাদের যে বাড়ীটা ছিল তার নাম ছিল আন্তারচিত্রা। আমি তখন একথা ওলাভাকোটের বাড়ীতে জানালাম। পরের দিন সেই কুয়োর জল এক বোতল নিয়ে ওলাভাকোট থেকে একজন মাস্ত্রাজে এল। খুব আগ্রহের সঙ্গে চেল্লামা জলটা খেল। এর ঘণ্টা দুই পরে সে বেশ খানিকটা রক্ত বমি করলো। তারপর খুব ক্লান্ত হ'য়ে অনেকক্ষণ চুপচাপ শুয়ে রইল। দুপুরের পর তার মুখে একটা প্রশন্নভাব ফিরে এল। রাতে শুতে যাবার সময়ও তার সেই একই অবস্থা ছিল। আমি সব সময় তার কাছে কাছে ছিলাম। রাত একটার সময় সে আমার ডাকলো। ভাই বোনদের সব ডেকে আনতে বলল। তারা সব এলে পর তাদের দিকে ভালো করে তাকিয়ে “বাবা আমি চেল্লাম” এই কথাগুলি বলে সে আমাদের ছেড়ে চলে গেল।

মরণ হয়তো একটা অবস্থার পরিবর্তন। কিন্তু আমার মেয়ের শূন্য শয্যার দিকে তাকিয়ে আমি এই বিশ্বাস থেকে কোনো শান্তি বা আশ্বাস পেলাম না। সকলের যা হয় আমারও তা হয়েছে। জীবনের পথে অনেক প্রিয়জনকে হারাতে হয় কিন্তু তার জন্য জীবনের যাত্রা বন্ধ থাকে না।

মরণের সময় আমার মেয়ের বয়স ছিল আঠারো। “আমার তো বয়স বেশী হয়নি, আমার জীবন তো সবে শুরু হ'য়েছে আর এখন তা শেষ হ'তে চললো” একদিন এসমি ভাবে এই কথাগুলি সে আমাদের বলেছিল। তার এ কথাগুলো আমি কোনদিনও ভুলব না।

“ঈশ্বরের কাছে এগিয়ে যাও। তাঁর দেওয়া আলো তোমার ভেতর প্রবেশ করুক। সেই মহাশক্তির সঙ্গে তোমার বন্ধন দৃঢ়তর হোক। শোয়া, বসা, চলা সবসময় যেন একথা তোমার মনে থাকে। যে কোন সফট মুহূর্তে এই শক্তি তোমাকে রক্ষা করবে”—এই কথাগুলি মরণ করে তখন আমি নিজেই আশ্বাস দিতে চেষ্টা করেছি।

মাস্ত্রাজ ছেড়ে বাবার ইচ্ছা আমার ক্রমেই বাড়তে লাগলো। মালয়ে আমার

কয়েকজন বন্ধুবান্ধবকে সেখানকার সবকিছু জানানতে বলে চিঠি লিখেছিলাম। তারাও আমাদের সেখানে আসার অন্তে উৎসাহ দিয়ে চিঠি লিখলো। মালয়ে যাব বলে ঠিক করলাম। যাবার পথ খরচ হাতে না থাকলেও আমি যাব বলে ঠিক করলাম।

বোজকার খরচ জোগানোই তখন আমার পক্ষে মুশকিল ছিল। তার উপর আমার এবং পরিবারের সকলের জাহাজ ভাড়া জোগাড় করা যে কি অসম্ভব ব্যাপার তা আমার জানা ছিল। তবু আমার পরিবারকে রেখে আমার একা যাবার ইচ্ছা ছিল না। টাকার যখন খুব দরকার তখন ধার পাওয়া যায় না। ধার চাইতে গেলে লোকের রাগ বা বিরক্তি ধরলে তাদের দোষ দেওয়াও যায় না। কত রকমের ছুতো, কত রকমের উপদেশ যে তখন আমি শুনেছিলাম। তবুও আমার এই বিপদের সময় আমাদের আন্তরিক ভাবে সাহায্য করেছেন যে দু'টি বন্ধু কুট্টিকুম্ম মেনন এবং নীলকণ্ঠ নান্দুতিরি, তাদের আমি কোনদিনই ভুলতে পারবো না। বাড়ীর জিনিষপত্র বিক্রী ক'রে, ধারণার করে যে টাকা জোগাড় করলাম তা জাহাজ ভাড়া আর পথের খরচের মাত্র।

1927 সালের আগস্ট মাসে আমি মালয় ছাড়লাম। কোনো একটা জায়গায় থাকাকালীন সেখানে যে অভিজ্ঞতা হয় তাতে সেই জায়গায় ওপর আমাদের স্থণা বা ভালোবাসা জাগে। মালয়ে যে খারাপ অভিজ্ঞতা আমার হ'য়েছিল সেই অভিজ্ঞতার জন্তেই মালয় ছাড়তে আমার কষ্ট হয় নি। বেলা চারটের সময় আমাদের জাহাজ ছাড়লো। মালয়ের চোখের সামনে থেকে মুছে না যাওয়া পর্যন্ত আমরা ডেকে দাঁড়িয়ে রইলাম।

এই জাহাজে অনেক শ্রমিক ছিল। মালয়ে যাবার যে কোনো জাহাজে এই শ্রমিকদের দেখা যায়। তাদের বসার, খাওয়ার, শোবার কোনো ভালো ব্যবস্থা ছিল না। জাহাজের অফিসারদের ব্যবহারও ভালো ছিল না।

পৃথিবীর বিভিন্ন দেশে কুলীর কাজ করবার জন্ত ভারত থেকে লোক পাঠানো হয়েছিল। এদের পাঠাতে সাদা চামড়ার লোকেরা তাদের দরকার মতো। মালয়, সিংহল, মরিশাস, ওয়েস্ট ইন্ডিস, ফিজি, দক্ষিণ আফ্রিকা ইত্যাদি জায়গায় ইংরেজেরা ভারতীয় কুলীদের পাঠিয়েছিল। এতে হয়তো আমাদের দেশের জনসংখ্যার ভীড় কমানো সম্ভব হয়েছে অথবা দেশের উপস্খাদ্ বাড়ার সাহায্য হয়েছে। কিন্তু এতে আমাদের দেশীয় সম্রম আর আত্মমর্যাদার হানি হয়েছে। ভারতবাসীরা কুলী এই রকম একটা মনোভাবে বাইরের দেশগুলোতে হয়েছে। দ্বিতীয় মহাযুদ্ধের পর অনেক দেশ স্বাধীনতা লাভ করলে পর সেখানকার ভারতীয়দের সমস্ত আমাদের এবং সে দেশের বিরূপ একটা অবস্থির কারণ হয়ে দাঁড়িয়েছে যার শেষ এখনো হয়নি।

এই জাহাজে কয়েকজন ভারতীয় অফিসারও ছিলেন। তাঁদের সঙ্গে কথাবার্তা বলে মনে হ'ল মাথায় জীবন সুখেরই হবে। মাত্রাজের খারাপ স্থিতিগুলো ক্রমে মন থেকে মুছে যেতে লাগলো। তবে যখন একা থাকতাম তখন নানা চিন্তা কখনো আমাকে উৎসাহে ভরে দিত কখনো চিন্তাকুল করে তুলতো।

সকালবেলা সমুদ্রের মধ্যে থেকে ওঠা সূর্যের মনোহর দৃশ্য, সন্ধ্যার সময় সেই সমুদ্রে ডুবে যাওয়া অন্তিমিত সূর্যের রান রশ্মিগুলি আমার মনকে এক অনির্বচনীয় আনন্দে ভরে দিত। কসকরাস জলা টেউগুলি আর আকাশে বিক্ষিপ্ত করা কোটি কোটি তারাগুলো দেখে মনের মধ্যে অদ্ভুত এক আবেগ জাগতো।

ফেলে আসা দিনগুলি সম্বন্ধে নানা চিন্তা একটার পর একটা আমার মনে জেগে উঠতে লাগলো। আমার তখন বয়স 41 বছর। এত বয়সেও অস্ত্রের সাহায্য ছাড়া পরিবার পোষণ করার ক্ষমতা আমার ছিল না। আমার বয়সী বন্ধুরা আজ কত উতুতে পৌঁচেছে। আমার সঙ্গ্য হচ্ছে শুধু মেনা। যখন ভবিষ্যতের ভাবনা না ভেবে সুখে স্বচ্ছন্দে কাজ করে যাওয়া উচিত তখন এক নতুন জীবনের অন্বেষণে এক অজানা দেশে আমি পাড়ি দিচ্ছি। জীবনের ব্যবহারিক দিকটা আমি অবহেলা করেছি। তার শাস্তি আমাকে পেতে হয়েছে। প্রথমেই দরকার ছিল অর্থনৈতিক স্বাধীনতা লাভ করা। অর্থনৈতিক স্বাধীনতা না থাকলে অস্ত্র কিছুই করা সম্ভব নয়। এখন থেকে অন্ততঃ এই দিকে দৃষ্টি দেব ঠিক করলাম।

তবে এতদিন যে ভাবে আমি জীবন কাটিয়েছি তা যে আমার পরাজয় তা মানতে আমার মন চায় না। হয়তো অনেক অনেক বিষয়ে ঠিকমতো ভেবে চিন্তে করা হয়নি, কিন্তু তার জন্তে জীবন নষ্ট হয়েছে তা কি বলা যায়? যদি অর্থ উপার্জনের কথা ধরা যায় তাহ'লে আমার বিরাট পরাজয় ঘটেছে। কিন্তু অর্থ উপার্জন কি জীবনের জয় পরাজয়ের মানদণ্ড? জীবনে তিক্ত অভিজ্ঞতার দরকার। তা আত্মনির্ভরতা ও সাহস বাড়াতে আমাদের সাহায্য করে। জীবনের আধ্যাত্মিক দিকটাতেও হয়তো শক্তি ও প্রেরণা জোগায়। বিবেককে ফাঁকি না দিয়ে যদি জীবন কাটানো যায় তাহ'লে ছুরদৃষ্টের আশাতুলি অত অসহ্য বলে মনে হয় না।

দুঃখের সঙ্গে অবিরত যুদ্ধ করে জীবনে জয় লাভ করেছিল এমন অনেক মহৎ লোকের কথা আমার মনে পড়ল। জীবনে পরাজয়ের একটা কারণ আমাদের মধ্যে লুকিয়ে থাকা ক্ষমতা বা শক্তির ঠিকমতো ব্যবহার না করা। যেমন করে হোক জীবনটা কাটিয়ে দিলেই হ'লো এইই হচ্ছে বেশীর ভাগ লোকের মনোভাব। জীবন যে একটা দায়িত্ব সে কথা আমরা মনে করি না। জীবনের যে একটা লক্ষ্য, একটা উদ্দেশ্য আছে সে কথা

আমরা জানি না। বিরাট একটা কিছু লাভ করারও আমাদের আকাঙ্ক্ষা নেই। কিন্তু এই সবই তো এ সংসারকে উন্নতির পথে নিয়ে যায়। আজ আমরা যেসব সুখসুবিধা ভোগ করছি তার কারণ এগুলি।

25শে আগস্ট জাহাজ শ্বেটনহাম বন্দরে পৌঁছোলো। আমি পূর্ব নির্ধারিত মতো পেনাঙে গেলাম। পি. কে. নাথিয়্যার অস্থস্থ হয়ে পড়েছিলেন, তাই বীরস্বামী নামে কুয়ালালামপুরের একজন ব্যারিস্টারকে আমার কথা লিখেছিলেন। ঐর সঙ্গে আর একজন ব্যারিস্টার ছিলেন জি. কে. নারায়ণন্। তাঁর সঙ্গে আমার মাদ্রাজেই পরিচয় হয়েছিল। তিনি আমাকে তাঁর সঙ্গে কাজ করার জ্ঞাত নেবেন বলেছিলেন। তাই আমি কুয়ালালামপুরে গিয়েছিলাম। জি. কে. নারায়ণন্ আমাকে অভ্যর্থনা করতে বন্দরে এসেছিলেন। জাহাজ থেকে নামার সময় আমার হাতে মাত্র 16 টাকা ছিল। সেটা বদলে 10 ডলার করে আমি এবং আমার পরিবার মিঃ নারায়ণনের বাড়ীতে উঠলাম। এমনিভাবে মালয়ে আমি আমার নতুন জীবন আরম্ভ করলাম।

পঁচিশ নতুন জীবন

আজকের থেকে তখন মালয়ের অবস্থা একেবারে সম্পূর্ণ বিপরীত ছিল। পেনাঙ, মালাক্কা সিঙ্গাপুর ইত্যাদি আরগাগুলি তখন ব্রিটিশ শাসনে ছিল। একে তখন বলা হত 'স্ট্রেট সেটেলমেন্ট।' এর রাজধানী ছিল সিঙ্গাপুর। মালয়েতে তখন ন'টি প্রদেশ ছিল। চারটি প্রদেশ পেরাক, সিলাউকুর, নিগরী সেম্বিলান, পাহাং একটি শাসনের অধীনে ছিল। এটা তখন এফ. এম. এস. এই নামে পরিচিত ছিল। এর রাজধানী ছিল কুয়ালালামপুর। এই চারটি রাজ্যের সুলতানদের নামে ইংরেজরা শাসন করতো। অষ্টাদশ পাঁচটি প্রদেশ সেখানকার সুলতানরাই শাসন করতো। তবে শাসন ব্যাপারে পরামর্শ দেবার জন্ত প্রত্যেক প্রদেশে একজন ব্রিটিশ রেসিডেন্ট অফিসার ছিল। নামে উপদেষ্টা হলেও আসলে রাজ্যশাসন তারাই করতো। এমনি ভাবে তিন বকমের শাসন ব্যবস্থা তখন মালয়ে চালু ছিল। দ্বিতীয় মহাযুদ্ধ শেষ হবার পর মালয় রাজ্যের সব প্রদেশগুলো নিয়ে একটা ফেডারেশান গঠন করা হ'য়েছিল। এখন মালয় আর সিঙ্গাপুর দুটো আলাদা রাজ্য হয়েছে।

প্রায় 60 লক্ষ লোকের মধ্যে তখন শতকরা 44 জন ছিল মালয়ের অধিবাসী। বাকী শতকরা 38 জন চীনা, শতকরা 11 জন ভারতীয়, বাকী ইউরোপীয় ও অন্ত্র জাতির। এখানকার ভারতীয়রা শতকরা 85 জন রবারের বাগান, মিউনিসিপ্যালিটি বা পূর্ববিভাগে কাজ করতো। বাকীরা ছোটখাটো অফিসার, কেরানী, শিক্ষক, ডাক্তার, ব্যারিস্টার ও দোকানপাটের ব্যবসা করতো।

মালয় বেশ ধনী রাষ্ট্র। জঙ্গল কাটিয়ে এখন ভালো রাস্তা, সুন্দর সুন্দর বাড়ী এবং অস্ত্রান্ত্র-সুখসুবিধার ব্যবস্থা করা করা হয়েছে।

সে সময় মালয়ের অধিবাসীদের রাজনৈতিক আগ্রহ কিছুই হয়নি। ভারতীয়দের মধ্যেও এই চেতনা ছিল না।

এখানে ওকালতি করার মধ্যে কতকগুলো বিশেষত্ব আছে। ভারতীয় উকিলদের এখানে প্র্যাকটিশ করতে দেওয়া হয় না। ব্যারিস্টার আর সলিসিটরদের মাত্র দেওয়া হয়। এখানকার একটা বিশেষ পরীক্ষা পাশ করলে প্র্যাকটিশ করতে দেওয়া হয়। তবে এ ধরনের উকীল খুব কমই ছিল। ব্রিটিশ ব্যারিস্টার আর সলিসিটরদের সংখ্যাই

কমই ছিল। বৃটিশ ব্যারিস্টার আর সলিসিটরদের সংখ্যাই সেখানে বেশী দেখেছিলাম। কিছু চীনা এবং ভারতীয় ব্যারিস্টারেরাই ছিল। কুয়ালালামপুর আর সিঙ্গাপুরে একটা করে স্থপীম কোর্ট ছিল।

মালয়ে উকীলেরা একা একা প্র্যাকটিশ খুব কমই করতো। তিন চারজন বা তারো বেশী লোক একটা কোম্পানী করে প্র্যাকটিশ করাটা ছিল নিয়ম। এই রকম কাজের কতকগুলো সুবিধা আছে। কেউ কেউ হয়তো কোর্টে গিয়ে মামলার সওয়াল করা পছন্দ করেন। কেউ কেউ কোর্টে যেতে পছন্দ করেন না, অফিসে বসেই মক্কেলের সঙ্গে কথাবার্তা বলে কাগজপত্র তৈরী করতে ভালোবাসেন। এমনি ভাবে প্রত্যেকের তাদের নিজেদের ইচ্ছে এবং পছন্দ মতো কাজ করা সম্ভব নয়। নতুন প্র্যাকটিশ আরম্ভ করার সময় এই রকম কোনো কোনো কোম্পানীর ভেতর ঢুকলে তাহ'লে তাকে কেসের জন্ত হাঁ করে বসে থাকতে হয় না। কিছুদিন এই কোম্পানীতে বেতনভোগী কর্মচারী হিসেবে কাজ দেখে পরে তার অংশীদার হ'য়ে বোগ দিতে পারে। সকলে যে বার খুশী ফী চাইতে পারবে না। যা টাকা পাওয়া যেত তার একটা সাধারণ হিসেব রাখা হতো। অফিসের খরচের পর যা বাকী থাকতো সকলে সমান ভাগ করে নিত। একই কোম্পানীর লোকেরা একাধিক জায়গায় অফিস খুলে প্র্যাকটিশ করতে পারতো। প্রধান অফিস এক জায়গায় থাকতো, শাখা অফিসগুলো অন্য জায়গায়। এই ছিল মালয় আর সিঙ্গাপুরের ওকালতি করার ধরন।

‘স্টানডার্ড অ্যাণ্ড কোম্পানী’ নামে সিঙ্গাপুরে দুজন ভারতীয় প্র্যাকটিশ করছিলেন। তাঁরা হচ্ছেন জি. কে. নারায়ণন্ আর বীরস্বামী। বীরস্বামী গুথানকার নিয়মভার ভারতীয় সদস্য ছিলেন। সততা আর বাগিতার জন্ত তিনি ব্যারিস্টার হিসেবে খুব নাম করেছিলেন। কুয়ালালামপুরে প্রায় একশ মাইল দূরে মালাক্কা বলে একটি জায়গায় নতুন অফিস খুলে তার ভার আমাকে তাঁরা দিলেন। মালয়ের নিয়ম অনুসারে ছ'মাস সেখানে বাস করার পর প্র্যাকটিশ করতে অনুমতি দেওয়া হয়। এই ছ'মাস আমাকে কিছু টাকা বেতন হিসেবে দিতে আর ছ'মাস পরে বেতন বাড়িয়ে দেবেন বলে তাঁরা ঠিক করেছিলেন। এই ব্যবস্থানুযায়ী এক সপ্তাহ পরে আমি পরিবারসহ কুয়ালালামপুর থেকে মালাক্কার গেলাম। কোর্টে যাওয়া আমার পক্ষে সম্ভব ছিল না বলে কেস চালাবার জন্তে কুয়ালালামপুর থেকে সপ্তাহে একবার নারায়ণন্ অথবা বীরস্বামী মালাক্কার আসতেন। এমনি ভাবে ছ'মাস কাটলো। যে বেতন আমি পাচ্ছিলাম তা দিয়ে যাবার চালাতে আমার বেশ কষ্ট হচ্ছিল। ছ'মাস পরে যে বেতন তাঁরা দেবেন বলেছিলেন, তা' এমন কিছু সোভনীয় ছিল না। তা ছাড়া গনদ্বর্কিন্ডে আমার

500 ডলার খর করতে হ'য়েছিল। সব দিক দিয়ে দেখতে গেলে এ ব্যবস্থা একটুও ভালো বলে আমার মনে হ'ল না। তাই এই কোম্পানী থেকে আলাদা হ'য়ে নিজে নিজে প্র্যাকটিশ করবো ঠিক করলাম। তার সব প্রস্তুতিও অনেক কষ্টে করলাম।

কিছু মূলধন না থাকলে মালয়ে প্র্যাকটিশ করাটা সম্ভব ছিল না। শুধু বাড়ী ভাড়া নয়, অফিসের ভাড়া দিতে হবে, ফার্নিচার কিনতে হবে। বতদিন না প্র্যাকটিশ ভালো করে জমে ওঠে ততদিন অর্থাৎ তিনচার মাস অফিস চালানোর টাকা চাই। চার পাঁচজন কেরানীর মাইনে এবং অন্তান্ত খরচ মিলিয়ে বেশ কিছু টাকা প্রতি মাসে চাই। আমার হাতে তখন একটাও পয়সা নেই। স্তানডার্ড কোম্পানী ছেড়ে দিয়ে সেদিন সন্ধ্যাবেলার বখন বাড়ী ফিরছিলাম, তখন তার পরের দিন কি করে কি করবো আমি নিজেই জানতাম না।

এক সপ্তাহ এমনি ভাবে কেটে গেল। ছ'মাস এখানে থাকার ফলে কয়েকজনের সঙ্গে আলাপ হ'য়েছিল। তাদের মধ্যে একজন অফিস খোলার জন্য 1000 হাজার ডলার দেবেন বজেন। এমনি ভাবে এই ডক্তলোকের সাহায্য নিয়ে 1928 সালের জুন মাসে মালাক্কায় প্র্যাকটিশ আরম্ভ করলাম। অল্প দিনের মধ্যে সেখান থেকে জিশ মাইল দূরে মুন্সার নামে একটা জায়গায় আর একটা অফিস খুললাম। এই জায়গাটা জোহর ষ্টেটে। সোমবার থেকে শুক্রবার অবধি আমি মালাক্কায় থাকতাম, আর শনি রবিবার মুন্সারে যেতাম। জোহরের মুলতান মুসলমান বলে সেখানে বৃহস্পতি আর শুক্রবার ছুটির দিন ছিল। এমনিভাবে একটুও বিশ্রাম না নিয়ে আমি সাত দিন একটানা খেটে গেছি।

আমার মকেলের অনেকাংশ ছিল চীন, তামিল আর মালয়েসি অধিবাসী। তাদের ভাষা জানা কেরানীর দরকার। মকেলের বক্তব্য লিখে নিয়ে তারপর ইংরিজীতে তর্জমা করে স্টেটমেন্ট তৈরী করতে হত। কেরানীরা এই কাজ করতো। তাদের বলা হ'তো কেস ক্লার্ক। কোর্টে গিয়ে কাগজপত্র ফাইল করা, বিচারে যে কেসগুলো পড়েছে সেগুলোর সম্বন্ধে অবহিত হওয়া এবং অন্তান্ত কাজের জন্য একজন করে কোর্ট ক্লার্কের দরকার ছিল। জমির ব্যাপারে দলিল দস্তাবেজ ইত্যাদি রেজিস্ট্রী করা, ল্যাণ্ড অফিসে গিয়ে অন্তান্ত কাজ করার জন্য একজন ল্যাণ্ড ক্লার্কের দরকার ছিল। দলিল লিখে ঠিকঠাক করার জন্য একজন কনভেনসিং ক্লার্ক, আর এসবের ওপর টাইপিষ্ট, বেকাররা এমনি ভাবে এক একটা অফিসে আটদশজন ক'রে লোক ছিল। দুটো অফিস মিলিয়ে মাসে 1000 ডলারের ওপর লাগতো। এ ছাড়া আমার সংসারের খরচ ছিল আলাদা।

অফিস খোলার অল্পদিনের মধ্যেই বেশ ভালোমত উপার্জন আরম্ভ হ'লো। আমার দুঃখকষ্ট এতদিনে দূর হলো। স্বসময় এসেছে দেখে খুব খুশী ভাবেই আমার দিনগুলো কাটাতে লাগলাম। এই রকম ভাবে চললে বেশ কিছু টাকা জমিয়ে দেশে ফিরে যেতে পারবো এ আশা আমার মনে দৃঢ় হলো।

মালাক্কা তখন একটা বড় শহর ছিল না। 15 শ' শতাব্দীতে পর্তুগীজেরা মালাক্কা এসেছিল। অনেক বছর মালাক্কা তাদের প্রধান আবাসস্থল ছিল। পর্তুগীজ সভ্যতার অনেক ছাপই এখানে ছিল। পর্তুগীজ বংশোদ্ভূত অনেক লোক মালাক্কায় আছে। তাদের ভাষাও পর্তুগীজ।

মালাক্কা চীন আর মালয়ী ছাড়া তখন বহু ভারতীয়ও ছিল। 'মালাক্কা ইণ্ডিয়ান' বলে একটা বিশেষ সম্প্রদায়ের লোক সেখানে আছে, তবে তাদের সংখ্যা কম। এদের পূর্বপুরুষেরা তামিল ছিল কিন্তু তারা তামিল সম্পূর্ণ ভুলে গেছে। তারা মালয় ভাষায় কথা বলে। একটু এদিক ওদিক বদলে তারা হিন্দুদের সমস্ত আচারবিচার পালন করে।

রবারের বাগানগুলিতে অনেক মালয়ালী কেরানী আর অফিসারও ছিল। কাজকর্মের পর সন্ধ্যাবেলায় একসঙ্গে বসে আমোদপ্রমোদে কিছু সময় কাটাবার জন্যে একটা ক্লাব করবার চেষ্টা আমিই প্রথম করেছিলাম। এই ক্লাব গঠন করার ফলে এখানকার ভারতীয়দের একঘেয়ে জীবনে একটু বৈচিত্র্য এসেছিল। রোজ এখানে নানা ধরনের ভারতীয়রা একসঙ্গে হ'য়ে ক্লাবের কাজ খুব উৎসাহের সঙ্গে চালাতেন। সে বছর আমরা দীপাবলীর সময় ক্লাবে সৌখীন দ্রব্যের বাজার দিয়েছিলাম। তিনদিন ধরে এই এই বাজার চলেছিল, এবং এতে ভাগ নিতে বহুদূর থেকে ভারতীয়রা মালাক্কা এসেছিল। দু'বছর আমি এই ক্লাবের প্রেসিডেন্ট ছিলাম। এই ক্লাব এখনো খুব ভালো ভাবে কাজ করছে।

আমার কয়েকজন পুরানো বন্ধু আমার মালাক্কা বাসকালে সেখানে এসেছিলেন। স্কেজের নেতা টি. প্রকাশম্ আর তাঁর পত্নী এদের মধ্যে পড়েন। প্রায় এক সপ্তাহ তিনি আমার সঙ্গে ছিলেন। সেই সময় একটা ঘটনা ঘটেছিল যা আমার মন থেকে আজো মুছে যায় নি।

একদিন সকালে প্রকাশম্, তাঁর স্ত্রী আর আর আমি আমার গাড়ীতে মালাক্কা থেকে একটা আরগায় রওনা হলাম। মালয়ের রাস্তাঘাট সাধারণতঃ ভালো। আমার ড্রাইভার অগ্যস্তন্ এমনিই খুব তাড়াতাড়ি গাড়ী চালাতে ভালোবাসে। সেদিন আবার আমাদের গন্তব্যস্থলে তাড়াতাড়ি পৌঁছানোর খুব জরুরী দরকার ছিল। সেদিন

অগ্যন্তন্ ভীষণ জোরে গাড়ী চালাচ্ছিল। আমি তাকে দু'তিনবার সাবধান করে দিলাম। কিন্তু কে শোনে কার কথা? অল্প কোনও গাড়ীকে অগ্যন্তন্ তার আগে যেতে দিচ্ছিল না। আধঘণ্টা পরে আমরা একটা লম্বা রাস্তার এলাম। তার একদিকে একটা লম্বা রাস্তায় এলাম। তার একদিকে একটা ছোট খাল মত ছিল। ঘণ্টায় পঞ্চাশ মাইল বেগে ছোটো গাড়ী পথ থেকে ছিটকে খালের মধ্যে গিয়ে পড়ল। খালটা চণ্ডা গভীর ছিল না তাই একদম নীচে না পড়ে গাড়ী খালের একপাশে আটকে গেল। আমাদের কারোরই কোনো চোট লাগে নি। অনেকদিন বাঁচবো বলে বুঝি আমরা রক্ষা পেয়ে গেলাম, তবে গাড়ী থেকে আমাদের অন্তরা টেনে বার করে আনলো। অগ্যন্তন্ একটুও অপ্রতিভ হয় নি। দু'ঘণ্টা না যে তার অসাবধানতার জন্য, সে রকম কোনো ভাব তার মধ্যে ছিল না। রাস্তা ঠিকমত মেরামত করা হয়নি বলে গাড়ী রাস্তা থেকে ছিটকে পড়েছে একথা সে বল, বিশ্বাসও করলো। এমনি ধরনের দু'ঘণ্টার আমি আর অগ্যন্তন্ করেকবার পড়েছি এবং তার থেকে রক্ষাও পেয়েছি।

কুয়ালামপুর থেকে মালাকায় একদিন আমাকে মাঝরাতে বাজা করতে হয়েছিল। সে সময় আমার একটা পষ্টিয়াক গাড়ী ছিল। অগ্যন্তন্ ঠিক আগের মতই জোরে গাড়ী ছোটালো। মালাকা থেকে ত্রিশ মাইল দূরে একটা জায়গায় পৌঁছোলে পর গাড়ী রাস্তার শোয়া একটা বড় মোঁবের ওপর চড়ে পাশের খালে গিয়ে উলটে পড়লো। খালটি গভীর ছিল না। আমি সে সময় ঘুমোচ্ছিলাম। সঙ্গে সঙ্গে উঠে দেখি যে বাইরে বেরোবার উপায় নেই। জায়গাটা একটা গ্রাম। ঘোর অন্ধকারে কিছু দেখতেও পাচ্ছিলাম না। গাড়ী উলটে যাবার শব্দ শুনে আশেপাশের লোকেরা আলো নিয়ে বেরিয়ে এল। আমি একেবারে বিহ্বল হ'য়ে পড়েছিলাম। মোঁবটা ততক্ষণে মরে গেছে। অগ্যন্তন্ বল যে এতবড় একটা লম্বা রাস্তার ওপর থাকার ফল মোঁবটা পেয়েছে। আমার বা অগ্যন্তন্দের কারোর কোনো চোট লাগে নি। ভোর হ'লে করেকজননের সাহায্যে গাড়ী খাল থেকে বার করে আমরা আমাদের বাজা শুরু করলাম। সেদিন এরপর অগ্যন্তন্ একটু আস্তে গাড়ী চালিয়েছিল। আর কোন কারণে নয়, হয়তো ক্লান্তির জন্তে।

অগ্যন্তন্ গাড়ী চালাবার সময় যদি অল্প কোনো গাড়ী ওর আগে যায় তাহ'লে অগ্যন্তন্ সেটা সহ্য করতে পারতো না। আগের গাড়ীটার আগে যেতে না পারলে তার তৃপ্তি নেই। একবার মালাকা থেকে সুব্বার বাবার পথে অগ্যন্তন্ একজন ইউরোপীয়রানের গাড়ীকে অতিক্রম করলো। লোকটি পুলিশে রিপোর্ট করল। অল্প লোকের নিরাপত্তা সম্বন্ধে গ্রাহ্য না করে সে গাড়ী চালিয়েছে এই চার্জ তাকে করা

হলো। বাদীপক্ষ আমাকে সাক্ষী মানলো। গাড়ী পঞ্চাশ মাইল বা তারও বেশী বেগে চলছিল একথা আমি কোর্টে বললাম। এর ফলে অগ্যাস্তনের 50 টাকা জরিমানা হ'ল। না দিলে দু সপ্তাহের জেল। জরিমানার টাকাটা আমি দিলাম। অগ্যাস্তনের এটা একটুও পছন্দ হ'ল না। সে আমাকে বল,—আপনি কোর্টে বল্লেনই পারতেন যে আমি 30 মাইল বেগে গাড়ী চালিয়েছি।

আমি বললাম—সেটা তো ঠিক নয়। তুমি 50 মাইলেরও বেশী বেগে গাড়ী চালিয়েছ।

—সেটা কি আপনার কোর্টে বলা উচিত ছিল? অগ্যাস্তন আমাকে জিজ্ঞাসা করল।

অগ্যাস্তন খুব চালাক চতুর আর বিখন্ত ডাইভার ছিল। কাজ করতে তার এতটুকু আলস্য ছিল না। গাড়ী চালাবার সময় গাড়ীর স্পীড্‌টা যেন কমাতে বলা না হয়। জোরেরেই যদি না গাড়ী চালাবো তাহ'লে গাড়ীর দরকার কি? এই ছিল অগ্যাস্তনের প্রব্র।

বেশ কয়েক মাস অগ্যাস্তন আমার সঙ্গে ছিল। পরে দেশে চলে গেল। এর এক বছর পরে তার মৃত্যুর খবর পেয়ে বিখন্ত এক বন্ধুর বিরোধ-ব্যথার আঘাত আমার লেগেছিল।

ট্রাবিড় কড়কুম নেতা ই. ডি. রামস্বামী নায়কার আমি মালয়ে থাকার সময় সেখানে একবার এসেছিলেন। ‘স্বয়ং মর্ধাদা’ সমিতির প্রচারণার কাজে নায়কার মালয়ে কয়েকটা আয়গা ঘুরেছিলেন। দুদিন তিনি আর তাঁর স্ত্রী আমার সঙ্গে ছিলেন। অসহযোগ আন্দোলনের কর্মী হিসেবে আমাদের পরাম্পরের প্রায়ই দেখা হ'ত। তারপর তিনি কংগ্রেস ছেড়ে দিলেন। শুধু তাই নয়, কংগ্রেস বিরোধী হ'য়ে দাঁড়ালেন। এতে আমাদের ব্যক্তিগত সৌহার্দ্যে কোনো বাধা পড়েনি। মালয়ে ট্রাবিড় কড়কুম, নায়কারের বঙ্গীপুর্তির সময় আহুত এক জনসভায় আমাকে অধ্যক্ষ হবার অন্ত নিমন্ত্রণ করেছিল। আমি সেই সভায় গিয়ে নায়কারের জনসেবার গুণকীর্তন করেছিলাম। নায়কার ছিলেন একজন স্ববক্তা, নেতা এবং জনসেবী। চল্লিশ বছর ধরে জনগণের জীবনে তাঁর প্রভাব বিস্তারের কথা শ্রবণ করে নায়কার বিরোধী ব্যক্তিবাই তাঁর ক্ষমতার কথা অস্বীকার করতে পারতেন না।

মালাক্কায় আমি প্রায় দু'বছর প্র্যাকটিশ করেছিলাম। “নাট্টুকোং চেট্টার” সম্প্রদায়ের অনেক লোক সেখানে বাস করতো। স্বদে টাকা ধার দেওয়া ছিল তাদের ব্যবসা। এমনিভাবে লক্ষ লক্ষ টাকা তারা মালয়ের নানান স্থানে খাটাতো এই সম্প্রদায়ের অনেকে আমার বন্ধু বা মকেল ছিল।

চেষ্টিনাভের রাজা স্তার আন্সামল চেষ্টিয়ার মালাক্কা এলে পর তাঁকে অভ্যর্থনা জানাবার জন্তে আয়োজিত এক জনসভায় আমি সভাপতিত্ব করেছিলাম। তখন রাজার সঙ্গে পরিচিত হবার সৌভাগ্য আমার হয়েছিল। খুব বিরাটভাবে চেষ্টিয়ার সম্প্রদায়ের লোকেরা তাঁকে অভ্যর্থনা জানিয়েছিল। রাজা সাহেবের প্রগল্ভতা এবং বশীকরণ শক্তি একবার যারা তাকে দেখেছে তারা কোনদিনই ভুলবে না।

চেষ্টিয়াদের কথা বলার সময় একটা ঘটনার কথা আমার মনে পড়ছে। মালাক্কা প্রাকটিক করার সময় একবার ক্রিমিঙ্গাল কেসে ধরা পড়া এক চেষ্টিয়ারের হ'য়ে আমি কোর্টে হাজির হ'য়েছিলাম। চেষ্টিয়ারের জামিনের জন্ত আমি গিয়েছিলাম। কোর্টে বহু চেষ্টিয়ার এসেছিল। চেষ্টিয়ারকে জামিন দেবার জন্ত আমি কোর্টের কাছে প্রার্থনা জানালাম। দোষের গুরুত্বের কথা ভেবে বিচারক যে কি করবেন ঠিক বুঝতে পারছিলেন না। অবশেষে আসামীকে জামিনে ছাড়ার আদেশ দিলেন। জামিনের খবরটা দেবার জন্তে আমি চেষ্টিয়ারকে খুঁজলাম, কিন্তু তাকে কোর্টে দেখতে পেলাম না। ততক্ষণে পুলিশও তাকে খুঁজছে। কিন্তু চেষ্টিয়ারের খোঁজ পাওয়া গেল না। অসংখ্য লোকের জড়ো হওয়া কোর্ট থেকে দিনে দুপুরে সকলের অজান্তে চেষ্টিয়ার যে কি করে পালিয়ে গেল তাই ভেবে সকলে অবাক হয়ে গেল। নিরপরাধী আমার মক্কেলের এই ব্যবহারে আমিও খুব অবাক হয়ে গেলাম। এর পর সেই চেষ্টিয়ারের আর কোনো খোঁজ পাইনি। কেমন করে যে সে সেখান থেকে পালিয়ে গেল, তা' আজো আমার কাছে রহস্যময় বলে মনে হয়।

ছাঞিঞ

গণ্ডগোলের সূত্রপাত

রবার এবং টিন মালয়ে প্রচুর উৎপন্ন হয়। এইগুলোর দাম যেমন ওঠে পড়ে, তার ওপর নির্ভর করে মালয়ে ব্যবসার উন্নতি অবনতি, অর্থের প্রাচুর্য আর অভাব। আমি যখন মালয়ে ছিলাম তখন রবারের বেশ দাম। রবারের বাগান কেনা এবং বিক্রী তখন খুব চলছিল। এই বেচাকেনার ব্যাপারে দলিল তৈরী করা, সে সব রেজিস্ট্রী করা ইত্যাদিতে উকীলদের খুব লাভ হয়। একজন বা দু'জন ক্লার্ক এইসব কাজ সারতে পারে। আমার মালাক্কার অফিসে এইসব কাজ করতো একজন চীনা। এই সব কাজকর্মে তার ভালই অভিজ্ঞতা ছিল। তার নাম ছিল চুতোঙ্। একদিন চুতোঙ্ আমাকে বল্ল যে তার এক চীনা বন্ধু 1000 হাজার ডলার ধার চায়। তার জন্য সে তার রবারের বাগানটি মর্টগেজ রাখতে চায়। আমি যদি কোন চেষ্টিয়ারকে এ বিষয়ে বলে দেখি তাহ'লে ভাল হয়। আমি আমার চেনা এক চেষ্টিয়ারকে এ টাকাটা দিতে বল্ল পর তিনি তা দিলেন। আমি অবশ্য চেষ্টিয়ারকে বলেছিলাম যে ঐ বাগানের দলিল দস্তাবেজ সব পরীক্ষা করে তারপর টাকা দিতে। যে লোকটি টাকা ধার করেছিল সে আমার সামনে দলিলে সই দিয়েছিল। তারপর এটা রেজিস্ট্রী করার জন্য ল্যাণ্ড অফিসে পাঠালাম। দু'দিন পরে দলিল বিনা রেজিস্ট্রীতে ফিরে এল। রবারের বাগানের মালিক মৃত। দলিলে যে সই দিয়েছে সে বাগানের মালিকের নামে মিথ্যা সই দিয়ে টাকা নিয়েছে জানা গেল। চুতোঙের জানা লোক বলে টাকা ধার দেবার জন্য আমি চেষ্টিয়ারকে বলেছিলাম। দলিল বিনা রেজিস্ট্রীতে ফিরে এলে পর চেষ্টিয়ার চোখের জলে ভেসে আমার অফিসে এল। চুতোঙ্ বল্ল যে তার বন্ধু তাকে ধাক্কা দিয়েছে। চেষ্টিয়ারের যে ক্ষতি হ'লো তার জন্য আমি দায়ী না হলেও আমার কথামতো তিনি টাকাটা দিয়েছেন এটা পরিষ্কার। এদিকে চুতোঙের লোকটি টাকা পাওয়ার সঙ্গে সঙ্গে সে আরগা পরিত্যাগ করেছিল। এই লোকটার কাছ থেকে টাকাটা আদায় করতে না পারলে টাকাটা আমি দেব একটা আমি চেষ্টিয়ারকে বললাম। এদিকে সেই চীনা লোকটির খোঁজ পাওয়া গেল না। সে চীনে পালিয়ে গিয়েছিল। চেষ্টিয়ারকে এই টাকাটা দেবার মত টাকা আমার হাতে তখন ছিল না। তাই এই টাকাটার একটা প্রমিসরি নোট আমি লিখে দিলাম। এটা চেষ্টিয়ারের হাতে দিলে

পর চেষ্টিয়ারের মুখের সেই কৃতজ্ঞতা এবং অন্তত ভাব আমি বলে বোঝাতে পারব না। এই টাকাটা আমি ধার করে দিয়েছিলাম। সে ধার শোধ করতে আমার হু'বছর লেগেছিল।

আর একটা মুন্সার অফিসে ঘটেছিল। সে ঘটনা এর চেয়ে গুরুতর। মুন্সার অফিসে দলিল রেজিস্ট্রী করতে নিয়ে যেত পাণিকর বলে একটি লোক। লোকটি কাজকর্মে খুব চৌকশ, মকেলদের সঙ্গে কেমন ব্যবহার করতে হয় তা জানতো। সপ্তাহে দু'দিন আমি মুন্সারে যেতাম। তখন 10/15-টা দলিল রেজিস্ট্রী করার থাকতো। মকেলরা আমার দলিল সই করার পর সেগুলো রেজিস্ট্রী করার পরশা আমি পাণিকরের হাতে দিতাম। রেজিস্ট্রী করার পর দলিল ফিরে এলে তা মালিকদের ফেরত দিতাম। এই জঙ্গ অফিসে একটা রেজিস্ট্রার রেখেছিলাম। দলিল ফিরিয়ে দেবার পর তার সমস্ত বিবরণ লিখতে এবং মালিকদের সই নিতে পাণিকরকে নির্দেশ দেওয়া ছিল। আমি যখন মুন্সারে যেতাম তখন বেশ ভালো ভাবে এই রেজিস্ট্রারটি পরীক্ষা করে দেখতাম। কখনো কোনো ভুল ধরা পড়ে নি।

মালাকার সেই ঘটনার দু'মাস পরে এক শনিবার আমি মুন্সার অফিসে গেলে পর একজন চেষ্টিয়ার আমার কাছে এসে নাশিশ করলো যে তার কতগুলো দলিল সে ফিরে পায়নি। পাণিকরকে জিজ্ঞেস করাতে বলল যে সে দলিলগুলো সব বাড়ীতে রেখেছে, এদুনি নিয়ে আসছে বলে বাড়ী গেল। অনেকক্ষণ পরে সে ফিরল না দেখে তার বাড়ীতে লোক পাঠালাম। সেখানেও তাকে পাওয়া গেল না। আমার তখন লম্বো হওয়াতে সমস্ত কিছু ভালো করে অহুসান করে বিস্তৃত পাণিকরের ভরানক জোচ্চুরির কথা জানতে পারলাম। প্রায় চল্লিশটির মতো দলিল সে রেজিস্ট্রী করতে পাঠায় নি। অফিসের রেজিস্ট্রারে এই দলিলগুলো ফেরত পাওয়া হয়েছে এবং মকেলদের ফেরত দেওয়া হয়েছে বলে লেখা ছিল। দলিল ফেরত পেয়েছে বলে মকেলদের সইও রয়েছে। এ সমস্তই বেনকল তা' আমি পরে জানতে পেরেছিলাম। আমি রেজিস্ট্রী করতে যে টাকা তাকে দিতাম সে সব টাকা পাণিকর নিজের দরকারে খরচ করতো। অনেক টাকা আমি তাকে দিয়েছিলাম। দলিলে সই করে তিন মাসের মধ্যে রেজিস্ট্রী না করলে চারগুণ রেজিস্ট্রী ফী দিতে হবে। হিসেব দেখার পর বুঝতে পারলাম যে আমাকে এখন প্রায় 4000 হাজার টাকার মত গচ্ছা দিতে হবে। আমি সঙ্গে সঙ্গে ল্যাণ্ড অফিসের অফিসারের সঙ্গে দেখা করে তাঁকে সমস্ত ব্যাপারটা খুলে বললাম, তিনি দয়া করে আমাকে শান্তি দিলেন না। সমস্ত দলিলগুলো রেজিস্ট্রী করার জন্য টাকা আমি আবার দিলাম। এর জন্তে প্রায় 1000 হাজার ডলার আমার কতি হ'লো। তা হোক, এতে আমার মকেলদের কোনো ক্ষতি হয়নি।

একমাস পরে কুয়াললামপুরে পানিকরকে অ্যারেস্ট করা হয়। বিশ্বাসবন্ধনা কেসে তার আট মাস সশ্রম কারাদণ্ড হয়। জেলে থাকতে থাকতে সে অসুস্থ হ'য়ে আমাদের একটা চিঠি লিখেছিল। তাতে আর একটা কথাও সে লিখেছিল। তার লাড্ডু খাবার ভীষণ ইচ্ছে হ'য়েছে, কাউকে দিয়ে যদি আমি গোটা চারেক লাড্ডু জেলে পাঠিয়ে দিই তাহলে সে আমার কাছে কৃতজ্ঞ থাকবে। আমি সুপারিন্টেন্ডেন্টের অস্থমতি নিয়ে তাকে লাড্ডু পাঠিয়ে দিয়েছিলাম। জেল থেকে বেরোনোর পর পানিকরকে অসুস্থ বলে মনে হলো। কয়েকদিন তাকে আমার বাড়ীতে রেখে পরে হাসপাতালে পাঠিয়ে দিলাম। হাসপাতাল থেকে সুস্থ হ'য়ে ফিরে পানিকর যখন আমাকে বল্ল যে, যে করেই হোক তাকে একটা চাকরী জোগাড় করে দিতে হবে তখন আমি ভারী আশ্চর্য হয়ে গেলাম। “আপনি যদি একটা চিঠি দেন তাহ'লে আমি একটা কাজ পেতে পারি নইলে আমি বড় কষ্টে পড়বো” পানিকরের এই কথাগুলো শুনে আমার মনটা গলে গেল। একবার ভুল করলে তার আর কোন উপায় নেই এটা সত্যিই কষ্টকর। কিন্তু যে ঘটনা ঘটে গেছে তাকেও লুকিয়ে রাখা যায় না। তাই পানিকরের দরকার মতো একটা চিঠি লিখে দিলাম। চিঠিটা এই ভাবে লিখলাম—“লোকটি আমার অফিসে কাজ করতো। বিশ্বাসবন্ধনার কেসে তাকে জেল ভোগ করতে হয়। জেল থেকে বেরিয়ে এসে সে নিজের দোষ বুঝতে পেরে অসুস্থ হ'য়েছে। লোকটি কাজকর্মে খুব চালাকচতুর।” কাজ পেতে পানিকরের বেশী দেরী হল না। এক বছর কাজ করার পর একদিন তাল খেলতে খেলতে হার্টফেল করে সে মারা যায়। আমার যে ক্ষতি করেছে সে ক্ষতির শোধ সে করতে চেয়েছিল। আরো কিছু দিন বেঁচে থাকলে সে নিশ্চয়ই আমার টাকাটা শোধ করতো।

এই সময় আর একটা গণগোলের সম্মুখীন আমাদের হ'তে হয়েছিল। 1930 সালের জুন মাসে কুয়াললামপুর সুপ্রীম কোর্টে এনরোল করার জন্য আমি দরখাস্ত করলে পর সেখানকার বার কমিটি এর বিরোধিতা করে। আমি আগে সিদ্ধাপুর সুপ্রীম কোর্টে আমার নাম তালিকাভুক্ত করেছিলাম। ফেভারেটেড মালয়ান ট্রেডের কোর্টগুলোতে প্র্যাকটিশ করবার জন্য কুয়াললামপুর সুপ্রীম কোর্টে নাম তালিকাভুক্ত করতে হয়। 1927 সালে বালরে লৌছোনের পরই আমি এ বিষয়ে দরখাস্ত করলেও 1930 সালের জুন মাসে আমার দরখাস্তের ওলানী আবৃত্ত হয়। রাজকোহের অপরাধে আমি শাস্তি পেরেছি। আমি ভারতের কোর্ট প্র্যাকটিশ করা ছেড়ে দিয়ে অসহযোগ আন্দোলনে যোগ দিয়েছিলাম ইত্যাদি বলে বার কাউন্সিল আমার

দরখাস্তের বিরোধিতা করে। এই ব্যাপারে কুয়াললামপুর বার কমিটি, সেক্রেটারীর ফাইল করা এ্যাক্টিভিট জি. কে. নারায়ণনের আমার সম্বন্ধে লেখা একটা চিঠি, মাদ্রাজের পুলিশের কুয়াললামপুর পুলিশ কমিশনারকে লেখা একটা চিঠি, প্রমাণ হিসেবে দেওয়া হয়েছিল। এই দুই চিঠিতে যা লেখা ছিল তা আমি এখানে বলছি।

নারায়ণন্ লিখেছিলেন—“1919 সাল থেকে আমি কেশব মেননকে চিনি। আমি মাদ্রাজে প্র্যাকটিশ করার সময় তিনও সেখানে প্র্যাকটিশ করছিলেন। 1921 সালের আরম্ভে তিনি মাদ্রাজের প্র্যাকটিশ ছেড়ে দিয়ে অসহযোগ আন্দোলনে অংশ নেবার জন্তু করলে যান। অসহযোগ আন্দোলনের মূল কথা হচ্ছে যে সরকারের সঙ্গে কোনো কিছুতে সহযোগিতা না করা। উকালরা কোর্ট বহিষ্কার করবে, প্র্যাকটিশ করা ছেড়ে দেবে, লোকে খাজনা দেবে না ইত্যাদি। 1921 সালের পর কোন বছর আমার ঠিক মনে নেই, কেশব মেননের জেল হয়েছিল। কি দোষে তা আমি ঠিক জানি না।” 1922 সালের মালাবারের যোগলা বিদ্রোহ এই আন্দোলনের ফলে হয়েছিল একথাও নারায়ণন্ লিখেছিলেন।

ভান্ডার্স কোম্পানীর একজন অংশীদার ছিলেন নারায়ণন্। সেই কোম্পানী ছেড়ে আমার নিজের প্র্যাকটিশ আরম্ভ করাটা তাঁর একটুও ভালো লাগেনি। তাই আমাকে একটা শিকা দেবেন বলে তিনি ভেবেছিলেন। এই কাজে যে আমার কত ক্ষতি হতে পারে সে সম্বন্ধে তিনি একবার চিন্তাও করলেন না।

মাদ্রাজের পুলিশ কুয়াললামপুরের পুলিশ কমিশনারকে আমার সম্বন্ধে এই রিপোর্ট দিয়েছিলেন—

নাম—কে. পি. কেশব মেনন।

কাজ—অসহযোগ আন্দোলনকারী।

ইতিহাস—মাদ্রাজের প্রায় সব শ্রমিক আন্দোলনে সক্রিয় অংশ গ্রহণ করেছিলেন। ট্রামওয়ে মজদুর সংঘের স্থাপকদের মধ্যে ইনি একজন ছিলেন। 1921 সালের ফেব্রুয়ারী মাসে ইরাকুন্ড হাঙ্গান এবং মজদুরদের আয়েস্ট করা হ'লে পর প্র্যাকটিশ বন্ধ করে অসহযোগ আন্দোলনে যোগ দেবার জন্তু মালাবার যান। মালাবারের নানা জায়গায় খিলাফত্ আর অসহযোগ আন্দোলনের ব্যাপারে অনেক বক্তৃতা দেন। করলের অসহযোগ আন্দোলনের নাড়া হচ্চেন ইনি। ঠৈকম সভ্যগ্রহে 1924 সালের 7ই এপ্রিল এনাকে আয়েস্ট করা হয়। জামিন না দিতে প্রস্তুত থাকার ছ'মাসের সাজা ভোগ করেন। সেই বছরের 1লা সেপ্টেম্বর জেল থেকে ছাড়া পান।

কালিকট থেকে প্রকাশিত একটা অসহযোগ আন্দোলন পত্রিকার সম্পাদক ছিলেন ইনি।

1925 সালের জুলাই মাসে মাদ্রাজে ফিরে এসে আবার প্রাকটিক আরম্ভ করেন।

আমার এতদিনকার কাজ এবং মতামত কোর্টের সামনে লুকিয়ে রাখার উদ্দেশ্য আমার ছিল না। এটা আমি স্পষ্ট ফাইল করা আমার অ্যাফিডাবিটে খোলাখুলিই লিখেছিলাম। 1915 সালে কালিকটে জজ-দণ্ড করার সময় থেকে মালয়ে আসা অবধি যা যা করেছি তার একটা সংক্ষিপ্ত বিবরণ দিয়েছিলাম।

আমার কেস শোনার জন্ত আদালতে সেদিন খুব ভীড় হয়। চীফ জজ সুনানীর পর সঙ্গে সঙ্গে বার দিলেন। রাজনৈতিক মতামত আর উকীলের কাজ এ দু'টোর সঙ্গে কোনো সম্পর্ক নেই। আবেদনকারীর কাজকর্মের ব্যাপারে কোনো অভিযোগ না থাকায় আবেদন নাকচ করে দেবার কোনো কারণ তিনি দেখতে পাচ্ছেন না। তাই আবেদনকারীকে সুপ্রীম কোর্টের এ্যাডভোকেট হিসেবে এনরোল করার স্বপক্ষে তিনি বার দিচ্ছেন।

“আপনার সাফল্য কামনা করি”—জজ আমাকে বলেন। এমনভাবে খুব উৎকর্ষা জাগিয়ে তোলা এই কেসটি আমার স্বপক্ষে গেল। এই কেস শুধু মালয়েই নয়, আমাদের দেশেও কয়েকজন বন্ধুবান্ধবদের দৃষ্টি আকর্ষণ করেছিল। আমার সাফল্যে আমাকে অভিনন্দন জানিয়ে মাদ্রাজের ‘হিন্দু’ পত্রিকা একটা সম্পাদকীয়তে লিখেছিল। মাতৃভূমিও লিখেছিল।

কैसे আমি জিতলেও এর ফলে সে গগুগোলের স্মৃতিপাত হ’য়েছিল তার জের কাটতে অনেকদিন লেগেছিল।

সাতাশ

মালাক্কা থেকে সিঙ্গাপুর

কুয়ালালামপুরের স্থলীম কোর্টে এনরোল করার জন্ত আমার দরখাস্ত সেখানকার বার কমিটি বিরোধিতা করবে। এ খবর মালয় আর সিঙ্গাপুরের বড় বড় কাগজগুলো ছেপেছিল। আমি এ সময় মালাক্কা আর জোহরে প্র্যাকটিশ করছিলাম। এই সময় সিঙ্গাপুর বার কমিটি আমার নামে মোকদ্দমা করবে এরকম একটা উড়ো খবর শোনা গেল। এই খবরের সত্যতার খোঁজ করার আগ্রহ লোকের থাকে না। যা তারা শোনে তা বিশ্বাস করে এবং তার বেশী অস্ত্র লোকের কাছে বলে বেড়ায়। তা সে যাই হোক, এই খবর প্রচার হবার পর জোহর আর মালাক্কা আমার প্র্যাকটিশ কমে গেল। নতুন মক্কেলরা আমার কাছে কেস দিতে দ্বিধা করছিল। যারা এসেছিল তারাও পেছন ফিরতে লাগলো যারা। আমার অহবিধার কথা বুঝেছিল তারাও আমার নতুন কেস দিতে ভয়সা পাচ্ছিল না। অফিস আর বাড়ীর খরচ চালানো মুশকিল হয়ে উঠল। আমি আবার ধার করতে বাধ্য হলাম। কিন্তু ধার পেতে বেশ বেগ পেতে হল। এনরোলমেন্ট কেস চালাতে বেশ কিছু টাকার দরকার হ'য়েছিল। কি যে করবো তা বুঝতে না পেরে আমি শঙ্কিত হ'য়ে উঠলাম।

এই সময়ে পেনাঙের একটা কাগজ আমার নামে একটা খারাপ লেখা ছাপলো। আমি ভারতবর্ষের শ্রমিক আন্দোলনে সক্রিয় অংশ গ্রহণ করেছিলাম। আমাকে মালয়ে বেশী দিন থাকতে দিলে এখানকার ভারতীয় শ্রমিকেরা গোলমাল করতে শুরু করবে ইত্যাদি। এটা পড়ে আমি এই কাগজের নামে মানহানির মামলা করবো বলে ঠিক করলাম। পেনাঙে গিয়ে আমি কেস ফাইল করলাম। কেস লড়াই করতে কাগজটির সাহস হ'ল না। সম্পাদক ক্ষমা চাইলেন। মানহানির জন্ত কোর্ট থেকে যে টাকা পেয়েছিলাম তার বেশী খরচ আমার হ'য়েছিল, এতে আমার দেনা আরো বেড়ে গেল।

এই সময়কার আর একটা দুঃখের কাহিনী বলছি। একটা দেনা শোধ করবার খুব জরুরী দরকার ছিল। আমার এক নিকট বন্ধুর কাছে ধার চাইব ভাবলাম। এই জহলোক রোজ আমার বাড়ীতে আসতেন। আমাকে খুব স্নেহও করতেন। আমার অভাব বাড়ার সঙ্গে জহলোকের আগমনও কমতে লাগলো। এই আর্থিক অবস্থা বেশ

ভালো ছিল। আর কোনো উপায় না দেখে আমি ঐর দ্বারস্থ হলাম। আমাকে দেখেই তিনি আমার আগমনের কারণ বুঝতে পেরেছিলেন। আমার দরকারের কথা তাঁকে বললাম, টাকা না পেলে যে আমার কি অবস্থা হবে তাও তাঁকে বুঝিয়ে বললাম। “আমি কারোকে টাকা ধার দিই না। যারা ধার চায় তাদের আমি পছন্দ করি না”— এই উত্তর তিনি আমার দিলেন। আমি হতভম্বের মতো সেখানে একমিনিট বসে রইলাম। তারপর বাড়ী ফিরলাম। এই ভদ্রলোকের এমনি অসৌজন্যময় কথাবার্তা আর টাকা না পেলে আমার কি অবস্থা হবে সেই কথা মনে করে আমার চোখ দিয়ে হঠাৎ জল গড়িয়ে পড়লো। টাকা পরসার ব্যাপারে এই ভদ্রলোকের খুব হাতটান আমি জানতাম। কিন্তু প্রত্যাখ্যান করারও একটা দিক আছে। ভদ্রলোকের এই ব্যবহারে এবং এই সব গোলমালে আমার মন এত খারাপ হয়ে গেল যে আমার আর কিছুই ভালো লাগছিল না। কারোর সঙ্গে দেখা করতে ইচ্ছে করছিল না। অফিসেও শান্তি মনে কাজ করতে পারছিলাম না। বাড়ীতে বসে থাকতেও মন চাইছিল না। পাণ্ডনাদারদের চিঠির পর চিঠি অসহ্য হয়ে উঠেছিল। এরপর পাণ্ডনাদারেরা আমার নামে মায়ালা শুরু করলো। দেনা শোধ করবার কোন উপায়ই দেখতে পেলাম না।

দেনাদারের অভিজ্ঞতা যে কি তা বলে বোঝানো যায় না। তাকে সব সময় ভয়ে ভয়ে থাকতে হয়। তার আহ্বার নিজা সব ঘুচে যায়। নৈরাশ্র আর ক্লান্তি তাকে ঘিরে ধরে। সত্যকে ফাঁকি দিতে হয়, পৌরুষ বিসর্জন দিতে হয়। জীবনে স্থণা ধরে যায়। স্তূভার জন্ত সে লালারিত হয়।

এই সময় কোন একটা নির্জন জায়গায় গিয়ে একা একা চুপচাপ বসে থাকতে আমার খুব ভাল লাগতো। একদিন মালাকা থেকে বেশ দূরে একটা নির্জন জায়গায় গিয়ে বসলাম। হাতে আমার ‘The Consolation of Philosophy’ বলে একটা বই ছিল। সেটা পড়তে লাগলাম। মাঝে মাঝে বই থেকে চোখ সরিয়ে চারিদিকের অপূর্ব প্রাকৃতিক দৃশ্য দেখছিলাম। পাখীদের গান, ভ্রমরের গুঞ্জন, গাভীর ডাক, প্রজাপতির নৃত্য দেখতে দেখতে আমার মনের ভার অনেকটা কমে গেল। আমার চেয়ে এদের জীবন কত সহজ, কত শান্তিপূর্ণ একথাই তখন আমার মনে হচ্ছিল। আমি যদি এদের মত হতে পারতাম। অস্ত্রান্ত প্রাণীরা মালুমের মতোই হয়তো বেদনা অল্পভব করে, কিন্তু মনের কষ্ট শুধু মালুমই অল্পভব করে। এক ষ্ট শারীরিক কষ্টের চেয়ে অনেক বেশি অসহ্য। মন যখন নৈরাশ্রের কালো অন্ধকারে ঢেকে যায় তখন সাধারণতঃ একটা ভালো বইয়ের মধ্যেই আমি আশ্রয় খুঁজি।

আমার অভাবের কথা জানতে পেরে আমার কিছু সহকর্মী বন্ধু আমাকে সাহায্য

করার জন্য একটা অর্থ-সাহায্য ভাণ্ডার খুলেছিল। এটা খুব গোপনে গোপনে খোলা হ'য়েছিল। যা টাকা সংগৃহীত হ'য়েছিল তা বেশী না হলেও বন্ধুদের এই সহৃদয়তার কাছে আমি কৃতজ্ঞ। মালয় এবং সিঙ্গাপুরের মালয়ালীরা অর্থ দিয়ে সাহায্য করেছিল। আমার অবস্থার একটু পরিবর্তন হলে তাদের কয়েকজনের টাকা আমি ফেরত দিয়েছিলাম।

আমার এই দুঃসময়ে যারা আমার মনকে মাঝে মাঝে খুশীতে ভরিয়ে তুলতো। এমন দুজন বন্ধুর কথা এখানে বলবো। তারা হচ্ছে 'টমি' নামে আমার কুকুর আর 'রামন্' নামে আমার একটি পোষা বান্দর। অফিস থেকে ফেরার পর সন্ধ্যার সময় আমি ওদের নিয়ে অনেকক্ষণ খেলা করতাম। টমি আর রামনের খেলা দেখতে আমার খুব মজা লাগতো। অনেক দূর থেকে আমার গাড়ী আসছে দেখতে পেয়ে রামন্ খুব খুশী হয়ে একরকম অদ্ভুত শব্দ করতো।

টমি খুব পোষ মানা কুকুর ছিল। সব কথা সে শুনতো। আমার সঙ্গে বন্ধুবান্ধব দেখা করতে এলে সে তাদের কিছু বলতো না কিন্তু আমার বেড়াতে যাবার সময় তাকে যদি না নিতাম তাহ'লে তার খুব খারাপ লাগতো। "আমার সঙ্গে আসিস না"—বলে তাকে ফিরিয়ে দিলে দেখা যেত ঠিক আমার পেছন পেছন রাস্তা চিনে সে এসেছে। আমার কথা না শুনে এসেছে বলে আমি যাতে না রাগ করি তার জন্যে আমাকে নানা ভাবে খুশী করার চেষ্টা করতো। ওর রকম স্কম দেখে ওর ওপর আর রাগ করতে পারতাম না। অনেক সময় গলিঘূঁজি জঙ্গলের মধ্যে দিয়ে হাঁটতাম বলে টমি সঙ্গে থাকলে নিশ্চিন্ত মনে হাঁটতাম। আমার দেনার ভার হালকা করে দেবার জন্যে টমি যদি কিছু করতে পারতো তাহ'লে খুশীর সঙ্গেই সে করতো। কুকুর সত্যিই একটা আশ্চর্য প্রাণী। তার ভালোবাসা, ভক্তি, ত্যাগ করবার ক্ষমতা মানুষ অল্পকরণ করতে পারলে ভালোই হয়।

একদিন সন্ধ্যাবেলার মালাকা থেকে ফিরে গেটের সামনে টমিকে দেখতে পেলাম না। জানতে পারলাম টমি মোটর দুর্ঘটনার মারা গেছে! বাড়ীর বাগানে তাকে কবর দিলাম। টমির মৃত্যুতে আমার মন এমন একটা শূন্যতার ভরে গিয়েছিল যে তা পূর্ণ হতে অনেকদিন লেগেছিল। টমির মৃত্যুতে আমাদের মতই কষ্ট পেয়েছিল আমার বান্দর রামন্। তার কান্না থেকে তা বুঝতে পেরেছিলাম।

আমার সব দুঃখকষ্টের মূল রামন্ এই রকম একটা বিশ্বাস আমার এক বন্ধুর ছিল। বাড়ীতে বান্দর পোষা নাকি অলঙ্কার, একথা তিনি বলেছিলেন। এ বিশ্বাসের ভিত্তি কি আমি তা জানতাম না। একদিন আমার অজান্তে তিনি রামন্কে জবলে ছেড়ে

দিলেন। রামন্ যাওয়ার আগে আমার দুঃখ দুর্দশা একটুও কমেনি। বরঞ্চ রামনের এই বিচ্ছেদ আমার দুঃখ আরো বাড়িয়ে দিল।

আমি মালয়ে আসার একবছর পূর্ণ হবার আগেই আমার ভাই আগ্নুকুটন মালয়ে এসেছিল। সে মুঝারে আমার অফিসের কাজ দেখতো। আমার দুঃখকষ্ট শুরু হবার সময় মালাকার অফিসও বাদ গেল না। লোকে বলে দেনা আর ইঁদুর খুব তাড়াতাড়ি বেড়ে যায়, আর দু'টোই খুব ক্ষতি করে। মালাকা থেকে মুঝারে যাবার সময় একটা নদী পার হ'তে হয়। নৌকো করে নদী পার হবার সময় নদীতে ঝাঁপ দিয়ে পাওনাদারদের হাত থেকে রক্ষা পাবার কথা আমার অনেকবার মনে হয়েছে। কিন্তু আমি না থাকলে আমার পরিবারের অবস্থা কি হবে এই কথা ভেবে আমি এই কাজ থেকে নিবৃত্ত হয়েছি। কতদিন আমি এই নরকে পড়ে মরবো, এর কোনো শেষ দেখতে পাচ্ছি না, এই সব চিন্তা প্রায়ই মনে উদয় হতো। পাগল না হ'লেও পাগলের মত এমনিভাবে আমি এক অসহ্য মানসিক যন্ত্রণায় পিষে মরে যাচ্ছিলাম। একদিন আমার স্ত্রী যখন বল্ল—“এমন ভাবে মন খারাপ করে লাভ কি? যা হবার হবে”—তখন আমার মনে একটা অল্প ভাবনার উদয় হ'ল। আমার এমন কি গুরুতর বিপদ ঘটেছে? এমন কোন্‌ মাহুষ এ পৃথিবীতে আছে বাকি দুঃখকষ্ট সহ্য করতে হয়নি? আমি আজ দেনাদার, কিন্তু সেটা কি অপরাধ? দুঃখকষ্টগুলোকে দূর করার শক্তি হয়তো আমার নেই, কিন্তু তাদের সম্মুখীন হওয়ার শক্তি তো আমার হাতে। “তোমার জীবনে যত বিপদই আসুক না কেন, তারা তোমার সাহসকে প্রতিদ্বন্দ্বিতা জানাচ্ছে। এই বিপদ-গুলি তোমার ভবিষ্যতের ভিৎ শক্ত করে গেঁথে তোলার এক একটি ইষ্টিকা”—এক শিক্ষাগুরু এই কথাগুলো আমার এখন মনে হ'ল।

কুয়ালালামপুর বার কমিটির কেস শেষ হবার পর প্র্যাকটিশ করার জন্য সিঙ্গাপুর যাওয়া ঠিক করলাম। মালাকায় কেস চলার সময় এটা আমি ঠিক করেছিলাম। কিন্তু তখন এ বিষয়ে আমি কাউকে কিছু বলিনি। মালাকায় কিছু পাওনাদার কেস করে আমার বিরুদ্ধে তাদের অহুকুলে রায় দিইয়ে নিয়েছিল।

কয়েকজন পাওনাদারকে আমার বিরুদ্ধে কেস দেওয়া থেকে নিবৃত্ত করতে পারলেও কয়েকজনকে পারলাম না। এরা অফিসে আর আমার বাড়ীতে যেসব জিনিষপত্র ছিল তা সব বাজেয়াপ্ত করলো। আইনানুযায়ী যে ক'টি জিনিষ আমি রাখতে পারি সেইগুলো নিয়ে একদিন সকালে মালাকা সেকে সিঙ্গাপুর রওনা হলাম। আমার মেয়ে পদ্মিনীর একটা পুতুল বাজেয়াপ্ত জিনিষগুলোর মধ্যে ছিল। গাড়ীতে ওঠার পর পদ্মিনী বল্ল—“বাবা আমার পুতুলটাকে নেওয়া হয়নি” বলে সে পুতুলটা নিতে গেল। পুতুলটা

যে নিরে যাওয়া যাবে না, সে কথা শুকে বলি কেমন করে? "ওটা এখন এখানে থাক থুই, অন্য সব জিনিষগুলোর সঙ্গে ওটা পরে আসবে" বলে শুকে সাধনা দিলাম। বেচারী! আমার কথাগুলো সে বিশ্বাস করলো। বেশ কিছু দায়ী জিনিষও এর সঙ্গে ছিল। কিন্তু সেই পুতুলটা সেখানে ফেলে রেখে চলে আসতে আমার মেয়ের চেয়ে আমার কম কষ্ট হয় নি। পথে যেতে যেতে এটা ওটা বলে আমি মেয়ের মন ভোলাবার চেষ্টা করছিলাম। সে কিন্তু থেকে থেকে পুতুলের কথা জিজ্ঞেস করছিল। খণ করার দুঃখ যে কি তা বেচারী জানবে কি করে।

মালাক্কা থেকে সিঙ্গাপুরের রাস্তা 120 মাইল। আমরা প্রায় সন্ধ্যার সময় পৌঁছোলাম। সিঙ্গাপুরে আমার অনেক বন্ধুবান্ধব ছিল। তাই অনেক আশা নিয়ে আমি সিঙ্গাপুরে আমার নতুন জীবন আরম্ভ করবো ভেবেছিলাম। কিন্তু মালাক্কা থেকে সিঙ্গাপুরে আসার পর আমি যেন কড়াই থেকে তপ্ত আগুনের মধ্যে পড়লাম। সিঙ্গাপুরে কিছুদিন থাকার পর এ অভিজ্ঞতা আমার হয়েছিল।

আঠাশ

কতকগুলি মামলা

সিঙ্গাপুরে আমার অনেক খারাপ অভিজ্ঞতা হ'লেও এই শহরটির মতো কোনো শহরই আর আমার ভালো লাগেনি। এই শহরটির পরিচ্ছন্নতা, সৌন্দর্য, বাস করার সুখ সুবিধা, লোকের আচার-ব্যবহার, শাসনব্যবস্থার তৎপরতা এবং কর্মক্ষমতা আমাকে খুব আকৃষ্ট করেছিল। এই ছোট্ট দ্বীপটি প্রায় দেড়শ বছর আগে জেলেদের একটি ছোট্ট গ্রাম ছিল। সেই ছোট্ট দ্বীপটি কেমনভাবে একটি সুন্দর শহর হয়ে গড়ে উঠল তার কাহিনী খুবই চমকপ্রদ।

1819 সালে ইস্ট ইন্ডিয়া কোম্পানীর একজন অফিসার টমাস স্ট্যানফোর্ড রাফেলস্ আরো দুজন লোকের সঙ্গে এই দ্বীপে নেমেছিলেন। তখন চারপাশে যোপঝাড় ঘেরা জেলেদের ক'টি ছোট্ট কুটির মাত্র তিনি দেখতে পেয়েছিলেন। তখন এই দ্বীপটি জোহরের সুলতানের অধীনে ছিল। এক সময় সিংহপুরী বলে অভিহিত একটি বড় শহর এই দ্বীপে ছিল। চতুর্দশ শতাব্দীতে জাতানীজ্জা ঐ শহর ধ্বংস করে বলে ইতিহাসে লেখা আছে। রাফেলস্ ঠিক করলেন সিংহপুরীর হৃতগৌরব উদ্ধার করবেন। 1824 সালে জোহর সুলতানের হাত থেকে এই দ্বীপের সব অধিকার এবং দারিদ্র্য বৃটিশেরা নিয়ে নিল।

এই দ্বীপের ভৌগোলিক অবস্থার প্রাধান্য জেনে রাফেলস্ সিঙ্গাপুরের অবিস্মৃতি জন্ত কাজ করতে শুরু করলেন। তাঁর সেই কাজ আজ অবধি হ'য়ে চলেছে। বেশ কিছুদিন সিঙ্গাপুরের শাসনব্যবস্থা ভারত সরকার চালিয়েছিল। 1867 সালে এই ব্যবস্থার রদ হয়।

সিঙ্গাপুরের 12 লক্ষ লোকের মধ্যে সাড়ে আট লক্ষের বেশী লোক চীন দেশীয়। দেড় লক্ষ মালয়ের অধিবাসী। ভারতীয়ের সংখ্যা 87,000। বাকী সব ইউরোপীয় ও অন্যান্য সম্প্রদায়ের।

সিঙ্গাপুর অন্তঃস্থক না হওয়ায় একটা খোলা বন্দর হওয়াতে এখানকার ব্যবসায় এত তীব্রতা। আজ সিঙ্গাপুরে যে শাসনব্যবস্থা চালু আছে তা আমার থাকার সময়ে ছিল না। তখন শাসনব্যবস্থার ব্যাপারে জনসাধারণের কোনো আগ্রহই ছিল না। ঔপনিবেশিক শাসনব্যবস্থা তখন সেখানে চালু ছিল। এ নিয়ে কেউ কোনো প্রশ্নও করতে

না, মাথাও বামাত না। এই প্রকার সীমিত ব্যবস্থায় সেখানকার শাসনতন্ত্র বেশ ভালো-ভাবেই চলছিল। নির্বাচনে নামা, মন্ত্রী হওয়া এসবের কথা তখন কেউ ভাবতোও না।

সিঙ্গাপুরে অনেক আইনজ্ঞের অফিস ছিল। বড় বড় অফিসগুলোর বেশীর ভাগই সব সাহেবদের। চীন দেশীয়, অ্যাংলো ইণ্ডিয়ান, ইণ্ডিয়ান, সিংহলবাগীরাও উকীল হিসেবে কাজ করছিল। ভারতীয়দের সংখ্যা তুলনামূলকভাবে খুব কমই ছিল। তখন চার পাঁচজন ভারতীয় মাত্র সেখানে ছিল।

সিঙ্গাপুরে অফিস খুলতে মালিকার চেয়েও বেশী টাকার দরকার। থাকা খাওয়ার খরচও বেশী। কতকগুলো ধার শোধ না করে উপায় ছিল না। এগুলো শোধ না করলে প্র্যাকটিশ আরম্ভ করা যাবে না। অফিস খোলার জন্তও টাকা চাই। এই সব টাকার জোগাড় কি করে করি? কোর্টের রায় দেওয়া আর বাজেয়াপ্ত করা একজনকে কি কেউ টাকা দেয়? কিন্তু আমার দরকারের কথা অপরকে না জানালে আমার কাজই রা চলবে কি করে? তাই আমার এক বন্ধুকে সব কথা খুলে বললাম। আমার কথা শুনে তার সহানুভূতি হলেও আমাকে সাহায্য করার তাঁর আর্থিক সক্ষমতা ছিল না। তিনি কিন্তু আমার জন্তে তাঁর পরিচিত কয়েকজন লেখকের সঙ্গে এ নিয়ে কথা বলেন। তাদের জামিনে আমার দরকারী টাকা একজন নাট্টুকোট্টেট্টার দিল। এমনি ভাবে আমি সিঙ্গাপুরে প্র্যাকটিশ আরম্ভ করলাম।

কেস হাতে পেতে খুব বেশী অপেক্ষা করতে হ'ল না। বেশীর ভাগই ছিল দেওয়ানী মামলা। তবে ফৌজদারী মামলাও কিছু কম ছিল না। কতকগুলো কেসের কথা আমার এখনো মনে আছে। মাহবুবের চরিত্রের নগ্নতা আর কুশ্রীতা এই মামলাগুলোও আমরা দেখতে পাই।

সিঙ্গাপুর নোবাহিনীতে অনেক মালয়ালী তখন কাজ করতো। তারা সেলাটার নামে এক জায়গায় থাকতো। অন্তান্ত জাতের লোকরাও সেখানে থাকতো। বড় বড় শেড়্ তৈরী করে তারা এখানে বাস করতো। এদের মধ্যে গোপালন বলে একজন ছুতোয় মিস্ত্রী এবং পিন্জা বলে একটি লোকও ছিল। পিন্জা আর গোপালন একই জায়গায় থাকত। পিন্জা তার সাবানটা একটা সাবানের বাস্কে রাখতো। গোপালন একদিন এই সাবান নিয়ে স্নান করে সাবানটা আবার সেখানেই রেখে দেয়। পিন্জা সাবান ব্যবহার করতে গিয়ে দেখে যে তার সাবানটা কে যেন ব্যবহার করেছে। খোঁজ নিয়ে জানতে পারে যে গোপালন ব্যবহার করেছে। একজন ছুতোয় মিস্ত্রী তার সাবান ব্যবহার করেছে জানতে পেরে পিন্জা খুব রেগেমেগে গোপালনের গালে একটা চড় মারলো।

সকলের সামনে তাকে অপমান করার মতো এমন কাজ সে কি করেছে গোপালন তা বুঝতে পারলো না। তখন অবশ্য সে কিছু বল না। সেদিন মাঝরাতে একটা ভয়ানক আর্দ্র চীৎকার শোনা গেল। পিন্না যেখানে শুয়েছিল সেইখান থেকে শব্দটা আসছিল। সকলে ছুটে গিয়ে দেখে পিন্নার শরীরে একটা কুঠার গাঁথা। রক্ত পড়ে কালো হয়ে আছে। পিন্না মরে গেছে।

পিন্নার হত্যার জন্ত গোপালনকে বন্দী করা হল। ম্যাজিস্ট্রেটের কোর্টে প্রথম শুনানীর পর কেস স্ক্রীম কোর্টে গেল। জুরীদের সাহায্যে জজ এই কেস চালাচ্ছিলেন। আমি গোপালনের হয়ে দাঁড়িয়েছিলাম। গোপালন যে হত্যা করেছে তা কেউ দেখেনি। তবে পিন্নার দেহে গঁথে থাকা কুঠারটা গোপালনের আর হত্যার দিন পিন্না আর গোপালনের মধ্যে যে গোলমাল হয় তার প্রমাণও ছিল। গোপালন দোষী জুরীরা এই মত দিল। জজ গোপালনের ফাঁসির আজ্ঞা দিলেন। আপীল করেও কোনো ফল হ'ল না।

কতকগুলো বাহনীর কেসে শান্তি কমাবার অধিকার গভর্ণরের আছে। তার জন্ত দরখাস্তে সই নেবার জন্তে আমি জেলে গোপালনের সঙ্গে দেখা করলাম। ফাঁসির আসামীর সেলে গোপালন একা বসেছিল। আমাকে দেখে সে বলল—“আমাকে যে করেই হোক আপনাকে রক্ষা করতে হবে স্ত্রার, আমি মায়ের একমাত্র ছেলে—” বলে সে কাঁদতে লাগলো। আমি হতভাগাকে সাহায্য দেবার চেষ্টা করলাম। দু' সপ্তাহ পরে জানতে পারলাম গোপালনের শান্তি কমাবার আবেদন প্রত্যাখ্যান করা হয়েছে।

ফাঁসির মঞ্চে গোপালনকে নিয়ে যেতে খুব বেগ পেতে হ'য়েছিল। হাত পা ছুঁড়ে তার সর্বশক্তি দিয়ে নিজেকে বাঁচাবার জন্ত সে প্রাণপণে যুঝেছিল। শেষ পর্যন্ত গোপালনের ফাঁসি তারা দিতে পেরেছিল। এমনভাবে জাতধর্মের বাইরে এক জারগার আগে পিন্না তার পেছনে গোপালনও চলে গেল।

আর একটা কেসের কথা আমার এখানে মনে পড়ছে। কয়েকজন মালয়ালী এতে অভিযুক্ত আসামী ছিল। এটা জোহরে ঘটেছিল। সেখানে জাপানীদের রবার বাগানে বেশ কিছু মালয়ালী কাজ করতো। তারা সেখানেই থাকতো। একদিন এই বাগানের একটা বড় গাছের ডালে একজন মালয়ালীর মৃতদেহ ঝুলছে দেখা গেল। পুলিশের সন্দেহ হলো যে লোকটিকে হত্যা করে গাছে ঝুলিয়ে রাখা হয়েছে। এই বাগানের আটজনকে তারা ধরে নিয়ে গেল। প্রথম অন্বেষণের পর পাঁচজনকে ম্যাজিস্ট্রেট কোর্ট থেকে ছেড়ে দেওয়া হলো। বাকী তিনজনের কেস স্ক্রীম কোর্টে

পাঠানো হ'ল। ম্যাজিস্ট্রেটের কোর্টে আসামীদের হ'য়ে আমি দাঁড়িয়েছিলাম। এদের মধ্যে নাস্পিয়ার বলে একজন ছিল সর্দার আর বেশ পরসাগুয়াল লোক। যে পাঁচজন ছাড়া পেরেছিল তাদের মধ্যে নাস্পিয়ারও ছিল। ছাড়া পেরেই নাস্পিয়ার এবং অন্ত চারজন সে জারগা ছেড়ে চলে গেল। যে তিনজনের নামে হত্যার অভিযোগ ছিল তারা নাস্পিয়ারের অধীনে কুলীর কাজ করতো। তাদের কেস চালানোর খরচ দিয়েছিল নাস্পিয়ার। নাস্পিয়ার চলে যেতে তাদের হাতে কোনো পরসাগু নেই বলে এই কুলীরা আমাদের জানালো। দেশে আমাদের সম্পত্তি আছে। কেসে জিতে বেরোতে পারলে যে করেই হোক আপনার টাকা আপনাকে দেব—একথা তারা আমাদের বলল। টাকা তাদের কাছে নেই এবং তাদের সাহায্য করারও কেউ নেই একথা আমি জানতাম। ফৌ পাবো না বলে এই অবস্থায় তাদের জলে ফেলে দিতে আমার মন চাইল না। “ঠিক আছে কেস আমি চালাবো, টাকা পরে দিলেই হবে” একথা আমি তাদের বললাম। স্থগীত কোর্টে এদের তিনজনের হ'য়ে আমি হাজির হ'য়েছিলাম। কেসটা খুব গোলমালে হ'লেও কেসটা চালাতে আমার ভালই লাগছিল। নাস্পিয়ার ঐ বাগানের একজন মাস্তুরা ছিল। কুলীদের কাজ যে দেখে তাকে ‘মাস্তুরা’ বলে। মৃত লোকটি নাস্পিয়ারের সঙ্গে অভদ্রভাবে কথা বলেছিল। লোকটিকে শিক্কা দেবার কথা নাস্পিয়ার কয়েকজন কুলীকে বলেছিল। সেই মতো আসামীরা তাকে গলা টিপে হত্যা করে তার মৃতদেহ গাছে ঝুলিয়ে রেখেছিল। এই ছিল অভিযোক্তাদের বক্তব্য। আসামীদের বক্তব্য ছিল কেউই লোকটিকে খুন করেনি, সে আত্মহত্যা করে মরেছে। তিনদিন ধরে শুনানো চলেছিল। বিচারপতি রায় দিলেন যে আসামীরাই খুন করেছে এবং তাদের তিনজনেরই প্রাণদণ্ডের আদেশ দেওয়া হলো।

আমি এদের হ'য়ে আপীল করলাম। আপীলে কোর্টের রায়ই বহাল রইল।

শান্তি কমান্বার জন্তে স্থলতানের কাছে আবেদন পাঠানো হ'ল। তাতে আসামীদের সই নিতে গিয়ে দেখি তাদের প্রত্যেককে আলাদা আলাদা সেলে রাখা হয়েছে। তাদের সই নিয়ে স্থলতানের কাছে পাঠানো হল। আসামীরা আমাদের চোখের জলে ভাসতে ভাসতে বলল—“যদি আমাদের প্রাণদণ্ড মকুব হয় তাহ'লে আমাদের সমস্ত কিছু আপনার!” এক গোমবার তাদের ফাঁসি দেবার কথা। তার আগের দিন আমি খবর পেলাম যে প্রাণদণ্ড মকুব করে আসামীদের দশ বছরের সশ্রম কারাদণ্ড দেওয়া হয়েছে। সঙ্গে সঙ্গে এ খবর তাদের আমি জানালাম। এরপর আমি তাদের দেখি চার বছর পরে জেলে আর একটা কেসের আসামীদের সঙ্গে

পরামর্শ করতে বাবার সময়ে। পুরোনো কয়েদীদের মতো এই লোকগুলি বেশ স্বখেই জেলে বাস করছিল। 1941 সালে মালয়ে যুদ্ধ শুরু হবার সময় কয়েদীদের জেল থেকে ছেড়ে দেবার সময় তারাও ছাড়া পায়। এর পর আমি আর তাদের দেখিনি।

আর একটা কেসের কথাও বলছি। এটা ঘটেছিল জোহরে একটা রবারের বাগানে। চিন্নাঙ্গন নামে একজন কুলী এই বাগানে কাজ করতো। আট বছর কাজ করার পর চিন্নাঙ্গন কিছু টাকা পয়সা জমিয়েছিল। এ খবর জানতে পেরে আর একজন কুলী তার মেয়ে পোন্নাম্মার সঙ্গে চিন্নাঙ্গনের বিয়ে দেবে বলে বেশ কয়েকবার তার অনেক টাকা হাত করেছিল। চিন্নাঙ্গন পোন্নাম্মাকে ভালোবেসেছিল। এক একটা অঙ্কুহাতে পোন্নাম্মার বাবা তার বিয়ে পিছিয়ে দিচ্ছিল। এমনভাবে চিন্নাঙ্গনের হাতের সব টাকা ফুরিয়ে এসেছে জানতে পেরে পোন্নাম্মাকে সে আর একজনের সঙ্গে বিয়ে দেওয়া ঠিক করলো। চিন্নাঙ্গন এ খবর জানতে পেরে যে করেই হোক এই বিয়ে বন্ধ করবে বলে ঠিক করলো। “পোন্নাম্মা আমার, তাকে আর একজন বিয়ে করবে এ আমি কখনোই হ’তে দেব না”—চিন্নাঙ্গন প্রতিজ্ঞা করলো। পোন্নাম্মাও এই বাগানে কাজ করতো। একদিন সকালবেলা চিন্নাঙ্গন তাকে কেটে টুকরো টুকরো ক’রে ফেললো। পোন্নাম্মা যে তাকে ভালোবাসতো একথা চিন্নাঙ্গন জানতো; কিন্তু সে ছিল অসহায়। তার বাবা যে জোর করে তাকে আর একজনের সঙ্গে বিয়ে দিতে যাচ্ছে একথা চিন্নাঙ্গন বুঝতে পেরেছিল। এটা বাতে না হ’তে পারে তাই এই পথ সে বেছে নিয়েছিল। হত্যার সময় সেখানে কোন সাক্ষী ছিল না। চিন্নাঙ্গন যদি চূপচাপ থাকতো তাহ’লে হয়তো তাকে রক্ষা করা সম্ভব হতো, কিন্তু সে এর জন্ত প্রস্তুত ছিল না। “পোন্নাম্মা আমার জন্তে অপেক্ষা করছে। আমাকে সেখানে ত্যাগ করতে হবে”—একথা চিন্নাঙ্গন বললো, শুধু বলা নয়, বিশ্বাসও করেছিল। ওর হ’লে আমি দাঁড়িয়েছিলাম কিন্তু ওর একগুঁয়েমির জন্ত আমি কিছুই করতে পারলাম না। ও ফাঁসির মঞ্চে এমনভাবে উঠলো যেন বিয়ের প্যাণ্ডলে ঢুকছে। “পোন্নাম্মা, এই দেখ আমি এলাম বলে”—ফাঁসির মঞ্চে উঠে গেই ছিল তার শেষ কথা।

এই ঘটনাকে ভিত্তি করে সাপ্তাহিক মাস্তুমিতে ‘অর্গে বিবাহ’ নামে একটা ছোট গল্পের কথা হয়তো কোনো কোনো পাঠকের মনে আছে।

কেস হাতে পেলো বা টাকা পাচ্ছিলাম তাতে আমার কুলোছিল না। তাই উপার্জন বাড়ানোর জন্ত আমাকে অন্ত উপায়ও খুঁজতে হ’য়েছিল। সিঙ্গাপুরের ওয়াই-

এম. সি. এ. একটা কর্মসংস্থান খুলেছিল। সেখানে সপ্তাহে আমি দু'বার পড়াতাম। সন্ধ্যাবেলায় ক্লাস নিতাম বলে অন্য কাজের বিষয় ঘটতো না। এর অংশে যে পারিশ্রমিক পেতাম তা নিতামই অল্প। কিন্তু তখন এই টাকাটা আমার খুবই কাজে এসেছিল। ছ'মাস আমি এই কাজ করেছিলাম। শিক্কতা করার একটা সুযোগ এইভাবে লাভ করে আমি খুবই হ'য়েছিলাম।

উনত্রিশ অগাধ নৈরাশ্য

আমাদের মূখ দুঃখ জয় পরাজয় সবই নির্ভর করছে প্রধানতঃ আমাদের নিজেদের ওপর। তবুও অনিয়ন্ত্রিত ও অনিবার্ণভাবে কতকগুলো ঘটনা ঘটে যায় যা আমাদের দুঃখকষ্টকে বাড়িয়ে তোলে। যা করা উচিত, সেরকম ভাবে করেও আমাদের অভিজ্ঞতা যদি অল্প রকমের হয় তাহ'লে হতাশা অল্পভব করা খুবই স্বাভাবিক। সময়ের শক্ত হাত থেকে আর রক্ষা নেই এই রকম মনে হয়। এই রকম অল্পভূতি আমার অনেকবার হয়েছে। “আজ এইটা করবো, আর এইটা করবো না” মনে মনে ঠিক করে বেরোলেও যা ভেবে রেখেছি তা করতে পারি নি। অপ্রত্যাশিত ভাবে অল্প ঘটনা ঘটে গেছে। মালাকায় যে দুর্ভোগ আমাকে পোহাতে হয়েছে তা যেন আর না হয় ভেবে অনেক চেষ্টা করেছি, কিন্তু নিষ্ঠুর অদৃষ্ট পরেও আমাকে পিষে মেরেছে, কঠিন ভাবে পিষে মেরেছে।

শিক্ষাপুরে আগার একবছর পর একজন মকেল আমাকে তার একটা কেসের জন্য কোর্টে হাজির হবার জ্ঞা ধরলো। এই কেসটা আগে সে একজন ইউরোপীয় আডভোকেটকে দিয়েছিল। এমনি ভাবে আডভোকেট বদলা বদলি করলে তাদের কতকগুলো ভদ্রতা পালন করতে হয়। এটা এখানকার নিয়ম। প্রথম উকীল যতদিন কাজ করেছে ততদিন পর্যন্ত তার ফী দিতে হবে। ফী দেওয়ার পর সমস্ত রেকর্ডগুলো চেয়ে নিতে হবে। যতদিন না পারিশ্রমিক দেওয়া শেষ হবে ততদিন কেসের রেকর্ডগুলো প্রথম উকীল তার কাছে রেখে দিতে পারবে। মকেল ফী দিতে না পারলে তার প্রাপ্য টাকাটা নতুন উকীল দেবে এই কথা আগের উকীলকে জানিয়ে একটা চিঠি লিখে রেকর্ড সব নতুন উকীলের হাতে পৌঁছে দিতে হবে। মকেলের হাত থেকে টাকাটা আদায় করা না গেলে প্রতিশ্রুত টাকাটা নতুন উকীলের পুরোনো উকীলকে দিতে হবে, এই রকম নিয়ম।

আমাকে এই কেসে দাঁড়াতে বললে পর আমি ঐ কেসের রেকর্ডগুলো আমাকে পাঠিয়ে দেবার জ্ঞা সেই ইউরোপীয়ান উকীলকে লিখলাম। ফী যদি কিছু বাকী থাকে তা দেবার দায়িত্ব আমি নিলাম, তাও লিখে দিলাম। আমার এই প্রতিশ্রুতিতে তিনি আমাকে রেকর্ডগুলো পাঠিয়ে দিলেন। তার ফী বাবদ 100 ডলার বাকী আছে এ কথাও তিনি আমাকে জানালেন। স্তানানী আরম্ভ হবার বেশ কিছুদিন আগে অবধি

আমি এই মামলার পেছনে খাটলাম। সুনানীর এক সপ্তাহ আগে এই ইউরোপীয়ান উকীলটির আর একটি চিঠি আমি পেলাম। এই কেসে উপস্থিত হবার জন্ত তাঁর মক্কেল তাঁকে বিতীয়বার অনুরোধ করেছে, তাই রেকর্ডগুলো সব যেন তাঁকে আমি পাঠিয়ে দিই। আমার ফী যদি কিছু বাকী থাকে তাহ'লে তিনি সেটা দিয়ে দেবেন। আমি সঙ্গে সঙ্গে তাঁকে রেকর্ডগুলো পাঠিয়ে দিলাম। আমার ফী বাবদ 121 ডলার পাওনা আছে তা তাঁকে জানালাম। তিনি সেটাও আমাকে দেবেন বলে কথা দিলেন।

এর কিছুদিন পরে তিনি আমাকে তাঁর প্রাপ্য 100 ডলার পাঠিয়ে দিতে বলেন। আমি তাঁকে লিখলাম আমার বাবদ যে 121 ডলার তাঁর কাছে আমার পাওনা আছে তার থেকে 100 ডলার নিয়ে আমাকে 21 ডলার পাঠিয়ে দিতে। তিনি কিন্তু এতে রাজী হ'লেন না। আমি তাঁকে 100 ডলার পাঠাবো তারপর তিনি তাঁর 121 ডলার পাঠাবেন বলে বললেন। আমার মনে হ'লো এটা ভুল্লোকের অস্ত্রায় জেদ। আমি তাঁর কাছ থেকে বেশী টাকা পাবো। কাজেই আমার কাছ থেকে টাকা চাওয়ার উচিত্য আমি বুঝতে পারলাম না। আমারও জেদ বেড়ে গেল, এই নিয়ে আমরা অনেক চিঠি লেখালেখি করলাম। কথা দিয়ে কথা না রাখার জন্ত তিনি আমার বিরুদ্ধে বার কমিটির কাছে অভিযোগ করলেন। কমিটি আমার কাছে এর ব্যাখ্যা চাইল। আমি আমার বক্তব্য জানালাম। অপর উকীলটির কাছে আমার পাওনা টাকা বেশী হলেও আমি তাঁকে যে টাকা দেব বলে প্রতিশ্রুতি দিয়েছি সেই টাকাটা আমার আগে ফেরৎ দেওয়া উচিত ছিল। আমি তা করিনি বলে আমি উকীলদের পরস্পরের মধ্যে পালিত রীতি লঙ্ঘন করেছি বলে বার কমিটি তাদের অভিযোগ আমার বিরুদ্ধে কোর্টে জানালো। কেস সুনানীর জন্তে এলে কোর্ট রায় দিল যে বার কমিটির অভিযোগ ঠিক। এর শাস্তি হিসেবে আমাকে দু'মাসের জন্ত প্র্যাকটিশ করতে দেওয়া হ'ল না। এর সঙ্গে বার কমিটির কেসের খরচও আমাকে দিতে হল সবশুদ্ধ 650 ডলারের মতো। লিঙ্গাপুরে আমার প্র্যাকটিশ বখশ বেশ জন্মে উঠেছিল তখন এই ভীষণ বিপদের সম্মুখীন আমাকে হ'তে হ'ল।

দু'মাসের উপার্জন নষ্ট হলো। শুধু তাই নয় আমার ভবিষ্যৎ যে এর কলে খুব নিরাপদ হবে না সে কথা ভেবে আমি বেশ ভয় পেয়ে গেলাম। আমার দু'একজন বন্ধু বললো যে এই ভুল্লোকটির টাকাটা আগে দিয়ে তারপর আমার টাকাটা চাইলেই হতো। এমন অস্ত্রায় জেদ না করলেই হ'তো। কিন্তু আমি যা করেছিলাম তা ঠিকই করেছিলাম এই বিশ্বাস তখন আমার ছিল, এখনো আছে।

এ সময় আমাকে অবর্ণনীয় কষ্ট সহ করতে হয়েছে। আমি কারোর সঙ্গে দেখা

করতাম না। শহর থেকে চার মাইল দূরে থাকতাম। যদি কোনো দরকারে শহরে আসতে হতো তাহলে হেঁটে যাওয়া আসা করতাম। বাসভাড়া খুব অল্পই ছিল, কিন্তু সে পরসাগ আমার হাতে না থাকায় ছপূর রোডে হেঁটে এসেছি আমার মনে আছে।

এমনি ভাবে দু'মাস কাটার পর আমি আবার প্র্যাকটিশ আরম্ভ করলাম। পাণ্ডানারেরা আমার প্র্যাকটিশের অপেক্ষায় বসে ছিল। খুব কষ্ট করে সংসার খরচ চালিয়ে বাকী টাকা সব পাণ্ডানারদের দিতাম। কিন্তু এতে আমার দুর্ভোগ যে কিছু কমলো তা নয়।

আমার নানা ধরনের পাণ্ডানার ছিল। আমি হয়তো কারোর সঙ্গে কথা বলছি সেই সময় তাদের মধ্যে কেউ কেউ এসে উপস্থিত। তাদের দেখেই আমি ঘাবড়ে যেতাম। অল্পদের সামনে তাদের পাণ্ডা টাকা চাইতে এতটুকু দ্বিধা তাদের হ'ত না। তাই তাদের দেখলেই আমি সঙ্গে সঙ্গে বাইরে এসে হাতে টাকাকড়ি কিছু থাকলে দিয়ে দিতাম। এরকম ভাবে দেওয়া টাকাটা এক রকম ঘুষ বলে গণ্য হতো। এটা তাদের ধার বা সুদের মধ্যে ধরা হত না। আর এক ধরনের পাণ্ডানার ছিল। তারা খুব কোণালী। আমার কষ্টে তারা সহাস্রহুতি দেখাতো। তারা আমার দুঃখকষ্ট যাতে দূর হয় তার জন্য ঈশ্বরের কাছে প্রার্থনা করে তাও বলতো। তারপর তারা জেনে নিত আমার কোন মক্কেলের আমাকে ফী দেবার আছে কিনা। মক্কেলরা এসে চলে গেলেই তারা এসে আমাকে চেপে ধরতো। তাদের হাত থেকে কোনো ছুতোয়ই রক্ষা পেতাম না। হাতে পাওয়া অর্থেক বা পোনে তিন ভাগ টাকা তারা নিয়ে নিত। তারপর তার যদি কোর্টের কোনো কাজ থাকতো তা ঠিক করে দেবার জন্য আমাকে ধরতো। তার ফী আমি পেতাম না। চাইতেও আমি পারতাম না।

এই দুই ধরনের পাণ্ডানার ছাড়া তৃতীয় আর এক ধরনের পাণ্ডানার ছিল। তারা বড় নিষ্ঠুর ছিল। তারা আমার কাছে আসতো না। সব দারিদ্র্য তারা উকীলের হাতে দিয়েছিল। সময় চাইলে, টাকার সংখ্যা একটু কমাতে বললে “উকীলকে বললেই হবে, সব আমরা উকীলের হাতে দিয়েছি” এই কথা তারা বলতো। উকীলের সঙ্গে দেখা করলে বলতো “আমার মক্কেল আমাকে এমন ভাবে কাজ করতে বলেছেন, কাজেই তিনি অন্তরকম করতে পারবেন না” বলে হাত কচলাতেন। এদের কাছ থেকে একটু সহাস্রহুতি আমি পাই নি। একজনের কাছ থেকে 1200শ' ডলার ধার করেছিলাম। সেই টাকার স্বদ, সুদের স্বদ, কোর্টের খরচ ইত্যাদি দিয়ে মেনা শোধ করেছিলাম 4000 হাজার ডলার। এর মধ্যে আমার জিনিষ বাজেয়াপ্ত করার ডেরোবার

নোটিশ তিনি পাঠিয়েছিলেন। এটা শুধু একজন পাণ্ডানাদারের কথা বললাম। এমনি ভাবে আরো কত পাণ্ডানাদারের সঙ্গে আমার যুক্ত হ'য়েছিল।

একবার আমার এক উকীল বন্ধু তাঁর আর এক উকীল বন্ধুকে বলেছিলেন “মেননকে দেখলে তাঁর মনে যে কোন কষ্ট আছে তা মনেই হয় না।” আমি তা শুনতে পেরেছিলাম। আমার মনে অশান্তির যে আগুন খিকিখিকি জ্বলছিল, তা বাইরে না দেখানোর প্রবল চেষ্টা করলেও মাঝে মাঝে তা দাঁউ দাঁউ করে জ্বলে বাইরে বেরিয়ে আসতো।

এই সময়কার একটা ঘটনার কথা বলি—

একবার এক পাণ্ডানাদার আমার অফিসের সব জিনিষ বাজেয়াপ্ত করে নিয়েছিল। সেদিনই অল্প কয়েকজন পাণ্ডানাদার তাদের টাকা ফেরৎ পাঁবার জন্ত আমার নামে মামলা দায়ের করেছিল। আমি যে বাড়ীতে থাকতাম তার ভাড়া বাকী পড়ায় বাড়ীওয়ালা পরের দিন আমার জিনিষপত্র বাজেয়াপ্ত করার জন্ত তৈরী হচ্ছে সে কথা আমি জানতে পারলাম। বাড়ী ভাড়ার টাকা খুব বেশী না হলেও আমার কাছে তখন বেশী কম একই ছিল। সেদিন সন্ধ্যায় খুবই হতাশ মনে আমি বাড়ী ফিরলাম। বাড়ীতে পৌঁছানোর পর দু'তিন মাসের বিল্ দেওয়া হয়নি বলে ইলেকট্রিক লাইটের কানেকশন কেটে দেওয়া হয়েছে জানতে পারলাম। একটা লণ্ঠন আর দু' তিনটে মোমবাতি জালিয়ে অন্ধকারের সঙ্গে যুঝছিল আমার বাড়ীর লোকেরা। সেদিন যা যা ঘটেছিল এবং পরের দিন যা ঘটতে যাচ্ছে সে সম্বন্ধে আমার জ্বীকে একটা কথাও বললাম না। অসহ্য এক ভারের বোঝা আমাদের ক্রমশঃ নীচে টেনে নিয়ে যাচ্ছিল। কাপড় জামা ছেড়ে বাইরের বারান্দার একটা চেয়ারে একা একা বসেছিলাম। একটা ‘ছোট্ট’ মোমবাতি জালিয়ে রাখা হ'য়েছিল। সেখানে বসে সামনের ঘন অন্ধকারের দিকে তাকিয়ে মনে হ'ল আমার ভবিষ্যৎও এমনি ঘন অন্ধকারে ঢেকে গেছে। পাশের ঘর থেকে ছেলেমেয়েরা আস্তে আস্তে কি ঘেন বলছিল শুনতে পেলাম। অভাবের কথা জানার বরস তাদের হয়েছিল। আমাদের একা বসে থাকতে দেখে তারা কেউই আমার কাছে আসে নি।

আমার স্ত্রী গা ধুতে গেল। একটু পরে আমি বারান্দা থেকে উঠে শোবার ঘরে গিয়ে দরজা বন্ধ করলাম। সেদিন যা ঘটেছিল তার চেয়ে পরের দিন যা ঘটতে যাবে তাতেই আমি বেশী ভয় পেয়ে গিয়েছিলাম। আমার আর একটুও মানসিক বল ছিল না। কাপড় জামা রাখা আলনার থেকে বেরুটা নিয়ে আমি গলার জড়িয়ে হাত দিয়ে চেপে ধরলাম। এমনি ভাবে দু'তিন মিনিট আমি দাঁড়িয়েছিলাম। আমি যে কি

করছিলাম তা আমি নিজেই জানতে পারি নি। হঠাৎ দরজা খোলার শব্দ পেলাম। লঠন হাতে আশু কাগড় বদলাবার জন্ত ঘরে ঢুকে আমাকে ঐ অবস্থায় দেখতে গেল। “একি করছ তুমি” বলে সে আমার হাত চেপে ধরলো। কিছুই না এমন ভাব দেখালেও আশু সব বুঝতে পারলো। আশু যদি ঠিক সে সময়ে না আসতো তাহলে কি যে হতো তা এখন বলতে পারি না। সেদিন বাড়ীর লোকেরা খুবই উৎকণ্ঠিত হয়ে কাটিয়েছিল।

যে বিপদের কথা ভাবছিলাম, পরের দিন তার সন্মুখীন হ’তে হ’ল না। বাড়ীওয়ালার দ্বারা করে বাড়ী ভাড়া শোধ করার মেয়াদ আরো দু’সপ্তাহ বাড়িয়ে দিলেন।

আমাকে যে এত দুর্ভোগ সহ করতে হ’ল তার জন্তে কি খারাপ কাজ আমি করেছি? “যেমন কর্ম তেমন ফল” এটা কি সাধারণতঃ দেখতে পাই? কোনো কোনো সময় দার্শনিক ব্যাখ্যা কোনো কাজে লাগে না। আমার এই সময়টা এমনি ছিল। এই পৃথিবীর ওপর আমার স্বর্ণা ধরে গেল। কোনো রকমে যদি আমার মৃত্যু হতো তাহলে আমি তাকে অভ্যর্থনা করে নিতাম। তবে আত্মহত্যা করার মনও আমার ছিল না, সাহসও না।

মনকে খুব শক্ত করে বেঁধে কিছু একটা বলে মনকে সান্ত্বনা দিতে এই সময় চেষ্টা করেছি কিন্তু কখনো কখনো এ চেষ্টার সফল হয় নি। অপ্রতিহত বাধাবিপদ এলে তাকে সহ করা ছাড়া আর কি উপায় আছে? অন্তরের সাহস দেখলে আমরা কি তার প্রশংসা করি না? আমরা কেন তাদের অহুঙ্কার করতে পারবো না? আপদ বিপদের সময়ই তো সাহসের দরকার। দুঃখকষ্ট সহ করে নি, আপদবিপদের সন্মুখীন হয় নি এমন মানুষ ক’জন আছে?

দেনা করা আমার কয়েকজন বন্ধুদের সম্পর্কে অন্তরের মন্তব্য শুনে আমি কষ্ট পেয়েছি। “এরা মিথোবাদী, মতলব এটেই টাকাটা শোধ দিচ্ছে না” ইত্যাদি। “যারা ধার করে তারা কখনো কথা রাখে না”—এরকম আর একজন লোক বলেছিল। এই কথাটার মধ্যে সত্য আছে। নির্দিষ্ট দিনে টাকাটা দেওয়া সম্ভব নয় জেনেই দেনাদারেরা কখনো কখনো ‘এই দিন দেব’ বলে কথা দেয়। এটা আর কোনো উপায় না দেখতে পেয়ে তখনকার মতো রক্ষা পাবার একটি পথ মাত্র। টাকা ধার করলে এমনটি না করে উপায় নেই।

খুব একটা বড় বিপদের সন্মুখীন হলে আমাদের স্বপ্ন অস্বপ্ননিহিত শক্তি জেগে ওঠে। গীতার জানে না অথবা জলে নাযতে তর পাওয়া একটি লোক তার বাচ্চার জীবন বাঁচাতে জলে ঝাঁপ দিয়ে তাকে রক্ষা করেছে এমন ঘটনার কথা শুনেছি। তেমনি ভাবে অত্যন্ত সঙ্কট মুহূর্তে অপ্রত্যাশিত ভাবে সাহায্য পাবার অভিজ্ঞতাও আমার হয়েছে।

একবার একটা দেনা শোধ করার কোনো উপায় না দেখে যখন একান্ত নিরাশ হ'য়ে পড়েছি তখন এক বন্ধু আমার দরকারের টাকাটা নিয়ে এলেন। কোর্টে এই টাকাটা দেবার পনের মিনিট আগে এই টাকাটা তিনি এনেছিলেন বলে আমি খুবই আশ্চর্য হয়ে গিয়েছিলাম। অনেক বছর পরে অল্প এক প্রকারে তাঁকে সাহায্য করতে পেরে নিজেকে কৃতার্থ মনে করেছিলাম।

অত্যন্ত সঙ্কটকালে ঈশ্বর বিশ্বাস যেন না হারিয়ে ফেলি। কিন্তু এটা সবসময় সম্ভব হয় না। আবেগের বশীভূত হয়ে কখনো কখনো হয়তো আমরা কঁদে ফেলি। কতবার আমি এরকম ভাবে কঁদেছি। একা একা এক জায়গায় বসে একটা বাচ্চা ছেলের মতো কাঁদা যে কি সাহসনা আর তা কি শাস্তিই না দেয়। কেউ কেউ বলবেন, পুরুষের পক্ষে ক্রন্দন এরকমের ভীকৃত্য। হ্যাঁ ভীকৃত্য বটে। কিন্তু ভীকৃত্য একবারও দেখান নি এমন বীর পুরুষ কি কেউ আছেন? সে সম্বন্ধে আমার সন্দেহ আছে। কত বিরাট বিরাট যুদ্ধ সাহসের সঙ্গে চালিয়ে নেপোলিয়নও কখনো কোনো সময় আবেগের বশীভূত হ'য়ে কঁদে ফেলেছিলেন বলে শুনেছি! আর আমি তো সামান্য একজন মানুষ।

অঙ্ককারে রাস্তা না দেখতে পেয়ে, 'শীতে বৃষ্টিতে অবশ হ'য়ে পথিক আশ্রয় খুঁজতে গিয়ে শুকনো কুমোর পড়ে যাবার মত আর একটা অভিজ্ঞতা আমার এ সময় হয়েছিল। আমার তৃতীয়া কস্তা হঠাৎ এই সময় অসুস্থ হ'য়ে মারা গেল। মৃত্যুর সময় তার 18 বছর বয়স ছিল। পদ্মিনী যেমন ভালো রাঁধতে পারতো, তেমনি ঘরকন্নার কাজেও খুব পটু ছিল। সকলকে সাহায্য করার জন্তে সব সময় সে এগিয়ে আসতো।

এই সময় 'স্বর্গাস্ত' নামে বইটি আমি লিখতে আরম্ভ করি। এই বইয়ের পাতায় আমার তিন্ত অভিজ্ঞতার ছায়া যদি কেউ দেখে থাকেন তাহলে তা খুব স্বাভাবিক। এই বইটা লিখে মনে বেশ শান্তি পেয়েছিলাম। এই বইটির কাটতিও ভালো হয়েছিল।

আমার কিছু বন্ধু একবার আমাকে জিজ্ঞাসা করেছিল—আমি কখন লিখতে ভালোবাসি, তার জন্তে বিশেষ কোন সুবিধের দরকার কিনা। অল্প আর একজনের ক্রমায়োশ মতো লিখতে গেলে সে লেখা এগোয় না। লেখার একটা প্রেরণা মন থেকে পাওয়া না গেলে লেখা যায় না। ভোর পাঁচটা থেকে সাতটা অবধি লেখা আমার অনেকদিনের অভ্যাস। চারিদিকের প্রাকৃতিক সৌন্দর্যের মধ্যে ডুবে থেকে আমি লিখতে ভালোবাসি। যদি তার সুবিধা না পাই, তাহ'লে বেশ ভালো একটা বাগান আমার চোখের সামনে থাকলে আমি লেখায় খুব প্রেরণা পাই। এক জায়গায় একা একা বসে লিখতে আমার ভালো লাগে। যে কোনো পরিবেশে বসে লেখা করেকজন বন্ধুকে জানি, আমি তা পারি না।

1934 সালের শেষের দিকে আমাকে একটা কেসের জন্তে বোর্নিও যেতে হয়েছিল। একজন মুসলমান ট্রাংটাকে বিশ্বাস-বঞ্চনার অভিযোগে অভিযুক্ত করা হ'য়েছিল। তিনি একটা কেসে একবার সিঙ্গাপুর এলে তাঁর সঙ্গে আমার পরিচয় হয়। সেই স্ত্রে তাঁর হয়ে কোর্টে হাজির হবার জন্তে তিনি আমাকে টেলিগ্রাম পাঠিয়েছিলেন। ভালো পারিশ্রমিকও দিয়েছিলেন।

সিঙ্গাপুর থেকে বোর্নিওর রাজধানী সানডেকে যেতে হ'লে ছ'দিন জাহাজে যেতে হয়। ব্রিটিশ উত্তর বোর্নিও, ইস্ট ইণ্ডিয়া কোম্পানীর মত, বোর্নিও কোম্পানী শাসন করতো। বোর্নিওর জঙ্গল কেটে সবে পরিষ্কার করা হচ্ছে। জনবহুল জায়গা থেকে লোক এনে বাস করানোর প্রচুর জায়গা এখানে আছে। ভারতবর্ষ থেকে বেশ কিছু লোক এখানে নিয়ে গিয়ে বসবাস করানোর জন্ত আমাদের গভর্নমেন্ট যে কথাবার্তা চালাচ্ছিল তা পাঠকদের অনেকের মনে পড়বে। এক সম্ভ্রাহ আমি এখানে ছিলাম। আমার মকেল কেসটি জিতেছিলেন। জিতে খুশী হয়ে তিনি আমাকে আরো টাকা দিয়েছিলেন।

সিঙ্গাপুরে ফিরে এসে তাঁর সম্বন্ধে একটা খবর শুনে আমি অবাক হ'য়ে গিয়েছিলাম। অকারণে হঠাৎ একদিন তাঁর চোখ দুটির দৃষ্টি তিনি হারিয়ে ফেলেন। বেশ কিছু অসহায় গরীব লোকের ধনসম্পত্তি তিনি ঠকিয়ে নিয়েছিলেন বলে ভগবান তাঁকে এমনি শাস্তি দিয়েছেন এমন কথা তাঁর শত্রুরা বলতে লাগলো। সত্যি কথা ভগবানই জানেন। ভদ্রলোককে বেশ শাস্ত, সৌম্য, দয়ালু, বলে আমার মনে হ'য়েছিল। কারণ যাই হোক না কেন, ভদ্রলোক সম্পূর্ণ অন্ধ হয়ে গেছেন শুনে আমার আশ্চর্য আর দুঃখ কম হয়নি।

ত্রিশ

কিছু বিশ্বাস কিছু ধারণা

আমাদের কাজ আর আমাদের আচরণ শুধু আমাদের ব্যক্তিত্বকে গড়ে তোলে না। আমাদের বিশ্বাস আমাদের মতামতেরও তাতে একটা বড় অংশ থাকে। আমাদের ব্যক্তিত্বকে রূপ দেয় এরাই। আমরা যেখানে জন্ম নিয়েছি, যেখানে বড় হয়েছি সেই সব পরিবেষ্টনীর প্রভাব আর অভিজ্ঞতা থেকেই আমাদের বিশ্বাস গড়ে ওঠে। অনেক সময় পারিপার্শ্বিক প্রভাবে যে বিশ্বাস গড়ে ওঠে তা আবার অভিজ্ঞতার ফলে বদলে যায়। অনেক কাল আগে আমার কতকগুলো বিশ্বাস ছিল। সে বিশ্বাস এখন আর আমার নেই। এক সময় যে সব মতামত, ধারণা অসংগত, অযৌক্তিক বলে বোধ হয়েছিল আজ তাদের মধ্যে কোন অসঙ্গতি দেখতে পাই না।

পঞ্চেন্দ্রিয় দিয়ে এই বস্তুজগতকে চেনার একটা সীমা আছে। কোনো বস্তুর অস্তিত্ব আমাদের পঞ্চেন্দ্রিয়ের ক্ষমতা অহুসারে জানতে পারি। একজন অন্ধের পক্ষে ফুলের সৌন্দর্য উপলব্ধি করা যেমন সম্ভব নয়, তেমনি এক বধিরের পক্ষে সঙ্গীতের মাধুর্য অহুত্ব করা সম্ভব নয়। পুষ্পের সৌন্দর্যের কথা অন্ধের কাছে বধির বললে অন্ধ আশ্চর্য হয়ে গেলে, সঙ্গীতের মাধুর্যের অন্ধ প্রশংসা করলে বধির অবাক হয়ে যাবে। কিন্তু তারা দুজনে যদি এই নিয়ে তর্ক করে তাহ'লে তারা কোথাও পৌঁছোবে না। অস্ত্রের মতামত, বিশ্বাস, সহায়ত্বের সঙ্গে বোঝার চেষ্টা করা সংস্কৃতির লক্ষণ। তর্ক করে হারানো যায় কিন্তু এমন ভাবে হারিয়ে কি লাভ? আমার কিছু কিছু বিশ্বাসকে হয়তো কেউ কেউ বোকামি বলে ভারতে পারে। কিন্তু আমার বিশ্বাস আমার। আমাকে 'আমি' করে তুলেছে যা কিছু তার একটা অংশ এই বিশ্বাসগুলি। অহুত্ব আর অভিজ্ঞতার পরিবর্তন এলে মতামত বদলে যায়। যদি না বদলায়, তাহ'লে তাদের আবার নতুন করে বিচার করার আগ্রহ জাগে। এ সম্বন্ধে আমার অভিজ্ঞতার কথা বলব।

ত্রিবাঙ্করের এক পাণ্ডিত্য মালয়ে বাস করতো। সে খুব ভালো হাত দেখতে জানতো। অনেক লোকের হাত দেখে অতীতের অনেক ঘটনা, আর ভবিষ্যতে কি হবে তা বলে দিয়েছিল। সিঙ্গাপুরের আইনানুযায়ী হাত দেখে ভবিষ্যৎ বলা বেআইনী। এই ভাবে হাত দেখার অপরাধে পুলিশ পাণ্ডিত্যকে অভিযুক্ত করে।

পাণিকরের হয়ে এই কেসে আমি দাঁড়িয়ে ছিলাম। কয়কোটি গণনা একটা বিজ্ঞান, এটা শুধু মাত্র বিশ্বাস নয় এই ছিল পাণিকরের যুক্তি। এই কেসের জন্য আমি হস্তরেখা বিচারের অনেক বই পড়লাম। পড়তে পড়তে এই শাস্ত্রে আমার খুব উৎসুক্য বাড়লো। কেস স্তন্যনীর সময় আসামীর বৈদর্ভ্য পরীক্ষা করার জন্য ম্যাজিস্ট্রেট অনেক কিছু প্রশ্ন করলেন। পাণিকরের উত্তর শুনে তিনি খুব আশ্চর্য হয়ে গেলেন। সব শুনে আসামী অপরাধী নয় বলে ছেড়ে দিলেন।

বেশ কিছুদিন পরে ম্যাজিস্ট্রেট পাণিকরকে ডেকে তাঁর হাত দেখালেন। একদিন আমার সঙ্গে দেখা হ'লে পর ম্যাজিস্ট্রেট আমাকে বলেন—পাণিকর আমার হাত দেখে অতীতের সমস্ত ঘটনা যেন বই থেকে পড়ছে এমনি ভাবে একটির পর একটি নির্ভুল ভাবে বলে গেল। ভবিষ্যতের কথাও বলেছে। সেটা অবশ্য পরীক্ষাযোগ্য। ভারী আশ্চর্য!

কেসে জেতার পর পাণিকরের নাম আরো ছড়িয়ে পড়ল। এই সময় আমার এক ব্যারিষ্টার বন্ধু তাঁর হাত দেখানোর জন্যে পাণিকরের খোঁজে এক রাতে আমার বাড়ীতে এলেন। তিনি একটা কেসে জড়িয়ে পড়েছিলেন। কেসটি গুরুতর, তাই তাঁর ভবিষ্যৎ জ্ঞানার জন্যে তিনি এসেছিলেন।

আমি তক্ষুনি পাণিকরকে ডেকে পাঠালাম। পাণিকর হাত দেখে এই ব্যারিষ্টারের সম্বন্ধে যা যা বল তা একেবারে হুবহু ঠিক। পাণিকর তাঁকে আগে দেখেনি। তিনি কে তাও জানতো না। তারপর ভবিষ্যতে কি হবে তাও বল—ব্যারিষ্টার ভ্রমলোকটি একটি কেসে জড়িয়ে পড়েছেন। তার থেকে তিনি রক্ষা পাবেন বটে কিন্তু একটা খারাপ নাম তাঁর কিছুদিন থেকে যাবে। এতে তাঁর কাজকর্মের বেশ ক্ষতি হবে। আর ঠিক এই রকমটিই হয়েছিল।

কয়কোটি গণনার আমার যে বিশ্বাস ছিল তা ভেঙে গিয়ে আমার অভিজ্ঞতার আলোকে সে আর এক রূপ নিল। এই অভিজ্ঞতাকে কি আমি অবহেলা করতে পারি? বেশ কিছু দিন আগে আমার বিশ্বাস আর ধারণা সম্পর্কে সাপ্তাহিক মাতৃ-ভূমিতে লিখেছিলাম। তার কিছুটা অংশ এখানে তুলে দিচ্ছি।

—এই বৈচিত্র্যময় পৃথিবীতে বিশ্বাস আর অভিজ্ঞতা এই দুটো বিপরীত জিনিষের ঐক্যসাধন করা অসম্ভব। যে কোন ঘটনারই শুধু কতকগুলো দিক আমাদের পক্ষে দেখা সম্ভব হয়। এর থেকেই আমাদের বিশ্বাস আর অবিশ্বাসের জন্ম হয়। এমনি ভাবে আমরা বা দেখি, বা বলি তাতে ঝং না চড়িয়ে এবং না বলগিরে বলার জন্য আমাদের চেষ্টা করা উচিত। তবেই সেটা আমাদের মত বা ধারণা বলে বলতে পারব।

জীবনের রহস্য বাই হোক না কেন জীবনের স্মৃতি উপভোগ করতে আমি চাই। জীবনের রহস্য খুঁজতে গিয়ে এই আকাঙ্ক্ষার পথে কোনো বাধা সৃষ্টি হয়েছে বলে আমি মনে করি না। দেহ, মন, বাসস্থান, পারিপার্শ্বিক আবহাওয়াকে হৃদয় করে তোলার আমার ইচ্ছা। মনোহর প্রাকৃতিক দৃশ্য, সুবিধাজনক বাসস্থান, অন্তরঙ্গ বন্ধু, ভালো ভালো বই, খেলায় মত্ত ছোট্ট শিশু, মধুর গান—এ সবই আমার ভালো লাগে। কিন্তু এসব না থাকলে জীবন যে আমার নিরাশায় ভরে যাবে তা আমি মনে করি না।

এই পৃথিবীতে কত কত হতভাগ্য রয়েছে। তারা অনেকেই আমাদের সাহায্যের আশা করে। সকলকে হয়তো সাহায্য করা যায় না তবু কয়েকজনের জীবনের দুঃখ-ভার লাঘব করা আমাদের পক্ষে সম্ভব, কাউকে সাহায্য করতে গিয়ে যদি আমরা ক্ষতিগ্রস্ত হই তাহলে সে ক্ষতি হাসি মুখে সহ্য করা উচিত। এতে সাহায্যপ্রার্থী আশ্বাস পায়। আমাদের নিজেদের নৈতিক মূল্যও এতে বেড়ে যায়। সত্যিকারের সাহায্যপ্রার্থীকে সাহায্য করতে পারিনি বলে অনেক সময় আমি মনে মনে দুঃখ অনুভব করেছি। আমার মৌনতায় হয়তো তারা ভুল বুঝেছে। কিন্তু এ ছাড়া আর উপায় ছিল না বলে মনকে সাধনা দিই।

অনেক সময় ভুল বোঝাবুঝি না হ'য়ে পারে না। শত্রু তৈরী করবো না একথা মনে করলে কোনো কাজেই হাত দেওয়া যায় না। আমরা যা করতে চাই তা অস্ত্রের স্বীকৃতি পাবে এমন নাও হ'তে পারে। সামাজিক পদমর্যাদা, টাকাকড়ি, নাম, খ্যাতি যার আছে তার শত্রুও আছে। আমাদের মানসিক বিকাশের জন্তে এর হয়তো দরকার। যারা আমার শত্রুতা করতে চায় তাদের কথা ভেবে আমি আমার মনের শান্তি নষ্ট করি না। প্রতিশোধ নেবার কোনো স্পৃহা আমার মধ্যে কোন দিন জাগেনি। আমার যারা ক্ষতি করেছে তাদের আমি পরে সাহায্য করার স্বযোগ পেয়েছি। তাতে তাদের মধ্যে একটা পরিবর্তন দেখে খুশী হবার স্বযোগ শুধু একবার না, অনেকবার মিলেছে। “কাউকে কি আপনি ঘৃণা করেন, কাউকে কি আপনি আপনার শত্রু বলে মনে করেন?”—একথা আমাকে জিজ্ঞেস করলে একজন লোকেরও নাম আমি বলতে পারবো না। নানা রকম দুঃখকষ্ট সহ্য করলেও আমার মনের স্বৈর্ঘ্য আর শান্তি আমি হারাই নি—এইটাই হচ্ছে এর কারণ।

নাম, বংশ, সামাজিক প্রতিষ্ঠা এসবই ক্ষণস্থায়ী। যে হৃদয়ে কোনো কালিমা লাগেনি সেই হৃদয়ের পক্ষেই জীবনের সব রস গ্রহণ করা আর তার থেকে আনন্দ পাওয়া সম্ভব হয়।

বৃত্ত্যর সঙ্গে সঙ্গে যে সব শেষ হয়ে যায় এ বিশ্বাস আমি করি না। বৃত্ত্যর পর যে কি

হয় তা আমি জানি না। তবে যতদিন বেঁচে আছি ততদিন আমার জীবন যাতে অস্ত্রের কাজে লাগে সেই প্রচেষ্টাকে সার্থক করে তোলার ইচ্ছে আমার আছে।

অনেক লোকে বলে, মাহুশ বড় নিষ্ঠুর, বড় ক্রুর। কিন্তু সেটা ঠিক নয়। মাহুশের ভালো মন্দ দুই দিক আছে। বাদের ভালো গুণগুলো এখনো ঘুমিয়ে আছে সেগুলোকে জাগিয়ে তোলাই আমাদের কর্তব্য। “অস্ত্রদের চোখে ধুলো না দিয়ে তাদের চোখের জল মুছিয়ে দিতে আমি সাহায্য করেছি”—একথা যদি আমরা বলতে পারি তাহলে তা কত আনন্দের কথা।

ঈশ্বরের ওপর দৃঢ় বিশ্বাস থাকলে আমাদের মনের শান্তি নষ্ট হয় না। যদি এই বিশ্বাস আমার না থাকতো তাহলে জীবনের ঘোর অন্ধকার মুহূর্তগুলিতে আমি যে কি করে ফেলতাম তা আমি এখন বলতে পারি না।

“আমার জীবনের আর কোনো মানে নেই। যা ভেবেছিলাম তা করতে পারলাম না”—এমনি ভাবে কয়েকটি বন্ধুবান্ধব আমার কাছে দুঃখ করেছেন। তাঁদের দুঃখ—একসঙ্গে পড়া কেউ কেউ খুব ভালো কাজ পেল, ওপরে উঠে গেল, কিন্তু তাঁদের পক্ষে উঠা সম্ভব হ’ল না। যারা নীচুতে ছিল তারা ওপরে উঠে গিয়ে এখন প্রচুর টাকা করেছে, কিন্তু তাঁদের ভাগ্য নেই এই তাঁদের দুঃখ। জীবনের যুদ্ধে তাঁরা হেরে গেছেন, এই হচ্ছে তাঁদের মনোভাব। তাঁদের এই মনোভাব একটা ভুল থেকে গড়ে ওঠে, যার মূল্য আমরা খুবই দিই। টাকাপয়সা, নামঘণ, মর্যাদা, প্রতিষ্ঠার কণস্থায়িত্ব সবছাড়া যারা জানে তারা এতে ভুল করে না। সম্প্রতি যে কতকগুলি ঘটনা ঘটে গেল সে কথা স্মরণ করলে একথাগুলোর মানে বোঝা যাবে। ইজিপ্টের রাজা ফারুক একদিন হঠাৎ রাজ্যচ্যুত হয়ে বিদেশে ঘুরে ঘুরে বেড়াতে বাধ্য হলেন। “ফারুককে তাড়িয়ে ক্ষমতা হাতে নিয়ে সেই ক্ষমতা নাগীবও বেশী দিন ভোগ করতে পারলেন না।” নাসেরকে সেই ক্ষমতা দিয়ে তিনি বিদায় নিলেন। পারস্যের প্রধানমন্ত্রী মোশাদেক পরে জেলের কয়েদী হ’য়েছিলেন। ষ্টালিন ক্ষমতার এসে ট্রটস্কীর নামধাম তার কাজ সব কিছু ধ্বংস করে ফেলেন। ষ্টালিনের মৃত্যুর পর আবার তাঁর স্বৃতিকে মুছে ফেলার চেষ্টা করলেন তাঁর পরবর্তী নেতারা। ইন্দোনেশিয়ার স্বাধীনতা আন্দোলনের অগ্রতিত্বদায়ী নেতা সুকর্ণের কি অবস্থা হলো। মাহুশের জীবন নিয়ে এমনি ছিনিমিনি খেলতে হয়তো অদৃষ্টের খুব মজা লাগে।

এমনি ভাবে ইতিহাস আর ঘটনাকে বদলে দেবার, ঢেকে রাখবার অপচেষ্টা কতবার এই পৃথিবীতে হয়েছে। তাই নাম, বশ, অর্থ, খ্যাতি, প্রতিপত্তির মোহটা কি অর্থহীন নয়? শুধু দুটো জিনিষের বোধহয় স্থায়িত্ব আছে—অমর ও মৃত্যু। আর এই দুই

ঘটনার মধ্যকার সময়ে যা কিছু ঘটে তার কোনটাইই স্থায়ী নেই, স্থিরতা নেই। এই ক্ষণস্থায়ী জীবনে একটিমাত্র জিনিষ আমাদের সাধনা দিতে পারে, আশ্বাস দিতে পারে, তা হচ্ছে দিল খুলে অপরকে সাহায্য করা, আন্তরিক ভাবে সকলকে স্নেহ করা।

দার্শনিক আর বৈজ্ঞানিক আলবার্ট আইনস্টাইন যেমন বলেছিলেন—জীবনে স্মরণাত করাটা আমাদের লক্ষ্য নয়। অপরের কাজে লাগাটাই আমাদের লক্ষ্য হওয়া উচিত। মানুষ সাধারণতঃ পাঁচরাটাকে তার সাফল্য বলে মনে করে। কিন্তু নেওয়ার চেয়ে দেওয়ারটাই বেশী দরকার। যে এমন ভাবে দিতে পারে তারই জীবন সফলতার ভরে যায়।

আমার বিশ্বাসানুযায়ী কাজ করা আমার পক্ষে সব সময় সম্ভব হয়নি। কখনো কখনো হয়তো বিশ্বাসের প্রতিকূলে কাজ করতে হয়েছে। এটা হয়েছে, প্রেলোভন-গুলোর সঙ্গে আমি সাহসের সঙ্গে লড়াই করতে পারি নি বলে। চরিত্রের দৃঢ়তার ওপর তুলনামূলক ভাবে আমাদের সাফল্য, অসাফল্য, সুখ, দুঃখ নির্ভর করে। আমরা কেমন ভাবে সময়ের ব্যবহার করি, কেমন ভাবে আমরা সমস্তার সম্মুখীন হই, অপরের সঙ্গে কেমন ভাবে ব্যবহার করি, জীবনকে আমরা কি ভাবে গ্রহণ করি, এ সবের মধ্যে দিয়েই আমাদের চরিত্র গড়ে ওঠে। ভাগ্য আমাদের আশীর্বাদ করলেও, আমাদের প্রচুর অর্থ থাকলেও চরিত্র গঠনের দিকে যদি আমরা মানাযোগ না দিই, তাহ'লে অল্প কোন কিছুই আমাদের সুখ বা শান্তি দিতে পারবে না। শত্রুদের থেকে, দুর্ভাগ্যের হাত থেকে রক্ষা পেতে হ'লে অকলঙ্ক বিবেকের ওপর নির্ভর করে থাকাই একমাত্র উপায়।

একত্রিশ

আবার রাজনৈতিক জীবন

১৯৩৪ সালে একটা কেসে আমি বোর্নিও গিয়েছিলাম, একথা আমি আগেই বলেছি। ওখান থেকে ফিরে আসার পর আমার ঋণভারের বোঝা একটু একটু করে কমতে লাগলো। ঋণ থেকে সম্পূর্ণ মুক্ত হ'তে না পারলেও ঋণ শোধ করার কতকগুলো স্বযোগ এল, সমস্ত ঋণ শোধ করতে আমার চার বছর লেগেছিল।

সিঙ্গাপুরে থাকার সময় রাজনৈতিক কাজে যোগ দেবার স্বযোগ আমার মেলেনি। সেখানকার সাংস্কৃতিক ও সামাজিক জীবনে কখনো সখনো কাজ করেছি অবশ্য। রামকৃষ্ণ মিশন, ভারতীয় সমাজ, মালয়ালী সমাজ ইত্যাদি জায়গায় গিয়ে বক্তৃতা দেওয়া ছাড়া আর কিছুই বেশী করিনি। দেনা যতদিন শোধ করতে না পারছি ততদিন অল্প কোনো দিকে মন দেব না, এই ঠিক করেছিলাম। দেশ স্বাধীন হবার পর রাজনৈতিক জীবনে নামব। কিন্তু তা সত্ত্বেও এমন অনেক সময় আসে যখন কিছু না করে পারা যায় না। এমনি একটা সময় এসেছিল ১৯৩৫ সালের মে মাসে। সে বছর জুন মাসে সম্রাট পঞ্চম জর্জের জুবিলী উৎসব সিঙ্গাপুরে খুব আড়ম্বরের সঙ্গে পালন করার ব্যবস্থা হয়েছিল। এই সময় সিঙ্গাপুরের এক কাগজে মার্টিন নামে এক ইংরেজ ভারতবাসীদের নিয়ে একটা লেখা লিখেছিল। সে লিখেছিল—“মালয়ে নানা ধরনের ভারতীয় আছে, তাদের মধ্যে এত জাতি বিভেদ যে তারা কখনো এক হ'তে পারে না। তবে একটা বিষয়ে তারা সকলে এক। তাদের মতো এমন অবিধাঙ্গবোংগ আর কোনো লোক পৃথিবীতে আছে কিনা সন্দেহ। সিংহলে আমি তাদের সঙ্গে ছিলাম। মালয়েও তাদের সঙ্গে ঘনিষ্ঠ হবার স্বযোগ হয়েছে। আমি এখানে বড় বড় ভারতীয় ব্যবসা প্রতিষ্ঠানের কথা বলছি না। এই ধরনের বড় বড় প্রতিষ্ঠানগুলির ব্যবসায়ী আদব কারদা পালন করে। ছোট ছোট ব্যবসায়ী প্রতিষ্ঠানগুলো সবচেয়ে আমার অভিযোগ। এ ধরনের ছোট ব্যবসাদার মালয়ে অসংখ্য আছে। তাদের সঙ্গে ব্যবসা করাটা যে একেবারেই অসম্ভব একথা ইউরোপীয়ানরা স্বীকার না করে পারবে না।”

সমস্ত ভারতবাসীদের সবচেয়ে এমনি বিত্রী মন্তব্য করার সিঙ্গাপুরের ভারতীয়েরা খুবই দুরূহ হলো। ভারতীয় প্রতিষ্ঠানগুলির একটা বিরাট প্রতিবাদ সভা সিঙ্গাপুরের টাউন হলে ডাকা হলো। মার্টিনের লেখার প্রতিবাদ করে মূল্য প্রত্যাব আনার অন্তে

আমাকে এই সভার ডাকা হয়েছিল। এই রকম একটা পটভূমি আর এই একটা বিরাট সভা আমাকে আবেগে ভরিয়ে তুললো। “নিজের দেশের কথা বলতে গিয়ে মেনন আবেগে ভরে যায়, আর সেদিন তাকে এমনিই দেখেছিলাম”—এই সভার কথা সমালোচনা করে একজন ইউরোপীয়ান একটা কাগজে লিখেছিল। কিন্তু আবেগের বশীভূত হ’লেও আমি আমার বক্তব্য সম্বন্ধে খুবই সাবধান ছিলাম। এই বক্তৃতার কিছু অংশ এখানে তুলে দিচ্ছি :—

—এর চেয়ে বেশী নিন্দাজনক কোনো লেখার কথা আমরা চিন্তাও করতে পারি না। এই লেখা পড়লে যে কোনো ভারতীয়ের রক্ত গরম হয়ে উঠবে। নিজের জাতের জন্ত অহংকার অমুভব করা মানুষের দুর্বলতা নয়। সেটা তার শক্তি। আমাদের দেশের সংস্কার আর ঐতিহ্যের জন্ত আমরা গর্বিত। আমাকে ব্যক্তিগতভাবে নিন্দে করলে তা অবহেলা করার মত মনের জোর আমার আছে। কিন্তু আমার দেশ বা দেশবাসীকে কেউ নিন্দে করলে তাদের উচিত মতো শিক্ষা দেবার ইচ্ছে আমার আছে সেটা মনে রাখলে ভালো হয়।

একজন নামকরা ইউরোপীয়ান উকীল এই সভা সম্বন্ধে সিঙ্গাপুরের এক কাগজে লিখেছিলেন—আমি অনেক বছর ধরে এ শহরে আছে। ভারতবাসী এবং অন্তান্তদের দ্বারা আয়োজিত সভাসমিতিতে যোগ দেবার সুযোগ আমার হয়েছে। কিন্তু ২৩শে মে ভিক্টোরিয়া মেমোরিয়াল হলে ভারতবাসীদের যে সভা হ’য়েছিল সে রকম একটা বিরাট সভা সিঙ্গাপুরে আর হয়েছে বলে আমার মনে পড়ছে না।

এর পর সিঙ্গাপুরের কাগজগুলোতে মার্টিনের ক্ষমা প্রার্থনা ছাপানো হ’য়েছিল। মার্টিনের যে লেখা সিঙ্গাপুরে এই রকম একটা বিপুল আলোড়নের সৃষ্টি করেছিল তা এমনি ভাবেই শেষ হলো।

সিঙ্গাপুরের রামকৃষ্ণ মিশনের কাজকর্ম আমাকে প্রথম থেকেই আকৃষ্ট করেছিল। এই প্রতিষ্ঠানটির একটা বিরাট বাড়ী এবং ভালো একটি অনাথ আশ্রম ছিল। এর কাজকর্মও খুব ভালো ভাবে চলছিল। আমি যখন সিঙ্গাপুরে ছিলাম তখন সিঙ্গাপুর রামকৃষ্ণ মিশনের কাজকর্ম চালাচ্ছিলেন ভাস্করানন্দ স্বামী।

১৯৩৬ সালের জানুয়ারী মাসে শ্রীরামকৃষ্ণ পরমহংসদেবের জন্ম শতবার্ষিকী পালন করা হবে বলে ঠিক হলো। এই উপলক্ষ্যে একটা সর্বধর্ম সম্মেলনের ব্যবস্থা করা হয়েছিল। সিঙ্গাপুরের বিভিন্ন ধর্ম সম্প্রদায়ের লোক এই সম্মেলনে যোগ দিয়েছিল। হিন্দু ধর্ম সম্বন্ধে স্বামী ভাস্করানন্দ আমার কিছু বলতে বললে পর আমি খুবই অবাক হয়ে গেলাম। নানা ধর্মের লোকদের মিলিত এই সভায় হিন্দুধর্ম সম্বন্ধে কিছু বলার জ্ঞান বা

যোগ্যতা আমার ছিল না। কিন্তু ভাস্করানন্দ স্বামিজীর পেড়াগীড়িতে বেদান্তের মহৎ, রামকৃষ্ণ মিশনের মহৎ কাজ ইত্যাদির বিষয়ে বক্তৃতা করেছিলাম, সে কথা এখনো আমার মনে আছে।

এই অধ্যায় শেষ করার আগে আর একটা ঘটনার কথা এখানে বলব। সিদ্ধাপুরে অনেক ভারতীয় শ্রমিক আছে। এরা সব মিউনিসিপ্যালিটিতে, পূর্ত বিভাগে বৈশিষ্ট্য ভাগ কাজ করতো। সিদ্ধাপুরের ভারতীয় শ্রমিকদের অবস্থা ভারতীয় শ্রমিকদের চেয়ে ভালো ছিল। তাদের যে বেতন দেওয়া হতো তা তত ভালো না হলেও তাতে তারা খুশী ছিল। মাঝে মাঝে বর্ধিত বেতন এবং আরো নানারকম সুযোগ সুবিধার দাবী তারা তুলতো। প্রথম প্রথম তারা তাদের দরকারগুলো মালিকদের বুঝিয়ে বলত। ক্রমে তাদের দাবীগুলো চাওয়ার ধরন ধারণ বদলালো। তাহ'লেও তখনো পর্যন্ত ধর্মঘটের জন্ত তারা প্রস্তুত হয় নি। তবে মাঝে মাঝে ধর্মঘট যে তারা করেনি তা নয়। 1936 সালের নভেম্বর মাসে এইরকম একটা ধর্মঘট হ'য়েছিল। সিদ্ধাপুরের জনজীবনের বিভিন্ন বিভাগে কাজ করা শ্রমিকেরা তাদের বেতন বাড়াবার দাবী করলো। আরো একটা দাবী—বরখাস্ত শ্রমিকদের কাজে ফিরিয়ে নিতে হবে। মালিকরা তাদের কোনো কথাই শুনল না। শ্রমিকদের হ'য়ে মিউনিসিপ্যালিটির কাছে চিঠিপত্র লেখালেখি করেছিলাম আমি। উকীল হিসেবেই আমি কাজ করেছিলাম। এতে অবশ্য কোন ফল হ'ল না।

শ্রমিকেরা শেষ পর্যন্ত ধর্মঘট করা ঠিক করলো। হাজার হাজার শ্রমিক কাজ বন্ধ করল। সিদ্ধাপুরের সমস্ত আবহাওয়া বদলে গেল। উকীল থেকে হঠাৎ আমি শ্রমিক নেতা হ'য়ে দাঁড়ালাম। অফিসের কাজ এবং কোর্টে যাওয়া ছ'সপ্তাহের জন্ত আমি বন্ধ রাখলাম। শ্রমিকদের দাবীগুলি যাতে মেটে এবং ধর্মঘট তাড়াতাড়ি শেষ হয় তার চেষ্টা আমি করলাম। এই নিয়ে মিউনিসিপ্যালিটির শাসনকর্তাদের সঙ্গে বহুবার দেখা করতে হ'ল। শ্রমিক নেতারা সমস্ত সিদ্ধান্ত আমার ওপর ছেড়ে দেওয়ার আমার দায়িত্ব আরো বেড়ে গেল। এই সব ব্যাপারে স্তায়গত কিছু করলেও শ্রমিকদের তাতে সন্তুষ্ট করা কঠিন। তাহ'লেও এই দায়িত্ব আমি নিলাম। দু'তিন দিন আলোচনার পর একটা সিদ্ধান্তে আসা গেল।

সিদ্ধাপুরের শ্রমিকদের অবস্থা সম্বন্ধে অন্বেষণ করতে মিউনিসিপ্যালিটি রাজী হলো। এই অন্বেষণের ফলে মজুরদের বা প্রাপ্য তা 1936 সালের ডিসেম্বর থেকে হবে বলে ঠিক হ'ল। ধর্মঘটের সময় কাজ থেকে ছাড়িয়ে দেওয়া শ্রমিকদের আবার কাজে নিতেও তারা রাজী হ'ল। ভারতীয় শ্রমিকদের জারগার জন্ত শ্রমিকদের নেবার চেষ্টা তারা করবে না বলে কথা দিল।

তখনকার অবস্থাহাবারী এই সিদ্ধান্ত যে খুবই সম্ভাব্যজনক সে সম্বন্ধে কোন লক্ষ্যে ছিল না। এই ঘটনার অল্প পরেই ত্রিনিবাস শাস্ত্রী ভারত সরকারের প্রতিনিধি হিসেবে মালয়ে ভারতীয় শ্রমিকদের অবস্থা সম্বন্ধে খোঁজ করার জন্য সিঙ্গাপুরে এসেছিলেন।

ব্রিটিশ সাম্রাজ্যের সর্বত্র নাম এবং খ্যাতি অর্জন করা ত্রিনিবাস শাস্ত্রীর মতো ইংরেজীতে বক্তৃতা করার ক্ষমতা খুব বেশী লোকের ছিল না। ত্রিনিবাস শাস্ত্রী একজন দেশপ্রেমিকও ছিলেন। শ্রমিকদের ব্যাপারে তিনি কোনো বিপ্লবাত্মক মতামত দেবেন তা কেউ প্রত্যাশা করে নি। তবু মালয়ের ভারতীয় শ্রমিকদের অবস্থা সম্বন্ধে ত্রিনিবাস শাস্ত্রী যে সব মতামত প্রকাশ করেছিলেন এবং যে সব সুপারিশ করেছিলেন তা আমাদের আশার কাছাকাছি পর্যন্ত ছিল না। এগুলো শুধু শ্রমিকদের নয় অন্যান্যদেরও অবাক করে দিয়েছিল। কুয়ালামপুরের 'ইণ্ডিয়ান' কাগজে একজন লিখেছিলেন—ত্রিনিবাস শাস্ত্রীর এই সুপারিশ মালয় গভর্ণমেন্ট আর বাগানের মালিকের সম্পূর্ণ অস্থূল। এই রিপোর্টের কর্তারা ভারতীয় শ্রমিকদের সমস্যাগুলি ভালো করে বুঝে রিপোর্ট করেছেন বলে মোটেই মনে হয় না।

মালয়ে ভারতীয় মজুরদের অবস্থা অন্বেষণ করতে এসেছিলেন ত্রিনিবাস শাস্ত্রী। তাঁর উচিত ছিল মিউনিসিপ্যালিটির শ্রমিকদের ধর্মঘটের কারণ অন্বেষণ করা। এর জন্য তাঁর সঙ্গে আমি দেখা করতে চেয়েছিলাম। কিন্তু তিনি আমার সঙ্গে দেখা করেন নি।

এই নিয়ে কাগজে কিছু বিবৃতি দেওয়া এবং বাদ প্রতিবাদ চলেছিল। সেই সময় এক প্রক্বেয় ব্যক্তি আমাকে একটা চিঠি দেন। চিঠির কিছুটা এখানে দিচ্ছি। এর থেকে বোঝা যাবে ভারতবাসীদের এই ব্যাপারে তখন কি মত ছিল।

—আপনার বিবৃতি আমি পড়েছি। মিউনিসিপ্যাল শ্রমিকদের অবস্থা ত্রিনিবাস শাস্ত্রীকে বোঝাবার জন্য আপনি যে আন্তরিক ভাবে চেষ্টা করেছিলেন তা এর থেকে বোঝা যায়। অল্পস্বল্প নিভোবার জন্য আপনি যা করেছেন তা ভালো যায় না। মালয়ে বারা আছে তারা খুবই উৎকর্ষার সঙ্গে এই ধর্মঘটের সমস্ত ব্যাপার লক্ষ্য করেছিল। এই রকম একটা মুখ্য ব্যাপারের বিষয় জানার চেষ্টা ত্রিনিবাস শাস্ত্রী কেন যে করলেন না তা আমরা বুঝতে পারছি না।

এ ঘটনা সত্যিই খুব দুর্ভাগ্যজনক। এর জন্য দায়ী প্রক্বেয় শাস্ত্রী অথবা তাঁর উপদেষ্টারা তা আমি জানি না। শাস্ত্রী মশায়ের রিপোর্ট পড়লে আপনার সঙ্গে তাঁর দেখা হ'লেও তিনি যে অন্তরভাবে রিপোর্ট দিতেন তা মনে হয় না।

বত্রিশ

অন্ধকার অন্তরীক্ষ

জীবন যত অন্ধকারেই ভরা থাক্ না কেন, মাঝে মাঝে তাতে আলোর রেখার দেখা পাওয়াটা দুর্লভ নয়। অন্ধকার থেকে আমিও আলো দেখতে পেলাম। জীবনের সর্বাঙ্গ রুদ্ধ ঘরখানি থেকে বেরিয়ে এসে বাইরের নির্মল বায়ুতে আরাম করে নিঃশ্বাস নিলাম। দেনার দাসত্ব থেকে আমি মুক্ত হলাম। আমি স্বাধীন হলাম।

এত টাকার দেনা আমি শোধ করেছি জেনে আমার নিজেরই আশ্চর্য লাগছিল। ফিরে পাওয়া প্রমিসরী নোট, কোর্টের বায়, অন্ত্যস্ত কাগজপত্র সব আমি আঙুনে পুড়িয়ে ফেললাম। কাগজগুলো যখন পুড়ছিল তখন আমি এক অনির্বচনীয় আনন্দ অহুভব করছিলাম। আর যেন কোনো দিন দেনাদারের দৈন্ত আর বেদনা আমাকে পেতে না হয় এই প্রার্থনা করে আমি আমার কাজ করতে শুরু করলাম। আমার আয় বাড়লো, বন্ধুদের সংখ্যাও বাড়লো। কাজকর্মে আমি আবার পূর্ণ উৎসাহ ফিরে পেলাম।

আমার দ্বিতীয় কন্ডা তাউকমের বিয়ে 1936 সালের সেপ্টেম্বর মাসে হলো। আমার জামাই সিঙ্গাপুরেই কাজ করতো। অনেক দিন ধরে নানা রকম দুর্ভোগের পর এই সময়টাই একটু সুখের মুখ দেখেছিলাম। তিন বছর পর আমার কনিষ্ঠা কন্ডা লীলারও বিয়ে হলো। এই মেয়ের বিয়ের সময় দেশে ফিরবো এরকম একটা ইচ্ছা ছিল। কিন্তু সে ইচ্ছা পূর্ণ হ'ল না।

1936 সালে কংগ্রেসের সিলভার জুবিলী কালিকটে পালন করা হ'ল। সেই উপলক্ষে আয়োজিত জনসভায় আমাকে সভাপতিত্ব করার জন্তে এক নিমন্ত্রণ পেলাম। এই নিমন্ত্রণে আমি সাড়া দিতে না পারলেও কংগ্রেসের জন্ত আমি একদিন যে সামান্য কাজ করেছিলাম তা সে আমার বন্ধুরা মনে রেখেছেন তা দেখে আমি তাঁদের প্রতি কৃতজ্ঞতা অহুভব করলাম।

সিঙ্গাপুরের ভারতীয় সভ্যের মধ্যে ফাটল ধরাবার একটা চেষ্টা 1939 সালের এপ্রিল মাসে হয়েছিল। এ সময় ভারতবর্ষে একটা রাজনৈতিক আগ্রগণ এসেছে। সভ্যের সদস্যরা তাই একসঙ্গে হলোই ভারতবর্ষের অবস্থা নিয়ে আলোচনা করতেন। তখনকার পরিস্থিতিতে ব্রিটিশ গভর্নমেন্টকে কঠোরভাবে সমালোচনা না করে ভারতের রূপান্তরে

কিছু বলা সম্ভব ছিল না। এখানে বসে এমনি ভাবে তর্কাতর্কি করা শুধু হঠকারিতা নয়, বিপজ্জনক বলেও কেউ কেউ মত প্রকাশ করলো।

ভারতের রাজনৈতিক ব্যাপার নিয়ে ভারতীয় সজ্জের অফিসে কোনোরকম বাদানুবাদ করা যাবে না বলে একটা প্রস্তাব পাশ করা হবে বলে তারা ঠিক করলো। লরকারী অফিসার, ব্যবসায়ী ও রাজনৈতিক ব্যাপারে আগ্রহী নয় এমন কেউ যদি সজ্জের সদস্য হয়ে থাকতে চান তাহলে তারও একটা সিদ্ধান্ত নেওয়া উচিত বলে তারা বলল। এই ধরনের প্রস্তাব পাশ করা সজ্জের কাজকর্মের পক্ষে হানিকর বলে আমার মনে হয়েছিল। অনেক সভা আমার মতোই ভেবেছিলেন। এরকম একটা প্রস্তাব পাশ করানোর দরকার নেই বলে আমি মনে করেছিলাম। সভা হবার বেশ কিছুদিন আগের থেকেই দু'পক্ষ তাদের সমর্থক জোগাড় করতে চেষ্টা করলো। একদিন সকাল বেলায় এই মিটিং ডাকা হলো। তিনঘণ্টা তর্কাতর্কির পর প্রস্তাব ভোটে ফেললে পর নাকচ হয়ে গেল। আমরা একে আমাদের একটা বিরাট সাফল্য বলে মনে করলাম।

একটার পর একটা ঘটনা খুব দ্রুতবেগে ঘটে যাচ্ছিল। দ্বিতীয় মহাযুদ্ধ আরম্ভ হবার অনেক কিছু লক্ষণ দেখা যাচ্ছিল। অনেক কোটি টাকা ব্যয় করে সিঙ্গাপুরে এর জন্তে একটা নৌঘাটি তৈরী করাও হলো।

ইউরোপের ঘটনাবলী মালয়ের অধিবাসীরা অত্যন্ত উৎকর্ষার সঙ্গে লক্ষ্য করছিল। হিটলার তখন তার ক্ষমতার সর্বোচ্চ শিখরে। জার্মানীর ফুরার কি বলছেন, কি করছেন, সমস্ত বিশ্ব তা আগ্রহের সঙ্গে লক্ষ্য করছে। নেপোলিয়নের পর সারা ইউরোপকে এই রকম ভীত সন্ত্রস্ত করে দেওয়া ব্যক্তি ইতিহাসে আর কেউ ছিল না। হিটলার আর মুসোলিনী বেশ কিছু কাল এই পৃথিবীর নাট্যমঞ্চে প্রধান অভিনেতা ছিলেন।

1939 সালে ইউরোপে যুদ্ধ আরম্ভ হবার সঙ্গে সঙ্গে সিঙ্গাপুরে এর ছোঁয়া লাগলো। বিপুলভাবে যুদ্ধের প্রস্তুতি শুরু হলো। ভারত, অস্ট্রেলিয়া, নিউজিল্যান্ড থেকে সৈন্যরা আগতে শুরু করলো। শত্রুর আক্রমণের সম্মুখীন হ'তে মতো দরকার ট্রেনিং নাগরিকদের দেওয়া হ'ল। ইউরোপের যুদ্ধ কখন যে মালয়ে এসে উপস্থিত হয় তার জন্তে সকলে শক্তিত্ব জুড়িয়ে অপেক্ষা করতে লাগলো।

যুদ্ধের সময় ভারত যে পথ অবলম্বন করেছিল তা ব্রিটিশ গভর্নমেন্টের ভালো লাগে নি। গুণতন্ত্র আর স্বাধীনতার জন্ত তারা জার্মানীর সঙ্গে যুদ্ধ করছে একথা ব্রিটিশ গভর্নমেন্ট বললেও এর কোনোটাই ভারতবর্ষে ছিল না। এর কারণ অবশ্যই ব্রিটিশ গভর্নমেন্ট। কিন্তু ভারতীয়দের কাছ থেকে যুদ্ধের প্রয়োজনে দরকার মতো সাহায্য পাবার জন্ত এইসব বড় বড় কথা তারা বলেছিল।

ভারতবাসীদের মধ্যে একতা নেই বলে ভারতবর্ষকে স্বাধীনতা দেওয়া যায় না, ভারতে কিছু শাসন সংস্কার করা হয়েছে, এই শাসন সংস্কার সারা দেশে প্রবর্তন করার জন্য ব্রিটিশ গভর্নমেন্ট প্রস্তুত, এই সব ছিল তাদের প্রচারণার মূখ্য বস্তু। এই প্রচারকে জোরদার করার জন্য এড্‌উইন হাওয়ার্ড নামে এক অফিসার কিছু লোক সঙ্গে করে সিঙ্গাপুরে এলেন।

যুদ্ধের ব্যাপারে ভারতীয়দের মনোভাবকে সমালোচনা করে সিঙ্গাপুরের একটি নামী পত্রিকা ‘ক্রো প্রেস’ একটা সম্পাদকীয় লিখেছিল। এর উত্তরে ভারতীয়দের ব্যবহারের বিশদ ব্যাখ্যা দিয়ে আমি ঐ পত্রিকায় একটা দীর্ঘ লেখা লিখেছিলাম। “গণতন্ত্রের জন্য যুদ্ধ ইউরোপের যুদ্ধে হচ্ছে না, হচ্ছে ভারতের জেলগুলিতে” একথা আমি বলতে এড্‌উইন হাওয়ার্ড খুব উত্তেজিত হয়েছিলেন। তিনি ভারতে ব্রিটিশেরা যে শাসনসংস্কার প্রবর্তন করেছে, সেটা আমার লেখার প্রত্যুত্তরে দেখিয়েছিলেন। আমি উত্তর দিয়েছিলাম—“নতুন শাসন সংস্কার আমরা ব্রিটিশ গভর্নমেন্টের কাছে চাই নি। আমাদের নিজেদের শাসন আমরা নিজেরা করবো এই দাবীই আমরা ব্রিটিশ সরকারের কাছে করছি।” ‘ক্রো প্রেস’ কাগজে আমাদের তর্কাতর্কি ভারতীয়দের মধ্যে খুব উৎসাহ জাগিয়ে তুলেছিল। কয়েকজন বন্ধু অবশ্য আমাকে উপদেশ দিয়েছিলেন—যুদ্ধের সময় এটা, একটু সাবধান হবেন।

আমার সঙ্গে তাঁর দেখা করার খুব ইচ্ছে বলে এড্‌উইন হাওয়ার্ড আমাকে একদিন চায়ের নিমন্ত্রণ করলেন। আমরা অনেকক্ষণ ভারতবর্ষের অবস্থা নিয়ে কথাবার্তা বলেছিলাম। বিদায় নেবার সময় আমরা দুজনেই নিজ নিজ মতকে আঁকড়ে ধরে রাখি। আর একবার দেখা করবো বলে ভেবেছিলাম। কিন্তু সে সুযোগ আর হ’ল না। ততদিনে মালায়ে যুদ্ধ এসে গেছে।

1941 সালের ৪ই ডিসেম্বর সকালে কোন রকম সতর্কীকরণ ছাড়াই সিঙ্গাপুর শহরে দু’টো বোমা পড়ল। এই বোমার ভীষণ শব্দে শহরবাসীরা সব জেগে গেল। জাপান ব্রিটিশ গভর্নমেন্টের বিরুদ্ধে যুদ্ধ ঘোষণা করেছে একথা তারা সকাল হবার পর জানতে পারলো। দু’দিন পরে জানা গেল যে জাপানী সৈন্যরা দ্রুত সিঙ্গাপুরের দিকে এগিয়ে আসছে। ভীষণ ভয় পেয়ে কেউ কেউ মালয় ছেড়ে চলে যেতে লাগলো। কিন্তু পালিয়ে যাবার যথেষ্ট জাহাজ ছিল না। লোকে ঠেসেঠুসে কোনো রকমে যাত্রা আরম্ভ করলো। কিন্তু জাপানীদের বোমা পড়ে কোনো কোনো জাহাজ শেষ হ’য়ে গেল। কোনো কোনো জাহাজ তাদের লক্ষ্যে পৌঁছোতে পারল না। স্বামী স্ত্রী ছেলেমেয়ে কে যে কোথায় ছিটকে পড়ল, তা কে জানে। বারা পালাতে পারল না তারা আশ্রয়

ভৈরী করে খাবার দাবার সংগ্রহ করে কি করে রক্ষা পাওয়া যায় তার চেষ্টা করতে লাগলো। কাজকর্ম সব বন্ধ হয়ে গেল। আমিও অফিস যাওয়া বন্ধ করলাম।

রোজ সকালে আমরা খবর পাচ্ছিলাম যে জাপানীরা নতুন নতুন জায়গা অধিকার করে নিচ্ছে। অস্তান্ত জায়গা থেকে শরণার্থীরা এসে সিকাপুরে ভাঁড় জমালো। আর যাই হোক না কেন, জাপানীরা সিকাপুর দখল করতে পারবে না এ কথা লোকে পূর্ণ বিশ্বাস করতো। সিকাপুরের নৌবাঁটি সম্বন্ধে তাদের অতি মাত্রায় বিশ্বাস ছিল। যতদিন এই নৌবাঁটি এখানে আছে ততদিন জাপানীদের ভয় করবার কিছু নেই বলে উইনস্টন চার্চিল এই সময় বলেছিলেন। কিন্তু কোনো রকম বাধা না পেয়েই শত্রু অনায়াসে দ্রুত এগিয়ে আসতে লাগলো। জাপানীরা পিনার, কুয়ালালামপুর, মালাকা এসব জায়গা দখল করলো।

1942 সালের 31শে জানুয়ারী জাপানীরা সিকাপুরের কাছে জোহরে এসে উপস্থিত হয়েছে এই খবর জানার পর সিকাপুর আর তার আশপাশের চেহারা সম্পূর্ণ বদলে গেল। শহর সৈন্ত আর যুদ্ধ সামগ্রীতে ভরে গিয়ে একটা বিরাট ছাউনী হয়ে দাঁড়ালো।

জোহর থেকে পশ্চাদপসরণ করে ব্রিটিশ সৈন্ত যখন তাদের সঙ্গে অসংখ্য যানবাহন আর যুদ্ধ সামগ্রী নিয়ে সিকাপুরে এসে উপস্থিত হলো তখন সে দৃশ্য দেখার মত ছিল। জোহর আর সিকাপুরের সংযোজক পোলটি শত্রুর গতিকে বাহত করতে ব্রিটিশ সৈন্তরা ভাইনামাইট দিয়ে উড়িয়ে দিল। কিন্তু এতে জাপানীদের গতি রুদ্ধ করা গেল না। সিকাপুর অধিকার করার যুদ্ধ নীত্রেই আরম্ভ হবে, আর তা শেষ হতেও বেশী সময় লাগবে না, একথা সকলে বুঝতে পারল। “জাপানীরা সিকাপুর দখল করার প্রস্তুতি শুরু করেছে” টোকিও রেডিও থেকে একথা বলার পর ভীষণ একটা কিছু হ’তে যাচ্ছে বলে আমরা বুঝতে পারলাম। এমনভাবে চারদিন কাটলো।

“সিকাপুর দখল করার ক্ষমতা শত্রুর কোনো দিনই হবে না। তাদের এটা করতেও হবে না। এক ইঞ্চি জায়গাও আমরা ছেড়ে দেব না। জয় আমাদের হবেই”—একথা সিকাপুরের গভর্নর বলার পর ব্রিটিশেরা বিরাট একটা যুদ্ধের অস্ত্র প্রস্তুত হচ্ছে একথা সকলে বিশ্বাস করলো। কিন্তু হলো অস্ত্ররক্ষা। আর যা ঘটলো তা খুব তাড়াতাড়িই শেষ হলো।

তেত্রিশ

যুদ্ধ এবং যুদ্ধের পর

যুদ্ধের সময় আমার যে অভিজ্ঞতা হয়েছিল তা ‘ভূত ও ভাবীকাল’ বইটিতে সবিস্তারে লিখেছি। যুদ্ধ আমার জীবনকে এমন ভাবে স্পর্শ করেছিল যে কতকগুলো ঘটনার কথা আবার না বলে পারা যায় না। তাই আবার এখানে তার কথা বলছি।

যুদ্ধ আরম্ভের সময় সিঙ্গাপুর থেকে পারল্‌বার নামে একটা জায়গায় আমি থাকতাম। আমার পরিবারের লোকেরা ছাড়াও আমার কিছু বন্ধুবান্ধব এবং তাদের পরিবারেরাও আমার সঙ্গে থাকতো। আমাদের আশ্রয়স্থানের প্রতিরক্ষার জন্য যতটা ব্যবস্থা নেওয়া সম্ভব নিই। বেশ কয়েকদিনের খাবারদাাকার জোগাড় করে রাখি। বোম্বার থেকে রক্ষা পাবার জন্যে শেলটার তৈরী করেছিলাম + প্রাথমিক চিকিৎসার জন্য সরকারী ওষুধপত্র সব-জোগাড় করে রেখেছিলাম। আমাদের সঙ্গে দু’তিনজন ডাক্তারও ছিল। কবে যে জাপানীরা সিঙ্গাপুর আক্রমণ করে সেই ভয়ে ভীষণ আতঙ্কে আমরা দিন কাটাচ্ছিলাম।

1942 সালের ৪ই ফেব্রুয়ারী আমার বাড়ীর সামনে একটা গোলা ফাটার প্রচণ্ড আওয়াজ শুনতে পেলাম। আর পাঁচ মিনিট পরে আরো একটা গোলা ফাটলো। জাপানীরা আক্রমণ আরম্ভ করেছে। কোন্‌ রাস্তা দিয়ে যে তারা সিঙ্গাপুর পৌঁচেছে তা আমরা জানতে পারি নি। আবার দুটো তিনটে গোলা পর পর ফাটলো। আমাদের এখন কি করা উচিত তাই নিয়ে আলোচনা করলাম। এখানে এখন থাকার বিপজ্জনক বুঝে আমরা শহরে যাবো ঠিক করলাম। শহরে একটা বাড়ীতে গিয়ে আশ্রয় নিলাম। চার পাঁচদিন এমনি ভাবে কেটে গেল। জাপানীরা এখানেও বোমা ফেলতে শুরু করলো। শুনতে পেলাম তারা নাকি শহরটা গুঁড়ো গুঁড়ো করে দিয়ে যাবে। লোকেরা যে বেদিকে পারলো পালাতে লাগলো। আমরা আবার আমাদের পুরোনো জায়গায় ফিরে যাওয়া ঠিক করে পারল্‌বারে ফিরে এলাম।

আমরা যখন আমাদের পুরোনো বাড়ীতে এলেছি তখন তিনটে বেজে গেছে। বোমা আর টাকের শব্দ যাবে যাবে শুনলেও আমরা খিদেতে অবশ হতে গিয়েছিলাম বলে অন্ততঃ একটু চা খেয়ে বাহোক কিছু করা যাবে বলে ঠিক করলাম। তার মধ্যে আমরা বাইরে বেরিয়েছি আর তখনই একটা গোলা এসে রাস্তায়ের ছাদটা কাটিয়ে গেল।

আমরা রক্ষা পাবার জন্যে ছুটে গিয়ে শেলটারে আশ্রয় নিলাম। সেখানে পৌছানোর আগেই আর একটা গোলা এসে রান্নাঘরের দেয়ালটা ভেঙে চূরমার করে দিল। আমরা রক্ষা পাবার জন্যে ছুটে গিয়ে শেলটারে আশ্রয় নিলাম। সেখানে পৌছানোর আগেই আর একটা গোলা এসে রান্নাঘরের দেয়ালটা ভেঙে চূরমার করে দিল। চারিদিক থেকে লোকের চীৎকার আর্তনাদ শোনা যাচ্ছে। কারোরই বাইরে বেরোবার সাহস নেই। গোলা একটার পর একটা ফেটে চলেছে। বাড়ীর এক একটা অংশ ভেঙে পড়তে লাগলো। আশে পাশের কিছু বাড়ী আগুনে জ্বলতে লাগলো। লোকেরা আর্তনবে দীর্ঘরক ডাকছে। এক মুহূর্তের মধ্যে সমস্ত জায়গাটা নরকের মত হয়ে গেল।

এক একটা গোলা ফাটার পর আমরা পরস্পরকে জিজ্ঞাসা করছিলাম কেউ আহত হয়েছে কি না। যেখানে বসেছিলাম সেখান থেকে নড়ার সাহস আমাদের ছিল না। এমনি ভাবেই কালরাত্রির অবসান হলো।

সকাল হ'লে চারিদিকের যে দৃশ্য দেখলাম তার বর্ণনা দেওয়া অসম্ভব। এ বাড়ীতে আর থাকা সম্ভব নয়। অন্য বাড়ীর সন্ধানেও যাওয়া সম্ভব নয়। আর ঠিক তখনই আমরা শুনলাম যে যুদ্ধ শেষ হয়ে গেছে। এ খবর শুনে আমরা যে কি আশ্বস্তই না হলাম। 1942 সালের 16ই ফেব্রুয়ারী সূর্য ওঠার সঙ্গে জাপানীদের সূর্য পতাকা সিন্ধাপুরের 'কাথে' বাড়ীটির ওপর পতপত করে উড়ছে দেখতে পেলাম।

দু'দিন পরে একজন জাপানী মিলিটারী অফিসার আমার বাড়ীতে এল। তার বড় অফিসার আমার সঙ্গে দেখা করতে চায়, তার জন্য যেন তার পরের দিন আমি প্রস্তুত থাকি একথা সে আমার জানালো। পরের দিন নির্দিষ্ট সময়ে এসে এই অফিসারটি আমাকে নিয়ে গেলো।

রাস্তার যে দৃশ্য দেখলাম তা ভোলাব নয়। হাতে রাইফেল নিয়ে দাঁড়িয়ে থাকা জাপানী সৈন্য আমাদের গাড়ী পরীক্ষা করে আমাদের সঙ্গে জাপানী অফিসারটিকে দেখে ভাড়াভাড়ি ছেড়ে দিল। আধ ঘণ্টার মধ্যে গাড়ী একটা বিরাট বাংলোর সামনে থামলো। আমাকে মেজর ফুজিওয়ারার সামনে নিয়ে যাওয়া হলো।

শান্ত বদন, কণাবর্তায় চটপটে মেজর ফুজিওয়ারার বয়স বোধ হয় চল্লিশ বছর হবে। এক একটা জায়গা অধিকার করে সেখানকার ভারতীয়দের সঙ্গে সম্পর্ক স্থাপন করে তিনি 'ইণ্ডিয়ান ইনডিপেন্ডেন্স লীগ' গঠন করেছিলেন। এই কাজে কিছু জাপানী আর ভারতীয়েরা তাঁকে সাহায্য করেছিলেন। ফুজিওয়ারা ইংরিজী জানতেন না। একজন দোভাষীর সাহায্যে আমরা প্রায় দু'ঘণ্টা কথা বললাম। তিনি বলেন, আমি শুনে

গেলাম। ইংরেজরা ভারত শাসন করছে বলে এশিয়াবাসী হিসেবে তিনি অত্যন্ত দুঃখবোধ করছেন। ভারতবর্ষকে বিদেশীদের শাসন থেকে মুক্ত করা তিনি তাঁর জীবনের উদ্দেশ্য বলে মনে করেন। তার স্বযোগ এখন এসেছে। ভারতবাসীদের তার জন্ত এখন সংগঠিত হওয়া উচিত। খুব শীঘ্র 'ইণ্ডিয়ান ইনডিপেন্ডেন্স লীগে'র একটা শাখা এখানে খোলার জন্ত তিনি আমাদের বলেন। সম্ভাব্যের পর আমাদের আবার গাড়ী করে বাড়ী পাঠিয়ে দেওয়া হলো। এমনভাবে পরপর তিনদিন মেজর ফুজিওয়ারা আমাদের সঙ্গে কথা বলেছিলেন।

দু' সপ্তাহ পরে আমার বাড়ীতে একটা সভা হ'ল। সেদিনই 'ইণ্ডিয়ান ইনডিপেন্ডেন্স লীগে'র একটা শাখা স্থাপন করা হ'ল। সিদ্ধাপুরের একজন বিখ্যাত ব্যারিস্টার মিঃ গুহকে সভাপতি এবং আমাদের সহ-সভাপতি করা হল। মিঃ গুহ ছিলেন বাঙালী এবং বহুদিন সিদ্ধাপুরে থেকে নাম খ্যাতি অর্জন করেছিলেন। এই লীগ গঠন করা এবং তার ভারবাহীদের বেছে নেবার ব্যাপারে পেছন থেকে জাপানীদের ইচ্ছা কাজ করেছিল।

জাপানীদের সঙ্গে এই সম্পর্ক স্থাপন তখনকার পরিস্থিতিতে যেন শাপে বর হয়েছিল। যুদ্ধ শেষ হবার পর কিছু দিন অবধি লোকদের মিলিটারীর অত্যাচার খুবই সহ্য করতে হ'য়েছিল। মিলিটারীর ব্যবহার ছিল বস্ত্র পশুর মত। বাড়ীর মধ্যে যখন খুশী ঢুকে জিনিষপত্র খুশী মতো নিয়ে যেত, লোকদের মারধোর করত, মেয়েদের অপমান করতো। লোকে অত্যন্ত ভীত হয়ে দিন কাটাচ্ছিল। এই ভয় থেকে রক্ষা পাবার জন্ত মেজর ফুজিওয়ারা আমাদের বাড়ীর সামনে একটা নোটিশ টাঙিয়ে দিতে বলেছিলেন। সেই নোটিশ দেখে সৈন্যরা বাড়ীতে ঢুকতো না। এতে শুধু আমাদের নয়, আমাদের কিছু বন্ধুবান্ধবদেরও খুব উপকার হয়েছিল। এমনি ভাবে দু' সপ্তাহ কাটলো।

মার্চ মাসের প্রথমে একদিন মেজর ফুজিওয়ারা আমাদের সঙ্গে দেখা করে আমাদের টোকিও যেতে বলেন, ভারতের স্বাধীনতা লাভ করার বিষয়ে টোকিওতে ভারতীয়দের একটা সভার বন্দোবস্ত করা হয়েছে তাতে আমি এবং আরো কয়েকজন ভারতীয় যেন যোগ দিই। আমার যাবার খুবই আগ্রহ হ'ল। 15ই মার্চ আমি জাপানে রওনা হলাম।

এই বিমানে 28 জন যাত্রীর মধ্যে তিনজন ছিল জাপানী। ফুজিওয়ারা ছাড়া কর্ণেল ইভাগুরু ও আর একজন জাপানী। মেজর ফুজিওয়ারার বদলে নূতন লিয়ানন অফিসার হ'য়েছিলেন এই ইভাগুরু। আমার সঙ্গে আর যে চারজন ভারতীয় ছিলেন তারা হলেন মোহন সিং, কর্ণেল গিল, এন. রাঘবন আর এস. সি. গুহ। মোহন সিং ব্রিটিশের সৈন্য বিভাগে একজন ক্যাপ্টেন ছিলেন। জাপানীদের সাহায্যে গঠিত ভারতীয় জাতীয় সৈন্যের জেনারেল। মোহন সিং খুবই উদ্বলোক।

টার সঙ্গে পরিচয় হবার সময় থেকেই আমরা বন্ধুত্বের বন্ধনে বাঁধা পড়েছিলাম। এখনও সে বন্ধুত্ব ভেঙে যায়নি।

কর্ণেল গিলের পদ ব্রিটিশ সৈন্য বিভাগে মোহন সিং এর চেয়ে উঁচু হলেও ভারতীয় জাতীয় সৈন্য বিভাগে তিনি মোহন সিং-এর নীচে ছিলেন। কর্ণেল গিলের উপদেশ এবং সাহায্য মোহন সিং-এর খুবই কাজে লেগেছিল। কর্ণেল গিল আমাদের রাষ্ট্রদূত হয়ে কয়েকটি দেশে কাজ করে এখন অবসর গ্রহণ করেছেন।

এন. রাধবন পেনাঙে ব্যারিস্টার ছিলেন। মালয়ে ভারতবাসীদের সব ব্যাপারে তিনি ভাগ নিতেন। তিনিও কয়েকটি রাজ্যে ভারতের রাষ্ট্রদূত হ'য়ে কাজ করে এখন অবসর গ্রহণ করেছেন। চতুর্থ ব্যক্তি সিন্ধাপুরের ব্যারিস্টার মি: গুহ। এর কথা আগেই বলেছি।

পথে আমরা কয়েক জায়গায় থেমে পঞ্চম দিনে টোকিও পৌঁছাই। আরো কয়েকজন ভারতীয়দের নিয়ে আমাদের আগে রওনা হওয়া বিমানটি জাপানের এক পাহাড়ে পড়ে ভেঙে চূরমার হ'য়ে যায়। সে কথা জাপানে পৌঁছানোর দু'দিন পরে জানতে পারলাম। তাঁরাও এই সভার যোগ দেবার জন্য আসছিলেন। নীলকণ্ঠ আর্য্যার, ক্যাপ্টেন আক্রম সিং, স্বামী সত্যানন্দ পুরী এবং প্রীতম সিং এই চারজন ভারতীয় এই দুর্ঘটনার মারা যায়। এঁদের মধ্যে নীলকণ্ঠ আর্য্যারের সম্বন্ধে কিছু বলতে চাই। তিনি মালয়ে অনেকদিন ধরে ভারতীয়দের ব্যাপারে খুব আগ্রহের সঙ্গে কাজ করেছিলেন। যখন বিশ্রাম নিয়ে দেশে ফেরার কথা ভাবছিলেন তখনই হৃৎ গুরু হলো। 'ইণ্ডিয়ান ইনডিপেন্ডেন্স লীগ' তৈরী হলে তাতে তিনি খুব উৎসাহের সঙ্গে কাজ করেছিলেন।

টোকিওতে রওনা হবার আগের দিন সন্ধ্যাবেলায় তিনি আমার বাড়ীতে বেড়াতে এসেছিলেন। সেদিন তিনি আমার বাড়ীতেই রইলেন। রাত ৪টার সময় জাপানীরা এসে জানালা বে পরের দিন একটি বিমান টোকিও বাচ্ছে। এতে কয়েকজন যেতে পারেন। কিন্তু সেদিন আমার বাবার অসুবিধে ছিল। 'তা'হ'লে আমিই কাল বাব'—এমনি ভাবে আর্য্যার আমার বদলে সেই বিমানে গেলেন।

টোকিতে আমাদের কাজ আরম্ভ হবার সময় এই উন্নয়ন দুর্ঘটনা শুনে আমরা শূন্য হয়ে গেলাম। স্বত আত্মার শক্তির জন্য যে প্রার্থনা সভা হ'য়েছিল তাতে জাপানের প্রধানমন্ত্রী তোজো, টোকিওর বড় বড় নাগরিক ও অফিসারেরা যোগ দিয়েছিলেন।

চোত্রিশ

জাপানে এবং ব্যাককে

জাপানের তিনটি দৃশ্য নাকি জাপান সন্দর্শকদের ভালো লাগে। এক : ওখানকার ফুজিয়ামা পাহাড়। দুই : জাপানের গায়েরা মেয়েরা, তিন : অতি স্নন্দর ফুলে শোভিত চেরী গাছগুলি। বিমান থেকে ফুজিয়ামার অপূর্ব সৌন্দর্য দূর থেকে দেখে ধস্ত হবার সুযোগ আমার মিলেছিল। একবার দেখলে এ দৃশ্য আর কখনো ভোলা যায় না। গায়েরা মেয়েরা ছাড়া জাপানের আমোদ প্রমোদ কিছুই সম্পূর্ণ হয় না। স্নন্দরী মেয়েরা যখন মনোহর সজ্জার সঙ্গে তাদের আকর্ষণীয় ব্যবহারে অতিথিদের অভিযর্থনা করে, তাদের মনোরঞ্জন করে, তখন তা সন্দর্শকদের ভালো লাগবে তাতে আর আশ্চর্যের কি আছে। তখন জাপানের মেয়েরা পুরুষদের সব কিছু আমোদ প্রমোদে ভাগ নিত। এই গায়েরা মেয়েদের অতিথিদের তৃপ্তি দেবার জন্য বিশেষ করে ট্রেনিং দেওয়া হতো।

চেরী গাছগুলি যখন ফুলে ফুলে ভরে যায় তখন সে দৃশ্য দেখার মত। বসন্তকালে দু'তিন সপ্তাহ মাত্র এই দৃশ্য দেখা যায়। এই সময়েই আমরা জাপানে এসেছিলাম। যতদূর দৃষ্টি যায় একের পর এক চেরী গাছগুলোর ওপর সূর্যের কিরণ পড়ে এক অপার্থিব সৌন্দর্যের সৃষ্টি হয়েছিল।

জাপানে পৌঁছানোর দু'তিন দিন পরে জাপানীরা আমাদের একটা ভোজ দিয়েছিল। প্রায় 600 জাপানী এই ভোজে যোগ দিয়েছিল। 'ভারতবর্ষকে বুটিশের শাসন থেকে মুক্ত করার জন্তে যে কোনো ত্যাগের জন্য জাপান প্রস্তুত'—বলে কয়েকজন জাপানী বক্তৃতা করলো। এর পরেও আমরা কয়েকটি ভোজসভার নিমন্ত্রিত হ'য়েছিলাম। জাপানের বিশেষ বিশেষ জায়গা, প্রতিষ্ঠান, শিল্প, প্রাকৃতিক দৃশ্য প্রভৃতি দেখার প্রচুর সুযোগ আমাদের মিলেছিল। জাপানীদের দেশপ্রেম, তাদের সংস্কৃতি, নিয়মাত্মবর্তিতা, শ্রমশীলতা যে কোনো লোকেরই প্রশংসা আকর্ষণ করবে। জাপানে আমাদের থাকারটা খুবই সুখপ্রদ হয়েছিল, তবে জাপানে আমরা আনন্দ করতে বা সেখানকার দৃশ্য দেখতে বাই নি। ভারতের স্বাধীনতার আন্দোলনকে জোরদার করার জন্য আমরা কি করেছিলাম সেই কথাই এখানে বলব।

টোকিওতে পৌঁছানোর দু'দিন পরে মালয়, হংকং, সাংহাই, জাপান ইত্যাদি জায়গাগুলি থেকে আগত ভারতীয়দের নিয়ে সভা হলো। এই সম্মেলনে বিশজন লোক

মাত্র বোগ দিয়েছিল। ভারতকে স্বাধীন করার জন্য জাপান যে কোনো সাহায্য দিতে প্রস্তুত। কি রকম সাহায্যের দরকার, কেমন করে এর কাজ আরম্ভ করতে হবে ইত্যাদি আলোচনা করে ঠিক করতে হবে বলে ইভাগুরু আমাদের বলেন।

অনেকদিন ধরে জাপানে বাস করতেন রাসবিহারী বোস। তিনি এই সভার সভাপতি ছিলেন। ভারতের বড়লাট লর্ড হাডিঞ্জের ওপর বোমা ফেলার অপরাধে তাঁকে বন্দী করা হবে শুনে রাসবিহারী ভারত ছেড়ে জাপানে পালিয়ে আসেন। তারপর থেকে তিনি জাপানেই রয়ে গিয়েছিলেন। বহুদিন জাপানে বাস করার ফলে তাঁর আচার ব্যবহার, চিন্তাধারা, রীতিনীতি সব জাপানীদের মত হয়ে গিয়েছিল। বোস বড় ভালো মানুষ ছিলেন। কিন্তু স্বাধীনভাবে কিছু করার মনের জোর তাঁর ছিল না। সে যাই হোক, ইণ্ডিয়ার ইনডিপেন্ডেন্স লীগের কাজকর্ম তাঁর নেতৃত্বেই চালানোর সিদ্ধান্ত জাপান নিয়েছিল।

লীগের প্রেসিডেন্টকে উপদেশ দেবার জন্য এবং সাহায্য করার জন্য একটা কমিটি গঠন করে লীগকে যুদ্ধের আবশ্যিক মত ব্যবহার করা জাপানীদের উদ্দেশ্য ছিল। জাপানীদের এই উদ্দেশ্য কয়েকজন জানতে পারলেও তাতে খোলাখুলি সমালোচনা করার সুযোগ আমরা পাই নি। তাই এখন এটা মেনেই জাপানীদের মতামতগারে কাজ করে যাওয়া উচিত বলে আমাদের মনে হয়েছিল।

ইণ্ডিয়ান ইনডিপেন্ডেন্স লীগের বিপ্লবাত্মক আন্দোলন চালাবার আগে তার কাজকর্মের ব্যাপারে ঠিক করবার জন্য দক্ষিণ এশিয়ার ভারতের প্রতিনিধিদের একটা বড় কনফারেন্স ডেকে তার থেকে একটা কার্যকরী সমিতি গঠন করে তার হাতে এই আন্দোলনের ভার দেওয়া উচিত বলে আমরা কয়েকজন অভিমত প্রকাশ করলাম। তার অন্ত্রে রেজুনে বা ব্যাককে একটা সম্মেলন ডাকলে ভালো হয় বলে বললে এইরকম করা হবে বলে টোকিও কনফারেন্স ঠিক করলো।

টোকিও থেকে ফেরার আগে আমরা জাপানের তখনকার প্রধানমন্ত্রী তোজোর সঙ্গে দেখা করলাম। তোজো তখন কমতা আর প্রভাবের সর্বোচ্চ আসনে অধিষ্ঠিত। আমরা তাঁর সঙ্গে প্রায় 45 মিনিট কথা বলেছিলাম। তখন কে ভেবেছিল যে নিকট ভবিষ্যতে তিনি তাঁর সমস্ত কমতা হারিয়ে ফাঁসির মধ্যে ঊঠবেন।

আমরা বিমানে করে জাপান থেকে ফেরার সময় আমাদের সেই হতভাগ্য বন্ধুদের কথা মনে পড়ছিল। এমনভাবে সিঙ্গাপুর থেকে বেরিয়ে আবার একমাস পরে সেখানেই ফিরে এলাম।

এর দু'মাস পরে ব্যাককে কনফারেন্স হয়। এতদিন পর্যন্ত উন্নয়নযোগ্য কাজকর্ম

কিছুই হয় নি। লীগের কতকগুলি শাখা স্থাপন করে তাদের উদ্দেশ্যের কথা ভারতীয়দের বলা এইটুকু মাত্র করেছিলাম।

এই সময় মালয়ে চীনাদের ওপর জাপানীরা খুব অত্যাচার করেছিল। হাজার হাজার চীনাদের কেটে ফেলেছিল। গুলী করে হত্যা করেছিল। এবং তুলনায় ভারতবাসীদের অবস্থা অনেক ভালো ছিল। জাপানী সৈন্যরা যে নিষ্ঠুর কাজ করছিল তার বিরুদ্ধে প্রতিবাদ করার সাহস কারো ছিল না, এক মাত্র অসহায় ভাবে দেখা ছাড়া।

1942 সালের 15ই জুন ব্যাঙ্কে সম্মেলন আরম্ভ হ'ল। এই সম্মেলনে যোগ দিতে মালয় থেকে পঞ্চাশ জনেরও বেশী প্রতিনিধি উপস্থিত হলো। এদের মধ্যে ভারতীয় জাতীয় সৈন্যের প্রতিনিধিও ছিল। আমরা একটা বিশেষ ট্রেনে করে সিঙ্গাপুর থেকে ব্যাঙ্কে গিয়েছিলাম।

যুদ্ধের ধ্বংসাবশেষ আমরা সারা পথে দেখতে দেখতে যাই। সম্মেলনে যোগ দেবার জন্য জাপান, মাঞ্চুকো, হংকং, বোর্নিও, জাভা, মালয়, সান্‌হে, ম্যানিলা, ইন্দোনেশিয়া প্রভৃতি জায়গা থেকে প্রতিনিধিরা এসেছিলেন। থাইল্যান্ড থেকে অনেক ভারতীয়েরাও এতে যোগ দিয়েছিলেন।

রাসবিহারী বোস এই সম্মেলনের সভাপতি ছিলেন। এই সম্মেলনে বলা হ'ল যে ভারতের পূর্ণ স্বাধীনতা আনা ইণ্ডিয়ান ইনডিপেন্ডেন্স লীগের লক্ষ্য। তার অঙ্গে যুদ্ধে জাপানের কাছে আত্মসমর্পণকারী ভারতীয় সৈন্য এবং সিভিলিয়ানদের নিয়ে ইণ্ডিয়ান জাশানালা আর্মি গঠন করা হবে বলে ঠিক হলো। এই সব উদ্দেশ্য সাধন করার জন্য কি কি করতে হবে তাই নিয়েও সম্মেলন আলোচনা করল। ইনডিপেন্ডেন্স লীগের সব কমতা পাঁচজনকে নিয়ে গঠিত একটি “কাউন্সিল অফ অ্যাকশান”—এর হাতে দেওয়া হয়। এই কাউন্সিলে একজন সভাপতি, দু'জন সাময়িক আর দু'জন বেসাময়িক সভ্য থাকবে বলে ঠিক করা হয়। এই সভ্যদেরও এই সম্মেলনে নির্বাচিত করা হয়। আমি আর মিঃ রাঘবন ছিলাম বেসাময়িক সভ্য, জেনারেল মোহন সিং আর কর্ণেল গিল ছিলেন সাময়িক সভ্য, রাসবিহারী বোস ছিলেন সভাপতি।

কাউন্সিল অফ অ্যাকশানের প্রথম মিটিঙে আমরা আমাদের কাজ ভাগ করে নিলাম। আমাদের প্রচার বিভাগের মন্ত্রী করা হ'ল। রাঘবন নিলেন ইণ্ডিয়ান ইনডিপেন্ডেন্স লীগের শাখাগুলির দায়িত্ব। সেনা বিভাগের দায়িত্ব নিলেন মোহন সিং আর গিল, আর্থিক দপ্তরের ভার গ্রস্ত হ'লো সভাপতির ওপর। এমনি ভাবে কাজের বন্টন করে আমরা কাজ শুরু করলাম।

লীগের হেডকোয়ার্টাস ব্যাঙ্কে করবো বলে ঠিক করেছিলাম, কিন্তু এতে কতকগুলো

অসুবিধা ছিল। আমার পরিবারকে সিঙ্গাপুরে রেখে ব্যাঙ্কে বাস করা আমার মোটেই ইচ্ছা ছিল না। জাশানাল আর্মির হেড-কোয়ার্টার্স সিঙ্গাপুরে করা হোক বলে মোহন সিং মত দিলেন। কনফারেন্স শেষ হবার এক সপ্তাহ পরে আমি সিঙ্গাপুরে ফিরে গেলাম।

পঁয়ত্রিশ মন্ত্রীর পদে

আমাকে কাউন্সিল অফ্‌ অ্যাকশানের একজন সদস্য করা হয়েছে এ খবর ভারতীয়েরা জানতে পেরেছিলেন। আমি যেদিন রাতে ব্যাকক থেকে ফিরে এলাম তার পরের দিন বহু বন্ধুবান্ধব আমার সঙ্গে দেখা করতে এলেন। এঁদের মধ্যে কয়েকজন জাপানী সামরিক অফিসারেরাও ছিলো। এই অফিসারেরা আমাকে অভিনন্দন জানালো। তাদের হাত জোড় করে নমস্কার করা এবং ভারতের স্বাধীনতার জন্য তাদের এই আগ্রহ দেখে আমার খুব আশ্চর্য লাগছিল। তাদের কথাবার্তার মনে হচ্ছিল যেন আমি একটা বিরাট কাজ পেরেছি।

দু'দিন পরে জাপানীদের বেতার বিভাগের উর্ধ্বতন কর্মচারীরা এবং আমি ইনডিপেন্ডেন্স লীগের বেতার প্রচার সম্বন্ধে আলোচনা করে কতকগুলি প্রোগ্রাম ঠিক করলাম। টোকিও থেকে রেজুন অবধি জাপানীদের অধীনে সমস্ত রেডিও-ট্রান্সমিশনে লীগের বেতার প্রচার করার অধিকার আমার রইল। কিন্তু তা সত্ত্বেও জাপানীরা আমার অজান্তে এর অনেক বিপরীত কাজ করেছে। প্রচার বিভাগের কর্মচারীদের নিয়োগ করা, তাদের বরখাস্ত করার পূর্ণ অধিকার আমার ছিল, কিন্তু এতেও তারা বেশ কয়েকবার হস্তক্ষেপ করেছে এবং তাদের খুশীমতো কাজ করেছে। এ বিষয়ে কিছু জানতে চাইলে তারা কিছু না কিছু একটা অজুহাত দেখাতো। গ্রামাশাল আর্মির বেলায়ও তারা জেনারেল মোহন সিং-এর অজান্তে অনেক কিছুই করেছে। এই নিয়ে মোহন সিং আমার কাছে অভিযোগও করেছিলেন।

1942 সালের 12ই আগস্ট সন্ধ্যাবেলায় ভারতীয় স্বাধীনতা লীগের লক্ষ্য সম্বন্ধে জনসাধারণকে অবহিত করার জন্য একটা বিরাট জনসভা সিঙ্গাপুরের ফারার পার্কে আয়োজিত করা হয়েছিল। এই দিন ভারতীয়দের গৃহগুলিতে এবং ব্যবসায় প্রতিষ্ঠান-গুলিতে দেশীয় পতাকা তোলার নির্দেশ দেওয়া হয়েছিল। সভার ইংরাজী, তামিল আর হিন্দীতে বক্তৃতা দেওয়া হবে ঠিক হলো এবং স্বাধীনতা লীগের অফিস থেকে একটা বিরাট গোড়াবাজী করে সভার বাওয়া হবে তাও ঠিক হলো। এই সভার সব কাজ ভারতে বেতার দ্বারা প্রচার করার ব্যবস্থা করা হলো। প্রচার বিভাগের মন্ত্রী হিসাবে এ সবের দায়িত্ব আমিই নিয়েছিলাম। সেদিন সকাল দশটার বাজীতে বসে কি একটা

কাজ করছিলাম, হঠাৎ খবর পেলাম যে আরব ঈটে ভারতীয়দের মধ্যে মারপিট শুরু হয়েছে, বহু লোক আহত হয়েছে। আমাদের শীত্র সেখানে যেতে বলা হ'ল। আমি তক্ষুনি রওনা হলাম। দশ মিনিটের মধ্যে উপস্থিত হ'য়ে দেখি রাস্তা সব জনশূন্য। দোকানপাট বন্ধ। একটা দোকানের ওপর থেকে কয়েকজন মুসলমান বন্ধু আমাকে উপরে আসতে বলেন। সেখানে গিয়ে কি ব্যাপার একটু আগে ঘটে গেছে আমি তা জানতে পারলাম। জাতীয় পতাকার পরিবর্তে কেউ কেউ লীগের পতাকা তুলতে চেষ্টাছিল বলে গোলমাল আরম্ভ হয়। অনেকে আহত হয়েছে, অনেককে পুলিশ ধরে নিয়ে গেছে। আমি এদের আশ্বস্ত করে নীচে নেমে এলাম। এর পরও তাদের যেন কি বলার ছিল। আমি এদের কথা শোনার জন্ত ওপর দিকে তাকিয়েছি হঠাৎ আমার হাঁটুতে কে যেন একটা লাথি মারলো। পেছন ফিরে দেখি একটা জাপানী সৈন্য। “কি করছ তুমি?”—আমি ইংরাজীতে জিজ্ঞেস করতে সে আমার গালে একটা চড় মারলো। আমার চশমা ছিটকে পড়ে গেল। আমার ছেলে উল্লি বলল,—“বাবা তুমি ওকে কিছু বলতে যেও না, ও তোমাকে জানে না। চল আমরা বাড়ী যাই।” আমি গাড়ীতে বসলে পর আর একজন জাপানী সৈন্য সেখানে এসে তার হাতের লাঠি দিয়ে উল্লির মাথায় আঘাত করলো। উল্লির মাথা ফেটে রক্ত বেরোতে লাগলো। সৈন্যেরা আমাকে আর আমার ছেলেকে গাড়ী থেকে বার করে একটা মিলিটারী ট্রাকে উঠিয়ে সামরিক অফিসে নিয়ে গেল। এ ঘটনা অনেকে অসহায় হ'য়ে দেখছিল।

সামরিক অফিসে কিছুক্ষণ বসে থাকার পর সমস্ত ব্যাপারটা অল্পকম হয়ে দাঁড়ালো। কয়েকজন সামরিক উর্ধ্বতন কর্মচারী ইতিমধ্যে ব্যাপারটা জানতে পেয়ে সঙ্গে সঙ্গে অফিসে উপস্থিত হলো। “খুবই অগ্নায় হ'য়ে গেছে” বলে তারা মাথা নীচু করে হাত জোড় করলো। আমাকে দাঙ্গাকারীদের একজন বলে ঐ জাপানী সৈনিকটি মনে করে। এখন এই সামরিক অফিসারেরা আমাকে এরকম সম্মান দেখাচ্ছে দেখে সে খুবই ভয় পেয়ে গেল। এই অফিসারেরা বেশ কয়েকবার ক্ষমা প্রার্থনা করলো। আমার গাড়ীটাকেও তারা নিয়ে এল। তখন বেলা দু'টো। বাড়ী গিয়ে খেয়েদেয়ে একটু বিশ্রাম করে শোভাবাজার ভাগ নেবার জন্ত বেরোলাম। হাঁটুতে বুটের লাথি মারার দরুণ বেশ কষ্ট হচ্ছিল। সেদিন এক বিরাট শোভাবাজা আমরা সংগঠন করেছিলাম। দশ হাজার সৈন্য আর পঞ্চাশ হাজার নাগরিক এই শোভাবাজার অংশ গ্রহণ করেছিল।

এই জনগণ্য প্রথমে আমি ইংরাজীতে বক্তৃতা দিয়েছিলাম। ইংরাজীর পর তামিলে বক্তৃতা হবে এই রকম ঠিক ছিল, তারপর জেনারেল মোহন সিং-এর হিন্দুস্থানীতে বক্তৃতা। সৈন্যদের সন্ধ্যার আগে ক্যাম্পে ফিরে যেতে হবে বলে এই প্রোগ্রামের একটু

রদবদল করার জন্ত মোহন সিং বল্লেন। সেই মতো তাঁর বক্তৃতা আগে হলো। মোহন সিং যখন বক্তৃতা শেষ করলেন তখন অঙ্ককার ঘনি়ে এসেছে। তামিল বক্তৃতা আর হবে না। এইরকম একটা গুজব ইতিমধ্যে ছড়িয়ে পড়ল। এ সভার হাজার হাজার তামিল ভাষাভাষী ছিল। তারা এ খবর শুনে খুব রেগে গেল। জনগণের মধ্যে চাঞ্চল্য শুরু হলো, মাইক বন্ধ হ'ল, আলো নিভে গেল। তামিলে বক্তৃতা আর হবে না এটা আমি নির্দেশ দিয়েছি একথা তাদের কেউ কেউ বললো। ঠিক কি ব্যাপার তা বোঝার খেঁধ কারোরই ছিল না। ক্ষুব্ধ জনতা আমাকে ভয় দেখাতে লাগলো।

আমি আরো কয়েকজন বন্ধুর সঙ্গে প্রাটকর্মে ছিলাম, জনতা থেকে কয়েকজনকে এদিকে আসতে দেখে আমার বন্ধুরা আমাকে ঘিরে ধরলো, কিন্তু তার মধ্যে দিয়েও কে একজন আমার চশমাটা কেড়ে নিল। চশমা যাওয়াতে আমার চারপাশে যে কি হচ্ছিল তার কোন হদিশই পাচ্ছিলাম না। বিরাট ময়দানের চারপাশ থেকে ক্ষুব্ধ জনতার গুঞ্জন ক্রমেই প্রখর হয়ে উঠছিল। এখানে বসে থাকাটা আর নিরাপদ নয় বলে আমার এক বন্ধু আমাকে এই অঙ্ককারের আড়ালে লুকিয়ে চলে যেতে বলল। কিন্তু আমি তাতে প্রস্তুত ছিলাম না। সভা হঠাৎ শেষ হ'য়ে গেছে, ততক্ষণে সমস্ত ময়দানে এক তাণ্ডব নৃত্য শুরু হ'য়েছে। এই সময় কয়েকজন জাপানী সামরিক অফিসার তাদের গাড়ীতে করে আমাকে প্রায় রাত দশটার সময় বাড়ী পৌঁছে দিল। দাঙ্গাকারীরা বাড়ী আক্রমণ করতে পারে এই ভয়ে জাপানী সৈন্যরা সে রাত আমার বাড়ী পাহারা দিল।

এই ধরনের অভিজ্ঞতা আমার এর আগে এবং পরেও হয়েছে। যারাই রাজনীতি করে তাদেরই এরকম অভিজ্ঞতা হয়। হাঙ্গামাকারীদের চেয়ে তামিল বক্তৃতার আমারই বেশী আগ্রহ ছিল। বক্তৃতা হবে না একথা আমরা বলি নি, তবু ক্ষুব্ধ জনতা কিছুই জানতে চায় নি। তাদের আক্রোশ বাঁধ ভাঙা জলপ্রবাহের মতো আমার বিরুদ্ধে বয়ে গিয়েছিল। ওপরে বর্ণিত এই দু'টি ঘটনা একদিনেই ঘটেছিল। তাই 1942 সালের 12ই আগস্ট আমি কেমন ভাবে ভুলবো।

স্বাধীনতা লীগের সঙ্গে সম্পর্ক রাখা ক্রমেই মুশকিল হ'য়ে পড়ছিল। জাপানীদের কথাবার্তা, কাজকর্ম, তাদের প্রকৃত উদ্দেশ্য ক্রমে ক্রমে ফুটে উঠছিল। লীগের কাজকর্ম সব কিছু জাপানীদের উপদেশ আর সাহায্যের ওপর নির্ভর করে ছিল। তাই লীগ যে জাপানীদের অধীনে কাজ করছে তা কেন স্বীকার করা হবে না?— একথা বখন একজন জাপানী সামরিক অফিসার বল, তখন তাদের উদ্দেশ্য খোলাখুলি বুঝতে পারলাম।

এই অবস্থায় আমাদের কর্তব্য কি তা ঠিক করার জন্য কাউন্সিল অফ্‌ অ্যাকশানের সদস্যরা আলোচনা করতে লাগলেন। এই আলোচনার পর লীগের কাজকর্মের সম্বন্ধে কতকগুলো ব্যাপার পরিষ্কার হওয়া দরকার জানিয়ে জাপানীদের একটা চিঠি লেখা আমরা ঠিক করলাম। ব্যাঙ্ক কনফারেন্স শেষ হবার পরই তাতে সিদ্ধান্ত নেওয়া প্রস্তাব জেনারেল তোজোর দৃষ্টিতে আনা এবং এ সম্বন্ধে জাপানের মনোভাব কি তা ব্যাখ্যা করা দরকার বলে আমরা দাবী করেছিলাম। চার মাস পরেও এই চিঠির উত্তর আমরা পাইনি। সেই চিঠির উত্তর তাড়াতাড়ি না পেলে লীগের কাজকর্ম এগিয়ে নিয়ে যাওয়া অসম্ভব এ কথাও আমরা এই চিঠিতে জানিয়েছিলাম। অবশ্য এই ব্যাপারে কাউন্সিলের সকল সদস্যরা যে একমত ছিলেন তা নয়। একজনের মতে জাপানীদের ক্রুদ্ধ করে তোলা খুবই বিপজ্জনক। তা সত্ত্বেও এইরকম চিঠি না লিখলে তা' আমাদের দেশের পক্ষে ক্ষতিকর হবে বলে বেশীর ভাগ সদস্য মত দিয়েছিলেন। এই চিঠি পাবার দু'দিন পরে কর্ণেল ইভাংক আমাদের কথাবার্তা বলার জন্য ডাকলেন।

কর্ণেল ইভাংক এবং আরো পাঁচজন জাপানী সামরিক অফিসার এই আলোচনায় যোগ দিয়েছিলেন। আমরা পাঁচজন আর লীগের প্রতিনিধি বি. কে. দাস. এই আলোচনায় যোগ দিয়েছিলাম। আমাদের মনোভাবে ইভাংক যে খুবই ক্রুদ্ধ হয়েছিলেন তা তাঁর হাবভাবেই বোঝা যাচ্ছিল। কেন আমরা এরকম একটা চিঠি লিখেছি তিনি জিজ্ঞাসা করলেন। আমি কাউন্সিল অফ্‌ অ্যাকশানের মনোভাব বিশদ ভাবে ব্যাখ্যা করে বললাম। ইভাংক ক্রুদ্ধ হয়ে চীৎকার করে কথা বলছিলেন, কিন্তু আমরা তাতে এতটুকুও দমে যাই নি।

দু'দিন পরে কাউন্সিল অফ্‌ অ্যাকশান আবার মিলিত হলো। প্রেসিডেন্ট রাসবিহারী বোস কিছুদিন অপেক্ষা করার জন্য বন্ধেও অত্যন্ত সদস্যরা তাতে প্রস্তুত ছিলেন না। এই ব্যাপারে কিছু একটা ফয়শালা করার অল্প আরো একটা কারণ ছিল। কর্ণেল গিলকে জাপানীরা বন্দী করে নিয়ে গিয়েছিল। আমরা তাই এই কাউন্সিল থেকে পদত্যাগ করার সিদ্ধান্ত নিলাম।

1942 সালের ৪ই ডিসেম্বর আমি এবং মোহন সিং কাউন্সিলের সদস্যপদ ত্যাগ করে প্রেসিডেন্টকে একটা চিঠি দিলাম।

এমনি ভাবে ছ'মাস প্রচার বিভাগের মন্ত্রী থাকার পর ভারতীয় স্বাধীনতা লীগের সঙ্গে সব সম্পর্ক শেষ করে আবার আমার আগেকার কাজে ফিরে গেলাম।

ছত্রিশ

জাপানীদের বন্দী

ভারতীয় স্বাধীনতা লীগের সঙ্গে সম্পর্ক ছিন্ন করার পর জাপানীরা আমাদের সঙ্গে করতে লাগলো। আমার বাড়ীর ওপর তারা নজর রাখতে শুরু করলো। আমার নিকট-বন্ধুরা পর্যন্ত আমার কাছে আসতে ভয় পেল। সাত্বা ভ্রমণ ছাড়া বাড়ীর বাইরে বেরোতাম না। অফিস শুধু নামে মাত্র খোলা ছিল। খুব কষ্টে-স্বাধীনতা দিন কাটানো অনেক পরিবার তখন সিঁকাপুরে ছিল। একবার ভাত বা ফেনাভাত, কোন কোনদিন টোপিকো খেয়ে লোকের দিন কাটছিল। খাওয়া দাওয়া ছেড়ে দেওয়া থাকে। লোকে খুব ভয়ে ভয়ে ছিল। স্ত্রী আর শিশুদের নিয়ে তখন বাস করছিলাম। প্রতি মুহূর্তে কি হতে পারে তা না জানতে পেরে তখন যে আমি কি করে কাটিয়েছি তা এখানে বলা যায় না। জাপানী পুলিশ ইতিমধ্যে দু'একবার আমাদের তাদের অফিসে নিয়ে গিয়ে তিন চার ঘণ্টা ধরে নানা প্রশ্ন করেছে। আমার উত্তর লিখে রেখে তারপর আমাদের বাড়ীতে রেখে এসেছে। এমনি ভাবে কয়েক মাস কেটে গেল। এর মধ্যে নতুন নেতৃত্বে স্বাধীনতা লীগের কাজকর্ম আবার আরম্ভ হলো। 1943 সালের 2রা জুলাই স্বভাষচন্দ্র বোস টোকিও থেকে সিঁকাপুরে এলেন। লীগের নেতৃত্ব তিনি হাতে নিলেন। ভারতবাসীদের মধ্যে আবার নতুন উৎসাহ, নতুন প্রেরণা জাগল। ভারতের পূর্ণ স্বাধীনতা ছিল স্বভাষ বোসের লক্ষ্য। তা অর্জন করার জন্য যে কোন পথ অবলম্বন করতে তিনি প্রস্তুত ছিলেন। শুধু মাত্র সিঁকাপুর বা মালয়ে নয়, বর্মী, থাইল্যান্ড ইত্যাদি আরগায় ও ঘুরে ঘুরে স্বভাষ বোস জনগণের মধ্যে উৎসাহ জাগাতে চেষ্টা করেছিলেন। তিনি আই. এন. এ-র মধ্যে নতুন আশার আলো জাললেন। বর্মীর পথে তাঁর সৈন্য নিয়ে সব প্রস্তুতি শুরু করলেন। 1943 সালের 2রা অক্টোবর তিনি আজাদ হিন্দ ফৌজের সেনাধ্যক্ষ হলেন। যে সব সৈন্যরা লীগ ছেড়ে দিয়েছিল তারা আবার সব ফিরে এল। 1944 সালের প্রথমে আজাদ হিন্দ সরকারের রাজধানী সিঁকাপুর থেকে রেজুন নিয়ে আসা হ'ল। সৈন্যদেরও বর্মীর নিয়ে যাওয়া হ'ল।

স্বাধীনতা লীগের সঙ্গে আমার সম্পর্ক ছিন্ন হ'লেও আমার সঙ্গে কাজ করা কিছু বন্ধবান্ধব আমার সঙ্গে মাঝে মাঝে দেখা করতে আসতেন। তাঁদের সঙ্গে গল্প করার সময় আমার মতাবলম্বী খোলাখুলি না বলাই উচিত ছিল বলে পরে আমি বুঝলাম।

জাপানীদের সাহায্যে ভারতকে স্বাধীন করা হলে তা ভারতের সত্যিকারের স্বাধীনতা হবে না এ দৃঢ় বিশ্বাস আমার ছিল। আমি এই সব কথা আমার বন্ধুদের বলেছিলাম। আমার এই কথাবার্তা যে পরে আমাকে বিপদে ফেলবে তা আমি তখন বুঝতে পারি নি। যত সাবধানই হই না কেন, আমাদের ভালোমন্দ বোঝার অবস্থা মাঝে মাঝে আমাদের হাতের নাগালের বাইরে চলে যায়। তাই হ'য়েছিল এই সময়। আমার বন্ধুদের কেউ কেউ আমার মতামতের কথা জাপানীদের জানিয়ে দিল। যা আমি বলিনি তাও তারা জানালো।

আমার কিছু বন্ধুবান্ধব অবশ্য আন্তরিক ভাষায় আমায় বলেছিলেন যে আমার মতামত ঠিক হ'লেও এটার প্রচার হলে আমার পক্ষে ক্ষতির সম্ভাবনাই বেশী। তাঁরা আরো বলেন যে নামে মাত্র হ'লেও ইনডিপেন্ডেন্স লীগের সঙ্গে আমার সম্পর্ক রাপা উচিত। এর জন্য তাঁরা অনুরোধ করলেন। কিন্তু এরকমটি করতে আমার বিবেক সাহায্য দেয় নি। জাপানীরা ভারতবর্ষে উপস্থিত হ'লে কি সব ভয়াবহ ঘটনার সৃষ্টি হতে পারে তার একটা ছবি আমার চোখের সামনে ফুটে উঠতো। কাজেই এই ব্যাপারে জাপানীদের সাহায্য করা অক্ষমণীয় অপরাধ বলে আমার মনে হয়েছিল, আর আমার এই বিশ্বাসের বিরুদ্ধে কাজ করা আমার একেবারেই সম্ভব ছিল না। এমন ভাবে চিন্তা করলে ঠিক কি বিপদ যে ঘটতে পারে তা অবশ্য আমার জানা ছিল না। তবে আমার মতো কাজ করতে পেরেছিলাম বলে সেই বিষম সঙ্কটের সময় মনের শান্তি আমি হারাই নি। ঠিকমতো কি করবো না করবো সে সম্বন্ধে কোনো পথ দেখতে না পেয়ে মাঝে মাঝে আমি বিভ্রান্ত হয়ে গিয়েছি। অনেক সময় মনের স্বস্তি অস্থিরও হয়েছি। কেমন ভাবে এই সংকট পার হবো তা ভেবে পাই নি।

জীবন থেকে আমরা কি পেতে চাই সে সম্বন্ধে একটা দৃঢ় বিশ্বাস থাকলে জীবনের সমস্ত সমস্যাগুলোর খুব শান্ত মনেই সম্মুখীন হওয়া যায়। আমাদের আধ্যাত্মিক বিশ্বাস শুধু নামে বিশ্বাস হ'লে চলবে না। এই বিশ্বাস আমাদের জীবনে ক্রমে ক্রমে একটা পরিবর্তন আনবে। এই রকমটি হলে বিভ্রান্ত না হয়ে অচঞ্চলচিত্তে জীবনের সব সমস্যা, সব ঘটনার সম্মুখীন হওয়া আমাদের পক্ষে সম্ভব হবে। অন্তরের যে বিপদের সম্মুখীন হ'তে হয় আমাদেরও তা হ'তে পারে। অন্তরা যে দুঃখ সহ করে আমাদেরও সইতে হ'তে পারে। কিন্তু আমাদের আধ্যাত্মিক বিশ্বাস থেকে উৎপন্ন শক্তি এই ধরনের বিপদকে শান্তভাবে সম্মুখীন হতে সাহায্য করে। অসহায় বোধ করলে আমাদের সাহস জুগিয়ে, হতাশার মধ্যে উৎসাহ জাগিয়ে এই শক্তি আমাদের পক্ষে যেদ একটা আশীর্বাদের মত হ'য়ে দাঁড়ায়। কেউ কেউ আমাদের কাজকর্মে তুলসীটি

খুঁজে পাবে। কেউ কেউ তার কঠিন সমালোচনা করবে। কেউ কেউ আমাদের উদ্দেশ্যের সত্যতা সন্দেহে প্রশ্ন করতে ষিখা বোধ করবে না। এইসব অবস্থায় আমাদের আশ্রয় দেবে জীবনের মূল্যবোধ সন্দেহে কতকগুলি দৃঢ় বিশ্বাস।

বেশ কিছু মহান পুরুষের জীবনী আমাদের এই সব সময়ে অনেক প্রেরণা দিয়েছে। এই সব মহান পুরুষদের কথা, কীর্তির কথা মনে করে তাঁদের বিষয়ে আরো বেশী বিবরণ জানার উৎসাহ আমার এই সময় হ'য়েছিল। এক সময়ে খুব সযত্নে সঞ্চয় করে রাখা টাকা যেমন খুব দরকারের সময় সাহায্য করে, তেমনি সেই একই অবস্থায় পড়লে কারোর কারোর অভিজ্ঞতা সে অবস্থা পার হতে আমাদের সাহায্য করে।

বেশ কয়েকদিন ধরেই শুনছিলাম যে জাপানীরা আমাদের বন্দী করবে। তার আগে দরকার মতো সমস্ত ব্যবস্থা নেবার জন্ত আমার কিছু কিছু বন্ধু আমাদের উপদেশ দিল। জাপানীদের হাতে বন্দী হলে খুব কম লোকই ফিরে আসে, এ কথা সকলের জানা ছিল। আমার ভয় ছিল আমার পরিবারকে নিয়ে। আমার সঙ্গে তাদের বিচ্ছেদ ঘটলে তারা যে সম্পূর্ণ নিরাশ্রয় হয়ে পড়বে। এ চিন্তা আমার মনে সবসময়ই লেগে থাকতো। সিঙ্গাপুরে তখন আমার বেশ একটা বিরাট পরিবার ছিল। জাপানীদের হাতে যাতে না পড়ে, এর জন্তে আমার কিছু কাগজপত্র আমি বন্ধুবান্ধবদের কাছে রেখে দিলাম।

1954 সালের 24শে এপ্রিল ভোর চারটের সময় আমার বাড়ীর দরজার কারা খাঁকা দিচ্ছে শুনতে পেলাম। দরজা খুলতেই আট দশ জন জাপানী সামরিক অফিসার ভেতরে ঢুকলো। তারা কি জন্ত এসেছে তা বুঝতে পারলাম।

বাড়ীর সকলকে ডেকে আমি তুললাম। ছেলেমেয়ে চাকরবাকরকে একটা ঘরে নিয়ে গিয়ে একজন জাপানী সৈন্ত রাইফেল হাতে তাদের পাহারা দিতে লাগলো। প্রায় চার ঘণ্টা ধরে জাপানীরা বাড়ী খানাতল্লাসী করলো। কিছু কাগজপত্র, বই, ছবি ও আনাকে নিয়ে দু'জন সামরিক অফিসার আর একটা গাড়ী করে প্রায় বেলা ন'টার সময় বেরোলো। আমার নিজের ভবিষ্যৎ সন্দেহে মনে হঠাৎ আমার ভীষণ ভয় ঢুকলো।

বন্দী করার পর জাপানীরা আর কারোর সঙ্গে কথা বলতে অল্পমতি দেয় না। আমি আমার পরিবারের কাছ থেকে বিদায় পর্বত নিতে পারলাম না। জাপানীরা আমার কোথায় নিয়ে যাচ্ছে তা জানতে না পেরে ব্যাভা করার সময় অজ্ঞাত একটা আশঙ্কা আমাদের ভীত করে তুলছিল। আমার মেয়ে তাকুম তখন রোগশয্যায় শায়িত ছিল। আমার পরিবারের সব লোকেরের সন্দেহে চিন্তা আমি ভোলায় চেঁচা করলাম। এই চেঁচা পর্বত আমাদের অসহ্য বেধনা দিয়েছিল।

আমাকে একটা অঙ্ককার সেলের মধ্যে রেখে দেওয়া হলো। তার আগে একটা সার্ট আর প্যাণ্ট ছাড়া আমার পরনের আর সব পোশাক পরিচ্ছন্ন জাপানীরা শুলে নিল। আমার চশমাটা পর্বন্ত নিয়ে নিয়েছিল। চশমা ছাড়া আমি ভাল করে দেখতে পাই না বলেও কোনো লাভ হলো না। আমাকে একটা 12 ফুট লম্বা আর সেই অল্পপাতে চওড়া ঘরে রাখা হ'য়েছিল। ঘরে আলো বাতাস ঢোকান জন্ত দেওয়ালে ছ'সাতটি ফুলফুলি ছিল। এই ঘরে বসে সকাল সন্ধ্যার তফাৎ করা যায় না। ঘরের মধ্যেই এক জায়গায় মলমূত্র ত্যাগের ব্যবস্থা ছিল। আমি ছাড়া এই ঘরে আটজন লোক ছিল। বসার জন্তে কতকগুলো তক্তা পাতি ছিল। বসে থাকা ছাড়া এ ঘরে চলাফেরার কোনো উপায় ছিল না। বন্দীরা পরস্পরের সঙ্গে কথা বলতে পারতো না। বন্দীদের সারাদিন দাবার বড়ের মতো এই তক্তাগুলোর বসে থাকতে হতো। দু'তিন ঘণ্টা পরে পরে পাঁচ মিনিটের জন্ত উঠে এদিক ওদিক একটু চলাফেরা করার অল্পমতি দেওয়া হতো।

মহিলা এবং পুরুষদের একসঙ্গে এক ঘরে রাখা হ'য়েছিল। প্রশ্ন করার অথবা মারধোর করার সময় বাইরে নিয়ে যাওয়া ছাড়া সর্বকণ সময় এই ঘরের মধ্যে কাটাতে হ'ত। বন্দীদের মধ্যে শ্রমিক, বিরাট ব্যবসায়ী, ছাত্র, অল্পস্ব ব্যক্তি সকলেই ছিল।

ঘরটা ঠিক একটা জলন্ত উত্তনের মতো গরম ছিল। তার মধ্যে ঢুকেই খাস বন্ধ হয়ে যাচ্ছে বলে আমার মনে হলো। খাবারদাবারও সেই রকম ছিল। সকালবেলায় সাতটার সময় একটা ছোট্ট খালায় ফেনাভাত আর এক টুকরো শুটকি মাছ। মাছের বদলে কখনো আলু বা কাঁচকলা সেদ্ধ। সন্ধ্যা পাঁচটার আবার এই খাওয়া। দু'তিনদিন পরে পরে ফেনাভাতের জায়গায় ভাত দেওয়া হতো।

প্রায় চারমাস আমি বন্দী হ'য়েছিলাম। কখন যে জাপানীরা কি করবে এই ভয়ে সশঙ্ক হয়ে থাকতাম। আমার সব মানসিক শক্তি আর প্রেরণা নষ্ট হয়ে গেল, আত্মবিশ্বাস ভেঙে চূরমাং হয়ে গেল। শুধু নিজের বাঁচার চিন্তায় দিন রাত কাটিয়ে দিয়ে ঠিক একটা পঙ্কর জীবন তখন যাপন করছিলাম। বন্দী থাকাকালীন যে সব ভয়ঙ্কর দৃশ্য দেখেছি, যে সব কাতর আর্তনাদ শুনেছি, যে কষ্ট অহুভব করেছি তা চিরকাল আমার মনে অবিস্মরণীয় হ'য়ে থাকবে। মাহুকের নিষ্ঠুরতা যে কতখানি হতে পারে তা এখানে দেখেছিলাম।

রোজ প্রশ্ন করার জন্ত সাময়িক পুলিশ আমাকে জন্ত আর এক জায়গায় নিয়ে যেত। ভারী বিদ্রী একটা অভিজ্ঞতা সেখানে হতো। জাপানীদের হাবভাব, আচারব্যবহার একটা মাহুকে ঠিক বেন বাঘের সামনে মেঘশাবকের অবস্থার মত ভীক করে তুলতো।

জাপানীদের মারখোর সহ্য করতে না পেরে পাশের ঘর থেকে হতভাগ্যদের ককণ আর্তনাদ শুনে মনে যে সে কি বিভীষিকা জাগতো তা বলে বোঝানো যায় না। তখন আমার মন আর দেহ একই ভাবে ক্রান্ত হয়ে গিয়েছিল। নানা ভাবে নানা ঢঙে পাঁচ ছয় ঘণ্টা ধরে আমাকে প্রাণ করা হতো। একদিন আমার উত্তরে সাময়িক অফিসারটি সম্মত হ'ল না। আমাকে ঊর্ধ্বতন অফিসারের কাছে নিয়ে যাওয়া হলো। এই লোকটির চীৎকার আর হাত পা ছোঁড়া দেখে আমি অত্যন্ত ভীত হলাম। এই লোকটি যে ভাবে আমাকে জাপানী ভাষার গালাগালি দিল ঠিক সেই ভাবে এবং ভাষার একজন কোরিয়ান আমাকে অহুবাদ করে বন্ধে—ভীষণ একটা যুদ্ধ হচ্ছে। প্রতিদিন আমরা হাজার হাজার লোককে হত্যা করেছি। তার সঙ্গে আর একটি মাথা যোগ হ'লে কিছু এসে যাবে না। কাল সকাল দশটার তোর সব কথা শেষ হবে, তোকে ফাঁসি দেওয়া হবে, গুলী করা হবে, নয় তো গলা কেটে ফেলা হবে। এখন এই বন্দীকে তার সেলে নিয়ে যাও। এই অফিসারের চীৎকার থেকে জানতে পারলাম কি ভাবে আমাকে মারা হ'বে। তার কথাগুলো আমার কানে ক্রমাগতঃ প্রতিধ্বনিত হচ্ছিল। একটা সিগারেট টিনে ফেনাভাত দিতে এলে পর পাঁচটা বেজেছে জানতে পারলাম। খাওয়ার ইচ্ছা আমার এতটুকু ছিল না! বাড়ীর কথা, ছেলেমেয়ের কথা, কেলে আসা দিনগুলির কথা আমার মনকে ভারী করে তুললো। চোখ বন্ধ করলেই পরের দিন যা হবে তার একটা ভীষণ ছবি আমার চোখের সামনে ভেসে উঠতে লাগলো। ফাঁসির মকের নীচে হাত-পা বাঁধা চোখ বন্ধ করা অবস্থার আমি দাঁড়িয়ে আছি। ফাঁসির দড়ি পরাবার জন্ত জন্মদা এগিয়ে আসছে। একটা গর্ভের সামনে হাত বাঁধা, মাথা নীচু করে, হাঁটু গেড়ে আমি বসে আছি। আমার মাথা এক কোপে সাবাড় করে দেবার জন্ত জাপানীটা তলোয়ার তুলছে। চোখ, হাত বেঁধে আমাকে দেয়ালের কাছে দাঁড় করিয়ে রাখা হয়েছে। একটু দূর থেকে একজন সৈন্ত আমাকে গুলী করে মেরে ফেলার জন্ত বন্দুক তুলেছে! হু'একবার নিজেকে নিরস্ত্র না করতে পেরে আমি কঁদে ফেলেছিলাম একথা আমার মনে আছে। গার্ড এসে বন্দীদের স্তরে পড়তে বসল। আমি স্তরে পড়লাম, কিন্তু ঘুমোতে পারলাম না। রাত তিনটে বাজার সময় আমি উঠে পড়ে মনকে শাসন করে ইহলোকের সব চিন্তা দূর করে প্রার্থনা করতে চেষ্টা করলাম, কিন্তু পারলাম না। ভোর হবার একটু আগে মনে হঠাৎ একটা স্বাচ্ছন্দ্য অনুভব করতে লাগলাম। তা'হলেও সকালের ফেনাভাত খেতে পারলাম না। আটটার সময় সেলের দরজা খুললো। আমার শেষ বাত্মার জন্তে আমি বাইরে এলাম।

আমাকে একজন সাধারণ প্রাণ জিজ্ঞাসা করা অফিসারের সামনে নিয়ে যাওয়া হলো।

গতকালের ব্যাপারটা আমি ভেবে দেখেছি কিনা এ প্রশ্নের উত্তরে আমি কিছু না ভাবা সত্ত্বেও সম্মতিসূচক উত্তর দিলাম। লোকটি তখন খোলাখুলি আমাকে বলল, “এই উত্তর তুমি কাল দিতে পারতে। তা আজ যদি এই উত্তর না দিতে তাহলে ছুফটার মধ্যে তোমার ঘাড়ে আর মাথা থাকত না।” এই চক্ৰবর্তী আমি যে কি অসহ্য মনোকষ্ট পেয়েছি তা লিখে বোঝাতে পারব না।

—তুমি রেডিও শোনো কেন? জাপানীরা হেরে যাচ্ছে সেটা জানতে? অফিসারটি আমাকে জিজ্ঞেস করেছিল।

—না যুদ্ধ কেমন ভাবে চলছে শুধু তা জানার জন্তে শুনি।

—সত্যি কথা বল। যদি না বল তাহলে তোমার ভবিষ্যৎ কি বুঝতে পারছ?

একথা শুনে আমি খুব উত্তেজিত হ’য়ে পড়লাম। আমার কাছ থেকে উত্তর না পেয়ে লোকটির রাগ আরো বেড়ে গেল।

—ঠিকমতো উত্তর না দিলে তোমার মজা দেখাচ্ছি।—

তারপর আমার দু’তিনজন অফিসারের কাছে নিয়ে যাওয়া হলো। আগের দিনের প্রশ্ন নীচ সামরিক অফিসারটি জিজ্ঞেস করার পর আমি এমনি ভাবে উত্তর দিয়েছিলাম,

—আমার দেশ বৃটিশদের তাড়িয়ে দেবার জন্তে বিরাট একটা যুদ্ধ শুরু করেছে। এই যুদ্ধে আমার দেশবাসী কতখানি অগ্রসর হয়েছে তা জানার আগ্রহ কি আমার থাকবে না? এটার জন্তই আমি রেডিও শুনি।

—তাই বলো, বৃটিশরা ভারত ছেড়ে কবে চলে যায় তাই জানার জন্ত—না? এ উত্তর কাল তুমি দিতে পারতে। ঠিক আছে। যাও এখন আর তোমার কোনো বিপদের আশঙ্কা নেই।

আমি যদি একথা না বলতাম, তাহলে ছু’ফটার মধ্যে আমার ঘাড়ে আর মাথা থাকতো না। সামরিক ভাবে হ’লেও আমি মরণের হাত থেকে রক্ষা পেলাম।

চার মাস পর আমাকে এখান থেকে মিলিটারী জেলে নিয়ে আসা হলো। এখানে এক একটা ঘরে দুজন করে লোক রাখা হয়েছিল। সকাল ন’টার সময় স্নান করবার জন্ত বাইরে নিয়ে যেত, বাকী সব সময় ঘরের মধ্যে বদ্ধ থাকতে হ’ত। সম্পূর্ণ নয় অবস্থার বন্দীদের হাঁটিয়ে নিয়ে যাওয়া, এ এক জাপানী জেলে মাত্র দেখা যায়। অসহ্য অসহ্য সব বন্দীকে এক ঘরে রাখা হতো। রোগীদের কোনো গুহু দিত না। আমার পরিচিত অনেক লোক বন্দী হ’য়ে ঐ জেলে ছিল। তাদের মধ্যে কেউ কেউ অর্ধ, বেয়িবেয়ি রোগেও মারা গেল। দু’তিনজনের মৃত্যুর আগে তাদের আমি গুহু করা করেছিলাম। সে সব সাংঘাতিক দৃশ্যের কথা কখনও ভুলবো না। পরে মালয়ের কমিশনার জেনারেল

পরে নিযুক্ত হওয়া স্ত্রীর জন স্ট ভখন এই জেলে ছিলেন। জাপানী সৈন্তদের বৃট পালিশ করার কাজ বেশ কিছু দিন তাঁকে আর আমাকে করতে হ'য়েছিল। কাজের সময় মার না খাওয়াটা খুব অল্প লোকের কপালেই জুটতো। এই জেল থেকে বিচারের জন্য আমাকে মিলিটারী কোর্টে নিয়ে গেল। বিচার অবশ্য সব গ্রহসন ছিল। আমার প্রধান অপরাধ কাউন্সিল অফ্‌ অ্যাকশান থেকে আমি পদত্যাগ করে জাপানীদের বিরোধিতা করেছিলাম। আজাদ হিন্দ সরকারের সঙ্গে আমি সহযোগিতা করিনি, এটা দ্বিতীয় অপরাধ। ছ' বছরের সশ্রম কারাদণ্ড আমাকে এই কোর্ট থেকে দেওয়া হ'লো।

রায় দেবার পর আমাকে অল্প আর একটা জেলে নিয়ে যাওয়া হলো। যুদ্ধ শেষ না হওয়া অবধি আমি সেখানে ছিলাম। একটা কাঠের তক্তা শোবার, আর একটা কাঠের তক্তা বালিশ। খাবার ছিল সকালে ফেনাভাত, তাতে অবশ্য জলের ভাগই বেশী ছিল। দুপুরে আর রাতে দু'মুঠো করে ভাত। রোজ দশ পনেরজন করে বন্দী মারা যেত। অনেক লোককে ফাঁসিও দেওয়া হয়েছিল। নারকেল ছোবড়া পিটিয়ে তার থেকে দড়ি করা, সৈন্তদের বৃট পালিশ করা, কাপড় জামা পাট করা, এক এক বার এক এক রকম কাজ আমি করেছিলাম। জেলে যা খাওয়া দিত তা খেয়ে বেঁচে থাকার সম্ভব ছিল না। সাধারণতঃ আমার খিদে একটু বেশী। যদি ভাতের মধ্যে ফেনের পরিমাণ বেশী থাকে তাহ'লে খিদে কি করে মেটে? জেলে আরো নানা রকম দুঃখকষ্ট সহ্য করলেও সব সময় এই অসহ্য খিদে আমার দুঃসহ হ'য়ে উঠেছিল।

একদিন সন্ধ্যাবেলার ঘরের দরজা বন্ধ করার পর একজন ওয়ার্ডার আমাকে বল—খানিকটা ভাত আছে, চাই? ওঃ এই খবরে যে আমি কি খুশী হলাম সে কথা বলে বোঝাতে পারব না। আমি সঙ্গে সঙ্গে বললাম—চাই। ঘর খোলবার চাবি ওয়ার্ডারের কাছে ছিল না। বাইরে ভাত রাখা রয়েছে তা ঘরের ভেতরের একটা ছোট্ট ফোকর দিয়ে আমি দেখতে পেলাম, আমি একটা পথ খুঁজে বার করলাম। বন্ধ দরজার নীচে প্রায় ছ' ইঞ্চি জায়গা খালি রয়েছে। আমি আমার ছেঁড়া জামাটা খুলে ঐ জায়গাটা দিয়ে বের করে বাইরে বিছিয়ে দিলাম। ওয়ার্ডার তাতে খানিকটা ভাত ঢেলে দিল। আমি সার্টিটার এক কোণ ভেতর থেকে ধরেছিলাম, সব ভাতটা ঢেলে দেবার পর আমি সার্টিটা ভেতরে ঢেঁলে সেই ভাতগুলো গপ্পগপ্প করে খেলাম। শুই ভাত। খাবার একটু ভাল পর্বত ছিল না। কিন্তু সে ভাতের কি অমৃতময় স্বাদ! খিদে মেটাবার জন্যে মাহুয কি না করতে পারে!

জেলের ভেতরের সেই অল্প খাওয়া খেয়ে বেশীদিন থাকতে হ'লে জেলের ভেতর থেকে

আমি আর বাইরে আসতে পারতাম না। বেরিবেরি রোগ আমাকেও ধরেছিল। সুযোগসুবিধা হ'লে আমার বাড়ী থেকে খাবার দাবার কিছু পাঠিয়ে দিত। জেলের একজন উচ্চ কর্মচারী এই ব্যাপারে আমাকে সাহায্য করেছিল। খুব সামান্য সাহায্যও কখনো কখনো বিরাট একটা আশীর্বাদের মত মনে হয়।

মাহুঘের স্বভাবের দুটো দিক—তার ভালো আর মন্দ জেলে বসে দেখা যায়। কারো কারোর স্বার্থপরতা, নিষ্ঠুরতা, আবার কারো কারোর আত্মত্যাগ, সহানুভূতি আমাকে আশ্চর্য করে দিয়েছিল। মাহুঘের চরিত্রের প্রকৃত রূপ জানা যায় এই সব সময়ে।

সাঁইত্রিশ জেলের বাইরে

আমার মেয়ে তাকমের অসুস্থতার কথা আগেই বলেছি। অসুখ বেড়ে যাবার খবর পেয়ে আমি যখন অত্যন্ত মনোকষ্টে আছি তখন একদিন সকালে জেল সুপারিন্টেন্ডেন্টের অফিসে যাবার জন্য একজন ওয়ার্ডার এসে আমাকে জানালো। সেখানে গিয়ে দেখি আমার ছেলে উরি আমার সঙ্গে সাক্ষাৎ করার জন্য দাঁড়িয়ে আছে। সে আমাকে তাকমের মৃত্যুর খবর জানাতে এসেছে। আমার মেয়ের বিয়ে হ'য়ে গিয়েছিল, তার দুটি বাচ্চাও ছিল। সে সময় প্রতিদিন অসংখ্য মৃত্যু ঘটছিল। কোনো কোনো পরিবার সম্পূর্ণ নিঃশেষ হয়ে গিয়েছিল। চারিদিকে তখন মৃত্যুর কালো ছায়া। কিন্তু এসব আমার মনে এতটুকু আঁশ্বাস দিতে পারে নি। আমার মেয়ের মুখখানি সর্বদা আমার মনের আয়নার মধ্যে চোখের জল ফেলে আমি দিন কাটাতে লাগলাম।

যুদ্ধের গতি লক্ষ্যে মাঝে মাঝে জেলের কর্মচারীদের কাছ থেকে খবর পাচ্ছিলাম। 15ই আগস্ট জাপানীরা আত্মসমর্পণ করেছে একথা শুনেও বিশ্বাস করতে পারছিলাম না। তবে জেলে খুব সাবধানতার সঙ্গে নানারকম প্রস্তুতি শুরু হয়েছে দেখে এ খবর যে ঠিক তা আমরা বুঝতে পারলাম।

জাপানীরা আত্মসমর্পণ করেছে শুনে আমরা যখন আহ্লাদে আঁটখানা তখন আর একটা খবর শুনে খুব ভয় পেয়ে গেলাম। বৃটিশরা আসার আগে জাপানীরা সব রাজনৈতিক বন্দীদের হত্যা করবে বলে ঠিক করেছে। কেমন ভাবে যে এ গুজবের আরম্ভ হলো, কে যে একথা ছড়ালো তা কেউ জানে না। এটা যে মিথ্যে গুজব নয় তার প্রমাণে একটা ঘটনা ঘটলো। 18ই আর 19শে আগস্ট জেলের নর্মা দিয়ে প্রচুর রক্ত বয়ে যাচ্ছে দেখতে পেলাম। শুনেতে পেলাম অনেক লোকের ঘাড়ে কোপ দেওয়া হয়েছে। তাদেরি রক্ত। আমাদের ভয় পাইয়ে দেবার এর চেয়ে বেশী আর কি ঘটতে পারে? প্রাণান্তে দগ্ধিত আসামীদের মতো আমরা সব মৃত্যুর প্রতীক্ষা করে রইলাম। এই ঘটনার কথা ভাবলে এখনো আমার গা শিরশির করে। সেদিন দুপুরের পর একজন ভারতীয় জেল কর্মচারী এসে বলে পর সব ঘটনা বুঝতে পারলাম। বন্দীদের খাবার জন্য যে সব শূকরগুলোকে হারা হয়েছে তাদের রক্ত নর্মা দিয়ে বয়ে বাচ্ছিল। উঃ কি ভয়না যে পেলাম এই খবর শুনে।

1945 সালের 20শে আগস্ট দুপুরের ষাওয়ার পর আমার সেলে বসেছিলাম। একজন ওয়ার্ডার এসে আমাকে সুপারিন্টেন্ডেন্টের কাছে যেতে বলল। সুপারিন্টেন্ডেন্টের কাছে গেলে পর জেলের জামা কাপড় ছাড়তে বলে আমাকে আমার ছেঁড়া কাপড় জামা ফিরিয়ে দিল, আমাকে জেল থেকে ছেড়ে দেওয়া হয়েছে বলে তারা বলল। বাড়ী থেকে পাঠানো নতুন জামা কাপড় পরে আমি বাড়ী এলাম। বাড়ীর সকলে আমার আগমন প্রতীক্ষায় অত্যন্ত আগ্রহের সঙ্গে অপেক্ষা করছিল। শুধু তাকুম সেখানে ছিল না। তাকুম বেঁচে থাকলে কত খুশীর সঙ্গেই না সে আমার আগমনের প্রতীক্ষা করতো। তাকে দেখতে না পেয়ে আমার মুক্তির আনন্দ যেন ফুরিয়ে গেল।

প্রায় এক সপ্তাহ আমি বিজ্ঞান নিলাম। জাপানীদের আধিপত্য শেষ হয়ে ষাওয়ারতে সকলেই খুব খুশী হয়েছিল। সাড়ে তিন বছর আগে বৃটিশরা তাদের ক্ষমতা ছেড়ে চলে গেলে পর জাপানীরা সেই ক্ষমতা অধিকার করেছিল। এখন আবার জাপানীরা তাদের ক্ষমতা ছেড়ে গেলে বৃটিশরা তাদের জায়গা নিল। একজনের আধিপত্য শেষ হবার পর আর একজনের আধিপত্য শুরু হবার সময়টা বড়ই বিপজ্জনক। সে যে কি অরাজকতা, তা না দেখলে বোঝা যায় না। তবু আমার মনে হয় দ্বিতীয় পরিস্থিতি তুলনামূলক ভাবে কম বিপদসঙ্কুল ছিল।

যুদ্ধ শেষ হবার পরও বেশ কিছুদিন সিঙ্গাপুরে সামরিক শাসন জারী ছিল। যুদ্ধের সময় জাপানীদের সাহায্য করার অপরাধে কত লোকদের যে সামরিক কোর্টে বিচার হলো। তাদের মধ্যে ভারতীয়েরাও ছিল। এই ভারতীয়দের কেসে দাঁড়াবার জন্ত একদল উকীল ভারতবর্ষ থেকে সিঙ্গাপুরে এলেন। মাদ্রাজ থেকে অ্যাডভোকেট কে. ভায়া, বোম্বে থেকে ব্যারিস্টার নরসিম্যান, এলাহাবাদ থেকে ব্যারিস্টার সঞ্জু এসেছিলেন। এ ছাড়া সার্ভেটস্ অফ ইণ্ডিয়া সোসাইটির প্রতিনিধি হিসেবে পণ্ডিত হৃদয়নাথ কুঞ্জর এবং কোদণ্ড রাও ভারতীয়দের অবস্থা মুখোমুখি বোঝার জন্ত সিঙ্গাপুরে এসেছিলেন। ঐরা সকলেই আমার বাড়ীতে এসে যুদ্ধের সময় যা যা ঘটেছিল সে সম্বন্ধে অনেক অন্বেষণ করেছিলেন। ভারতবর্ষ থেকে অনেক সংবাদপত্রের প্রতিনিধিরাও সিঙ্গাপুরে এসেছিলেন। তাঁরা যেমন যুদ্ধের সময়কার অভিজ্ঞতা জানতে চেয়েছিলেন, আমারও তেমন দেশের অবস্থা জানার খুবই ইচ্ছে ছিল।

মাস খানেক পরে আমি আবার প্র্যাকটিশ আরম্ভ করলাম। অনেক কেস আমার হাতে আসতে লাগলো এবং আমার উপার্জনও খুব বেড়ে গেল। যুদ্ধের সময় বলে সে সময় চালু ছিল। জাপানের সঙ্গে সহযোগিতা করার অপরাধে কিছু বন্ধুবান্ধবের এই কোর্টে বিচার হয়েছিল। আমারও বিচার হবার কথা শুনেছিলাম, কিন্তু শেষ পর্যন্ত

আমাকে ছেড়ে দিয়েছিল। আমার কয়েকজন নিকট বন্ধুদের বন্দীত্বের সময় খুব সামান্য ভাবে আমি তাঁদের সাহায্য করতে পেরেছি বলে নিজেকে কৃতার্থ মনে করছি।

আগামীদের কয়েকজনের জন্ত আমি সামরিক কোর্টে হাজির হই। সে সময় অনেক বড় বড় কেস চলেছিল। তাদের মধ্যে একটি কেসের কথা বলব।

কেসটা বোর্নিওতে ঘটেছিল। মোহন সিং নামে একজন শিখ বোর্নিওর রাজধানী সাংগেখানে একজন পুলিশ ইন্সপেক্টর ছিলেন। জাপানীরা যখন বোর্নিও অধিকার করে তখন তারা মোহন সিংকে একটা খুব বড় কাজের ভার দেয়। বোর্নিওতে বহু চীনা ছিল। তাদের অনেকে জাপানীদের বিরুদ্ধে গরিলা যুদ্ধ শুরু করেছিল। বোর্নিও জঙ্গলে ভরা ছিল বলে এরকম যুদ্ধ করতে সুবিধা ছিল। গরিলা যুদ্ধে চীনাদের গুলী করে হত্যা করার ভার মোহন সিং-এর ওপর দেওয়া হয়েছিল। মোহন সিং একদল পুলিশের সাহায্যে সাতজন চীনাকে জঙ্গলের মধ্যে ধরে তাদের গুলী করে হত্যা করে। জাপানীরা এর পুরস্কার স্বরূপ মোহন সিংকে আরো উঁচু পদে নিয়োগ করলো। কিন্তু যুদ্ধ তখন প্রায় শেষ হয়ে এসেছে। ব্রিটিশেরা ফিরে এলে পর জাপানীদের সাহায্য করার অপরাধে মোহন সিংকে বন্দী করে ব্রিটিশ সামরিক কোর্টে হত্যার অপরাধে প্রাণদণ্ডে দণ্ডিত করা হলো।

লর্ড মাউন্টব্যাটেন তখন মালয় এবং তার কাছাকাছি জায়গাগুলোর সামরিক শাসনের অধিকর্তা ছিলেন। তাঁর হেড কোয়ার্টার্স ছিল সিঙ্গাপুরে। মোহন সিং লর্ড মাউন্টব্যাটেনের কাছে একটা আরজি পেশ করে—জাপানীর আদেশানুসারে সে চীনাদের হত্যা করেছে তাই আইনানুযায়ী সে দোষী নয়। তার কেস শুনানোর সময় সে উকীলদের সাহায্য পায় নি, তাই সামরিক আদালতের রায় বাতিল করে কেস দ্বিতীয়বার শুনানোর জন্ত আদেশ দেওয়া হোক। মাউন্টব্যাটেন সব শুনে মোহন সিং-এর কেস দ্বিতীয়বার শুনানোর আদেশ দিলেন।

বোর্নিওর কাছে লাবুবান বলে একটা জায়গায় কেসের দ্বিতীয় শুনানী শোনা হবে বলে ঠিক হ'ল। ভারত সরকারের আদেশ মত মোহন সিং-এর জন্ত সামরিক কোর্টে হাজির হবার জন্ত আমি সিঙ্গাপুর থেকে 1946 সালের ফেব্রুয়ারী মাসে লাবুবান বাই। বেদিন আমি লাবুবান পৌঁছই সেদিনই মোহন সিং-এর সঙ্গে দেখা করে কেসের সব বিবরণ সংগ্রহ করি। দু'জন পরামর্শদাতার সাহায্যে একজন ব্রিটিশ জজ এই কেসের বিচার করেন। যুদ্ধের সময় বোর্নিও জাপানের অধিকারে ছিল বলে মোহন সিং তাদের আদেশ অনুতে বাধ্য হয়ে চীনাদের হত্যা করেছিল, তাতে তার অপরাধ হয়নি এই কথাই আমি বলি। বা ঘটেছে তা ঘটেনি এ কথা আমি বলি। আইনানুযায়ী মোহন সিং অপরাধী নয়,

এ কথাই আমি বলেছি। জজের পরামর্শদাতারা দু'জনেই ভারতীয় সামরিক অফিসার ছিলেন। তাঁরা মত দিলেন যে বন্দী অপরাধী নয়। জজ তাদের মতের সঙ্গে একমত হ'লেন না। তিনি রায় দিলেন যে বন্দী অপরাধী এবং তাকে প্রাণদণ্ডে দণ্ডিত করার আদেশ দিলেন। এই রায়ের বিরুদ্ধে আপীল করে আমি সিঙ্গাপুরে ফিরে গেলাম।

একমাস পরে এই আপীলের সুনানী আরম্ভ হল। প্রধান বিচারপতি, বোর্নিওর গভর্নর ও অন্যান্য বিচারপতিরা এই আপীল শুনলেন। আমার আর গভর্নমেন্ট উকীলের বক্তৃতা শেষ হলে জজেরা কেসের আলোচনা করে পনের মিনিটের মধ্যে আপীল বাতিল করা হয়েছে বলে রায় দিলেন। একটু পরে প্রধান বিচারপতি আমাকে ডেকে পাঠালেন। আমি মোহন সিং-এর জন্ত খুব জোরালো সওয়াল করেছি বলে তিনি আমার অভিনন্দন জানালেন। “আপনার এই সওয়াল বুঝা হয়েছে বলে দুঃখিত হবেন না। মোহন সিং-এর ফাঁসি হবে না এ কথা আমি আপনাকে দিচ্ছি। শাস্তি কমানোর জন্ত আমি সুপারিশ করেছি। আপনি খুশী মনেই সিঙ্গাপুরে ফিরে যেতে পারেন।” প্রধান বিচারপতি তাঁর কথা রাখলেন। মোহন সিং-এর প্রাণদণ্ডের আদেশ মকুব করে দশ বৎসরের সশ্রম কারাদণ্ড দেওয়া হ'ল।

যুদ্ধের সময় ‘মাতৃভূমি’ কাগজটা দেখার সুযোগ আমার ঘটেনি। যুদ্ধের শেষে কয়েকজন মালয়ালী সামরিক অফিসার সিঙ্গাপুরে এলে পর প্রথম আমি ‘মাতৃভূমি’ দেখলাম। বেশ কিছু দিন ছেড়ে যাওয়া সন্তানকে দেখলে পর যে আনন্দ হয়, মাতৃভূমি দেখে আমি তেমনি খুশী হ'রেছিলাম। মালয়ের ঘটনাগুলো সঘনো মাতৃভূমির অভিপ্রায় জানতে আমার খুবই আগ্রহ হলো। একজন সামরিক অফিসার জিজ্ঞাসা করলেন,

—এখানকার অভিজ্ঞতার সঘনো মাতৃভূমিতে কিছু লিখবেন না?

—আর কিছু দিন থাক—আমি উত্তর দিলাম।

এই ভ্রমলোকের জিজ্ঞেস করার আগেই মাতৃভূমিতে লিখবো বলে ঠিক করেছিলাম। কিন্তু তখন লেখার অল্পকূল পরিবেশ ছিল না। আই. এন. এর বিচারের সময় তখন কংগ্রেস ভারতে সাধারণ নির্বাচনের জন্তে তৈরী হচ্ছে। যুদ্ধের সময় মালয়ে যা ঘটেছে, তার সঙ্গে এই দু'টোরই খুব ঘনিষ্ঠ সম্পর্ক ছিল। তাই আমার লেখার আর তা ছাপার সময়টা নির্বাচন করার ব্যাপারে ভেবেচিন্তে দেখতে হবে বলে আমি মনে করলাম। ঐতিহাসিক প্রাধান্য ভরা এই ঘটনাগুলি আমার দেশবাসীকে জানানো আমার কর্তব্য। আমি যুদ্ধের সময় যে পথ অবলম্বন করেছিলাম তা হয়তো কেউ কেউ ঠিক বলে মনে করবে না। ভারতীয় স্বাধীনতা লীগে যোগ দিয়ে তারপর তার সঙ্গে সম্পর্ক ছিন্ন করা, তখনকার পরিবেষ্টনীতে আমার মনোভাব একেবারে খোলাখুলিতাবে দেশবাসীকে বলবো

বলে ঠিক করলাম। উদ্ভেজনাটা একটু কমলে মাতৃভূমিতে সব লিখবো বলে অপেক্ষা করে রইলাম।

যুদ্ধ শেষ হবার আট মাস পরে আমি যুদ্ধকালীন অভিজ্ঞতা সম্বন্ধে মাতৃভূমিতে লিখতে শুরু করলাম। প্রথম ছ'সাতটি লেখা বেরোবার পর এই লেখাগুলো কি লিখে বাওয়া উচিত বলে আমার কোনো কোনো বন্ধু আমাকে লিখে জিজ্ঞেস করেছিলেন। আমি যা বলছি তা হয়তো ঠিক, কিন্তু সেগুলো ছাপা উচিত কিনা এই ছিল তাদের বক্তব্য। এই লেখাগুলো নিয়ে পরে যে গুণগোলের সৃষ্টি হয়েছিল, তার আভাস মেশে ফিরে পেলাম।

আটত্রিশ দেশে তিন মাস

যুদ্ধ শেষ হবার পর দেশে ফেরার জন্য অধৈর্য হ'য়ে বহু ভারতীয় তখন সিঙ্গাপুরে বাস করছিল। এত লোকের ফিরে যাবার জাহাজ ছিল না। যুদ্ধের পর এস. কে. চেষ্টুর ভারতের প্রতিনিধি হ'য়ে সিঙ্গাপুরে এসেছিলেন। সময়টা তখন খুবই খারাপ ছিল। ভারতীয়দের নানা সমস্যার সম্মুখীন তাঁকে হ'তে হয়েছিল। হাজার হাজার ভারতীয়ের দেশে ফেরার জন্য জাহাজের ব্যবস্থা তাঁকে করতে হ'য়েছিল। চেষ্টুর খুব কাজের লোক ছিলেন। কারোর নিন্দা বা প্রশংসায় কান না দিয়ে যা তিনি প্রয়োজন বলে মনে করতেন তা সজে সজে করতেন।

1946 সালে অক্টোবর মাসে আমি দেশে ফিরলাম। মাত্রাজ দিয়ে যাবার পথে জাহাজ ছিল না বলে আমরা কলকাতা দিয়ে গেলাম। মালয়ে থাকতে কাক দেখিনি। কলকাতার কাছাকাছি এলে পর কাকগুলোকে 'কা', 'কা' চীৎকার করে উড়ে যেতে দেখে আমার খুব নতুন নতুন লাগলো। 1927 সালের আগস্ট মাসে আমি মালয়ে গিয়েছিলাম। দীর্ঘ 19 বছর পরে দেশে ফিরছি। জাহাজ থেকে নেমে কলকাতা বন্দরে পা দেবার পর আমার মনে কতরকম চিন্তার উদয় হলো।

আমার পুরোনো বন্ধু ভি. এম. নারায়ণ তখন কলকাতায় ছিলেন। দু'দিন তাঁর আতিথ্য স্বীকার করলাম। কলকাতায় 'কেবল সমাজ' আমাকে অভ্যর্থনা করার জন্য একটা সভার আয়োজন করেছিল। সেই সভায় যুদ্ধকালীন আমার অভিজ্ঞতা সম্পর্কে আমি প্রথম বক্তৃতা দিলাম। দু'দিন পরে মাত্রাজে এলে সেখানেও আমাকে আন্তরিক ভাবে স্বাগত জানানো হলো। মালয়ের যুদ্ধকালীন ঘটনা সম্বন্ধে এবং আমার মতামত সম্বন্ধে নানা প্রশ্ন করা হলো। তার থেকে আমি বুঝতে পারলাম, দেশে আমার সম্বন্ধে নানারকম ভুল ধারণা রয়েছে।

তিনদিন মাত্রাজ থাকার পর আমি মালাবারে গেলাম। ওলাভাকোট ষ্টেশনে আমার বেশ কিছু বন্ধুবান্ধব আমার সঙ্গে দেখা করতে এসেছিলেন। মাতৃভূমিতে লেখা আমার প্রবন্ধগুলি দেশে যে প্রতিক্রিয়ার সৃষ্টি করেছে সে সম্বন্ধে কিছু না বলে তাঁরা থাকতে পারলেন না। ওলাভাকোট থেকে আমি কালিকটে রওনা দিলাম। সঙ্গে আমার স্ত্রী এবং আরো কয়েকজন ছিল। ট্রেন কান্নাই ষ্টেশনে পৌঁছোলে পর বহু লোকে কালো

পতাকা হাতে নিয়ে আমার কামরার দিকে অগ্রসর হ'ল। তারা স্লোগান দিচ্ছিল “গো ব্যাক কেশব মেনন।” এদিকে কালিকট ষ্টেশনে আমাদের অভ্যর্থনা করার জন্ত বহু লোক অপেক্ষা করছিল। ট্রেন ষ্টেশনে থামলে পর এক জুড় জনতা আমাদের কামরার দিকে অগ্রসর হলো। তারা আমাদের বন্ধুদের আমাদের কামরার দিকে অগ্রসর হ'তে না দিয়ে মারামারি শুরু করে দিল। আমরা দশ মিনিট অপেক্ষা করলাম। ট্রেন থেকে নামবারও কোনো উপায় নেই, পুলিশও নেই। জুড় জনতার পত্তর মতো আচরণের সামনে নতজাহ্ন হওয়া ছাড়া আর কোনো উপায় ছিল না। পরে যে ঘটনা ঘটলো তা পরের দিনের মাতৃভূমিতে প্রকাশিত হ'য়েছিল। সেই রিপোর্ট থেকে কিছুটা তুলে দিচ্ছি।

—কাল সন্ধ্যাবেলার গাড়ীতে শ্রী কে. পি. কেশব মেনন ওলাভাকোট ষ্টেশনে এলে পর তাঁকে অভ্যর্থনা জানাতে বিরাট একটা জনতা ষ্টেশনে এসেছিল। এদের সঙ্গে কম্যুনিষ্ট নেতারাও ছিল। কিছু লোক কালো পতাকা আর কালো ব্যাজ হাতে লাগিয়ে শ্রীকেশব মেননের বিরুদ্ধে বিক্ষোভ প্রদর্শন করে। কালো পতাকাধারী কিছু লোক কান্নাই ষ্টেশন থেকেই গাড়ীতে উঠেছিল। এরা শ্রীমেননকে গাড়ী থেকে নামতে দেয় নি। “কেশব মেনন ফিরে যাও”, “মাতৃভূমি নিপাত থাক”, ইত্যাদি স্লোগান তারা দিচ্ছিল। অনেকগুলি প্রতিষ্ঠান কেশব মেননকে মালাদান করে। কিন্তু বিক্ষোভ প্রদর্শনকারীরা মালা টেনে ছিঁড়ে ফেলে, কেশব মেননের সার্টও ছিঁড়ে খুঁড়ে একাকার করে ফেলে। অনেক কষ্টে কেশব মেননকে বাইরে আনা হয়। ষ্টেশনের বাইরে বিক্ষোভ প্রদর্শনকারীরা অত্যন্ত উচ্ছ্বল ব্যবহার করে। কেশব মেনন গাড়ীতে ওঠার সময় তারা কাদা ছুঁড়ে মারে। গাড়ীর উইণ্ড ক্রীন্ডেও ফেলে। টিল হোঁড়ার ফলে গাড়ীর মধ্য একজন আহত হয়। তারা জাতীয় পতাকা টেনে নিয়ে ছিঁড়ে ফেলে। মাতৃভূমির কর্মচারীদের কেউ কেউ সামান্য আহত হয়েছে, কারোর কারোর জিনিষপত্র খোঁয়া গেছে। কেশব মেনন ছেঁড়া সার্ট পরা, কাদামাখা অবস্থায় মাতৃভূমির অফিসে আসেন। শ্রীমেনন অত্যন্ত শাস্ত ভাবে হাস্তমুখে এই অত্যাচার সহ্য করেছেন। বিক্ষোভকারীরা মাতৃভূমির অফিসের সামনেও কালো পতাকা প্রদর্শন করে।

জুড় জনতার সঙ্গে যুঝে লাভ নেই। জনতা চিন্তা করে না, তাদের ঐর্ষ্য নেই, দয়া নেই, দাক্ষিণ্য নেই। একজন বা করবে অপরে তা করবে। একজন বা বলবে, অন্যরাও তাই করবে। বিখ্যাত নাট্যকার গলসওয়ার্ডির ‘মব’ নাটকের নায়ক জুড় জনতার সম্মুখীন হয়ে যে কথাগুলো বলেছিল তার দিকে মনোযোগ দেওয়া উচিত—তোমরা কোনো শুধু শক্তি প্রয়োগ করতে। বারি অসহায় তাদের টিল ছুঁড়ে মারতে তোমরা

জান। তোমরা মেয়েদের অপমান করো। বাদের কথা তোমাদের ভালো লাগে না তাদের নিন্দা কর। আজ এক রকম, কাল এক রকম এই তোমরা জানো। তোমাদের বুদ্ধি নেই, সাহসও নেই। তোমাদের যদি খারাপ না বলা হয় তো কাদের বলা হবে? তোমাদের কি দেশপ্রেম বলে কিছু নেই? আমাকে হয়তো তোমরা শেষ করতে পারবে, কিন্তু আমার বিশ্বাসকে ধ্বংস করতে পারবে না। আমি একা, আর তোমরা হাজার হাজার হলেও পারবে না।

কালিকটে আগার তৃতীয় দিনে ভিক্টোরিয়া টাউন হলে কেরল রাজ্য কংগ্রেস কমিটি আমাকে একটা মঙ্গলপত্র দিল। এখানেও এক ক্রুদ্ধ জনতা ভীড় করেছিল। আমি বক্তৃতা দিতে উঠলে পর তারা এমন গোলমাল শুরু করলো যে দশ মিনিট আমি মুখই খুলতে পারলাম না। বক্তৃতার সময় বহুবার তারা গোলমাল আর প্রতিবাদ করেছিল। সভার পর ক্রুদ্ধ জনতার হাত থেকে আমাকে রক্ষা করার জন্য আমার বন্ধুরা আমাকে ঘিরে ইঁটছিল। আমি তিনদিন কালিকটে ছিলাম। এর মধ্যে নানারকমের উড়ো চিঠি পেলাম। বেশীর ভাগ চিঠিগুলোতে আমাকে ভয় দেখানো হয়েছিল।

নিজের বিবেকের কাছে খাঁটি থেকে, নিজের বিশ্বাসাভুযায়ী কাজ করলে এবং জীবনকে চালনা করলে অপরের বিরোধিতা, নিন্দা, সমালোচনা সব কিছু সইতে হয়। এটা বিশেষ করে সামাজিক আর রাজনৈতিক কাজে যারা যোগ দিয়েছে তাদের ক্ষেত্রেই ঘটে। ইংল্যান্ডের প্রধানমন্ত্রী লয়েড জর্জের এইরকম অভিজ্ঞতা হ'য়েছিল। 1903 সালে ইংল্যান্ড এবং দক্ষিণ আফ্রিকার মধ্যে যখন যুদ্ধ বাঁধে তখন ইংল্যান্ডের জনগণের বিপরীত মত পোষণ করতেন লয়েড জর্জ। তিনি খোলাখুলিই এক জনসভায় বলেছিলেন যে ইংল্যান্ডের দক্ষিণ আফ্রিকার সঙ্গে যুদ্ধ করা উচিত নয়। এই জনসভায় সকলে যুদ্ধজরে আক্রান্ত হ'য়ে এসেছিল। তাঁর বক্তৃতা শুনে জনতা রেগে গিয়ে হাঙ্গামা আরম্ভ করলো। তাঁকে আক্রমণ করার জন্য তারা এগিয়ে আসতে রক্ষার কোনো উপায় না দেখে পুলিশের পোষাক ধারণ করে সকলের অজান্তে তিনি পালিয়ে গেলেন।

আর একজন প্রধানমন্ত্রী রামসে ম্যাকডোনাল্ডের কথাও এখানে বলা যেতে পারে। এটা প্রথম মহাযুদ্ধের সময়কার কথা। ম্যাকডোনাল্ড জার্মানীর বিরুদ্ধে যুদ্ধ করার পক্ষপাতী ছিলেন না। এতে তাঁর সমস্ত স্বাধীনতা খর্ব হ'য়ে গিয়েছিল। ঘরের বাইরে বেরোনো পর্যন্ত তাঁর মুশকিল হ'য়ে দাঁড়ায়। তখন ইংল্যান্ডে যুদ্ধের পক্ষে একটা আবহাওয়া গড়ে উঠেছিল। সকলে খুব উৎসাহের সঙ্গে এর প্রস্তুতি করছিল। তখন যুদ্ধের বিরুদ্ধে কিছু বলা বা করা, তিনি যত বড় লোকই হোন না কেন, ক্রুদ্ধ জনতার হাত থেকে নিষ্কৃতি পেতেন না। সে সময় একদিন ক্রায়ে বাবার জন্য ম্যাকডোনাল্ড

জাহাজে চড়েছিলেন। একথা জাহাজের কর্মচারীরা জানতে পেরে জাহাজের ক্যাপ্টেনকে জানালো যে হয় ম্যাকডোনাল্ড জাহাজ থেকে নামবেন নয় তাঁকে নামাবার জন্ত তাদের অহুমতি দিতে হবে। ম্যাকডোনাল্ড জাহাজে থাকলে তারা জাহাজের কোনো কাজ করবে না। আর কোনো উপায় না দেখে ক্যাপ্টেন ম্যাকডোনাল্ডকে জাহাজ থেকে নেমে যেতে বলেন। ম্যাকডোনাল্ড নেমে গেলেন। যুদ্ধের পর লেবার পার্টি বিরাট সংখ্যাগরিষ্ঠতায় জয়লাভ করলো। ম্যাকডোনাল্ড প্রধানমন্ত্রী হলেন।

এরকম অভিজ্ঞতা আরো অনেকের হয়েছে। শুধু জনগণের স্বীকৃতি পেতে হলে স্বাধীন ভাবে অনেক কিছুই করা সম্ভব নয়। এতে নিজের বিশ্বাসাহুঁয়ারী জীবনযাপন করার আনন্দ আর তৃপ্তি মেলে না। জনগণের স্বীকৃতি অস্বীকৃতি, সন্তুষ্টি অসন্তুষ্টি বদলে যায়। আত্মমর্দাদাসম্পন্ন মানুষ চিন্তাহীন ভাবনাহীন জনতার প্রয়োজনে মাথা নত করে না। এই জনতার থেকে যতটা সম্ভব দূরে থাকাই ভাল। তারা কি পাগলামি করছে একথা তারা নিজেরাই পরে না ভেবে পারবে না।

কালিকট থেকে ফেরার আগে ঐক্য কেরল সম্বন্ধে আলোচনা করার একটা সভার সভাপতিত্ব করতে চেষ্টাকৃত্তি গিয়েছিলাম। কলামগুলের বাড়ীতে এই সভা হয়েছিল। মহাকবি ভগ্নতোল, কেলগ্নন, দামোদর মেনন প্রভৃতি এই সভায় যোগ দিয়েছিলেন। কেরল রাজ্য গঠন করার ব্যাপারে আলোচনা করার জন্ত কেরলের নানা দিক থেকে প্রতিনিধিদের দিয়ে একটা কনভেনশন ডাকার ব্যবস্থাকরার ভার একটি কমিটির ওপর দেওয়া হলো। ঐক্য কেরল সংগঠন করার প্রথম প্রস্তুতি ছিল এটা। এরপর আমি পালঘাট ফিরে বাই।

কংগ্রেস আর মুসলিম লীগের বগড়ার ফলে রাজনৈতিক আবহাওয়া দূষিত হ'য়ে যাবার সময় এটা। কংগ্রেস আর মুসলিম লীগের প্রতিনিধিদের ভাইসরয়ের ক্যাবিনেটে একসঙ্গে কাজ করা পর্বন্ত মুশকিল হ'য়ে পড়লো। প্রতিদিন একটা না একটা গোলমাল লেগেছিল। কিন্তু তা সত্ত্বেও ভারতবর্ষকে ছ'ভাগ করার কথা কেউ ভাবেনি। সমস্ত ব্যাপারটা জানার জন্ত আমি দিল্লী গেলাম। জেনারেল মোহন সিংও সেখানে এসেছিলেন। যুদ্ধের সময় সিঙ্গাপুরে বাস করা বহু সামরিক অফিসারদের সঙ্গেও দিল্লীতে দেখা হয়েছিল। জেনারেল মোহন সিং-এর সঙ্গে আমি মৌর্যাটে কংগ্রেস মিটিঙে বাই। পণ্ডিত নেহরু একটা তাঁবুতে সেখানে ছিলেন। তিনি আমাকে আর মোহন সিংকে ডেকে পাঠালেন। সিঙ্গাপুরের ঘটনা সম্বন্ধে আমরা তাঁর সঙ্গে এখানে বসে কথাবার্তা বলি।

রাজা গোপালাচাৰী তখন বড়লাটের ক্যাবিনেটের সদস্য ছিলেন। দিল্লীতে তাঁর সঙ্গেও

আমি দেখা করলাম। কুড়ি বছর পরে তাঁর সঙ্গে আমার দেখা হলো। সিঙ্গাপুরে যুদ্ধের সময় জাপানীদের সন্ধে আমি যে মনোভাব দেখিয়েছিলাম তার তিনি প্রশংসা করলেন।

এমনি ভাবে হু'গুংহা উত্তর ভারত পর্যটন করে আমি আবার মালাবারে ফিরে গেলাম। আরো কিছুদিন দেশে থাকার ইচ্ছা ছিল। কিন্তু সিঙ্গাপুরে যেতে দেবী হয়ে যাবে বলে আমি পরের জাহাজেই সিঙ্গাপুর রওনা হলাম।

উনচল্লিশ

মালয় থেকে বিদায়

যুদ্ধ শেষ হবার পর মালয় আর সিঙ্গাপুরের বিরাট পরিবর্তন হয়েছে। যুদ্ধ শেষে এই জায়গাগুলোয় একটা নতুন জাগরণ দেখা যায়। একটা নতুন উৎসাহ আর আত্মবিশ্বাস লোকদের মধ্যে জেগে ওঠে। রাজনৈতিক ব্যাপারেও বৈপ্লবিক পরিবর্তন দেখা গেল। ব্যবসা বেড়ে উঠল। জনগণের স্বাধীনতার জন্ত তীব্র আকাঙ্ক্ষা আর যেন চেপে রাখা যাচ্ছিল না। একটা নতুন মালয় গড়ে তোলবার উৎসাহ লোকের দিনের পর দিন বেড়ে উঠছিল।

এসময় আমার পণার খুব বেড়ে গেল। যুদ্ধের ফলে নানা রকম মামলার সৃষ্টি হয়েছিল। তাদের বৈচিত্র্য আর সংখ্যাও অনেক বেশী ছিল। আরও প্রচুর বাড়লো।

ভারতে স্বাধীনতা লাভ করার জন্ত যে আন্দোলন আরম্ভ হয়েছিল তার ঢেউ বর্ষা, ইন্দোনেশিয়া, মালয় এই সব রাজ্যেও ছড়িয়ে পড়লো। ভারতের স্বাধীনতা উৎসব আমরা সিঙ্গাপুরে পালন করলাম। ভারতের সব ঘটনা মালয়ের অধিবাসীরা খুব আগ্রহের সঙ্গে লক্ষ্য করে আসছিল।

1947 সালের 15ই আগস্ট ভারতের শাসনব্যবস্থা ব্রিটিশদের তরফ থেকে লর্ড মাউন্টবাটেন ভারতবাসীদের হাতে তুলে দেবার সময় দিল্লীতে যে সব অল্পষ্ঠান আমি রেডিওতে শুনলাম, তাতে আবেগ আর উচ্ছ্বাস আমি দমন করতে পারলাম না। দুশ' বছরের ব্রিটিশ শাসন শেষ হয়ে গেল, এ যেন বিশ্বাস করতেই পারলাম না। অস্তিত্ব দেশে এর জন্তে ভারতের সর্বাঙ্গ বেড়ে গেল। এই সব দেশ থেকে দলে দলে ভারতীয়েরা দেশে চলে আসতে চাইল। স্বাধীনতা লাভ করার ভারতবাসীদের মধ্যে আত্মসমর্পণ আর আত্মবিশ্বাস কি ভাবে বেড়ে গেল তা ভাবলে আশ্চর্য লাগে। ইংরেজদের অধীনে তাদের আদেশ মেনে কাজ করা ছাড়া আমাদের নিজস্বের শাসন করার ক্ষমতা নেই এই কথাই আমাদের বিদেশী প্রভুরা এতদিন আমাদের বুঝিয়ে এসেছে এবং আমরা তা বিশ্বাস করে এসেছি। আজকের যুগের ছেলেমেয়েরা এই ব্যাপারটা চিন্তাও করতে পারবে না। তারা স্বাধীনতার মধ্যে বেড়ে উঠেছে। তারা আজ বত উচুতে উঠতে চায় উঠতে পারে। যে কোনও কাজ তারা পেতে পারে। তাদের উন্নতির পথে কেউ আজ বাধা দিতে পারে না।

স্বাধীনতা পালনের উৎসব তখনো শেষ হয়নি, এমন সময় গান্ধীজীর মৃত্যুর খবর আমাদের স্তব্ধ করে দিল। অহিংসাকে তাঁর জীবনের ব্রত স্বীকার করে তাঁর প্রাত্যহিক জীবনে তা ব্যবহার করে পৃথিবীতে একটা আদর্শ সৃষ্টি করে মহাত্মা গান্ধী সাম্প্রদায়িক উদ্গাদনার বলি হয়ে এক ঘাতকের গুলীতে বিদ্ধ হ'য়ে মারা গেছেন, একথা জানার পর নিষ্ঠুর নিয়তিকে আমরা অভিশাপ দিলাম। গান্ধীজীর এই শোচনীয় মৃত্যুতে সিদ্ধাপুরে আমরা একটা বিরাট শোকসভা করেছিলাম। এর কিছু পরে গান্ধীজীর চিতাভস্ম সিদ্ধাপুরে নিয়ে আসা হলে তাকে অভ্যর্থনা করে নেবার বিপুল ব্যবস্থা করা হয়েছিল। ভারতীয়েরা ছাড়া কিছু ইউরোপীয়ান বন্ধুরাও এই ব্যবস্থার আমাদের সাহায্য করেছিলেন। এক বৃদ্ধা ইংরেজ মহিলাকে প্রতিদিন ভিক্টোরিয়া টাউন হলে এসে সেখানে রাখা গান্ধীজীর চিতাভস্মকে ভক্তি ভরে আরাধনা করতে দেখে আমার মন এক অদ্ভুত আবেগে ভরে ওঠে। ইনি ছাড়া আরো অনেক ভারতীয়েরা এসে তাঁদের প্রজ্ঞাগুলি অর্পণ করেছিলেন। কোটি কোটি লোকের হৃদয় জয় করা মহাত্মা গান্ধীর অদ্ভুত শক্তির কথা ভাবলে আশ্চর্য না হয়ে পারা যায় না। তাঁর জীবিতকালে যারা তাঁর মহৎ প্রভাব অস্বত্ব করতে পেরেছে তারা সত্যিই ভাগ্যবান। গান্ধীজী যে দেশে জন্মেছেন সেই দেশে আমরা জন্মেছি। একথা ভাবলে দেশের ওপর আমাদের দায়িত্ব বোধ এবং সেবা করার আগ্রহ না বেড়ে পারে না। অনলস পরিশ্রম, স্বদৃঢ় বিশ্বাসের বলে মানুষ যে কত উচুতে উঠতে পারে তার একমাত্র উদাহরণ মহাত্মা গান্ধীর জীবন। একজন মানুষের পক্ষে কতখানি নৈতিক উন্নতি সম্ভব, সেটা তিনি আমাদের দেখিয়ে গেছেন।

এই সময় আমার হৃদয়কে স্পর্শ করা একটা ঘটনার কথা এখানে বলবো। একজন পাণ্ডানদার তার পাণ্ডনা টাকার জন্তে আমাকে খুবই বিরক্ত করছিল। সে আমাকে 1200 ডলার ধার দিয়েছিল। তা শোধ করতে আমার বেশ কিছু সময় লেগেছিল। তাকে আমি সবশুদ্ধ ফেরৎ দিয়েছিলাম 4300 ডলার। এই টাকাটা দেবার আগে সে ভেরোবার আমার বাড়ীর আর অফিসের আগবাবপত্র বাজেয়াপ্ত করেছিল। লোকটির প্রচুর পরস্রা ছিল। একটু অপেক্ষা করলে তার কোন ক্ষতি হতো না। কিন্তু সে আমাকে এতটুকু শান্তি দেয় নি। এই অবস্থায় আমার তার ওপর রাগ হওয়াটা খুবই স্বাভাবিক। যা হোক, এর পর দশ বছর কেটে গেছে। সেই রাগ আর ঘৃণার উষ্ণতা তখন কমে গেছে। আমার অবস্থা ভালো হয়েছে। কিন্তু নিষ্ঠুর কালচক্রের আবর্তনে তার অবস্থা ধারাপ হয়েছে। যুদ্ধের সময় তার সমস্ত সম্পত্তি নষ্ট হয়ে গেছে। তার সংসার খুব বড় ছিল। ক্রমে তার সংসার চালানো মুশকিল হ'য়ে পড়লো। আমার কাছ

থেকে সাহায্য চাওয়া ছাড়া তার আর কোনো উপায় রইল না। একদিন তার ছেলে এসে আমার কাছে 500 ডলার চাইল। আমি সে টাকাটা দিতে গেলে আমার বন্ধুরা বল—ওরা আগে কি রকম ব্যবহার করেছিল তা ভুলে গেছ ?

—ভুলিনি, আর সেই জন্তেই টাকাটা দিচ্ছি। এখন তারা আমার তখনকার অবস্থা বুঝতে পারবে। এ পৃথিবীতে কিছুই স্থির নয়। সবই চঞ্চল। ভাগ্য, হুত্যাগ্য, সম্পদ, দারিদ্র্য, ঐশ্বর্য, অসং কান্ড সবই বদলে যায়—আমি বললাম।

একই ধরনের আর একটা ঘটনা ঘটেছিল। আমি যখন জাপানীদের জেলে ছিলাম, তখন আমার সঙ্গের একজন অর্ধনগ্ন কয়েদীকে আমার প্যাণ্টটা একবার পরতে দিয়েছিলাম। একজন অ্যাংলো ইণ্ডিয়ানকে আমার প্যাণ্ট দেওয়াতে তার সঙ্গে আমার সম্পর্ক আছে বলেই আমি দিয়েছি এবং সেটা কিসের সম্পর্ক সেটা বলার জন্য জেলের কর্মচারীরা পীড়াপীড়ি করে। “লোকটির কষ্ট দেখে আমার প্যাণ্টটা তাকে দিয়েছি”—আমার এ উত্তরে তারা সন্তুষ্ট হ’ল না। আমি মিথ্যে কথা বলছি বলে একটা জাপানী অফিসার তার হাতের লোহার ডাঙা উঠিয়ে আমাকে মারতে এসেছিল। এটা শুধু একবার নয়, বেশ কয়েকবার এমন ঘটেছিল। এই অফিসারটি আমার কাছাকাছি এলেই আমি ভয় পেতাম।

যুদ্ধের পরে কিছু জাপানীদের যুদ্ধের সময় জনসাধারণের উপর অত্যাচার করার অপরাধে বিশেষ কোর্টে বিচার হয়। তাদের মধ্যে একজনের হয়ে দাঁড়ানোর জন্তে তার বন্ধু আমায় অহরোধ করলো। আমি রাজী হলে জেলে গিয়ে আসামীর বক্তব্য জানতে গিয়ে দেখি, আমাকে মারবার জন্য প্রায় হাত তুলতো যে জাপানী অফিসারটি তার হয়ে আমি দাঁড়িয়েছি। আমাকে দেখে যুবকটি একটা বাচ্চা ছেলের মত কেঁদে ফেলে বল—আমি আপনাকে গালাগালি করেছি, আপনার ওপর হামলা করেছি, আপনার সামনে দাঁড়াতে আমার লজ্জা হচ্ছে। আমি কি প্রায়শ্চিত্ত করবো আপনি তা বলে দিন।

—“যা হয়ে গেছে তা ভুলে যান। এখন আমি আপনার কেসের বিবরণ সংগ্রহ করার জন্য এসেছি”—বলে তাকে আমি সাঙ্ঘনা দিলাম।

সুনানীর পর আসামী দোষী সাব্যস্ত হলো। রায় দেবার সময় বিচারক এই ভাবে বলেন—

“অসহায় নিরপরাধী লোকদের ওপর আসামী পক্ষের মতো অত্যাচার করেছে একথা কোর্টে প্রমাণিত হয়েছে। দশ বৎসরের সশ্রম কারাদণ্ড তাকে আমি দিলাম। তবে এই প্রসঙ্গে একটা কথা বলছি। আসামীর কাছ থেকে মার খেয়ে কিন্তু তার কিছুই মনে

না রেখে আসামীর হয়ে কেলে হাজির হ'য়েছেন যে কৌতুহলি, তাঁর কথা মনে রেখে আসামীকে 21 মাসের কঠিন সাজা দেওয়া হলো।”

খুব খুশী হয়ে আসামী এই রায় শুনলো। তখনকার পরিস্থিতিতে এই লোকটির সাজা যে খুবই লঘু হয়েছিল সে বিষয়ে কোনো সন্দেহ নেই।

একজন চিন্তাশীল ব্যক্তির উপদেশের কথা মনে পড়ছে,—তোমার যদি কারোর ওপর ঘৃণা হয় তাহ'লে সেই অনুভূতি তোমার ব্যক্তিত্বের ক্ষতি করবে। তার ফল শুধু তোমাকে নয়, তোমার পরিবারের সকলকে স্পর্শ না করে পারবে না। অন্তরের ঘৃণা করে লাভ নেই। যারা দোষ করেছে তাদের ঘৃণা না করা, তাদের ক্ষমা করাই হচ্ছে মহত্ব। এমন করলে তোমার মন শান্ত হবে, তোমার শক্তি সামর্থ্যও বেড়ে যাবে।

1946 সালের শেষে আমি যখন একবার দেশে গিয়েছিলাম তখন আমার বন্ধুবান্ধবেরা আর বেশী দেরী না করে সিঙ্গাপুর থেকে আমাকে ফিরে আসতে বলেছিল। আমি অবশ্য নিজের থেকেই ফিরে আসার কথা ভাবছিলাম। কুড়ি বছর আগে আমি সিঙ্গাপুর গিয়েছিলাম কিছু টাকা রোজগারের জন্তে। টাকা রোজগারের বদলে বেশ কয়েক বছর আমি দেনার দ্বায়ে বিকিয়ে গিয়েছিলাম। সেই দেনা শোধ করতে অনেক সময় লেগেছিল। আর যখন টাকা জমাতে আরম্ভ করলাম তখন যুদ্ধ লেগে গেল। যুদ্ধের পর রোজগারের দিক থেকে সময়টা খুবই ভালো ছিল। আরো চার পাঁচ বছর থাকতে পারলে যে উদ্দেশ্যে আমি এসেছিলাম সে উদ্দেশ্য সাধিত হ'ত, বেশ কিছু অর্থ উপার্জন করে আমি ফিরে যেতে পারতাম। কিন্তু সিঙ্গাপুরে থাকতে আমার আর ভালো লাগছিল না। আমার মন দেশের জন্ত কঁাদছিল। তাড়াতাড়ি ফিরে যেতে হবে এ চিন্তা আমাকে কুরে কুরে খাচ্ছিল। বন্ধুবান্ধবেরা অবশ্য আমার এই বোকামি আমাকে দেখিয়ে দিচ্ছিল। আমার সংসারের ভার বিরাট। সেই ভার সামলানোর মত আমার অর্থ সামর্থ্য নেই। দেশে গিয়ে আমি করবোটা কি? আমি যদি আবার রাজনীতি করতে চাই তাহ'লে সংসারের খরচ চালাবার জন্তে অন্তরের সাহায্যের ওপর নির্ভর করতে হবে। এই ভাবে নানারকম কথা তারা বলল। সবই ঠিক। আমার মন জীবনের ব্যবহারিক দিকটা ভাবতে পারছিল না। দেশ থেকে যে সব বন্ধুরা আমাকে দেশে ফিরে যেতে লিখছিলেন, তাঁরা হয়তো আমার আর্থিক অবস্থার কথা ভালোভাবে জানতেন না। যারাই সিঙ্গাপুরে যায় তারাই প্রচুর রোজগার করে। আমিও করেছে এটাই ছিল তাঁদের ধারণা। আমি তাঁদের ধারণা ভেঙে দিতে চেষ্টা করি নি। তা সে যাই হোক, শেষ পর্যন্ত দেশে ফেরা ঠিক করলাম।

কুড়ি বছর কাজ করে যে অফিসটাকে গড়ে তুলেছিলাম, সেই অফিসই ছিল আমার

সম্পত্তি। এই অফিসটা কোনো উকালকে বিক্রী করতে পারলে সেই টাকাটা হবে আমার উপরি উপার্জন। এর সুযোগও মিলে গেল। কিন্তু যে টাকা আমি এর থেকে পেলাম তার চেয়েও বেশী টাকা আমার বিদেশে পড়া ছেলের খরচের জন্য দরকার ছিল। এর জন্যে আমাকে আবার টাকা ধার করতে হলো। তাই মালয় থেকে আমি খাতক হয়েই ফিরে এলাম। জীবনের বেশ কিছুটা দীর্ঘ সময় ঋণী ছিলাম বলে সেই অবস্থা থেকে মুক্ত হয়ে থাকার কল্পনা পর্যন্ত আমি করতে পারি নি। আগের তুলনায় আমার অবস্থা এখন ভালো হলেও ঋণের হাত থেকে আমি সম্পূর্ণ অব্যাহতি পাই নি। ডিকেশের উপস্থানের মিকাবারের মতো স্বপ্নময়ের জন্য আমি অপেক্ষা করে আছি। আয় আমি যথেষ্টই করেছি, কিন্তু ব্যয়ের ব্যাপারে আমি কিছুতেই নিজেই সংযত করতে পারি না। অনেক চেষ্টা করেছি, কিন্তু কোন ফল হয় নি। হবে বলে মনেও হয় না।

কুড়ি বছর ধরে বাস করা সিঙ্গাপুর ছাড়তে সত্যিই কষ্ট হয়েছিল। 1948 সালের 17ই জুন আমি সিঙ্গাপুর ছাড়ি। বন্দরে আশা সব বন্ধুবান্ধবদের কাছ থেকে বিদায় নিয়ে আমি জাহাজে চড়লাম। জাহাজ ছেড়ে যাবার পরও অনেকক্ষণ ডেকে দাঁড়িয়ে বন্ধুদের দেখতে লাগলাম। কুড়ি বছরের অভিজ্ঞতার কথা চিন্তা করতে করতে কখন যে সিঙ্গাপুর আমার চোখের সামনে থেকে মুছে গেল তা জানতে পারি নি। তবুও ডেকে দাঁড়ানোর সময় খাওয়ার সময়, বন্ধুদের সঙ্গে কথাবার্তা বলার সময় সিঙ্গাপুর আমার মন থেকে মুছে যায় নি।

প্লেনের চেয়ে জাহাজে যেতে আমার খুবই ভাল লাগে। জাহাজে নানা ধরনের লোকের সঙ্গে সাক্ষাৎ হয়। স্বার্থপর, নিঃস্বার্থপর, ভাগ্যবান, হতভাগ্য, বুদ্ধিমান, মূর্থ, সব লোকই এর মধ্যে পাওয়া যায়। সময়সুবিধা, অপরের সুবিধা অসুবিধা দেখে কাজ করার প্রবৃত্তি, এ সমস্তের শিক্ষা জাহাজেই হয়।

তিন দিন হলো সিঙ্গাপুর ছেড়েছি। জাহাজ এখন বঙ্গোপসাগরে। সকালবেলায় প্রাতঃরাশ শেষে ডেকে দাঁড়িয়ে আমরা একটার পর একটা আছড়ে পড়া ঢেউ আর তার ওপর সূর্যকিরণ পড়ে যে অপরূপ সৌন্দর্যের সৃষ্টি হয়েছে তা মুগ্ধ হয়ে দেখছিলাম। সমুদ্রের এই বিরাট সৌন্দর্য দেখে মনে কতরকম চিন্তারই না উদয় হয়। বিরাট শিলাখণ্ড আর ছোট্ট বালুকণাকে সমুদ্র একই ভাবে ছুঁয়ে বাচ্ছে। তার কাছে ছোট বড়র ভেদ নেই। সামান্য কীট থেকে চিন্তাশীল মানুষ ভাবে সেই মূর্ববাপী অনন্ত সমান শক্তির স্পর্শ লাভ করে। আমরা সেই অনন্ত শক্তির অংশ, এ কথা জানতে পারলে জীবনকে একটা নতুন দৃষ্টিতে দেখা সম্ভব হয়। স্বপ্ন, ভালোবাসা, উচুনীচ, সুখদুঃখ, জন্মমৃত্যু, সব কিছুই এক নিয়ন্ত্রিত নিয়মের অধীন। এ সব জেনেও আমরা ভুল করি। আমাদের

নিজেষ্টের অপরাধের জন্ত অপরের দোষ দিই। নাম বশের জন্ত আমরা অবধা কঠিন পরিশ্রম করি। যাদের শত্রু বলে মনে করি, তাদের শেষ করার চেষ্টা করি। অনাগত বিপদের কথা ভেবে ভয়ে কাঁপি। অতৃপ্ত আকাজ্জার জন্ত দিনরাত পরিশ্রম করি। একদিন এসব ছেড়ে চলে যেতে হয়। জীবন শেষ হ'য়ে যায়। তারপর? তারপর?

জাহাজের বাঁশী বাজছে। লোকেরা এদিক ওদিক ছোট্টাছুটি করছে। জাহাজ এখন মাঝ সমুদ্রে দাঁড়িয়ে। নোকোগুলো নামানো হচ্ছে? কি হয়েছে? একজন যাত্রী জাহাজ থেকে পড়ে গেছে? পড়ে গেছে, না ইচ্ছে করেই লাফ দিয়েছে তা কে জানে? অনেক খোঁজাখুঁজি করেও লোকটিকে পাওয়া গেল না। চারদিন পরে আমরা মাদ্রাজ এসে পৌঁছোলাম।

আমার কয়েকজন পুরনো বন্ধু বন্ধুরে আমাকে অভ্যর্থনা করতে এসেছিল। সেদিন সন্ধ্যায় রাজাজী হলে মালয়ালীদের তরফ থেকে এক অভ্যর্থনা সভার আয়োজন হয়!

জাহাজ থেকে নেমেই 1948 সালে 27শে জুন মাতৃভূমির ডাইরেট্টরদেব একটা চিঠি পাই। চিঠিটা এই রকম—

‘মাতৃভূমি’র ডাইরেট্টরদেরা এর প্রথম সম্পাদক কে. পি. কেশব মেনন দেশে ফিরে আসায় তাঁকে স্বাগত করছে।

যথাসম্ভব শীঘ্র তিনি যেন ‘মাতৃভূমি’র সম্পাদকের পদ আবার গ্রহণ করেন, এই অনুরোধ আমরা তাঁকে জানাচ্ছি।

এমনিভাবে ‘মাতৃভূমি’র সঙ্গে আবার সম্পর্ক স্থাপন করার এবং কেরলের রাজনৈতিক জীবনে অংশ গ্রহণ করার আর একবার সুযোগ আমার মিললো।

চল্লিশ

আবার সম্পাদকের পদে

১৯৪৮ সালের ১লা আগস্ট আমি আবার ‘মাতৃভূমি’র সম্পাদকের পদ গ্রহণ করলাম। বারো বছর ধরে এর সম্পাদক ছিলেন কে. এ. দামোদর মেনন। তিনি এই পদ আমাকে ছেড়ে দিলেন। দামোদর মেনন অত্যন্ত দক্ষতার সঙ্গে এই ক’বছর মাতৃভূমির কাজ চালিয়েছেন। এখন তিনি সাংবাদিকতা ছেড়ে দিয়ে রাজনীতিতে যোগ দেবেন বলে ঠিক করলেন।

সম্পাদকের পদ গ্রহণ করে ১৯৪৮ সালের ১লা আগস্ট আমি মাতৃভূমিতে এই রকম ভাবে লিখেছিলাম—

১৯২৫ সালের ৩১শে জানুয়ারী আমি মাতৃভূমির পাঠকদের কাছ থেকে বিদায় গ্রহণ করেছিলাম। সেদিনকার সম্পাদকীয় প্রবন্ধে আমি বলেছিলাম যে এই কাজ করে বাবার ভাগ্য যদি আমার থাকতো তাহ’লে আমি কৃতার্থ বোধ করতাম। সেই ভাগ্য আমি এখন লাভ করেছি। সেদিনকার সেই শিশু মাতৃভূমি আজ তার যৌবনে পৌঁছেছে। সেদিনকার বিদেশী আধিপত্য দূর করে ভারতকে স্বাধীন করার আন্দোলনে মাতৃভূমির অংশ কিছু কম নয়, একথা সকলেই স্বীকার করবে। একটা সংবাদপত্রের কাজ দেশের, ব্যক্তির, সমাজের বহুমুখী অভিবৃদ্ধির দিকে লক্ষ্য রাখা। এই ব্যাপারে দুটো জিনিষ মনে রাখা উচিত। প্রথম হচ্ছে অস্ত্রাস্ত্র ব্যবসার মতো সংবাদপত্রও একটা ব্যবসা—এ সত্যতা ভোলায় নয়। আয় ও ব্যয় যদি ঠিকমতো নিয়ন্ত্রণ না করা যায় তাহলে কোনো ব্যবসাই বেশীদিন টিকে থাকতে পারে না। এই সত্য কাগজ চালানোর ব্যাপারেও প্রযোজ্য। তবে ব্যবসার প্রধান লক্ষ্য লাভ। কাগজের উদ্দেশ্য তা নয়। জনসাধারণের সেবা করা কাগজের উদ্দেশ্য। আদর্শ নির্ধারণ সঙ্গে একটা কাগজ চালাতে পারলে তা জনসাধারণের সেবার লাগে। দলগত ঝগড়া বা সঙ্কীর্ণ মনোভাব যেন একে স্পর্শ করতে না পারে। এই আদর্শ সামনে রেখে, জনসাধারণের মঙ্গল লক্ষ্য করে, তাদের সব রকম সুখসুবিধা স্বাধীনতা বাড়িয়ে তোলার একটা মহৎ প্রতিষ্ঠান মাতৃভূমির ত্রীবুদ্ধির অস্ত্র আমি নিরন্তর চেষ্টা করব।

আমার এই প্রচেষ্টা সফল হয়েছে একথা যদি আমি বিনয়ের সঙ্গে দাবী করি তাহ’লে তার প্রধান কারণ হচ্ছে যে এই মহৎ প্রতিষ্ঠানের ভাইরেটের থেকে আরও করে

একেবারে নিয়ন্ত্রণের কর্মচারীদের কাছ থেকে সর্বতোভাবে সাহায্য পেয়েছি। গুণগোল সৃষ্টি করার প্রবৃত্তি অনেকের মধ্যেই থাকে। একটা প্রতিষ্ঠান বাঁড়ার সঙ্গে সঙ্গে তার মধ্যে নানারকম গুণগোল সৃষ্টি করার প্রবণতা দেখা দেয়। কিন্তু দূরদর্শিতা আর মানসিক স্বৈর্যের সঙ্গে কাজ করা দায়িত্বশীল লোকের কর্তব্য।

মাতৃভূমির ডাইরেক্টরেরা সকলেই আমার অনেক দিনের পরিচিত বন্ধু। অসহযোগ আন্দোলনের সময় থেকে আমি কাকুর নীলকণ্ঠ নান্দুতিয়ারকে জানি। প্রথম থেকেই তিনি মাতৃভূমি কোম্পানীর একজন ডাইরেক্টর ছিলেন। আজ তিনি ডাইরেক্টর বোর্ডে না থাকলেও মাতৃভূমি কাগজের মুদ্রাকর ও প্রকাশক।

করুণাকর মেনন আর একজন ডাইরেক্টর। মালাবারের কংগ্রেসে এবং হরিজন উদ্ধার আন্দোলনে তিনি অনেক কাজ করেছেন। তাঁর স্বভাবের সততা ও নিয়মামূল্যবর্তিতা অমূল্যবোধযোগ্য।

টি. ভি. স্কন্দর আয়্যার একজন নামকরা উকীল, নামের প্রতি তাঁর কোনো মোহ নেই। আরম্ভ থেকে আজ অবধি তিনি মাতৃভূমির ডাইরেক্টর। টাকা পরসার ব্যাপারে তাঁর স্বাধীনতা একটু বেশী থাকলেও মাতৃভূমির দায়িত্ব পালন করতে তিনি কোনরকমই আলস্য দেখান নি।

শ্রীমতী কুটুমালু আম্মা আর একজন ডাইরেক্টর। কেরলে কংগ্রেসের কাজে যে কয়জন অল্প সংখ্যক মহিলা প্রসিদ্ধি লাভ করেছেন তাঁদের মধ্যে তাঁর স্থান খুব উচুতে।

শ্রী কে. মাধব মেনন অল্প আর একজন ডাইরেক্টর। এখন তিনি মাতৃভূমি ডাইরেক্টর বোর্ডের চেয়ারম্যান এবং কোম্পানীর জয়েন্ট ম্যানেজিং ডিরেক্টর। শ্রী ভি. এস. নায়ার ম্যানেজিং ডাইরেক্টর। মাতৃভূমির অভিবৃদ্ধির জন্য ঋণ এগিয়ে এসেছিলেন তাঁদের মধ্যে আর একজন ডাইরেক্টর হচ্ছেন শ্রীকেশবন নায়ার। শ্রীজিনচন্দন, কে. কুমারন নায়ার, কে. কুটিকুম মেনন ডাইরেক্টর বোর্ডের অধ্যক্ষ সদস্য।

তেইশ বছর পরে আবার আমি সম্পাদকের পদ গ্রহণ করলাম। দু'একজন ছাড়া সম্পাদকীয় বোর্ডে আর সকলেই নতুন। কিন্তু খুব তাড়াতাড়িই তাঁদের সঙ্গে আমার এমন সৌহার্দ্য গড়ে উঠলো, মনে হ'ল যেন আমরা কত পরিচিত। সাংবাদিকতার ক্ষেত্রে বহুদিন কোনো সম্পর্ক না থাকায় এঁদের সাহায্য এবং উপদেশ আমার খুবই কাজে লেগেছিল।

এ সময় কেরলের রাজনৈতিক আর সামাজিক জীবনে অনেক নতুন চিন্তাধারা এসে মিশেছে দেখতে পেলাম। অনেক নতুন লোককে নেতার জায়গায় বসে থাকতে দেখলাম। বহুদিন দেশে না থাকায় তাঁদের সম্বন্ধে কিছু জানা আমার সহকর্মীদের

সাহায্যের দ্বারাই সম্ভব হয়েছে। কাগজ চালানোর ব্যাপারে এই একই কথা বলা চলে।

কংগ্রেসের লক্ষ্য মাতৃভূমি প্রচার করবে এটা আরম্ভতেই ঠিক হয়েছিল। স্বাধীনতা আন্দোলনের সময় এই পথ অবলম্বন করে কাজ করা কঠিন হয় নি। স্বাধীনতার পর কংগ্রেসের লক্ষ্য বদলে গেল। একটা কল্যাণব্রতী রাষ্ট্র গড়ে তুলবে বলে কংগ্রেস ঠিক করলো। সেই মতো মাতৃভূমির নীতিও বদলাতে হ'ল। কিন্তু লক্ষ্যে পৌছানোর কতকগুলো বাস্তব অসুবিধা দেখা গেল। কংগ্রেসের উদ্দেশ্যকে সমর্থন করা মানে কংগ্রেস গভর্নমেন্ট যা করছে তা সব ঠিক বলে তাকে পূর্ণ অস্বমোদন করা। একটা কল্যাণব্রতী রাষ্ট্র গড়ে তোলবার উদ্দেশ্যে কংগ্রেস যদি এমন কাজ করে যা আমাদের সেই লক্ষ্যে নিয়ে যেতে সাহায্য করে নি, তাহ'লে তার দোষ দেখিয়ে দিতে মাতৃভূমি এতটুকু ইতস্ততঃ করে নি। দলগত স্বার্থ না দেখে, বস্তুনিষ্ঠ সংবাদ প্রকাশ করা, নিরপেক্ষ ভাবে সমস্ত ব্যাপারটার সমালোচনা করা, এই রকম একটা ধারণা মাতৃভূমি তার পাঠকদের দিতে পেরেছে। তাই মাতৃভূমি আজ দেশবাসীর মনে এতখানি প্রভাব বিস্তার করতে পেরেছে।

মাতৃভূমি কোম্পানীর বিশেষত্বের ব্যাপারে বেশী লোকে হয়তো কিছু জানে না। কোম্পানীর মূলধন এখন 17000 হাজার টাকা মাত্র। এর থেকে প্রতি বছর লাভ বেড়ে আসছে। এই লাভ কাগজের অঙ্গীদাররা পায় না। একটা সামান্য অংশ মাত্র তারা পেয়েছে। আর সব মাতৃভূমির সম্প্রদায়ের জন্ত ব্যবহার করা হয়েছে। এমনি ভাবে এই মহৎ প্রতিষ্ঠানটিকে বাড়িয়ে তোলা সম্ভব হয়েছে। আজকের দিনে একটা ভালো খবরের কাগজ চালানোর দরকারী যন্ত্রোপকরণ সব মাতৃভূমির আছে। কর্মীদের নিয়ম মতো ভালো মাইনে দেওয়া হয়। তাদের বোনাস, গ্র্যাচুইটি, প্রভিডেন্ট ফান্ড, পেনশান, সব আছে। সরকারী অফিসে যে ভাবে ছুটি দেওয়া হয়, সে ভাবে তারাও ছুটি পায়। মাতৃভূমি একটা ব্যবসায়ী প্রতিষ্ঠান নয়। তার উদ্দেশ্য লাভ নয়, দেশের সেবা। ভারতবর্ষের কাগজগুলোর মধ্যে মাতৃভূমির যদি একটা উঁচু জায়গা থাকে তা এ সবের জন্তেই সম্ভব হয়েছে।

প্রধানমন্ত্রী নেহেরু 1955 সালের 28শে ডিসেম্বর মাতৃভূমির অফিস সন্মর্শন করে এই কথাগুলি বলেছিলেন—‘মাতৃভূমি’ কেরলের সংবাদপত্র হ'লেও সারা ভারতবর্ষ এর কথা শুনেছে। এই পত্রিকাটি ভারতের স্বাধীনতা আন্দোলনে একটা বড় অংশ গ্রহণ করেছিল। বহু লোকের ওপর তার প্রভাব বিস্তার করে মাতৃভূমি যে দিনে দিনে বেড়ে যাচ্ছে তা দেখে আমি খুশী হয়েছি।

মাতৃভূমির সঙ্গে আমার বিশেষ সম্পর্কের ব্যাপারে একটা বিষয়ে কেশব মেনন তাঁর স্বাগত সঞ্চর্চনায় বলেন নি, তা হচ্ছে, মাতৃভূমি আমার বইগুলি অহুবাদ করে প্রকাশ করেছে। তাই এক লেখক আর প্রকাশকের মধ্যে যে সম্পর্ক সেই সম্পর্ক আমার আর মাতৃভূমির মধ্যে। আমি মাতৃভূমির কুশল কামনা করি।

মাতৃভূমির এই উন্নয়নে অনেকেই সাহায্য করেছেন। মাতৃভূমির মুখ সম্পাদক শ্রীকৃষ্ণাপ্রসাদ কথ্য এখানে বলা উচিত। কেরলের সাংবাদিকদের মধ্যে শ্রীকৃষ্ণাপ্রসাদ মতো দক্ষ এবং অভিজ্ঞ লোক খুব কমই আছে, তাঁর গল্প লেখার ঠাইল অত্যন্ত মনোহর। তাঁর অনূদিত ‘ভারত আবিষ্কার’, ‘বিভক্ত ভারত’, ‘নেহেরুর আত্মজীবনী’র গল্পশৈলী থেকে বোঝা যায়, তাঁর মালয়ালম শৈলী কত উচ্চ মানের।

মাতৃভূমি সাপ্তাহিকের দায়িত্ব যিনি বহন করেছেন, সেই এন. ডি. কৃষ্ণ ওয়ারিয়ারের সঙ্গে কিছু এখানে বলা উচিত। ওয়ারিয়ার এক বিরাট পণ্ডিত ও লেখক। তাঁর গ্রহণ করার শক্তি অদ্ভুত। অনেক গভীর বিষয় এমন দক্ষতা ও ক্ষিপ্ততার সঙ্গে তিনি বোঝেন যা খুবই আশ্চর্যজনক। অনেক বিষয়ে তাঁর কতকগুলো সূক্ষ্ম মতামত আছে। সে মতের সঙ্গে সকলের মিল না হ’লেও একজন পণ্ডিত ও চিন্তাশীল ব্যক্তি হিসাবে কৃষ্ণ ওয়ারিয়ারের স্থান অত্যন্ত উচ্চ।

মাতৃভূমির জীবন-নাড়ী হচ্ছেন তার ম্যানেজার শ্রীএম. কৃষ্ণন নায়ার। অত্যন্ত দক্ষ ও বিনয়ী এক মানুষ কৃষ্ণন নায়ার। মাতৃভূমি প্রেস ও কাগজের সমস্ত বিভাগের পরিচালনায় তাঁর অভিজ্ঞতা অদ্ভুত। একজন সওদাগরের চোখ, একজন অভিজাত ব্যক্তির চালচলন, একজন বাবসায়ীর কার্যক্ষমতা, একজন মিশনারীর নিয়মনিষ্ঠা এসব যদি একজনের মধ্যে দেখতে হয় তাহ’লে মাতৃভূমির ম্যানেজার কৃষ্ণন নায়ারকে দেখলেই হবে। কৃষ্ণন নায়ারের কোনো কিছুতেই তাড়া নেই, অথচ কোনো কাজই তিনি ফেলে রাখবেন না। তাঁর অধীনে যারা কাজ করছে তাদের যেন একটা অদৃশ্য শক্তি দিয়ে তিনি নিয়ন্ত্রণ করেন। কিছু লোক আর কিছু প্রতিষ্ঠান এমন ভাবে জড়িয়ে যায় যে সেই লোকগুলি ছাড়া সে প্রতিষ্ঠানগুলির কথা চিন্তাও করা যায় না। এমন সম্পর্ক কৃষ্ণন নায়ারের মাতৃভূমির সঙ্গে।

আর একজন লোকের কথাও এখানে বলা উচিত। সে হচ্ছে মাধব পানিকর। মাধব পানিকর হুড়ি বহর অ্যাটোর্গার হিসেবে মাতৃভূমির সেবা করেছে। তার সভ্যনিষ্ঠা, নিয়মাহুর্বাতিতা যে কোনও লোকের অহুকরণযোগ্য। 1948 সালে আমি মাতৃভূমিতে ফিরে আসি। পানিকরের বয়স তখন পঞ্চাশ পার হয়ে গেছে। ‘স্নান ক’রে, কপালে ফোঁটা কেটে, পরিষ্কার কাপড় পরে ঠিক সময় পানিকর অফিসে এসে হাজির হবে।

তার নিজের লোক বলতে কেউ ছিল না। মাতৃভূমিই ছিল তার পরিবার। ছ'বছর পরে অস্থস্থ হ'য়ে হাসপাতালে যাবার আগে অবধি পাণ্ডিত্য আমার বাড়ীতেই বাস করতো। তার মৃত্যুতে মাতৃভূমির অপূরণীয় ক্ষতি হয়েছিল।

আজকাল পাঠকদের কচির কত পরিবর্তন হয়েছে। খবর জানার আগ্রহ তাদের বেড়েছে। খুব যত্ন নিলেও তাদের সব সময় সন্তুষ্ট করা সহজ নয়।

মাতৃভূমিতে প্রকাশিত বেনার ভাগ খবরগুলিই নিজস্ব সংবাদদাতা প্রেরিত। এই সব খবরগুলোর ব্যাপারে পাঠকদের কাছ থেকে প্রায়ই অভিযোগ আসে। সত্যের প্রতি শ্রদ্ধা রেখে ঠিক খবর জানাবার জন্তে যত নির্দেশই দেওয়া হোক না কেন, রিপোর্টারের অজান্তেও অনেক সময় খবরগুলোর রংচং বদলে যায়। মাহুঘের সাধারণ দোষত্রুটি তাদেরও থাকে।

বিভিন্ন কচির পাঠকদের পছন্দ এবং আগ্রহের তৃপ্তি দেওয়া কঠিন। একজনের যা ভালো লাগে, অন্যজনের তা লাগে না। তাই তাদের অপছন্দমত কিছু কাগজে দেখলে তারা সম্পাদকের কাছে অভিযোগ করে। এই ধরনের কত বেনামী চিঠিই না আমি পাই। আমি সে সব চিঠি পড়ি। দরকার মনে করলে উত্তরও দিই।

কোনো ব্যক্তি বা প্রতিষ্ঠান সম্পর্কে মাতৃভূমি যে নীতি অবলম্বন করেছে তা তাদের স্বার্থের বিরুদ্ধে হলে সেই নীতি বদলাবার জন্তে তারা মাতৃভূমির ওপর চাপ দেবার চেষ্টা করেছে। যারা ক্ষমতাশালী, তারা তাদের প্রভাব বিস্তার করার চেষ্টা করেছে। কিন্তু জনগণের পক্ষে যা অন্তর্ভুক্ত, সে রকম নীতি মাতৃভূমি কখনই অবলম্বন করতে রাজী হয় নি। এর ফলে কিছু কিছু বন্ধুর বিরোধিতা আমি অর্জন করেছি। কিন্তু আমার মনে এই সান্ত্বনা যে, যা উচিত বলে মনে করেছি তা করেছি।

আজকাল কাগজে লেখা এবং আলোচনা করার ব্যাপার অনেক বেড়েছে। যে সব ঘটনা সাধারণতঃ ঘটে তার থেকে আলাদা যে ঘটনা সেইগুলোই বিশেষ খবর। এই সব খবরগুলোকে বেছে নেওয়া এবং তার বিবরণ দেওয়ার বিচক্ষণতার মধ্যে একটা কাগজের খ্যাতি ও তার প্রভাব তৈরী হয়। এমনি ভাবে বেছে নেওয়া খবর এবং তার বিবরণ হয়তো অনেক সময় সন্তোষজনক নয় বলে মনে হয়। কিন্তু আমার সহকর্মীরা তাদের সামর্থ্য এবং অভিজ্ঞতা অহুয়ারী যে কাজ করেছে তা ঠিক নয় একথা বলতে আমার ভালো লাগে না। আবার তাদের ভুলটা না দেখিয়ে দিলেও হয় না। ভালো মন্দের রিপোর্ট স্থল্লর করে দেওয়ার ক্ষমতা সাংবাদিকদের পক্ষে একটা বিরূপ আশীর্বাদের মত। কিন্তু খুব কম লোকেরই এ ক্ষমতা আছে।

আমি নানা রকম কাজ দেখেছি আর করেছি, কিন্তু মাতৃভূমির অফিসে বসে কাজ

করতে যে স্বপ্ন আর তৃপ্তি পেয়েছি তা আর অন্য কোন কাজে পাই নি। হয়তো মাতৃভূমির সঙ্গে আমার একটা বিশেষ সম্পর্ক আছে বলে আমার এরকম মনে হয়। কাগজে কোনো ভুল দেখলে, এর নীতির বিরুদ্ধে কেউ যদি কোনো অভিযোগ করে তাহ'লে আমি ভারী অস্বস্তি বোধ করি। কাগজের ব্যাপারে যত সাবধানই হওয়া যাক না কেন, কেউ না কেউ এ সম্বন্ধে বিরূপ মন্তব্য করবেই। একবার একজন বড় অফিসার বলেছিলেন—“সংবাদপত্রের মধ্যে মাতৃভূমিকে আমি একটা মডেল কাগজ বলে মনে করি।” তাঁর এই প্রশংসা শুনে খুশী হ'লেও আমি একটু ভয় পেয়ে গিয়েছিলাম। মাতৃভূমি চালানোর ব্যাপারে আমার একটা উচু আদর্শ আছে। সেই আদর্শকে আমি বাস্তবে পরিপূর্ণরূপ দিতে পেরেছি বলে আমার বিশ্বাস হয় না। এটা করতে পারবো কিনা সে সম্বন্ধে মনে ভয়ও আছে। এইটাই আমাকে ভয় পাইয়ে দেয়। মাতৃভূমির মহৎ আদর্শকে সামনে রেখে তাকে পূর্ণরূপ দেবার জন্য এর কর্মীরা যদি প্রত্যেকেই আন্তরিক ভাবে চেষ্টা করে তাহলে তা একটা আশীর্বাদেব মতোই হবে।

মাতৃভূমিতে যে খবর বেরোয় তা পড়ে সম্পূর্ণ বিশ্বাস করে এমন পাঠক আছে বলে মাতৃভূমিতে যদি কোনো ভুল খবর থাকে তাহ'লে আমি খুব অস্বস্তি বোধ করি। মতামত ব্যক্ত করার ব্যাপারেও তাই। জনগণের কল্যাণ লক্ষ্য রেখে পক্ষপাতহীন ভাবে মাতৃভূমির মতামত জানানো হয়। সম্পাদকীয় বিভাগে নানা মতের লোক কাজ করে। কিন্তু তাদের ব্যক্তিগত মতামত কাগজের মধ্যে দিয়ে তারা প্রকাশ করতে পারে না। জনসাধারণের অভিপ্রায় একমুখী করে তাকে নিয়ন্ত্রণ করা শুধু নয়, তাকে রূপ দেওয়াও কাগজের দায়িত্ব। মাতৃভূমির মত এবং সম্পাদকের মত যে সব সময় এক হবে তা নয়। এ সম্পর্কে কতগুলো ঘটনার কথা আমার মনে পড়ছে। তখন মাতৃভূমির মতের কাছে আমার মত মাথা নীচু করেছে। সম্পাদকীয়তে ‘আমরা’ এই শব্দটা বলতে কারা বোঝায় তা বলা মুশকিল। তবুও মত প্রকাশের ব্যাপারে ‘আমরা’ শব্দের মতো এত সুবিধাজনক শব্দ আর আছে কিনা সন্দেহ। কাগজের ধর্ম সম্বন্ধে আমি একবার মাতৃভূমিতে এই রকম লিখেছিলাম—স্বাধীনতার পর আমাদের দেশে সংবাদপত্রের সংখ্যা বেড়ে গেছে। নানা ধরনের সংবাদপত্রও বের হচ্ছে। দৈনিক, সাপ্তাহিক, মাসিক এবং অন্যান্য কাগজপত্র একসঙ্গে করলে দেখা যায় যে ভারতে 6900 কাগজ আছে। এর মধ্যে ছশটি দৈনিক, সাপ্তাহিক আর মাসিক ধরে দেখা যায় যে আমাদের দেশে তার প্রচায় 40 লক্ষের মতো। ভারতের সংখ্যা গণনা করলে এ যে কত কম তা বোঝাই যায়। ইংল্যান্ডে ‘News of the World’ শুধু এই কাগজেরই আশী লক্ষ

গ্রাহক আছে এটা জানতে পারলে আমাদের যে এখন কত এগিয়ে যাবার দরকার তা বলে বোঝাতে হবে না। এটা শুধু গ্রাহকের সংখ্যা। কাগজের পাঠক এবং শ্রোতার সংখ্যা এর ছ'গুণ অথবা আট গুণ তো হবেই। জনসাধারণের ওপর সংবাদপত্রের প্রভাব যে দিন দিন বেড়ে যাচ্ছে তাতে কোনো সন্দেহ নেই। এর সঙ্গে কাগজগুলির দায়িত্বও বেড়ে যাচ্ছে। কাগজ শুধু সংবাদ বিতরণ বা তার সমালোচনা মাত্র করে না। জনগণের জ্ঞান, সংস্কৃতি বাড়িয়ে তাদের আনন্দ দেওয়া, তাদের স্বভাব গড়ে তোলা, এসব দায়িত্বও সংবাদপত্রের। কাগজের মতামত শুধু নয়, এর ভাষাও জনগণ পড়ে। একথা জানার পর মতামত ব্যক্ত করা এবং ভাষা ব্যবহার করার ব্যাপারে কাগজের কতখানি সাবধান হওয়া দরকার তা আমরা বুঝতে পারি। কাগজের সংখ্যা বাড়লে তার মান কমে যাওয়াটা খুব স্বাভাবিক। আমাদের দেশের কতকগুলো কাগজ সম্বন্ধে এ কথা খুবই প্রযোজ্য। মতামত ব্যক্ত করার নামে মিথ্যা অপমানকর লেখা, সমালোচনা ইত্যাদি কাগজের অনেকখানি স্থান জুড়ে থাকে। কিছু কাগজের ভাষা, তার ঠাইল পড়লে আমরা যে স্বাধীনতা লাভ করেছি সে স্বাধীনতার আমরা যোগ্য কিনা এ কথা মনে না হয়ে পারে না। খারাপ উদ্দেশ্য নিয়ে কাউকে দোষারোপ করা, নিন্দে করা ইত্যাদিতে সাময়িক ভাবে কাগজের প্রচার বাড়তে পারে, কিন্তু গ্রাহকের সংখ্যা দিয়ে একটা কাগজের মূল্য হিসাব করা যায় না। শুধু মাত্র গ্রাহক সংখ্যা বাড়ানোর উদ্দেশ্যে যদি কোন কাগজ কোনো নীতি অহুসরণ করে, তাতে কাগজের মান বাড়ে না। ব্যক্তির মত কাগজেরও মানমর্যাদা রক্ষা করা উচিত। সত্য খবর দেওয়া, পক্ষপাতহীন ভাবে সমালোচনা করা, প্রতিশোধ না নেওয়া, স্বার্থসিদ্ধির জন্ত লোকের ব্যক্তিগত জীবনকে আক্রমণ না করা, এগুলোই কাগজের ধর্ম। সকলেরই ব্যক্তিগত জীবনকে আমাদের শ্রদ্ধা করা উচিত। তাদের সম্বন্ধে কেউ কিছু বলে তা কাগজে ছাপানোর অহুমতি দেওয়া উচিত নয়। অপরের নিন্দা শোনার বাসনা সকলেরই থাকে। কিন্তু এই বাসনা তৃপ্ত করার দায়িত্ব কোনো কাগজেরই থাকা উচিত নয়। 'কৃষ্টিয়ান সায়েন্স মনিটর' কাগজ আরম্ভ করার সময়ে এর উদ্দেশ্য সম্বন্ধে বলা হয়েছিল—

“কারোর ক্ষতি করবে না, প্রত্যেকের ভালো করার উদ্দেশ্য হচ্ছে কৃষ্টিয়ান সায়েন্স মনিটর।”

মাহুসের মতো কাগজেরও কতকগুলো আদর্শ থাকা উচিত। সেই আদর্শগুলোকে রূপ দেবার জন্ত ম্যাগেট্টার গার্ডেনের সম্পাদক সি. পি. স্টুই ভেমন বলেছিলেন—“ভালো যোগ্যতা, ভালো শিক্ষা, ভালো স্মৃতিশক্তি দরকার। শুধু তাই নয়, নির্মল বিবেক এবং প্রলোভনের সামনে মাথা নত না করার নৈতিক বোধও থাকা উচিত।” একটা

কল্যাণব্রতী রাষ্ট্রের সংস্কার ও ঐতিহ্য গড়ে তোলার যাবা অংশীদার সেই আমাদের কাগজের এই পবিত্র কর্তব্য সম্বন্ধে মনে রাখলে ভালো হয়।

মাতৃভূমি আজ কত সাফল্য অর্জন করেছে। এর গ্রাহক সংখ্যা, এর প্রভাব, এর আর্থিক অবস্থা দেখলে ভারতের সংবাদপত্রগুলির মধ্যে এর যে একটা উঁচু স্থান আছে সে বিষয়ে কোনো সন্দেহ থাকে না।

1962 সালে এর্ণাকুলম থেকে মাতৃভূমি প্রকাশ করার সঙ্গে এর প্রচারও খুব বেড়ে গেছে। এখন প্রতিদিন দু'লক্ষর বেশী কপি ছাপা হয়। গত বছরে সবশুদ্ধ আর এককোটি টাকারও বেশী হয়েছিল। এর থেকেই বোঝা যায় কেরলের জনগণের হৃদয়ে মাতৃভূমির স্থান কত উঁচুতে। বেশীর ভাগ গ্রাহক জানে যে মাতৃভূমি তাদের অতি আপনাত্মক। মাতৃভূমির এই ঈর্ষাউজ্জেককারী মর্মান্বিত ক্রটি করার জন্ত যদি কেউ কোন অস্ত্রায় কাজ করে তবে তা অক্ষমণীয় অপরাধ বলে ভাবা ছাড়া আর কোন উপায় নেই। এই দ্ব:সাহসিক কাজের ঝুঁকি কেউ যেন না নেয় এই আমার তাদের কাছে হৃদয় খোলা প্রার্থনা আর অস্থরোধ।

একচল্লিশ

আরো কতকগুলি কর্মক্ষেত্রে

বহুদিন দেশ ছাড়া একটি লোক যখন দেশে ফিরে আসে তখন পুরোনো সম্পর্কগুলো আবার নতুন করে গড়ে তুলতে, নতুন লোকেদের সঙ্গে আলাপ পরিচয় হ'তে, রাজনৈতিক দলগুলো এবং দেশের নেতাদের মনোভাব বুঝতে বেশ কিছু সময় লাগে। আমারও তাই হয়েছিল। তাই দেশে ফিরেই হড়োহড়ি করে রাজনৈতিক কাজে জড়িয়ে পড়াটা আমি পছন্দ করি নি। যেদিন মাদ্রাজে আমার জাহাজ এসে পৌঁছলো সেদিন তখনকার কেরল কংগ্রেস কমিটির সভাপতির কাছ থেকে একটা তার পেয়েছিলাম এই মর্মে যে আমাকে কনস্টিটুয়েন্ট অ্যাসেম্বলীর একজন সভ্য হতে হবে। মাতৃভূমির সম্পাদকের পদ গ্রহণ করতে আমি খুবই ইচ্ছুক ছিলাম, তাই কনস্টিটুয়েন্ট অ্যাসেম্বলীর সভ্য হবার ইচ্ছে আমার ছিল না।

দ্বিতীয়বার কংগ্রেসে যোগ দিয়ে কাজ করার উৎসাহও আমার ছিল না। কিন্তু তা সত্ত্বেও কেরল কংগ্রেসের কাজ এবং তার কর্মীদের সম্বন্ধে জানার আগ্রহ আমার ছিল। কংগ্রেসীদের মধ্যে জোট বাঁধানো এবং একের অপরের ওপর বিবেচ্য দেখে আমার খুব খারাপ লাগলো। ক্ষমতার আকাঙ্ক্ষা আর স্বীকৃতি পাবার মোহ বেশীর ভাগ লোকের মধ্যেই দেখা যায়। কিন্তু আমার মনে হয়, নিজের স্বার্থ আর জনগণের কল্যাণ একসঙ্গে মিলিয়ে চলা যায়। তার জন্তে খুব একটা বড় ত্যাগের দরকার নেই। শুধু কতকগুলো মার্জিত ব্যবহারের দরকার। সেগুলো যদি না থাকে তাহলে সত্যিই সমস্ত কিছু খুব খারাপ হয়ে পড়ে। এই অবস্থার এখনো বিশেষ কিছু পরিবর্তন হয় নি। শুধু তাই নয়, অবস্থা আরো খারাপ হয়েছে। কয়েকজন নামকরা কংগ্রেস নেতার সঙ্গে আমি বন্ধুত্ব করবার চেষ্টা করেছি। তাতে আমি সাকল্য লাভ করেছি এ কথা বলার সাহস আমার নেই।

কংগ্রেস সংগঠনের মধ্যে আমি বাহ্যিক ভাবে না থাকলেও কংগ্রেসের লক্ষ্য ও প্রোগ্রামে আমি বিশ্বাস করতাম। 1915 সালে কংগ্রেসে যোগদানের সময় থেকে আজ অবধি এই মহৎ প্রতিষ্ঠানটির ওপর আমার ভালোবাসা ও বিশ্বাস রয়ে গেছে। কিছু কংগ্রেস কর্মী এবং তাদের কাজকর্মের নিষা না করে অবশ্য আমি পারি নি। সেটা কংগ্রেসের ওপর আমার অজ্ঞতা বলে নয়। কংগ্রেসের নামে এই সব লোকের

গর্হিত কাজকর্ম দেখে সহ করার ঐর্ষ না থাকার। ভারতের স্বাধীনতা আন্দোলনে যোগ দেওয়া রাজনৈতিক দল ছিল শুধু কংগ্রেস। স্বাধীনতার পর দেশে আরো কয়েকটি রাজনৈতিক দল গড়ে উঠলো। তাদের সঙ্গে কংগ্রেসও একটি রাজনৈতিক দল হিসাবে স্বীকৃতি পেয়েছিল কিন্তু দেশের শাসন ব্যবস্থা চালানো দল বলে তার একটি বিশেষ প্রাধান্য ছিল।

নতুন গণতন্ত্রকে স্বদৃঢ় করার জন্য বা দল গড়ার জন্য আমরা ইংল্যান্ডে যে রীতি প্রচলিত আছে তাই অনুকরণ করার চেষ্টা করছি। কংগ্রেসের সংগঠনের ব্যাপারে একটা শৃঙ্খলা থাকা উচিত। খদ্দর পরলেই কংগ্রেস কর্মী হওয়া যায়, এমন বিশ্বাস করার লোক এখনো বহু আছে। খদ্দর না পরলে কংগ্রেস কর্মী নয়, এমন তর্কও তারা করে। আমি মনে করি—আন্তরিক ভাবে যে কংগ্রেসের লক্ষ্য বিশ্বাস করে সেই একজন কংগ্রেস কর্মী। দলে কার কি রকম স্থান হবে তা নির্ভর করা উচিত তার কাজ আর যোগ্যতার উপর। খদ্দরে বিশ্বাস না থাকলেও কংগ্রেসের লক্ষ্যে পরিপূর্ণ বিশ্বাস করার বহু লোক আছে। কিন্তু তাদের যথাযথ কংগ্রেস কর্মী বলে স্বীকার করা হয় না। আমাদের বিশ্বাসভ্রাণী জীবন কাটিয়ে তার থেকে তৃপ্তি আর আনন্দ পেতেই আমরা চাই। অন্য লোককে খুশী করার জন্যে যা আমরা বিশ্বাস করি না তা বলা বা সেরকম কাজ করা আশ্রয়বণা। তাতে জনজীবনের উন্নতি না হয়ে অবনতিই হয়।

কংগ্রেস সংগঠনে যোগ দিয়ে কাজ না করলেও অগ্রাগ্র্য অনেকগুলো ক্ষেত্রে কাজ করার সুযোগ আমার ঘটেছিল। কেরলের ভেতরে এবং বাইরে নানা রকম জনসভায় যোগ দেবার নিয়ন্ত্রণ যে আমি কত পেয়েছি। ছাত্র, শিক্ষক, শ্রমিকদের সভায় ধর্ম, রাজনীতি, সাহিত্য, সংস্কৃতি ইত্যাদি নানা ধরনের সভায় ভাগ নেওয়া আমার পক্ষে যেন একটা সাধারণ ব্যাপার হয়ে দাঁড়ালো। এমনি ভাবে নানা ধরনের লোকের সঙ্গে সম্পর্ক স্থাপন করার, তাদের প্রয়োজন এবং মতামত জানার অবসর আমার মিলেছে। এর থেকে যে কাজ এবং অভিজ্ঞতা আমি লাভ করেছি তা আমার কাছে একটা আশীর্বাদে মতো। বতাই বই পড়া থাকনা কেন, জনসাধারণের সঙ্গে প্রত্যক্ষ সংস্পর্শ এসে যা জানা যায় তা একেবারে অন্তরকম।

1948 সালের অক্টোবর মাসে ‘মতীত ও ভবিষ্যৎ’ নামে আমি একটা বই লিখি। যুদ্ধের সময় আমার কতকগুলো অভিজ্ঞতা সম্বন্ধে মাতৃভূমিতে যে লেখা লিখেছিলাম সেগুলো একটু এদিক ওদিক বদলে এই বইতে লিখেছি। ইতিহাসের ঘটনাগুলি আমার যে রকম জানা আছে সেই ভাবে তার বিবরণ দিতে চেষ্টা করেছি।

‘মালাবার লোকাল লাইব্রেরী অধিরিটি’র একবছর আমি ‘সভাপতি ছিলাম।

মালাবার জেলার লাইব্রেরীগুলির সংখ্যা বাড়ানোর উদ্দেশ্যে মাদ্রাজ গভর্নমেন্ট এই সংস্থাটি গঠন করেছিলেন। আমরা পঞ্চায়ত, গ্রাম আর শহরগুলিতে লাইব্রেরী গঠন করার পদ্ধতি তৈরী করি। এর কাজ এখন বেশ এগিয়ে গেছে।

1949 সালে কালিকটে রোটারী ক্লাব স্থাপন করার সময় থেকে আমি এর সভ্য। রোটারী সংগঠনে এর আগের থেকেই আমার আগ্রহ ছিল। কতকগুলি প্রশংসনীয় কাজ কালিকট রোটারী ক্লাব করতে পেরেছে।

সর্বভারতীয় সম্পাদক কনফারেন্সের সাংবাদিক সম্মেলন আমি একজন সদস্য ছিলাম। সাংবাদিকতায় লিপ্ত সংগঠনগুলো দেশে ক্রমে ক্রমে বাড়ছে। এই কাজে যুক্ত অনেক বড় বড় ব্যক্তির সঙ্গে পরিচয় এবং কাজের ব্যাপারে মতামত আদান প্রদানের সুযোগ এই কনফারেন্সেই পাওয়া গেছে।

সেই সময় দিল্লিতে আহূত এক সর্বভারতীয় সম্পাদকদের কনফারেন্সের একটা ঘটনার কথা আমার মনে আছে। কনফারেন্সের কাজকর্ম হিন্দী ভাষায় হওয়া উচিত বলে উত্তর ভারতীয় এক ভদ্রলোক একটি প্রস্তাব আনেন। কনফারেন্সে দক্ষিণ ভারতীয় বহু সদস্য ছিলেন যারা হিন্দী জানতেন না। এই ভদ্রলোক এক হিন্দী পাগল। ইংরাজীতে কথা বলাটা তিনি এক্ষমণীয় অপরাধ বলে গণ্য করতেন। প্রস্তাব প্রত্যাহার করতে তিনি রাজী হলেন না। আমি এই প্রস্তাবের বিরুদ্ধতা করলাম। ভোটে তাঁর প্রস্তাব বাতিল হয়ে গেল। এই ধরনের মনোভাব হিন্দী প্রচারে একটা বিয়াট বাধা হ'য়ে দাঁড়িয়েছে। হিন্দী প্রচারের এখন বিরোধিতা করা হচ্ছে। হিন্দী যারা বাধ্যতামূলক করার জন্য তর্ক তুলেছে তারা হিন্দী বিরোধীদের মতই দেশের একো বাধা হয়ে দাঁড়িয়ে আছে।

বিয়াল্লিশ

সিংহলের হাই কমিশনার

1951 সালের মার্চ মাসে নিখিল ভারত সম্পাদকীয় কনফারেন্সের চ্যাপ্টিং কমিটির মিটিঙে আমি দিল্লী যাই। মালাবার ফেরার দিন প্রধানমন্ত্রী নেহেরু আমার সঙ্গে দেখা করার জন্য খবর পাঠালেন। কেন যে তিনি আমার সঙ্গে দেখা করতে চান তা অল্পমান করতে পারলাম না।

পরের দিন প্রধানমন্ত্রীর বাড়ীতে তাঁর সঙ্গে দেখা করলাম। তিনি আমাকে সিংহলের হাইকমিশনার হ'য়ে যেতে বলেন। প্রায় আধঘণ্টা আমরা এ বিষয়ে কথাবার্তা বললাম। মালাবারে ফিরে তাঁকে খবর জানানো বলে ফিরে এলাম।

সিঙ্গাপুর থেকে সবে আড়াই বছর হ'ল দেশে ফিরেছি। এফুনি আবার দেশ ছাড়তে মন চাইল না। কিন্তু তাহ'লেও প্রধানমন্ত্রীর নিমন্ত্রণ গ্রহণ করা উচিত বলে আমার মনে হ'ল। সি. রাজাগোপালাচারী তখন কেন্দ্রীয় মন্ত্রীসভার একজন সদস্য ছিলেন। তিনিও আমাকে যাবার জন্যে উৎসাহ দিলেন। দিল্লী থেকে ফেরার অল্প দিনের মধ্যেই বৈদেশিক বিভাগ থেকে যথারীতি এ বিষয়ে একটা চিঠি পেলাম। বন্ধুদের সঙ্গে আলোচনা করে সিংহলে যাব বলে ঠিক করলাম।

মাতৃভূমির সম্পাদকের পদ নেবার জন্য একজন যোগ্য লোকের খোঁজ করতে আরম্ভ করলাম। প্রথমেই আমার শ্রী ডি. এম. নায়ারের কথা মনে হলো। মাতৃভূমির প্রথম থেকে তিনি এই প্রতিষ্ঠানের সঙ্গে জড়িয়ে আছেন। সাংবাদিকতার তাঁর নাম আছে। তিনি একজন প্রকৃত যোগ্য ব্যক্তি। আমি তাই তাঁকে মাতৃভূমির সম্পাদকের পদ গ্রহণ করতে বললাম। প্রথমটা রাজী না হ'লেও আমার পীড়াপীড়িতে তিনি পরে রাজী হলেন। আমি এতে খুবই নিশ্চিন্ত হলাম। পরের 15মাস তিনি যে ভাবে মাতৃভূমির সম্পাদকের দায়িত্ব পালন করেছিলেন তাতে তাঁর ওপর আমার বিশ্বাস যে সম্পূর্ণ ঠিক তার প্রমাণ হলো। এখন তিনি দৈনিক মাতৃভূমির ম্যানেজিং এডিটর এবং কোম্পানীর ম্যানেজিং ডাইরেক্টর।

1951 সালের 30শে মে 'মাতৃভূমি' আর কালিকটের কাছে বিদায় নিয়ে আমি পরিবার নিয়ে সিংহল যাত্রা করলাম। পালঘাট আর মাদ্রাজে দু'দিন থেকে মণ্ডপমের পথে 7ই জুন সকালে আমি কলম্বোর এসে উপস্থিত হলাম। কলম্বো টেনে আমি যে

স্বধর্মা পেলাম তা আমি কোনো দিনই ভুলব না। এটা একজন হাই কমিশনারের প্রতি সিংহলবাসীদের স্বধর্মা নয়। এটা ভারতবাসীদের ওপর তাদের জ্ঞা ও ভালোবাসার নিদর্শন। সেদিন বেলা 11টার সময় অ্যাকটিং হাই কমিশনারের হাত থেকে আমি চার্জ নিলাম।

ভারত আর সিংহলের সম্পর্ক বহুদিনের পুরানো। প্রায় 2500 বছর আগে আর্ঘবা ভারতবর্ষ থেকে সিংহলে গিয়েছিল বলে বলা হয়। সিংহলীদের পূর্বপুরুষেরা বাংলা কাছাকাছি জায়গাগুলো থেকে এসে বসবাস করেছিল তাও বলা হয়। সিংহলের আধিপত্য নিয়ে বহুদিন তারা পরস্পরের মধ্যে যুদ্ধ করেছিল। এই যুদ্ধে কোনো কোনো পক্ষ তাদের দল ভারী করবার জন্য মালাবার থেকে সৈন্ত সিংহলে নিয়ে যায় বলে ইতিহাসে বলা হয়। আর্ঘবা এখানে আসার আগে দক্ষিণ ভারত থেকে তামিলেরা সিংহলে বসবাস করতে আরম্ভ করেছিল। উত্তর ভারত থেকে বিজয় নামে এক রাজপুত্র তাঁর সাতশ' অশ্বচর নিয়ে লঙ্কায় আসার সময় থেকে সিংহলের ইতিহাস আরম্ভ হয়েছে বলে কেউ কেউ বিশ্বাস করে। এটা খৃষ্ট পূর্ব 600 শতাব্দীতে।

এর প্রায় 300 বছর পরে সম্রাট অশোকের পুত্র মহেন্দ্র বৌদ্ধ ধর্মের বাণী নিয়ে লঙ্কায় আসেন। তিনি সিংহলীদের বৌদ্ধ ধর্মে দীক্ষিত করেন। তখন লঙ্কায় রাজধানী ছিল অম্বরনাথপুর। বৌদ্ধ ধর্মে জনগণের অসীম বিশ্বাস ও ভক্তির জন্য সিংহলে অসংখ্য বৌদ্ধ বিহার গড়ে ওঠে। এগুলো এখনো এখানে দেখতে পাওয়া যায়। ভারতীয় সংস্কৃতি ও আচার ব্যবহার সিংহলে পূর্ণ মাত্রায় বর্তমান। কিন্তু তাহ'লেও ভারতবর্ষ থেকে আলাদা হয়ে এই দ্বীপের লোকেরা তাদের নিজস্ব সংস্কৃতি গড়ে তুলেছে।

সিংহলে অজ্ঞাত সম্রাটদের লোক দেখতে পাওয়া গেলেও সিংহলী আর তামিলের সংখ্যাই সবচেয়ে বেশী। সিংহলের আশী লক্ষ জনসংখ্যার শতকরা গাভরাষ্ট্রজন সিংহলী। এরা সব বৌদ্ধ। তামিলদের সংখ্যা দশ লক্ষ, তারা বেশীর ভাগ জাকিনার বাস করে। এরা ছাড়াও আরব, অ্যাংলো ইণ্ডিয়ান, ইউরোপীয়ান সম্রাটদের লোকও এখানে বাস করে।

ভারতবর্ষ থেকে কুলীর কাজের জন্য নিয়ে যাওয়া 8 লক্ষ ভারতবাসীও সেখানে আছে। এদের বেশীর ভাগই সিংহলের চা বাগানে কাজ করে। তা ছাড়া কেরানী, অফিসার, ব্যবসায়ীরাও আছে। সিংহল আর ভারতের সম্রা নিয়ে আমরা অনেক কিছু শুনি। কুলী আর অন্তর্জাত সিংহলে বসবাসকারী ভারতবাসীদের নিয়ে এই সম্রা।

সিংহল একসময় মাত্রাজ শাসনের অন্তর্ভুক্ত ছিল। 1802 সাল অবধি এই শাসন চলেছিল। এরপর সিংহল ক্রাউন কলোনী হয়েছিল। ক্রাউন কলোনী হ'য়ে যাবার

পর সেখানকার চা, কফি এবং রবারের বাগানগুলিতে কাজ করার জন্য দক্ষিণ ভারত থেকে প্রচুর লোক সিংহলে যায়। এরা বেশীর ভাগই তামিল। পরে তারা এখানকার স্থায়ী বাসিন্দা হয়ে যায়। এদেরই কঠিন পরিশ্রমের ফলে সিংহলের আবাদের এত উন্নতি হয়।

চা, রবার এবং শুকনো নারকেল সিংহলের প্রধান রপ্তানী দ্রব্য। এর মধ্যে প্রথম স্থান চায়ের। 1952 সালে সাড়ে বত্রিশ কোটি টাকার চা সিংহল বিদেশে রপ্তানী করে। ৪½ লক্ষ লোক চায়ের বাগানে কাজ করে জীবিকা অর্জন করে। এদের মধ্যে শতকরা আশীজন ভারতীয়। চা বাগানে কাজ করা লোকদের বিশেষ অভিজ্ঞতা আছে। তাদের মতো কাজ করা সিংহলী বা অন্যান্য সম্রদায়ের লোকদের সম্ভব নয়। এমনি ভাবে সিংহলের ঐশ্বর্য যারা বাড়িয়ে এসেছে তাদের সিংহলের নাগরিকত্ব দিতে সিংহল গভর্নমেন্টের পছন্দ নয়। বাগানের কাজে এখন ভারতবর্ষ থেকে সিংহলে লোক নিয়ে যাওয়া বন্ধ হয়েছে। কিন্তু যারা সিংহলে রয়েছে সেই সব ভারতীয়দের সিংহলের নাগরিকত্ব দেওয়া হবে কিনা এটা একটা বিরাট সমস্যা হয়ে দাঁড়িয়েছে। সিংহল তাদের দেশ মনে করে সেখানকার স্থায়ী বাসিন্দা হিসেবে বাস করছে যে ভারতীয়েরা তাদের সেই দেশের নাগরিক অধিকার দেওয়া উচিত বলে আমরা মনে করি। ভারতীয়দের নাগরিক অধিকার দেবার জন্য সিংহল সরকার কতকগুলো আইন পাশ করেছেন। সেই আইনানুযায়ী সিংহলের নাগরিকত্ব দাবী করে বহু ভারতীয় দরখাস্ত করেছে। এই দরখাস্তের বিরাট একটা সংখ্যা একটা না একটা কারণ দেখিয়ে নাকচ করা হয়েছে। এমনি ভাবে ভারত আর সিংহলের সমস্যা যখন একটা সঙ্কটের মধ্যে দিয়ে চলছে তখন আমি সেখানে বাই।

হাই কমিশনারের কাজে বোগ দেবার তিন দিন পরে সিংহলের প্রধানমন্ত্রী সেনানায়কের সঙ্গে তাঁর অফিসে গিয়ে দেখা করি। আধঘণ্টা আমরা কথা বলি পরস্পরের সঙ্গে পরিচিত হবার জন্য। এরপর বহুবার তাঁর সঙ্গে আমি দেখা করেছি। আমাদের পরস্পরের মত না মিললেও আমরা ব্যক্তিগত জীবনে বন্ধুই ছিলাম। সেনানায়কের অদ্ভুত নেতৃত্ব, সৎচরিত্র ও কার্যক্ষমতা দেখে জানার সুযোগ আমার হয়েছিল, সিংহলের রাজনৈতিক নেতাদের মধ্যে তাঁর স্থান যে বহু উচ্চে এ বিষয়ে কোন সন্দেহই নেই।

সেনানায়ক যে একজন বিচক্ষণ রাজনীতিবিদ ছিলেন তা নয়। তিনি একজন ভালো বক্তাও ছিলেন না, আন্তর্জাতিক রাজনৈতিক ক্ষেত্রের অগাধ জ্ঞানও তাঁর ছিল না। এসব গুণ ছাড়াই তিনি দেশের লোকের চোখের মণি হয়ে উঠেছিলেন।

সেনানায়কের প্রধান গুণ কি একথা তাঁর অনেক দিনের বন্ধুকে আমি একবার জিজ্ঞেস করলে পর তিনি জবাব দিয়েছিলেন—সেনানায়কের আন্তরিকতা। বন্ধুবান্ধব, সহকর্মী, আশ্রিত, সকলের ওপর দিলখোলা ভালোবাসা সেনানায়কের আর একটি গুণ।

যে কোন সমস্তার অন্তর্নিহিত অর্থ তিনি বুঝতে পারতেন। তর্ক করে তাঁকে হারিয়ে দেবার লোক পাওয়া যাবে, কিন্তু তাদের সকলের বক্তৃতা শেষ হবার পর সেনানায়ক বলতে আরম্ভ করলে—“ও: সমস্ত বাণিজ্য এত সোজা” এই রকম মনে হবে। একবার কোনো কিছু ঠিক করলে তার থেকে তাঁকে টলানো যাবে না। অহংকার অথবা গুঁড়তা তাঁর ছিল না। সেনানায়ক কৃষকের ঘরে জন্মগ্রহণ করেছিলেন। কাজেই একজন সাধারণ মানুষ হিসেবেই তিনি সমস্ত কিছু সমস্তার সম্মুখীন হতেন।

হাই কমিশনার হিসেবে আমার কাগজপত্র গভর্নর জেনারেলকে দিতে তিন দিন অপেক্ষা করতে হ’ল। আমি যখন কলম্বোতে যাই তখন সিংহলের গভর্নর জেনারেল লর্ড সল্‌বারী সেখানে ছিলেন না। নির্দিষ্ট দিনে আমি হাই কমিশনের প্রথম সেক্রেটারীর সঙ্গে গভর্নমেন্ট হাউসে উপস্থিত হলাম। একটু পরে গভর্নর জেনারেল সেখানে এলে পর আমি আমার কাগজপত্র তাঁকে দিলাম। এইভাবে আমি যথারীতি হাই কমিশনারের কাজে যোগ দিলাম।

লর্ড সল্‌বারী একজন কুট রাজনীতিবিদ। সিংহলের শাসন সংস্কার সম্বন্ধে অন্বেষণ করে রিপোর্ট দেবার জন্য যে কমিশন নিযুক্ত হয় তিনি তার চেয়ারম্যান নিযুক্ত হয়েছিলেন। তাই সিংহলের স্বাধীনতা প্রাপ্তির পর তাঁকে তার গভর্নর জেনারেল নিযুক্ত করা হয়। লর্ড সল্‌বারীর তখন সত্তর বছর বয়স, কিন্তু তখনো তিনি প্রাণচাঞ্চল্যে ভরপুর। সব রকম লোকের সঙ্গে বড় স্নন্দর ব্যবহার করতে তিনি জানতেন। যে কোন বিষয়ে তিনি সম্ভাষণ চালিয়ে যেতে পারতেন। তাঁর এই সব গুণের জন্য তাঁকে সিংহলের গভর্নর জেনারেল করা হয়েছিল। তাঁর অবসর গ্রহণের পর সিংহলে আর ব্রিটিশ গভর্নর জেনারেল নিযুক্ত করা হয় নি। এর পরে সিংহলীরাই এই পদে নিযুক্ত হয়।

গভর্নর জেনারেল, প্রধানমন্ত্রী, অন্যান্য দেশের রাষ্ট্রদূতদের, ভারতীয় সংগঠনগুলি এবং অন্যান্যদের নিয়ন্ত্রণ ভোজে যোগ দিতে আমার বেশ কিছু দিন কাটলো। হাই কমিশনারের নানা কাজের মধ্যে এই সব ভোজসভায় যোগ দেওয়া এবং অন্তর্দেহ ভোজসভায় নিয়ন্ত্রণ করাও একটা কাজ। এই সব ভোজসভাগুলোর একটা সৌন্দর্যেরও দিক আছে। আগের থেকে প্রাণ করে সমস্ত ব্যবস্থা করা খুবই দরকার। অতিথিদের অবহেলা না হয়, তাদের বাতে অসুবিধা না হয় সেগুলো সব খেয়াল রাখতে হয়।

1952 সালের জানুয়ারী মাসে ‘রিপাবলিক’ দিবস উপলক্ষে আমার বাড়ীতে একটা

ভোজনভার আরোজন করি। ছ'শর ওপর অতিথি এসেছিলেন। তাঁদের অত্যর্থনার বিরাট আরোজন করা হয়েছিল। কয়েকজন ইউরোপীয়ান অতিথি পরে আমাদের বলেছিলেন—“এই ভোজে যোগ দিতে পেরে আমরা খুবই খুশী হয়েছি। শুধু তাই নয় আপনার দেশ সম্বন্ধে আমাদের ধারণা আরো অনেক উচু হয়েছে।”

বাস করার সব রকম সুখসুবিধা হাই কমিশনারের বাড়ীতে ছিল। সিংহলে হাই কমিশনারের অফিসটি খুবই বড়। এই অফিস দেখলেই বোঝা যায় যে সিংহলে ভারতীয় হাই কমিশনের অফিসটি অন্যান্য দেশের হাই কমিশনের অফিসের চেয়ে অনেক বড়। আমি প্রতিদিন ঠিক সময়ে অফিসে যেতাম। কত লোক যে কত রকম দরকারে হাই কমিশনের অফিসে আসতো। তাদের দাবীদাওয়ার দিকে আমি পূর্ণ লক্ষ্য রাখতাম। এবং অন্যান্যদেরও রাখতে বলেছিলাম।

লঙ্কার প্রাকৃতিক দৃশ্য অতি মনোহর। এর সৌন্দর্য এবং ইতিহাস প্রসিদ্ধ কত জায়গা যে এখানে দেখার আছে। ভ্রমণকারীদের ভ্রমণ করবার সব রকম সুযোগসুবিধার ব্যবস্থা এখানে আছে। আমি মাঝে মাঝে দেশের ভেতরে ভ্রমণ করতে যেতাম।

প্রতি বছর কাণ্ডীতে ‘পেরানীরা’ বলে একটা উৎসবে হাজার হাজার লোক যোগ দিত। এই উৎসব উপলক্ষে বৃদ্ধের দাঁত হাতীর পিঠে ছড়িয়ে যে শোভাযাত্রা বেরোতো তা একটা দেখার মত দৃশ্য।

বৃহদেবের এই দাঁত চতুর্থ শতাব্দীতে বাংলা দেশ থেকে সিংহলে নিয়ে আসা হয়েছিল। যে ঘরে এটা রাখা হয়েছিল তার দরজা রূপো আর হাতীর দাঁত দিয়ে কাজ করা ছিল। সেই ঘরে একটা উচু রূপোর সিংহাসনে নানা রকম অলংকারের মধ্যে সম্বন্ধে রাখা দাঁতের চারিপাশে লোহার জাল দেওয়া ছিল। পৃথিবীর সব বৌদ্ধদের এটা একটা মহাতীর্থ স্থান। হলুদ রঙের কাগড় পরা ভিক্ষুদের মনোজ্ঞারণ করতে আর পূজার ফুল হাতে নিয়ে দর্শকদের এই মন্দিরের চারিপাশে সব সময়ই দেখা যায়।

প্রতি বছর জুলাই আর আগস্ট মাসে এই উৎসব পালন করা হয়। খুব সুন্দর ভাবে সাজানো একটা দাঁতালো হাতীর পিঠে শুক্কেরা এই দাঁত বসিয়ে ভক্তি ভরে হাতীকে ঘুরিয়ে নিয়ে বেড়ায়। এই উৎসব দেখতে শুধু সিংহলীরা নয়, বিদেশ থেকেও বহু লোক আসে।

আমি বেশ কয়েকবার কাণ্ডী গেছি। একবার কাণ্ডী থেকে কলম্বো ফেরার পর একটা ঘটনা ঘটেছিল যা আমি আজো ভুলতে পারি নি।

সেদিন কাণ্ডী থেকে কলম্বোতে ফিরতে রাত আটটা হয়েছিল। কলম্বোতে হটন রোডে আমাদের বিরাট বাড়ী। দু’তিনজন চাকর, মালী, বোয়ারা, রাঁধুনী, ড্রাইভার,

তারা সব নীচে ঘুমতো। ওপরে আমরা। সেদিন আমরা খুব ক্লান্ত হয়ে শুয়ে ঘুমোছি, হঠাৎ রাত প্রায় দুটোর সময় পাশের ঘর থেকে আমার মেয়ে লীলার চীৎকার শুনেতে পেলাম। আমরা ছুটে গিয়ে দেখি লীলার মুখ দিয়ে একটা অস্পষ্ট গোঙানি বার হচ্ছে। চাকরবাকরেরা সব ছুটে এল। ঘরের দিকে নজর করে দেখি বাস, আলমারী সব খোলা। গয়নাগাটি সব নিয়ে গেছে। নীচের দরজা খোলা। একটু পরে ভক্তার এলেন। লীলার মুচ্ছা ভাঙতে প্রায় এক ঘণ্টা লাগলো। তার কাছ থেকে শুনলাম যে ঘুমের ঘোরে ওর মনে হ'লো কে যেন ওর গলার হারটা টানছে। চোখ খুলে দেখে সাঁট আর হাফ প্যান্ট পরা একটা লোক তার খাটের সামনে দাঁড়িয়ে। চীৎকার করতে গেলে লোকটা তার মুখে কি যেন একটা শুঁড়ো ছুঁড়ে মারলো। সেই সময় ও চীৎকার করে। তারপর কি হ'ল সে জানে না। এই ঘটনার পর স্বাভাবিক অবস্থার ফিরতে তার দু'তিন দিন লেগেছিল।

দু'তিনজন লোক বোধহয় ঘরে ঢুকেছিল। প্রায় 2000 টাকার গয়না, শাড়ী তারা নিয়ে গিয়েছিল। পুলিশ সঙ্গে সঙ্গে এসে উপস্থিত হলো। তারপর দু'তিন দিন আমার বাড়ীতে লোকের পর লোক আসতে লাগলো। প্রধানমন্ত্রীও এলেন। বহু চেষ্টা করেও চোরকে ধরা গেল না। অপহৃত জিনিষেরও কোনো সন্ধান পাওয়া গেল না। সিংহলের ঘটনাবল্ জীবনে এটা আমার একটি তিক্ত অভিজ্ঞতা।

তেতাল্লিশ

সিংহল থেকে প্রত্যাবর্তন

ভারত-সিংহল সমস্যার সমাধানের জন্য আমি বেশ কয়েকবার প্রধানমন্ত্রী সেনানায়কের সঙ্গে আলাপ আলোচনা করেছি, কিন্তু ভারতীয়দের নাগরিকত্বের প্রশ্ন সহাহুত্বের সঙ্গে দেখার মন তাঁর ছিল না। যত কম ভারতীয়দের সিংহলের নাগরিকত্ব দেওয়া যায় তার চেষ্টাই তিনি করেছিলেন। আর প্রধানমন্ত্রীর এই ইচ্ছাই অকিসারেরা কাজে পরিণত করতে চেষ্টা করছিল।

গণতন্ত্রের ভিত্তি ভোটের ওপর নির্ভর করে। সিংহল একটা স্বাধীন দেশ। সেখানকার স্থায়ী বাসিন্দাদের মাত্র ভোটের অধিকার থাকা উচিত একথা সিংহলীরা বলেছিল। এরই ভিত্তিতে 1948 সালে সিংহলের নাগরিকত্ব লাভ করার আইনটি পাশ হয়। এর আগে নাগরিকত্ব নিয়ন্ত্রণ করার কোনো আইন ছিল না। ভারতীয়দের নাগরিকত্ব নিয়ন্ত্রণ করার জন্য 1949 সালে একটা বিশেষ আইন পাশ করা হয়। এই আইনানুযায়ী বহু ভারতীয় সিংহলের নাগরিকত্ব লাভ করার জন্য দরখাস্ত দেয়। একটা না একটা কারণ দেখিয়ে এই দরখাস্তগুলোর বেশীর ভাগই বাতিল করে দেওয়া হয়। এই দরখাস্তগুলো খুঁটিয়ে দেখার সময় একটু সহাহুত্ব আর স্মারবিচার যেন দেখানো হয় বলে আমি প্রধানমন্ত্রীর কাছে আবেদন জানিয়েছিলাম। প্রধানমন্ত্রীর হাতে বৈদেশিক বিভাগের দায়িত্ব থাকলেও ভারতীয়দের নাগরিকত্বের বিভাগটির ভার ছিল স্তার অলিভার গুণ্ডলিকের হাতে। ইনিই পরে সিংহলের গভর্নর জেনারেল হয়েছিলেন। এই সময় তিনি সিংহল মন্ত্রীসভার একজন মন্ত্রী ছিলেন।

ভারতীয়দের নাগরিকত্ব দেবার ব্যাপারে আমি গুণ্ডলিকের সঙ্গে কয়েকবার দেখা করি। সকলকে মোহিত করার কুমতা তাঁর অভুত রকমের ছিল। খুব মিষ্টি করে কথা বলবেন। খুব স্পন্দ তাঁর ব্যবহার। তাঁর মত যাই হোক না কেন, সেনানায়কের পছন্দমত কাজ করতে তিনি বাধ্য। সেনানায়ক ভারতীয়দের বেশী সংখ্যায় সিংহলের নাগরিকত্ব দেওয়া পছন্দ করতেন না। যতদিন সেনানায়ক কুমতার থাকবেন ততদিন ভারত-সিংহল সমস্যার সমাধান হবে না বলে আমার মনে হ'ল। আমি তবু হাল ছেড়ে দিই নি।

ভারতীয়দের সিংহলের নাগরিকত্বের অধিকার আদায় করার জন্য সিংহল-ভারতীয়

কংগ্রেস বলে একটা সংগঠন ছিল। পরে এই সংগঠনের নাম ডেমোক্র্যাটিক কংগ্রেস হয়। এর সভারা বেশীর ভাগই বাগানের শ্রমিক। আমি এদের নেতাদের সঙ্গে সম্পর্ক রেখেছিলাম। তবে এদের কাজ আর পথের প্রতি আমার পূর্ণ সম্মতি ছিল না। যখন দরকার মনে করেছি তাদের সঙ্গে পরামর্শ করেছি বা তাদের মতামত জানতে চেয়েছি। তাদের পথ ঠিক নয় ব'লে আমার মনে হ'লে আমার পথও ঠিক নয় বলে হয়তো তাদের মনে হয়েছে। তাই তাদের সঙ্গে আমার সম্পর্ক যে খুব বন্ধুত্বপূর্ণ ছিল তা বলা যায় না।

1952 সালের প্রথমে সিংহল গভর্নমেন্ট বিরাট একটা প্রশ্রণীর ব্যবস্থা করে। বহু দেশ এবং ভারতবর্ষ এতে ভাগ নিয়েছিল। সময় কম ছিল বলে সব কিছুই খুব দ্রুত ব্যবস্থা করতে হয়েছিল, কিন্তু তা সত্ত্বেও ভারতের বিভাগটি সবচেয়ে বেশী লোককে আকৃষ্ট করেছিল। এক মাস ধরে এই প্রশ্রণী চলেছিল। এই প্রশ্রণী শেষ হবার আগে সিংহলে একটা ঋরাপ ঘটনা ঘটলো। সে বিষয়ে এখানে বলবো।

প্রধানমন্ত্রী সেনানায়ক বোড়া চড়তে ভালোবাসতেন। এটাই ছিল তাঁর ব্যায়াম। প্রতিদিন সকালে এক ঘণ্টা তিনি বোড়ার চড়তেন। একদিন সকালে সমুদ্রতীরে গিয়ে তিনি বোড়া ছোটালেন, কিন্তু হঠাৎ বোড়ার পিঠ থেকে পড়ে অজ্ঞান হয়ে গেলেন। তাঁর জীবন রক্ষা করা গেল না। 1952 সালের 22শে মার্চ তিনি মারা যান।

সেনানায়কের মৃতদেহ জনগণের সন্মর্শনের জন্য এক গম্বাহ একটা প্রকাশ্য স্থানে রাখা হয়েছিল। লক্ষ লক্ষ লোক সিংহলের নানা ভাগ থেকে এসে তাঁকে শ্রদ্ধা জানায়। ছ'দিন ধরে সকাল বিকাল সেনানায়কের মৃতদেহের সামনে জনপ্রবাহ দেখে সিংহল বাসীদের হৃদয়ে তাঁর স্থান যে কোথায় তা বোঝা যাচ্ছিল।

সেনানায়কের মৃত্যুর পরে রাজনৈতিক নেতৃত্ব নিয়ে প্রতিদ্বন্দ্বিতা শুরু হলো। অবশেষে তাঁর জ্যেষ্ঠ পুত্র ডাডলী সেনানায়ককে নেতা হিসাবে নির্বাচিত করা হ'ল। তিনি সিংহলের প্রধানমন্ত্রী হলেন।

পিতার যোগ্যতা অথবা জনগণের ওপর প্রভাব কোনোটাই ডাডলী সেনানায়কের ছিল না। কিন্তু তবুও ভারতীয়দের ব্যাপারে তিনি একটু অস্বস্তিক মনোভাব দেখাবেন এটা আমি আশা করেছিলাম। তাঁর সঙ্গে কথা বলে এই রকমই আমার মনে হয়েছিল। নাগরিকস্বত্বের আবেদন আনিয়ে যে সব দরখাস্ত দেওয়া হয়েছে সেগুলোর একটা নির্দিষ্ট সময়ের মধ্যে ব্যবস্থা করা, দরখাস্তগুলো পরীক্ষা করার সময় ছোটখাট খুঁটিনাটির দিকে মজর না দিয়ে, দরখাস্তকারীদের সাহায্য করার জন্য আমি আবেদন আনিরেছিলাম। এই ব্যাপারে সিংহল গভর্নমেন্টের কিছু কিছু নেতৃস্থানীয় লোকের

সমর্থনও আমি পেয়েছিলাম। আর তখনই সিংহল-ভারতীয় কংগ্রেস তাদের নাগরিকত্বের অধিকার লাভ করার জন্য সত্যাগ্রহ আরম্ভ করলো।

ডাডলী সেনানায়ক তখন সবেমাত্র প্রধানমন্ত্রী হয়েছেন। ভারতীয়দের সিংহলীয় নাগরিকত্ব দেওয়া সম্বন্ধে তাঁর মনোভাব ব্যক্ত করার সময় তখনো আসে নি। তার আগেই সত্যাগ্রহ আরম্ভ করাটা আমার মতে অবিবেচনার কাজ হবে বলে আমি ভারতীয় কংগ্রেসের নেতাদের জানিয়েছিলাম কিন্তু তারা অপেক্ষা করতে প্রস্তুত ছিল না।

কংগ্রেস সত্যাগ্রহ করতে আরম্ভ করলো। নাগরিকত্ব লাভ করার দরখাস্তগুলো কি ভাবে পরীক্ষা করা দরকার সে বিষয়ে আমি প্রধানমন্ত্রী, স্পষ্টতিলক, এবং বৈদেশিক বিভাগের সেক্রেটারী বৈজ্ঞান্যথের সঙ্গে কর্তব্য বার কথা বলেছিলাম। তাঁরা আমার মতে সায়ও দিয়েছিলেন। এই সমস্ত আমি সঙ্গে সঙ্গে দিল্লীকে জানিয়েছিলাম। এমনি ভাবে যখন চলছে তখন হঠাৎ দিল্লী থেকে আমাকে জানানো হলো যে সিংহল গভর্নমেন্টের সঙ্গে আমার আলাপ আলোচনা এখন বন্ধ রাখতে। আমি এই খবর পেয়ে খুবই আশ্চর্য হয়ে গেলাম। সিংহল-কংগ্রেসের উস্কানীতে দিল্লী এইরকম করেছে বলে আমার মনে হলো।

এই সময় শ্রী আর. টি. চারীকে সিংহলের ডেপুটি হাই কমিশনার হিসাবে ভারত সরকার নিয়োগ করলেন। তিনি সিংহলে এসে তাঁর কাজের ভার নিলেন। এ সম্বন্ধে আমাকে কিছুই জানানো হয় নি। এর ওপর আবার কিছু দিন পরে দিল্লীর কাগজগুলোতে খবর প্রকাশ করা হ'ল যে আমার সিংহল থেকে চলে আসার সম্ভাবনা আছে। ভারতীয়দের নাগরিকত্বের ব্যাপারে আমি যে নীতি গ্রহণ করেছি তা হয়তো ঠিক হয়নি বলে ভারত সরকারের মনে হয়েছে।

এই অবস্থার হাই কমিশনারের পদে থাকা আর সম্ভব হ'ল না। 1952 সালের 6ই সেপ্টেম্বর ভারত সরকারের প্রয়োজন মত আমি হাই কমিশনারের পদ থেকে বিদায় নিলাম। সেই দিনই প্রধানমন্ত্রী নেহেরুকে আমি একটা চিঠি লিখি। চিঠিটা এই রকম—

সিংহল হাই কমিশনারের কাজে যোগ দেবার পর 15 মাস কেটে গেছে, এবং এই 15 মাস আমার কর্তব্য আন্তরিক ভাবে করতে চেষ্টা করেছি। সিংহল সরকারের বিধাঙ্গ অর্জন ক'রে আমি ভারতের স্বার্থ রক্ষা করার চেষ্টা করেছি। প্রধান প্রধান ঘটনাগুলোকে অভিযুক্ত না ক'রে ভারত সরকারকে সঙ্গে সঙ্গে একটা প্রকৃত রিপোর্ট দিয়েছি। আমি নিজের জন্য এই কাজ চাই নি। প্রধানমন্ত্রীর নিয়ন্ত্রণ পেয়ে এক

দেশের আদেশ ভেবে এই কাজে যোগ দিয়েছি ইত্যাদি আমি এই চিঠিতে লিখেছিলাম।

সিংহল সরকারের সঙ্গে আলাপ আলোচনা বন্ধ করে দেবার আদেশ কেন আমাকে দেওয়া হলো সে সম্বন্ধেও আমি এই চিঠিতে জিজ্ঞেস করেছিলাম। সে বাই হোক, যে তর্কাতর্কি চলছে তা বাতে সম্ভাব্যজনক ভাবে মেটে তার জন্তে একটা আবহাওয়া সৃষ্টি করতে পেরেছি এই তৃপ্তি নিয়ে আমি সিংহল থেকে দেশে ফিরছি, একথাও চিঠিতে লিখেছিলাম।

কোনো রকম রাগ বা বিরক্তির সঙ্গে আমি এই চিঠি লিখছি না। কিন্তু দিল্লীতে এই ব্যাপারে যে নীতি অবলম্বন করা হয়েছে তাতে আমার খেদ আমি প্রকাশ করছি একথাও আমি প্রধানমন্ত্রীকে জানিয়েছিলাম।

17ই সেপ্টেম্বর প্রধানমন্ত্রী এই চিঠির জবাব দেন। এই চিঠির বক্তব্য ছিল এই যে, সিংহল আর ভারতের সমস্তার ব্যাপারে ভারত সরকারের মত আর আমার মতের মধ্যকার পার্থক্য সম্বন্ধে প্রধানমন্ত্রীর কিছু বলার নেই। সিংহলের ভারতীয়েরা যে পথ অবলম্বন করেছে তার সবগুলো ভারত সরকার অমুমোদন করে না। একথা তাদের জানানোও হ'য়েছে। তবুও তারা যদি এমন কোনো কাজ করে যাতে তাদের ভালো হবে বলে তারা মনে করে তাহ'লে তার থেকে তাদের নিবৃত্ত করা ভারত সরকারের নীতি নয়। আমি যে পথ নিয়েছি তাতে যে ভালো কিছু নেই তা নয়, কিন্তু ভারত সরকারের মত অন্য। ভারত সরকারের এই মত সরকার যে ভাবে চায় সে ভাবে ব্যাখ্যা করতে না পারার মতবৈষম্য দেখা দিয়েছে বলে প্রধানমন্ত্রী এই চিঠিতে বলেন।

এই চিঠির উত্তর আমি 26শে সেপ্টেম্বর দিই। এই চিঠির বক্তব্য সংক্ষেপে এখানে বলছি। সিংহলের ভারতীয়দের ব্যাপারে ভারত সরকারের নীতি থেকে ভিন্ন এক নীতি আমি অমুসরণ করেছি এ কথা ঠিক নয়। তবে আমার অভিজ্ঞতার আলোতে আমি বলেছি যে ভারত সরকারের নীতি আর একবার পরীক্ষা করে দেখা উচিত বলে আমি মনে করি। এ কথাও এই চিঠিতে লিখেছিলাম। আমি চেষ্টা করেছিলাম এই সমস্তার একটা সমাধান খুঁজতে, তাকে জিইয়ে রাখতে নয়। সিংহলের হাই কমিশনারের পদে থাকার সময় আমি অনেক কিছু শিখেছি। এ শিক্ষা ভবিষ্যতে আমার রাজনৈতিক জীবনে কাজে লাগবে বলেও এই চিঠিতে আমি লিখেছিলাম।

আমি হাই কমিশনার আর থাকছি না, এ খবর বাইরে বার হলে পর বহু লোক এর কারণ সম্বন্ধে অবেষণ করলো। নানা রকম ভিত্তিহীন খবর কাগজে বেরোলো। কিন্তু আমার চূপ করে থাকা ছাড়া কোন উপায়ই ছিল না।

হাই কমিশন অফিসে আমার সঙ্গে যারা কাজ করেছিলেন তাদের কয়েকজনের কাছ থেকে আমি যে সাহায্য ও সহযোগিতা পেয়েছি তা আমার মনে রাখা উচিত। তাঁরা এখন অন্তান্ত দেশে কাজ করলেও তাঁদের সঙ্গে এখনো আমার বন্ধুত্বের সম্পর্ক আছে। সিংহলে আমার প্রাইভেট সেক্রেটারী ভেক্টোরিয় কণা আমার মনে পড়ছে। অত্যন্ত সুযোগ্য কর্মচারী তিনি ছিলেন। কোনো কাজ তিনি ফেলে রাখতেন না। ছুটিও চাইতেন না।

কলম্বোতে আমার কয়েকজন পুরানো বন্ধুর সঙ্গে দেখা হয়েছিল। তাঁদের মধ্যে পাকিস্থানের হাই কমিশনার সত্তার শেঠের নাম বিশেষ ভাবে উল্লেখযোগ্য। তিনি উত্তর মালাবারের তালেশেরীতে থাকতেন। অসহযোগ আন্দোলনে তিনি একজন বড় কংগ্রেস কর্মী ছিলেন। তিলক ফাণ্ডে টাকা তোলার জন্য তিনি আমাকে খুব সাহায্য করেছিলেন। আমরা দুজনেই ভারতবর্ষের স্বাধীনতা লক্ষ্য রেখে কাঁধে কাঁধ মিলিয়ে কাজ করেছিলাম। কলম্বোতে তাঁর সঙ্গে আমার দেখা হলো দুটি বিভিন্ন রাজ্যের রাজপ্রতিনিধি হিসাবে।

আমি এবং আমার স্ত্রী ক্যাথরীতে লর্ড সলবারীর সঙ্গে দেখা করে বিদায় নিলাম। তাঁর বাড়ীতেই সেদিন খেলাম। লর্ড সলবারীর সাহিত্য ও ইতিহাসে খুব অহুরাগ ছিল। তাঁর কাছ থেকে বিদায় নিয়ে আসার এক সপ্তাহ পরে আমি তাঁর কাছ থেকে একটা চিঠি পাই। চিঠিটা এই প্রকার—

—আপনি এবং আপনার পত্নী আমার কাছ থেকে বিদায় নিয়ে গেলেও আপনার সঙ্গে আবার দেখা হবে বলে মনে করি। আপনার বিদায়ে আমি অত্যন্ত দুঃখিত হয়েছি একথা জানানোর জন্তে এই চিঠি লিখছি। আমাদের পরস্পরের অনেকবার দেখা হয়েছে। সেই সময় আপনার মতামতের স্নায়ুতা ও হৃদয়ের বিশালতার কথা আমি বুঝতে পেরেছি।

আপনার স্ত্রীও এই জায়গা ছেড়ে চলে যাচ্ছেন ভাবলে সত্যিই খারাপ লাগে। আমি তাঁকে যে ইংরাজী শিখিয়েছি আশা করি তিনি তা ভুলবেন না।

ইতি আপনার বন্ধু সলবারী।

এই ধরনের চিঠি আরো কয়েকজন বন্ধুবান্ধবের কাছ থেকে পেয়েছি। 1952 সালের 7ই সেপ্টেম্বর আমি আর আমার স্ত্রী কলম্বো ছাড়লাম। অন্তান্ত দেশের রাষ্ট্রদূত, বন্ধুবান্ধব, এবং আরো বহু লোক এয়ারপোর্টে আমাকে বিদায় দিতে এসেছিলেন। তাঁদের কাছ থেকে বিদায় নিয়ে গেলেন উঠলাম। এমনি ভাবে আমার জীবননাট্যের আর একটা দৃশ্যের শেষ হলো।

চুয়াল্লিশ

মা আর আম্মু

হাই কমিশনারের পদ ছেড়ে আমি চলে আসছি জানতে পেরে শ্রী ভি. এম. নায়ার আমাকে মাতৃভূমির সম্পাদকের পদ আবার গ্রহণ করবার জন্য একটা তার পাঠান। কিছু দিন ওলাভাকোট আমার বাড়ীতে বিশ্রাম করার পর আমি আবার মাতৃভূমির সম্পাদকের পদ গ্রহণ করলাম।

সিংহলে বাবার আগে মা'র সঙ্গে যখন দেখা করতে গিয়েছিলাম তখন মা আমাকে বলেছিলেন—“আমি মরার সময় তুই আমার কাছে থাকবি। আমার অস্থির করেছে। শুনলে সঙ্গে সঙ্গে চলে আসবি।” তখন মায়ের বয়স প্রায় পঁচাল্লিশ। আমি সিংহল থেকে ফিরে আসার সকলের চেয়ে মা'ই বেশী খুশী হয়েছিলেন। মায়ের স্বতিশক্তি একটু কমে গেলেও স্বাস্থ্য তাঁর ভালোই ছিল। শরীর অস্থির থাক বা না থাক, ইজিচেয়ারে শুয়ে তিনি নিরমিত মাতৃভূমি পড়তেন। একবার আমি পালঘাটে একটি বিজ্ঞানলের বার্ষিক উৎসবে সভাপতি হয়ে গিয়েছিলাম। এই সভায় মা আসতে চেয়েছিলেন। “সভায় যেতে এখন তোমার কষ্ট হবে”—একথা আমি বলে পর তিনি বলেন—“এর পর আমি আর কবে তোর বক্তৃতা শুনতে পাব জানি না, তাই এই সভায় বাবার আমার খুবই ইচ্ছে।” সভায় পৌঁছানোর পরই মা খুব ক্লান্ত হয়ে পড়লেন। কিন্তু সভা শেষ না হওয়া অবধি সেখানে বসেছিলেন। ফিরে আসার পর বাড়ীতে তিনি অজান হয়ে গেলেন। দু'ঘণ্টার পর তাঁর জ্ঞান ফিরে এলেও সেই যে তাঁর ক্লান্তি শুরু হ'ল তা আর গেল না। বতাই শরীর অস্থির থাক, মা স্নান না করে একদিনও থাকতে পারতেন না। বাচ্চারা গান করার সময় তালে বা হয়ে তুল করলে মা সঙ্গে সঙ্গে তা গুথরে দিতেন।

সিংহল থেকে ফিরে এসে আমি ‘জীবন চিন্তা’ এই বইটি লিখতে শুরু করি। এই ধরনের একটা বই লেখার আগ্রহ আমার অনেক দিনেরই ছিল। ‘জীবন চিন্তা’ ছাপিয়ে বেরোনোর পর লোকে যে ভাবে এই বইটিকে স্বাগত জানালো তা দেখে আমি আশ্চর্য হ'য়ে গেলাম। নানা ধরনের লোকের কাছ থেকে এই বইটি সম্বন্ধে আমি চিঠি পেয়েছি। এই বইটি যে কি ভাবে তাদের জীবনের ওপর প্রভাব বিস্তার করেছে তা জানেন আমি অত্যন্ত খুশী হয়েছি।

সিংহল থেকে ফিরে আসার এক বছর পূর্ণ হ'তে না হ'তে আশু অসুস্থ হ'য়ে পড়ল। রোগ ক্যান্সার। এর জন্তে চার বছর আগে মাত্রাজে একটি অপারেশন করা হয়েছিল। অপারেশনের পর এই রোগের সম্পূর্ণ উপশম হয়েছে বলে ভেবেছিলাম। তারপর আমরা কলকাতা গেলাম। মাঝে মাঝে ডাক্তারেরা আশুকে দেখে যেতেন। ডায়ের কিছু নেই বলেই তাঁরা বলেছিলেন। একজন ডাক্তার অবশ্য বলেছিলেন ক্যান্সারের অপারেশনের পরও শতকরা নব্বইটি রোগীর পাঁচ বছরের মধ্যে আবার এই রোগ ধরে। ঠিক এই সময়ের মধ্যে দ্বিতীয় বার আশুর অসুস্থ শুরু হলো। অসুস্থ কাউকে বিষাক্ত না করার জন্য অত্যন্ত যত্নসময় আশু মুখ বুঁজে সব সহ করেছে।

আশুর চিকিৎসার জন্য আমরা মাত্রাজে গেলাম। চার সপ্তাহ চিকিৎসার পর আবার কালিকটে ফিরে এলাম। কিন্তু আশু কিছু দিন ভালো থাকলেও আবার অসুস্থ হ'য়ে পড়লো। তখন আমি কবিরাজী করে দেখলাম। কিন্তু রোগের উপশম হ'ল না।

1954 সালের এপ্রিল মাসে আশুকে কালিকট থেকে আমার বাড়ী ওলাভাকোট 'আন্তার চিরা'তে নিয়ে এলাম। এখানে আমার নাতনী নলিনীর বিয়ে দেওয়া হবে বলে ঠিক হয়েছিল। আশুর রোগের অবস্থা আশঙ্কাজনক হ'লেও নলিনীর বিয়েটা যেন নির্ধারিত দিনে হয়, আশু বলেছিল। তাই নলিনীর বিয়েটা এখানেই দিলাম।

আমি জানতাম, আশুর রোগ সারা খুবই কঠিন। কিন্তু আশু বিশ্বাস করতো যে সে খুব তাড়াতাড়ি সেরে উঠবে। এটা অবশ্য সাধনার কথা। আশু মাঝে মাঝে কালিকটের বাড়ীতে শীত ফিরে যাবার আগ্রহও প্রকাশ করতো। এই সময় আমি 'ফেলে আগা দিনগুলি' বইটি লিখতে শুরু করি। আমার লেখাটা তাকে পড়িয়ে শোনাতে আশু খুব আগ্রহ প্রকাশ করলো। কিন্তু বইটা শেষ হবার পর তাকে পড়িয়ে শোনানোর আর সুযোগ ঘটল না। তার দিন শেষ হয়ে আসছিল। লোকেদের আগা যাওয়া, কথাবার্তা কিছুই অসুস্থ আশুর ভালো লাগছিল না। তার চারপাশে কি ঘটছে না ঘটছে তাতে আশুর আগ্রহ ছিল না। "আর পারছি না, আর সহ করতে পারছি না" এই কথাগুলি মাঝে মাঝে সে উচ্চারণ করতো, দু'তিনজন লোক তাকে শুধবা করার জন্য নিযুক্ত ছিল। 'আন্তার চিরা' আমার অত্যন্ত প্রিয় জায়গা। আশু যখন অসুস্থ ছিল তখন সন্ধ্যার সময় বাড়ীর বাইরে এসে মাঠের একপাশে দাঁড়িয়ে হাওয়া খাওয়া আমার অভ্যাস হয়ে দাঁড়িয়েছিল। আন্তার চিরার পরিবেশটা অত্যন্ত শান্ত। আন্তার চিরার ডান দিকে বেশ কিছু দূরে মলমপুড়া বাধের বৈজ্ঞানিক আলোড়লো জলে, বামদিকে ওলাভাকোট রেলস্টেশনের কত আলো দেখা যায়। সামনের পাঁচাউলোর মধ্যে মাঝে মাঝে আগুন জলে উঠতে দেখা যায়। সে আগুনের রূপ বৈজ্ঞানিক আলোর চেয়ে কত

বেশী মনোহর। নিম্নক এই পরিবেশে দাঁড়িয়ে থাকার সময় রোগিণীর কণি স্বরে কাতর ক্রন্দন সমস্ত হৃদয় ভেঙে চূরমার করে দেয়। ভগবান কেন মানুষকে এত কষ্ট দেন ? এত শান্তি দেন ? কোনো রকমে যদি আশুর এই কষ্ট লাঘব করতে পারতাম !

“আজকে আমার অল্প দিনের চেয়েও কষ্ট হচ্ছে। ডাক্তার থাকতে লোক পাঠাও”— সেদিন ভোর চারটের সময় আশু আমাকে বলল। সেদিন ছিল ২৩শে জুন। ডাক্তার এসে আশুর ব্যথা কমাবার জন্য আশ্রয় চেষ্টা করলো। আমরা তার অসহ্য ব্যথা দেখে অসহায়ের মতো দাঁড়িয়ে রইলাম। আশু বলল, সে উঠে বসতে চায়। তাকে বাগিশে ভর দিয়ে বসানো হলো। ঐ রকম ভাবে বসে বসে আশু তার শেষ নিশ্বাস ত্যাগ করলো। ২৯ বছর আগে এই জায়গাতেই লক্ষ্মী তার শেষ নিশ্বাস ত্যাগ করেছিল। আশুর দেহ বাড়ীতেই দাহ করা হলো।

আশু তার সারা জীবন আমার সুখস্ববিধার জন্য অর্পণ করেছিল। বই আর কাগজ পড়তে সে ভালোবাসতো। কিন্তু রাজনীতিতে তার আগ্রহ ছিল না। বাড়ীর কাজ করে বাড়ীর গৃহিণী হ’য়েই সে থাকতে ভালোবাসতো। তার দক্ষতাও তার ছিল। সে খুব ভালো রাঁধতেও পারতো। আমি কয়েকজন বন্ধুবান্ধবকে জানি যাদের দাম্পত্য জীবন একটা অভিশাপের মত। এ ব্যাপারে আমি সত্যিই ভাগ্যবান ছিলাম। এর জন্য লক্ষ্মী আর আশুর কাছে আমার ঋণ অনীম। তাদের মধুর স্মৃতি আমার মন থেকে কোনদিনই মুছে যাবে না।

আশুর মৃত্যুর তিন সপ্তাহ আগে আমার মা মারা গিয়েছিলেন। একটা পাকা ফল যেমন টুপ করে পড়ে যায়, তেমনি ভাবে মায়ের মৃত্যু হলো। ভগবান তাঁকে দীর্ঘ জীবন দিয়েছিলেন। তবুও মায়ের শ্রুতস্থান পূরণ করার কেউ নেই। মায়ের জীবন নিঃস্বার্থ ত্যাগ আর ভালোবাসার জীবন। এমনি ভাবে অল্প দিনের মধ্যে আমাকে সবচেয়ে ভালোবাসার হৃদয় লোক চিরদিনের মত ছেড়ে চলে গেল।

১৯৫৫ সালে আমার ছেলে উম্মির বিয়েতে যোগ দেবার জন্যে আমি আবার সিঙ্গাপুরে গেলাম। সিঙ্গাপুরের ডাক্তার ঘরে লীলা ছিল আমার পুত্রবধূ। লীলাও ডাক্তার। সিঙ্গাপুরের হাসপাতালে কাজ করতো।

সাত বছর পরে সিঙ্গাপুরে এসে আমার মনে একটা মিশ্র ভাব জেগেছিল। এই অল্প কয় বছরের মধ্যে সিঙ্গাপুরের পরিবর্তন দেখে আমি অবাক হয়ে গেলাম। বৃহত্তর পর সিঙ্গাপুরের যে নানা রকম শ্রীবৃদ্ধি হয়েছিল তা দেখানকার বাড়ীগুলো দেখলেই বোঝা যায়। বাড়ী তৈরীর ঢংও বদলে গেছে। রাস্তার গাড়ীর প্রবাহ দেখেও আমি আশ্চর্য হ’লাম।

প্রায় তিনমাগ সিঙ্গাপুরে ছিলাম। পুরোনো বন্ধুবান্ধবদের সঙ্গে দেখা করলাম। কয়েকজন নতুন লোকের সঙ্গেও বন্ধুত্ব হ'ল। তাঁদের মধ্যে কেউ কেউ আমার সঙ্গে জেলে ছিলেন। এমন একজন ছিলেন তখনকার সিঙ্গাপুরের কমিশনার স্যার রবার্ট স্কট। আমাকে দেখে তিনি বল্লেন—“আমাদের খুব ভালো সময়েই দেখা হলো।” তাঁর বাড়ীতে একদিন তিনি আমাকে নিমন্ত্রণ করলেন। পুরোনো মুখ, পূর্বের স্থপরিচিত জায়গা আর এক বার দেখলে পরে মনের মধ্যে একটা মিশ্র ভাব জাগে। জীবনের অজ্ঞাত ও নিগূঢ় সৌন্দর্য এই সময়েই জানবার সুযোগ হয়।

নভেম্বরের শেষে আমি দেশে ফিরলাম।

পঁয়তাল্লিশ

ঐক্য কেরল আন্দোলন

ঐক্য কেরলের একটা ছবি আমার চিন্তায় বহুদিন আগে থেকেই ছিল। কেরলের বিভিন্ন ভাগে বিভিন্ন রকমের শাসনব্যবস্থা চলতে দেখে আমার আশ্চর্য লাগতো, আবার খারাপও লাগতো। রাজনীতির ক্ষেত্রে যোগ দেবার আগে থেকেই এ সম্বন্ধে আমি চিন্তা করেছিলাম। কিন্তু তখনকার আবহাওয়ার কেরলের বিভিন্ন অংশ একসঙ্গে যুক্ত করে ঐক্য কেরল গঠন করার কোন উপায়ই ছিল না। কিন্তু এই চিন্তা সবসময় আমার মনে ছিল। 1919 সালে মাদ্রাজের মালয়ালী ক্লাবের এক সভায় আমি প্রথম ঐক্য কেরলের কথা বলি। ত্রিবাঙ্কুর, কোচীন আর মালাবার একসঙ্গে যুক্ত করে একটা প্রদেশ গঠন করা উচিত বলে আমার মত প্রকাশ করলে সভাপতি খুব অবাক হয়ে গিয়েছিলেন। তিনি তাঁর বক্তৃতায় আমার এই মত প্রকাশের বিরুদ্ধে খুব কড়া সমালোচনা করেছিলেন। তিনি বলেছিলেন, যখন দেশের সামনে কত কি জরুরী কাজ রয়েছে তখন দেশের যুবকদের দৃষ্টি সে দিকে আকর্ষণ না করিয়ে অগ্র পথে চালানো উচিত নয় বলে তিনি মনে করেন। শুধু তখন নয়, কখনোই এ লক্ষ্যে পৌছোনো যাবে না বলে তিনি বলেছিলেন, কিন্তু এর দু'বছরের মধ্যেই ঐক্য কেরলের একটা ছবি আস্তে আস্তে পরিস্ফুট হ'তে লাগলো। ওট্টাপালমে প্রথম কেরল রাজ্য কনফারেন্সে এ নিয়ে আলোচনা হ'ল। অসহযোগ আন্দোলন শুরু হবার সময় কংগ্রেসের কাজের সুবিধার অগ্র নতুন কংগ্রেস প্রদেশ কমিটিগুলো গঠিত হ'য়েছিল। এমনি ভাবে কোচীন, ত্রিবাঙ্কুর আর মালাবার নিয়ে একটি কংগ্রেস প্রদেশ কমিটি গঠন করা হয়েছিল। আমি তখন এই কমিটির সেক্রেটারী ছিলাম। ওট্টাপালমের কনফারেন্সে কোচীন, ত্রিবাঙ্কুর আর মালাবারের প্রতিনিধিরা যখন কেরলীয় হিসেবে সম্মিলিত হলেন, সে দৃশ্য সত্যিই দেখার মত ছিল। কংগ্রেসের কাজের সুবিধার অগ্র দেশগুলি এমনি ভাবে সংগঠিত করা হলেও এইটাই কেরল প্রদেশ হিসেবে রূপ নেবার প্রথম ধাপ ছিল।

এক বছর পরে কংগ্রেসের কাজে আমি কুইলনের এক জনসভায় কেরল প্রদেশ গঠন সম্বন্ধে বলেছিলাম। কেরল যদি একটা প্রদেশ হিসেবে গঠিত হয় তাহলে কোচীন আর ত্রিবাঙ্কুরের মহারাজার কি অবস্থা হবে? একথা এক ভয়লোক সেই সভায় আমার জিজ্ঞেস করেছিলেন, এর উত্তরে আমি বলেছিলাম, “অবস্থা বদলে গেলে রাজাদের

ব্যাপারটা বড় সমস্তা হ'রে দাঁড়াবে না।”

1923 সালে মাতৃভূমি বের হবার সময় আমি আমার প্রথম সম্পাদকীয়তে ঐক্য কেরল সম্বন্ধে এমনি ভাবে লিখেছিলাম,

—একই ভাষার কথা বলা, এক ইতিহাস ও ঐতিহ্যে বাঁধা, একই আচার বিচার পালন করা কেরলীয়েরা এখন ছিন্ন-ভিন্ন হয়ে বিভিন্ন শাসনের অধীনে থাকলেও কেরলীয়দের ভালোর জন্ত, তাদের উন্নতির জন্ত, তাদের মঙ্গলের জন্ত, কেরলের বিভিন্ন প্রদেশে বসবাসী লোকদের মধ্যে এখনকার চেয়ে আরো বেশী মিলন আর ঐক্য হওয়া যে কত দরকার সে কথা বুঝেই মাতৃভূমি নিরন্তর উৎসাহ দেখাচ্ছে।

ঐক্য কেরলের আদর্শ প্রচার করার কোনো স্বেযোগই আমি হারাই নি। তাই 1925 সালে আমি যখন মাতৃভূমির সম্পাদকের পদ ছেড়ে দিলাম তখন আমার পরবর্তী সম্পাদক রামুন্নি মেননকে ঐক্য কেরল সম্বন্ধে আমি যা করেছিলাম সেই বিষয়ে তিনি তাঁর সম্পাদকীয়তে লিখেছিলেন—দূরে গেলেও একটুও অস্পষ্ট না হ'রে তাঁর মনের আয়নার সেই মহৎ আদর্শের সফলতা দেখার জন্ত ত্রীকেশব মেনন চেষ্টা করেছেন এবং করছেন। এই চেষ্টা বুঝা হয়েছে একথা কে বলতে পারে? গত চার বছরের অভিজ্ঞতার এই নবীন কেরলের আবির্ভাব চার বছর আগের চেয়ে একটুও এগিয়ে আসে নি এ কথা কে বলতে পারে?

1927 সালে আমি মালয়ে গিয়েছিলাম। 20 বছর সেখানে ছিলাম। এর মধ্যে দু'তিনবার আমি ঐক্য কেরল সম্বন্ধে মাতৃভূমিতে লিখেছিলাম। 1934 সালের ‘ওণম’ সংখ্যায় তখনকার পরিস্থিতিতে ঐক্য কেরল গঠন করা সম্বন্ধে আমি এমনি ভাবে লিখেছিলাম—

—কোচীন এবং ত্রিবাক্ষরের রাজ পরিবারের লোকেরা তাঁদের পদমর্যাদা এবং আরগা জনগণের কল্যাণে ছেড়ে দেবার জন্ত প্রস্তুত না হ'লে এই পদমর্যাদার কিছু পরিবর্তন ক'রে একটা ফেডারেল রাজ্য গঠন করা সম্ভব। মালয় দেশে ‘ফেডারেটেড মালয় স্টেটস’-এর একটা উদাহরণ। সেখানে চারজন রাজকুমারের অধীনে চারটি রাজ্য একসঙ্গে ক'রে একটা ফেডারেল স্টেট গঠন করা হ'য়েছে। তাঁদের নিজেদের রাজ্যগুলিতে এই রাজ্যের রাজ্য শাসন করলেও একটা প্রদেশ হিসেবে শাসনব্যবস্থাও এই রাজ্যগুলোতে চালু করা হয়েছে। এটার অঙ্কুরণ করলে ভালোই হয়। আমাদের আদর্শ হচ্ছে, রাজ্য না থাকা। কিন্তু সেটা যদি এখন সম্ভব না হয়, তাহ'লে ফেডারেল রাজ্য গঠন করার জন্ত শীঘ্রই এর তোড়জোড় শুরু করতে হবে। তবে এই ফেডারেল রাজ্য সংগঠন সাময়িক ভাবে, স্থায়ীভাবে নয়।

1945 সালে 'ভবিষ্যতের কেরল' এই নামে মাদ্রাজের মালয়ালী ক্লাবের জুবিলী উৎসবের সময় বার করা একটা স্তম্ভোনিয়ারে আমার একটা লেখা থেকে কেরল বলতে কি বোঝায় তা জানা যাবে।

—শুধু একটা মালয়ালী রাজ্য আমার লক্ষ্য ছিল না। জিবাহুর, কোচীন, মালাবার ও তাদের সঙ্গে যে সব প্রতিবেশী রাজ্যগুলোকে যুক্ত করা সম্ভব সেগুলো যুক্ত করে আমি কেরল রাজ্য দেখতে চাই। এই কেরলে অল্প ভাষাভাষী লোকেও থাকবে।

স্বাধীনতা আন্দোলনের সময় ঐক্য কেরলের জন্ত সর্বশক্তি প্রয়োগ করে সংগ্রাম করা সম্ভব হয় নি। তবুও তখন এর সমর্থকের সংখ্যা কিছু কম ছিল না।

1946 সালের অক্টোবর মাসে বিশ বছর পরে আমি সিঙ্গাপুর থেকে দেশে ফিরলে পর ঐক্য কেরল রাষ্ট্র গঠন করার ব্যাপারে আমার সভাপতিত্বে একটা সভা ডাকা হয়। কেরল প্রদেশ কংগ্রেস কমিটি একটা সাব কমিটি গঠন করেছিল। সেই সাব কমিটির অধীনে বেকতীরুতিতে এই সভা ডাকা হয়েছিল।

এই সভার সিদ্ধান্ত অনুসারে জিচুরে 1947 সালের এপ্রিল মাসে ক্রীকেলগনের সভাপতিত্বে ঐক্য কেরল কনফারেন্স ডাকা হয়।

এর আগে কোচীনের মহারাজা লেজিসলেটিভ অ্যাসেম্বলীতে তাঁর একটা বার্তাতে বলেছিলেন—আমার দৃঢ় অভিজ্ঞায় যে কেরলের সংস্কৃতিকে বাঁচিয়ে রাখতে হলে তা একটা শাসনের অধীনে আনতে হবে। তার জন্তে মালাবার, কোচীন আর জিবাহুরকে একসঙ্গে যুক্ত করে কেরলের জন্ত একটা সাধারণ শাসনব্যবস্থা তৈরী করতে হবে। কিন্তু কোচীনের মহারাজার এই মতে জিবাহুর মহারাজা সম্মত হন নি। কেরলের নানা ভাগ থেকে প্রতিনিধিরা এই কনফারেন্সে যোগ দিয়েছিল। এই সভায় ঐক্য কেরল গঠন করার পক্ষে একটা প্রস্তাব গ্রহণ করা হয়। কনফারেন্সের উদ্দেশ্য তাড়াতাড়ি কাজে পরিণত করার জন্ত একশ'জনের একটা কাউন্সিল ওখানেই বেছে নেওয়া হয়। এই ভাবে কেরল রাজ্য গঠনের কাজ আরম্ভ হয়। এই কনফারেন্স যখন ডাক্তা হয় আমি তখন সিঙ্গাপুরে ছিলাম। সেখান থেকে আমি শুধু একটা শুভেচ্ছা পত্র পাঠাতে পেরেছিলাম।

1946 সালের 2রা ফেব্রুয়ারী আলওয়েতে ঐক্য কেরল কনভেনশন ঐক্য কেরল আন্দোলনে এক নতুন আগরপের সৃষ্টি করে। উপরে বর্ণিত কাউন্সিলের একশ'জন সদস্য ছাড়াও কোচীন ও মাদ্রাজ নিরক্ষরতার মালাবারের সমস্তেরা, কেরল প্রদেশ কংগ্রেস কমিটির সমস্তেরা মিলিয়ে দশ'জন প্রতিনিধি এই কনফারেন্সে যোগ

দিয়েছিলেন। ঐক্য কেরল কাউন্সিলের প্রেসিডেন্ট শ্রীকেলগুন এই কনফারেন্সে সভাপতিত্ব করেন।

কেরলের ভৌগোলিক একতা ও কেরলীয়দের আর্থিক ও সাংস্কৃতিক শ্রীবৃদ্ধির কথা মনে রেখে জিবাছুর, কোটীন ও মালাবার এবং তাদের সঙ্গে আশেপাশের কতকগুলো মাগয়ালম ভাষা-ভাষী জায়গা যোগ করে একটা রাজ্য গঠন করার ইচ্ছা এই সভা প্রকাশ করছে। এ ছাড়াও এখন ভারতের কনস্টিটিউয়েন্ট অ্যাসেম্বলী নতুন রাজ্য গঠন করার ব্যাপারে যে সংবিধান তৈরী করছে, উপরে বর্ণিত কেরল প্রদেশও এই সংবিধানের আওতায় আনা হোক বলে একটা প্রস্তাব গৃহীত হয়। এই প্রস্তাব গ্রহণ করার পর 15 জন সদস্য নিয়ে ঐক্য কেরল কমিটি গঠন করা হয়। দরকার হ'লে নতুন সদস্যদের এই কমিটির সদস্য করে নেবাব অধিকারও এই কমিটিকে দেওয়া হয়। এই কমিটি ঐক্য কেরলের কাজ আরম্ভ করল। শ্রীকেলগুন ছিলেন এই কমিটির প্রেসিডেন্ট, আর. কে. এ. দামোদর মেনন ছিলেন সেক্রেটারী।

আলওয়ে কনভেনশনের ছ'মাসের মধ্যে একটা স্বরণীয় ব্যাপার ঘটল। 1949 সালের 1লা জুলাই কোটীন আর জিবাছুর রাজ্য যুক্ত হলো। এই সংযোজন কেরল রাজ্য গঠনে সাহায্য করবে বলে অনেকে আশা করলেও অল্প বেশ কিছু লোক এই সংযোজনের ফলে ঐক্য কেরল গঠন করার দেরী হবে বলে মত প্রকাশ করলো। তখন মিনিষ্ট্রিয় সেক্রেটারী ভি. পি. মেননের অক্লান্ত চেষ্টায় কোটীন আর জিবাছুর যুক্ত হয়েছিল।

জিবাছুর আর কোটীন যুক্ত হবার ফলে ঐক্য কেরল কমিটির সদস্যদের মধ্যে মত পার্থক্য দেখা দিল। শ্রীকেলগুন ঐক্য কেরল কমিটি থেকে পদত্যাগ করলেন এবং আমাদের এয় সভাপতি নির্বাচন করা হলো। ঐক্য কেরল গঠন করতে আর একটুও দেরী না করার জন্য ও কেন্দ্রীয় সরকারের কাছে এ নিয়ে আবেদন জানানোর জন্য একটা সাব কমিটিও গঠন করা হ'ল। এই সাব কমিটি কেন্দ্রীয় সরকারকে দেবার জন্য একটা মেমোরাণ্ডাম তৈরী করে এবং পালবাটে ঐক্য কেরল কনফারেন্স ডাকার ব্যবস্থা করে।

1949 সালের 6ই নভেম্বর পালবাটে কনফারেন্স হয়। প্রতিনিধি এবং দর্শক হিসাবে বহু লোক এই সম্মেলনে যোগ দিয়েছিল। জিচুর এবং আলওয়ের থেকে এই সম্মেলন একটু অল্প ধরনের ছিল। তার কিছু কারণও ছিল।

1950 সালের জানুয়ারী মাসে নতুন শাসনব্যবস্থা চালু হবার সঙ্গে ঐক্য কেরল তার রূপ নেবে এটা ছিল আমাদের কয়েকজনের অভিপ্রায়। জিবাছুর আর কোটীন এখন যুক্ত হয়েছে তখন কেরল প্রদেশের সঙ্গে মালাবার এবং অন্তর্গত কাছাকাছি জায়গা

গুলোও যোগ করা উচিত এই মতের সমর্থকদের যোগাড় করতে আমরা চেষ্টা করেছিলাম। কিন্তু কিছু লোক এর বিরুদ্ধে ছিল। তাদের বক্তব্য ছিল—

রাজনীতির ক্ষেত্রে বিকশিত প্রদেশ হিসেবে মাদ্রাজের অনেক নীচে পাড়িয়ে আছে ত্রিবাকুর কোটীন। তারা দ্বিতীয় শ্রেণীর ষ্টেট, মালাবার তখন মাদ্রাজ প্রদেশের সঙ্গে যুক্ত ছিল। এই অবস্থায় ত্রিবাকুর কোটীনের সঙ্গে মালাবার যুক্ত হলে মালাবার তার রাজনৈতিক মর্যাদা হারাবে। যতদিন না ত্রিবাকুর কোটীনের রাজনৈতিক পদমর্যাদা মাদ্রাজের মত হয় ততদিন মালাবারকে ত্রিবাকুর কোটীনের সঙ্গে যুক্ত করাটা ঠিক হবে না বলে তারা ভর্তুকি করলো।

দ্বিতীয় কারণটি, যে রাজপ্রমুখ হবে তাই নিয়ে। ত্রিবাকুর কোটীনের সঙ্গে মালাবার যুক্ত হলে সেই প্রদেশের যিনি মাথা তিনিই রাজপ্রমুখ হবেন। এদিকে ত্রিবাকুর কোটীন সংযুক্ত হয়েছিল এই সর্তে যে যতদিন ত্রিবাকুরের মহারাজা বেঁচে থাকবেন ততদিন তিনি এই সংযুক্ত রাজ্যের রাজপ্রমুখ হ'য়ে থাকবেন। রাজপ্রমুখ আর গভর্নরের মধ্যে ক্ষমতার ব্যাপারে বিশেষ কোনো তফাৎ নেই। কেউ কেউ আবার 'গভর্নর' আর রাজপ্রমুখ এই নাম নিয়ে এবং রাজপ্রমুখকে দেওয়া সময় নিয়েও আপত্তি করলো। তারা এও বলল যে, যে সময় জনগণের প্রতিনিধিদের শাসনের ব্যাপ্তি ও শক্তি বাড়ছে সে সময় একটা রাজ্যের নেতা নিয়ে রফা হওয়া একেবারেই উচিত নয়। এমনি ভাবে খুব বাদপ্রতিবাদ চললো। রাজপ্রমুখহীন কেরল প্রদেশের সমর্থন করে একটা প্রস্তাবও পাশ করা হলো। এমনি ভাবে পালঘাটের কনফারেন্স শেষ হলো।

এর মাস দুই পরে সাব কমিটি দিল্লী গিয়ে প্রধানমন্ত্রী, সরদার প্যাটেল আর কংগ্রেস প্রেসিডেন্টের সঙ্গে দেখা করে ঐক্য কেরলের ব্যাপারে একটা মেমোরাণ্ডাম দেয়। মিঃ ডি. পি. মেনন তখন এ বিষয়ে আমাদের খুব সাহায্য করেছিলেন।

এরা সব উপদেশ দিলেন যে কেরল প্রদেশ গঠন করার বাধা বিশেষ কিছু নেই, তবে অল্প প্রদেশ স্থাপন করার আগে অল্প প্রদেশ গঠন করাটা ঠিক নয়। উপযুক্ত সময়ের গভর্নমেন্ট নিজে এই ব্যাপারে চেষ্টা করবে। তাই একটু অপেক্ষা করা ভালো। আমরা ডিসেম্বরে দিল্লী থেকে ফিরে এলাম।

পালঘাট কনফারেন্সের পর ঐক্য কেরলের বিরুদ্ধে আন্দোলন মাঝে মাঝে হচ্ছিল। কেরল প্রদেশের সঙ্গে যুক্ত করা জারগানুলো সম্বন্ধে অস্পষ্ট মতামত কেউ কেউ কাগজে বার করলো। ঐক্য কেরল কমিটি মাঝে মাঝে সভাসমিতি করলেও উন্নয়নযোগ্য কোনো কাজ বেশ কিছু সময় করতে পারে নি। এই সময় আমি সিংহলের হাই কমিশনার হ'য়ে

গেলাম। 1952 সালের সেপ্টেম্বরে আমি দেশে ফিরে এলে পর আবার ঐক্য কেরলের কাজ আরম্ভ হলো।

এর মধ্যে 1952 সালের জুন মাসে কেরল কংগ্রেস কমিটি দু'ভাগে ভাগ হয়ে গেল। জিবাঙ্গুর কোটান কংগ্রেস কমিটি আর মালাবার কংগ্রেস কমিটি। কংগ্রেস দু'ভাগ হ'য়ে যাওয়াতে এতদিন পর্যন্ত ঐক্য কেরল ব্যাপারে যে নীতি অনুসরণ করা হচ্ছিল তাতে বেশ পরিবর্তন হলো। 1953 সালের এপ্রিল মাসে পালঘাটে মালাবার প্রদেশ রাজনৈতিক কনকারেন্স দাক্ষিণাত্য প্রদেশের সমর্থনে একটা প্রস্তাব পাশ করে—“জিবাঙ্গুর-কোটান স্টেট আর মালাবারের সঙ্গে মাত্রাজ যুক্ত করে একটা দাক্ষিণাত্য প্রদেশ গঠন করা হোক।” ঐক্য কেরল কমিটি যখন একটা কেরল প্রদেশের দাবী করছিল এবং তার জন্তে কাজ করছিল তখন মালাবার প্রদেশ কংগ্রেসের এই প্রস্তাব কতকগুলো নতুন সংকটের সৃষ্টিপাত করলো। ঐক্য কেরল কমিটিকে এই প্রস্তাবের বিরুদ্ধে প্রায় যুদ্ধ ক'রে কাজ করতে হলো।

1953 সালের 22শে ডিসেম্বর প্রধানমন্ত্রী নেহেরু পার্লামেন্টকে জানান যে প্রদেশগুলির পুনর্গঠন ব্যাপারে আলোচনা করার জন্য একটা কমিশন বসানো হচ্ছে। এক সপ্তাহের মধ্যে তিনজন সভ্য—ফজল আলি, হুদয়নাথ কুঙ্করু আর সর্দার পাণিকরকে নিয়ে একটি কমিশন গঠিত হ'ল।

এই কমিশনকে ঐক্য কেরল গঠন করার ব্যাপারে একটা মেমোরাণ্ডাম দেবার জন্য কমিটি তাদের অনেক সময় ব্যয় করলো। অনেক সভাসমিতিও করলো।

1954 সালের জুন মাসে কমিশন কালিকটে এলে পর ঐক্য কেরল কমিটির মেমোরাণ্ডাম তাদের দেওয়া হয়। জিবাঙ্গুর-কোটান স্টেট, মালাবার আর দক্ষিণ কর্ণাটকের কিছু জায়গা, নীলগিরি জেলার শুডালুর, উটি, কুটকু, লক্ষাদ্বীপ প্রভৃতি নিয়ে একটা প্রদেশ তৈরীর কথা এই মেমোরাণ্ডামে ঐক্য কেরল কমিটি বলেছিল। কমিশনের রিপোর্ট বার হ'তে বেশ কিছু সময় লেগেছিল। এর মধ্যে আমি কয়েকবার কমিশনের সদস্যদের সঙ্গে দেখা করে কথাবার্তাও বলেছিলাম। ঐক্য কেরল গঠন করার সমর্থনে এবং বিরুদ্ধে কয়েক জায়গা থেকে কমিশনকে যে মেমোরাণ্ডাম দেওয়া হয়েছিল তার খবর কাগজে বেরিয়েছিল। ভারী মজার সব খবর। বাহোব, কেরল প্রদেশ গঠন করার সমর্থনে রিপোর্ট বেরোলে পর দাক্ষিণাত্য প্রদেশ গঠনের সমর্থকেরা সংগঠিত ভাবে আন্দোলন শুরু করল। তারা তাদের সমর্থনে দিল্লীতে এবং কেরলে বেশ কিছু লোক জোপাড় করতে পেরেছিল। অনেক বড় বড় ব্যক্তি যারা ঐক্য কেরলকে সমর্থন করে এলেছিল তারা এখন এর বিরুদ্ধে দাক্ষিণাত্য প্রদেশের হয়ে বলতে আরম্ভ করলো।

দেখে আমার খুব খারাপ লাগলো। আমার কয়েকজন খুব নিকট বন্ধুও এই দলে ছিলেন। মালাবার প্রদেশ কংগ্রেস কমিটি এই ব্যাপারে যে নীতি অহুসরণ করেছিল তা অত্যন্ত দুঃখজনক। একটা বিখ্যাত কাগজে লেখার মত। কেরল প্রদেশের জন্ত প্রথম কথা বলা রাজনৈতিক সংগঠন কংগ্রেস, আবার কেরল প্রদেশের বিরুদ্ধে সবচেয়ে শেষে কথা বলে এই কংগ্রেস। রাজনৈতিক রঙ্গক্ষেত্রে এটা একটা অতি শোচনীয় ভিগবাজী। কেরলে কংগ্রেসের পুরোনো পৈতৃক বাড়ী হচ্ছে মালাবারে। আর নিষ্ঠুর বিধির এই পরিবর্তন এই মালাবারেই দেখা গেল। সব দলের প্রতিনিধিদের নিয়ে একটা বে-সরকারী সভা ঐক্য কেরল সম্বন্ধে আলোচনা করার জন্ত আমি ডাকি। কংগ্রেস ছাড়া আর সব দলের প্রতিনিধিরা এই সভায় যোগ দিয়েছিল, সে কথা এখানে বলে রাখা ভালো।

কমিশনের রিপোর্টের ভিত্তিতে দেশ পুনর্গঠনের ব্যাপারে ভারত সরকারের সিদ্ধান্ত প্রকাশ হবার পর বম্বে এবং অন্তান্ত জায়গায় খুব গুণ্ডাগোলার সৃষ্টি হয়। জনগণ যেমন আশা করেছিল তেমনি ভাবে ষ্টেটগুলো গঠিত হয় নি বলে এই গুণ্ডাগোলার সৃষ্টি হ'য়েছিল।

কেরল প্রদেশ গঠন করার সিদ্ধান্ত করার পর যে অবস্থার সৃষ্টি হয়েছিল সে সম্বন্ধে আলোচনা করার জন্ত ঐক্য কেরল কমিটির একটা সভা 1956 সালের 4ই মার্চ জিচুরে ডাকা হয়। এই সভায় এই ভাবে একটি প্রস্তাব গৃহীত হয়—ঐক্য কেরল কমিটি কেরল প্রদেশ গঠন করবার দৃঢ়বিশ্বাসে বরাবর বিশ্বাসী। কেরল প্রদেশের সঙ্গে অন্তান্ত কতকগুলি জায়গা যুক্ত করার জন্ত কমিটি যে দাবী করেছে সে সব জায়গাগুলো হয়তো পাওয়া যাবে না, কিন্তু তাহলেও কেরল প্রদেশ গঠনের ব্যাপারে এস. আর. সি. রিপোর্টের ওপর ভারত গভর্নমেন্ট যে সিদ্ধান্ত নিয়েছে তাতে কমিটির অহুমোদন আছে। দেশের সীমা রেখা নিয়ে যে সব আন্দোলন এখন চলছে তা দেশের পক্ষে হানিকর বলে কমিটি মনে করে। নতুন কেরল প্রদেশকে সাফল্যের পথে এগিয়ে নিয়ে যাবার জন্ত কমিটি জনগণকে আহ্বান করছে।

কেরলীয়দের চির অভিলাষের বিরুদ্ধে কেরলকে মাদ্রাজ বা মহীশূরের সঙ্গে অথবা এই দুটোর সঙ্গে যুক্ত করার যে প্রচেষ্টা কিছু কিছু নেতা করেছেন, কমিটি তা অত্যন্ত আশঙ্কা ও বেদনার সঙ্গে লক্ষ্য করছে। এইরকম সব চেষ্টা সম্পূর্ণ বিসর্জন দিয়ে কেরলকে একটা বিশেষ প্রদেশ হিসেবে গঠন করার ব্যাপারে ভারত সরকারের সিদ্ধান্ত যত শীঘ্র কাজে পরিণত করা যায় তার জন্ত একটা আবছাওয়া গড়ে তোলার কাজে কমিটি দায়িত্বশীল সব লোকের কাছে অহুরোধ জানাচ্ছে।

কেরল কমিটির এই বক্তব্য আমি কেরলের ভেতরে এবং বাইরে কতকগুলো সভায় বিশদভাবে ব্যাখ্যা করেছিলাম।

আমার আশা মত কেরল রাজ্য গঠিত হয় নি আমি জানি। ত্রিবাঙ্কুরের চারটি তালুক এবং শুভালুর কেরল প্রদেশের সঙ্গে যুক্ত না হওয়ার আমার খুবই খারাপ লেগেছিল। তবে একটা দাক্ষিণাত্য প্রদেশ থেকে অন্তত এমন কেরল প্রদেশ আমার অনেক পছন্দ। আমার মত এবং মাতৃভূমি যে নীতি অনুসরণ করেছিল তাকে রুচভাবে নিষ্পন্ন করে বহু চিঠি পেয়েছি। প্রদেশ পুনর্গঠন বিল পাশ না হওয়া পর্যন্ত কি যে হ'তে যাচ্ছে তার কিছুই ঠিক ছিল না। সেই বিল যখন পাশ হলো এবং কেরল প্রদেশ গঠিত হতে চললো তখন আমার আনন্দের সীমা রইল না।

নিখিল কেরল সাহিত্য পরিষদের রজত জয়ন্তী উৎসব এই সময়ে পালন করা হয়। আমি এতে সভাপতিত্ব করতে বেশ গর্বের সঙ্গেই রাজী হয়েছিলাম। পরিষদ কেরলের সবচেয়ে বড় সাহিত্য সংগঠন বলে এই গর্ব নয়। ঐক্য কেরল গঠনের শেষ ধাপ পৌছানোর সময় পরিষদের জয়ন্তী মহোৎসব এসে উপস্থিত হলো, এটা একটা শুভ লক্ষণ বলে আমি বিশ্বাস করেছিলাম। রাজনৈতিক কার্যক্ষেত্র থেকে দূরে রইলেও পরিষদ কেরলীয়দের সকলকে প্রতি বছর একই মঞ্চে নিয়ে এসে পরস্পরের সঙ্গে পরিচয় করিয়ে দিয়ে তাদের মধ্যে একতার বীজ বপন করতো। সাহিত্য পরিষদ কেরলের সাংস্কৃতিক ঐক্যের জন্ত যেমন করেছে এমন আর কোনো সংগঠন করে নি।

ভারতের প্রধান প্রধান ভাষার কয়েকজন বিখ্যাত সাহিত্যিককে এই উৎসবে নিমন্ত্রণ করা হয়েছিল বলে এর সভাপতিত্ব করতে আমি খুব খুশী হ'য়েছিলাম। প্রধান প্রধান ভাষাগুলির ভিত্তিতে প্রদেশ গঠিত হ'লে ভারতের ঐক্য শিথিল না হয়ে তা দৃঢ় হবে বলে আমার ধারণা ছিল। বিভিন্ন ভাষা-ভাষী প্রদেশগুলিকে বোঁধী করে কাছে এনে ভারতীয় সংস্কৃতি আর সাহিত্যে অমিশ্রিত ভারতের ঐক্য সুদৃঢ় করার কথা আমি ভেবেছিলাম। তাই সাহিত্যিকদের এই সম্মেলনকে আমি এর একটা মূখ্য প্রতীক রূপে স্বাগত জানিয়েছিলাম।

আমার সভাপতির বক্তৃতার রাজনৈতিক দলগুলির মত সাহিত্যিকদের দু'ভাগে ভাগ হয়ে অবাস্তব প্রতিশ্রুতি করার বিষয়ে আমি সমালোচনা করেছিলাম। জ্ঞানগর্ভ এবং প্রেরণামূলক ভালো ভালো বই বহু সংখ্যার বার করবার জন্ত সব সাহিত্য সংগঠনগুলির ও প্রকাশকদের পরস্পরের সহযোগিতা দরকার বলে আমি বলি। পরিষদের কাজে কতকগুলি যুগোপযোগী সংস্কারের কথাও আমি বলেছিলাম।

এই সম্মেলনে সর্বদলীয় বহু লোক যে উৎসাহ নিয়ে এসে যোগ দিয়েছিল তাতে আমি

বিচ্ছিন্ন হয়েছিলাম। সাহিত্যের উন্নতির জন্য কেরলীয়দের এই উৎসাহ যদি কেরলের রাজনৈতিক উন্নতির জন্য থাকতো, একথা আমার মনে হচ্ছিল।

সাংস্কৃতিক ক্ষেত্রের এই সহযোগিতা যদি রাজনৈতিক ও অর্থনৈতিক ক্ষেত্রে থাকে তাহলে কেরলের ভবিষ্যৎ সম্বন্ধে কারোর কোনো আশঙ্কা নেই। কেরলের দ্রুত উন্নতিতে সব মালয়ালীদেরই অত্যন্ত আগ্রহ ও উৎসাহ আছে বলেই আমি বিশ্বাস করি। রাজনৈতিক, অর্থনৈতিক ও সামাজিক ক্ষেত্রে সহযোগিতার পথ বেশী করে কুটে উঠছে বলে আমার মনে হলো। সাহিত্য পরিষদের সম্মেলনে যে উৎসাহ, ঐক্যবোধ দেখেছিলাম তা কেরলের ভবিষ্যৎ সম্বন্ধে আমাকে খুবই উৎসাহিত করেছিল।

1956 সালের 1লা নভেম্বর কেরল একটি প্রদেশ হিসেবে গঠিত হলো। এই উপলক্ষে আয়োজিত উৎসবগুলিতে এবং ঐর্নাকুলমের জনসভার সভাপতিত্ব করার জন্য আমি সেখানে গিয়েছিলাম। এই সভার বিরাট জনতার উৎসাহ আর আহ্লাদ আমাকে আবেগে ভরপুর করে তুলেছিল। শুধু কেরলে নয়, মালয়ালীরা যে যেখানে বাস করতো সেখানেই কেরল প্রদেশ গঠিত হবার আনন্দে তারা নানা উৎসবও সভার অঙ্গীকার করেছিল। এই সব অঙ্গীকারে এক নতুন ভবিষ্যৎ গড়ে তোলার জন্য আত্মবিশ্বাসে ভরপুর এক জনতাকে আমি দেখেছিলাম।

ছেচল্লিশ

আমার কল্পনার কেরল

অত্যন্ত আগ্রহপূর্ণ একটা কাজের সাফল্যের জন্য অক্লান্ত পরিশ্রম করলে সেই পরিশ্রমই অসীম আনন্দ দেয়। আর যখন সেই কাজের লক্ষ্যে পৌঁছোই তখন আমাদের আত্মার সীমা থাকে না। সেটা কিছুদিনের জন্য, কিন্তু এর পরই বিভ্রান্তি শুরু হয়। এর পর কি করতে হবে সেই চিন্তা মানুষকে বিচলিত করে। কেরল রাজ্য গঠনের সঙ্গে এই রকম একটা অবস্থার সন্মুখীন আমাদের হ'তে হলো।

কেরল প্রদেশ গঠিত হয়েছে। এখন আমাদের কর্তব্য কি? কেরলকে অভিবৃদ্ধির পথে নিয়ে যাওয়া কি সম্ভব? তার জন্যে কোন পথ আমরা অবলম্বন করবো? আমি এখানে কেরলের অর্থবৃদ্ধির জন্য কি প্রোগ্রাম নেওয়া উচিত সে সম্বন্ধে বলছি না। আমি বলতে চাইছি, এই কাজে সাহায্য করার মানসিক অবস্থা। আমাদের লোকেরদের উৎসাহ যথেষ্ট আছে। দেশের সেবা করার ইচ্ছেও তাদের আছে। কিন্তু ঠিক কি করতে হবে তা জানতে না পেরে বেশীর ভাগ লোকই কিংকর্তব্যবিমূঢ় হয়ে পড়ে। তাই প্রথমেই আমাদের লক্ষ্য সম্বন্ধে আমাদের অবহিত থাকতে হবে। কি আমাদের করতে হবে সে সম্বন্ধে একটা পরিষ্কার মনোভাব থাকা চাই। শুধু আগ্রহ থাকলেই হবে না। যতই আকর্ষণীয় হোক না কেন, প্রযত্নের দ্বারা পাওয়া সম্ভব না হলে সেরকম আগ্রহ না থাকাই ভালো। লক্ষ্যে নজর রেখে আমাদের এখন কাজ করা উচিত।

আজ যা দেখছি তার চেয়ে কত পৃথক আমার কল্পনার নতুন কেরল। আমার স্বপ্নের কেরলে দারিদ্র্য বেকারী, কিছুই থাকবে না। জীর্ণ বাড়ীঘর, ক্ষুধার্ত মানুষ সেখানে থাকবে না। নতুন নতুন শিল্প, বড় বড় ব্যবসা, উন্নত মানের চাষের প্রথা কেরলের মুখ সম্পূর্ণ বদলে দেবে। এমন একটা গ্রাম থাকবে না যেখানে প্রাথমিক বিদ্যালয় নেই। সুন্দর সুন্দর বাগানে খেলার মত শিশুরা তাদের সৌন্দর্য আর স্বাস্থ্য আমাদের দৃষ্টি আকর্ষণ করে আমাদের মনে আনন্দ জোগাবে। শহরে, গ্রামে সব জায়গায়, পরিষ্কার রকমকে বাড়ীঘর তাদের সৌন্দর্য আর বৈচিত্র্যে লোকের মন আকর্ষণ করবে। লোকেরদের শিষ্ট ব্যবহার সকলকে আনন্দ দেবে। হাসপাতালের সংখ্যা এবং সেখানকার সুখস্ববিধাগুলো বাড়বে, রোগীর সংখ্যা কমে যাবে। শ্রমিকদের মধ্যে বিকোভ

থাকবে না। কাজের শেষে অপরিচ্ছন্ন পোষাক পরিচ্ছন্ন বদলে আয়োদপ্রমোদে তারা যোগদান করবে। বিরাট বিরাট রাস্তায় এখানে ওখানে অনেক হুন্দর হুন্দর বাগগুলো দোঁড়োবে, তাদের মধ্যে ইউনিফর্ম পরিহিত প্রসন্নবদন কর্মীদের দেখতে কি হুন্দরই না লাগবে। যাত্রীদের সুবিধার জন্ত এখানে ওখানে খাবার হোটেলগুলো একটা নতুন স্বপ্ন আনবে। অল্প দামে ভালো খাবার এখানে পাওয়া যাবে। সরকারী অফিসের নিয়মশৃঙ্খলা দেখে সকলে অবাক হ'য়ে যাবে। অফিসারদের মধ্যে জনসাধারণকে সাহায্য করার মনোবৃত্তি দেখে আশ্চর্য লাগবে। ভ্রমণকারীদের স্বর্গ বলে কথিত কেবলে অনেক কিছু দেখবার আছে। ভ্রমণকারীদের থাকার হুন্দর হুন্দর ট্যুরিস্ট লজগুলি অসংখ্য ভ্রমণকারীকে কেবলে আকৃষ্ট করবে। এই নতুন রাজ্যের আরের একটা বিরাট পথ খুলে যাবে। ভিক্ষুক অথবা ক্ষুধার্ত মানুষদের এখানে দেখা যাবে না। আয়োদপ্রমোদ করার জায়গাগুলির সংখ্যা অনেক বেড়ে যাবে। কত রকম আয়োদ প্রমোদের ব্যবস্থা এখানে থাকবে। এই সম্বন্ধে তিরুনাভাতে প্রতি বৎসর বিখ্যাত 'কেবল কলা উৎসবের' কথা বলা যায়।

জনগণের প্রতিনিধি সভাটিও দেখার মত হবে। এই সভা-বাড়ীটির সৌন্দর্য শুধু যে দর্শকদের আকর্ষণ করবে তাই নয়, তার ভেতরে যে সভারা বসবে তাদের পরিচ্ছন্ন পোষাক পরিচ্ছন্ন, জ্ঞানগর্ভ বক্তৃতা, শিষ্ট ব্যবহার কেবল ষ্টেট অ্যাসেম্বলীর প্রতি দর্শকদের দৃষ্টি আকর্ষণ করবে।

এমনি ভাবে কল্পনায় দেখা সমৃদ্ধিশালী সংস্কৃতিপূর্ণ কেবল আমাদের লক্ষ্য। এর ভিত্তি একতা, বিভিন্ন সম্প্রদায়, বিভিন্ন ধর্মের লোকদের মধ্যে আন্তরিক সৌহার্দ্যপূর্ণ একতা। এমনি ভাবে একটি কেবল আমাদের গড়ে তুলতে হবে।

লক্ষ্য স্থির করে পথের আলোচনা করা যাবে। এই লক্ষ্যে পৌছোবার পথে যে বাধা এসে উপস্থিত হবে তার কথাও চিন্তা করা উচিত। সর্বাঙ্গ সাম্প্রদায়িক মনোভাব জনকল্যাণের সবচেয়ে বড় প্রতিবন্ধক। যারা অনেক কিছু ত্যাগ করে সমাজের উন্নতির জন্ত কঠিন পরিশ্রম করতে চায় তারাও অনেক সময় অজ্ঞদের মতকে জানতে চায় না, তাদের উদ্দেশ্যের শুদ্ধতা স্বীকার করতে চায় না। 'আমার', 'আমার বন্ধুদের', 'আমার জাতের' এই চিন্তা মন থেকে বিসর্জন দিয়ে আগে আমার 'দেশের' তারপর 'আমার' এই চিন্তা মনে স্থান দিতে হবে। ঐক্য কেবল হ'লে আমার কি লাভ হবে এই প্রশ্ন না তুলে ঐক্য কেবলের জন্ত আমি কি করেছি এইটাই আমাদের প্রত্যেকের প্রশ্ন হওয়া উচিত। যে ধর্মের লোকই আমরা হই না কেন, যে রকম মতামত আমাদের থাকুক না কেন, দেশের লোকের স্বার্থের জন্ত নিজের স্বার্থকে বিসর্জন দিতে হবে।

লক্ষ্যে পৌছোতে হলে দরকার হচ্ছে আত্মবিশ্বাস। শুধুমাত্র সামর্থ্য বা উৎসাহ থাকলেই হবে না। উদ্দিষ্ট কার্য সাধন করতে হ'লে চাই দৃঢ় আত্মবিশ্বাস। 'যে মানুষের আত্মবিশ্বাস আছে সে জয়লাভ করবেই। এক সময় ছিল যখন আমরা ভাবতাম যে আমরা চিরদিন বৃটিশের অধীনে থাকবো, স্বাধীনতা সাদা চামড়ার লোকদের জন্ত, আমাদের জন্ত শুধু কষ্ট আর পরাধীনতা। এই কথাগুলো কিছুদিন আগেও আমরা ভাবতাম। কিন্তু এখন তা শুধু স্মৃতিতে পর্ববসিত হয়েছে। কি করে এটা সম্ভব হলো? আত্মবিশ্বাসের সঙ্গে কাজ করতে পেরেছি বলেই কি নয়?

আর একটা জিনিষেরও খুব দরকার। সেটা হচ্ছে এক হয়ে কাজ করবার মনোভাব। এক হ'য়ে যদি আমরা কাজ করতে পারি তাহ'লে আমরা আমাদের লক্ষ্যে পৌছোতে পারবো। দেশের ভালো করতে পারবো। যতই সামর্থ্য আর উৎসাহ থাকুক না কেন, অস্ত্রদের সঙ্গে এক হয়ে কাজ করতে না পারলে এই সব গুণ কোন কাজে দেবে না।

এর জন্তে চাই পরস্পরের প্রতি সহযোগিতার মনোভাব। একটা নির্দিষ্ট লক্ষ্য থাকা, সেই লক্ষ্যে পৌছানোর পথ সযত্নে সম্পূর্ণ অবহিত থাকা, আত্মবিশ্বাস বাড়ানো, একসঙ্গে কাজ করার মনোভাব এই চারটি গুণ নতুন কেবল প্রদেশকে উন্নতির পথে এগিয়ে নিয়ে যাবার জন্তে দরকার।

ঠিক মতো নাগরিকত্ব বোধ এখনো জনসাধারণের মধ্যে জেগে ওঠে নি। একটা উচ্চ মর্যাদা দাঁড়িয়ে আছে তার স্বযোগ্য নাগরিকদের ওপর। সংগঠিত পরিশীলন দ্বারা এই রকম নাগরিকদের তৈরী করা সম্ভব। নাগরিকদের কর্তব্য একটা মহান দায়িত্ব। সেই দায়িত্ব পালন করার শিক্ষা এমন ভাবে দেওয়া উচিত বা জীবনের সব দিককে স্পর্শ করতে পারে। এর জন্ত নাগরিক পরিশীলন সঙ্ঘ দেশের সব জায়গায় যদি স্থাপন করা যায় তাহ'লে খুবই ভালো হয়। নাগরিক হিসাবে আমাদের দায়িত্ব পালন করার জন্ত আবশ্যকমত চরিত্র গঠন করার দিকে আমাদের মনোযোগ দেওয়া উচিত।

1. পড়াশুনো—গণতন্ত্রে ক্ষমতা জনগণের হাতে। জনগণ প্রথমতঃ নিজে নিজে চিন্তা করতে শিখবে। নিজস্ব অভিপ্রায় ব্যক্ত করতে হ'লে নিজস্ব জ্ঞান থাকা দরকার সে বিষয়ে কোনো সন্দেহই নেই। এখানে শুধু বড় বড় নাগরিকদের কথা বলা হচ্ছে না। সাধারণ নাগরিক যাদের ভোট দেবার অধিকার আছে এবং যাদের নেই তাদের কথাই বলা হচ্ছে। নিয়মভার সনস্করণ, তার বাইরে বিভিন্ন কাজে নিযুক্ত কর্মীরা, স্ত্রী এবং পুরুষ সকলের কাজের ব্যাপারেই এ কথা বলা হচ্ছে। আজকের জগৎ সযত্নে তাদের সাধারণ একটা ধারণা থাকা উচিত। সমাজের প্রত্যেকটি সমস্ত সযত্নে তাদের অবহিত

থাকা উচিত। পড়াশুনা এ কথা বলতে বিদ্যালয় বা বিদ্যালয়ের শিক্ষার কথা এখানে বলা হচ্ছে না, বলা হচ্ছে নাগরিকদের সাধারণ জ্ঞানের বিষয়ে। পঞ্চায়েত, মিউনিসিপ্যালিটি, করপোরেশন, আইনসভার সভ্যদের নিজের নিজের কর্তব্য কাজ করার জন্য এক বিশেষ ধরনের পড়াশুনো দরকার। সমস্ত কিছু ভালোভাবে বুঝতে পারলেই তবে না অন্তদের মধ্যে নিজেদের প্রভাব বিস্তার করা সম্ভব। এমনি ভাবে জনগণের সাধারণ জ্ঞান, আর বিশেষ কাজে লিপ্ত থাকা কর্মীদের তাদের কাজকর্ম সম্বন্ধে অভিজ্ঞতা ও জ্ঞান থাকা উচিত।

2. সাধারণ ব্যবহার—সাধারণ ব্যবহার বলতে কতকগুলো ভালো ভালো গুণের কথা বলা হয়েছে। এই ভালো গুণের একটা হচ্ছে অন্তের মনে সন্তোষ আর বিশ্বাস উৎপাদন করার মত ব্যবহার করা। কথা দিয়ে কথা রাখা, যে কাজের ভার নেওয়া হ'য়েছে সেগুলো করা, অন্তদের কাজে বাধা সৃষ্টি না করা, অন্তায় না করা, মিছিমিছি গুণগোল না করা, এই সব গুণগুলি একজন শ্রেষ্ঠ নাগরিকের থাকা উচিত। চরিত্র গঠনের জন্য দরকার মতো নির্দেশ জনগণকে দেওয়া এবং এই ব্যাপারে তাদের ঠিক মতো নিয়ন্ত্রণ করাও দরকার। পড়াশুনোর চেয়ে এই গুণগুলোর বেশী দরকার।

3. পরিচ্ছন্নতা—পরিচ্ছন্নতা বলতে শুধু দেহ শুদ্ধির কথা এখানে বলা হচ্ছে না। দেহশুদ্ধি অবশ্য খুবই দরকার। কিন্তু সেটাই যথেষ্ট নয়, বাস করার গৃহ এবং তার চারপাশ পরিষ্কার ও স্বন্দর করে রাখতে হবে। গ্রাম ও শহরগুলোও পরিষ্কার রাখতে হবে। গ্রামের লোকেরা যদি গ্রামকে পরিষ্কার পরিচ্ছন্ন রাখার জন্য সংগঠিত হয়ে কাজ করে তাহলে আমাদের দেশ কত স্বন্দর হ'য়ে উঠতে পারে।

4. পোষাক পরিচ্ছন্ন—পোষাক পরিচ্ছন্ন শুধু মাহুষের নয়তা ঢাকার জন্তেই নয়, তার স্বাস্থ্য আর মর্যাদা বাড়ানোর জন্তেও দরকার। এখনকার পোষাক পরিচ্ছন্ন দেখলে অসহ লাগে। ভালো পোষাক পরিচ্ছন্ন বলতে পাশ্চাত্য পোষাক পরিচ্ছন্দের কথাই লোকে ভাবে। পোষাক পরার একটা রীতি আমাদের দেশে বহু পুরাতন কাল থেকে চলে আসছে। সম্প্রতি এটার চলন উঠে গেছে। কি অবস্থায় কোন পোষাক পরা উচিত এ কথা লোকে বেন ভুলেই গেছে। আজকাল যা খুশী পোষাক পরে বেধানে খুশী যাওয়া একটা ফ্যাশান হ'য়ে দাঁড়িয়েছে। যুবকেরা, বয়স্কেরা সকলেই এই ব্যাপারে একই ভাবে দোষী। আমাদের আইনগতগতালয়, সরকারী অফিসগুলোর অনেকে এমন পোষাক পরে আসে তাতে আমাদের জাতীয় মর্যাদা বাড়ে তো না-ই, উপরন্তু নেন্দে যায়। অফিসের পোষাক জমকালো হওয়ার দরকার নেই। কিন্তু তা বেন পরিষ্কার পরিচ্ছন্ন এবং কচির পরিচয় দেয়। এটাও আমাদের সংস্কৃতির একটা দিক।

5. স্বাস্থ্য—শরীরের সৌন্দর্য ও শক্তি বাড়ানোর জন্য দরকার মতো ট্রেনিং যুবকদের

দেওয়া উচিত। যুবকেরা সাধারণতঃ ফুটবল, ক্রিকেট ইত্যাদি খেলার অতিমাত্রা উৎসাহীল। কিন্তু শুধু খেলার শরীরের সৌন্দর্য বাড়ে না। এর জন্ত বিশেষ পরিশীলনের দরকার। মনের নির্মলতা যেমন দরকার তেমনি দরকার দেহের সৌন্দর্য আর শক্তি। পুরানো দিনে মালাবারের কালারিপায়ট্ মালাবারের প্রাচীন সামরিক ব্যায়াম চর্চা আগে এতে অনেক সাহায্য করতো। যদি এই ব্যায়াম চর্চাকে আবার দেশের সর্বত্র বিপুলাকারে প্রবর্তন করা যায় তাহ'লে দেশের যুবকদের খুবই উপকার হয়। পনের বছর পূর্ণ হবার আগেই ছেলেমেয়েদের দেহের সৌন্দর্য ও শক্তি বাড়াবার জন্ত এই ব্যায়ামের প্রবর্তন সংগঠিত করা উচিত।

৬. আমোদ প্রমোদ—আজকাল গ্রামা জীবন অত্যন্ত নীরস, প্রাণহীন। আমোদ প্রমোদের সুযোগসুবিধা গ্রামের লোকদের মেলে না বন্ধেই হয়। আগেকার দিনে গ্রামের নানা ধরনের খেলার চল ছিল। উৎসব অথবা বিশেষ বিশেষ দিনগুলোতে আমোদ প্রমোদের অনেক ব্যবস্থা ছিল। আজকাল সে সব উঠে গেছে। তার জায়গায় অল্প রকম আমোদ প্রমোদেরও প্রচলন হয় নি। পুরানো আমোদ প্রমোদ-গুলিকে আবার ফিরিয়ে এনে তার সঙ্গে নতুন আমোদ প্রমোদের প্রচলন করে আমাদের যুবক যুবতীদের মধ্যে উৎসাহ ও প্রেরণা জাগিয়ে তোলা উচিত।

৭. সেবা পরিচর্যা—মহুষ সামাজিক জীব। সমাজের কাছ থেকে যে সুখ-সুবিধা সে পায় তার জন্ত সমাজের ওপর কতকগুলো কর্তব্য আছে। সেই কর্তব্যগুলি তার করা উচিত। এক ভাবে না হলেও বিভিন্ন ভাবে সমাজের উপকার করার ক্ষমতা আমাদের প্রত্যেকের আছে। এমনি ভাবে আমরা যদি সমাজের উপকার করতে পারি তাহ'লে আমরা সত্যি করে সুখী হ'তে পারি। প্রাতঃস্মরণীয় ব্যক্তির বলে গেছেন আমরা যেন পরের উপকারের জন্ত আমাদের জীবন অর্পণ করি। যে কোনও লোকের পক্ষেই সমাজের কিছু উপকার করা সম্ভব।

রাজা আলফ্রেডের কথা এখানে মনে পড়ছে। তিনি তাঁর প্রচুর ঐশ্বর্য জনগণের সেবার ব্যয় করেছিলেন। লোকদের শিক্ষার মান উচু করার জন্ত অল্প ভাষা থেকে বই তিনি অল্পব্যয় করেছিলেন। তাঁর প্রজাদের সেবাই ছিল তাঁর উদ্দেশ্য। গান্ধীজীর জীবনে সেই একই জিনিষ দেখতে পাই। যেমন তেমন করে বেঁচে থাকার মনুষ্য জীবনের উদ্দেশ্য হ'তে পারে না। জীবন সুখের হবে, আবার তা অস্ত্রের কাজেও লাগবে, এর জন্ত প্রয়োজন পরের উপকার করা। আমাদের জীবনের কিছু সময় জনকল্যাণের জন্ত ব্যয় করা উচিত। তাতে আমাদের ক্ষতি না হ'য়ে উপকার হবে।

ওগুয়ে আমি বা বল্লাম তা ট্রেনিং দেবার জন্ত সারা রাজ্য জুড়ে সংগঠন গড়ে তোলা

দরকার। প্রত্যেক লোকের বরলাভ্যায়ী ব্যবস্থা করা দরকার। মেয়েদের জন্ত বিশেষ ট্রেনিং দেওয়া দরকার। যদি এগুলো করা যায় তাহলে দেশের এক অদ্ভুত পরিবর্তন হবে। অবশ্য এই সব ব্যবস্থা চিরদিনের জন্ত নয়, অথবা প্রত্যেকের জন্য এক ব্যবস্থা করা সম্ভব নয়। এগুলো সময় ও স্থযোগ মত বদলানো দরকার। নিকট ভবিষ্যতে কোনো কোনো ব্যাপারে কি কি করা দরকার সেই বিষয়েই এখানে বলা হয়েছে।

গভীর চিন্তাই সমস্ত কাজের পেছনে কাজ করছে। অন্যদের চিন্তার কলে আমাদের আজকের সুখ-সুবিধাগুলো অল্পভব করছি। সৃষ্টিধর্মী চিন্তা মানুষকে কর্মোন্মুখ করে তোলে। এই চিন্তাই আমাদের বাঁচার আগ্রহকে বাড়িয়ে তোলে। আমি এখানে দিবানন্দ দেখার কথা বলছি না। আমি বলছি সৃষ্টিধর্মী চিন্তার কথা যা আমাদের প্রেরণা জোগায়। আগে যেমন বলেছি তেমনি ভাবে যদি নাগরিক পরিশীলন সম্বন্ধে কেবল গড়ে তোলা যায় তাহলে তাতে দেশের অদ্ভুত পরিবর্তন হবে সে বিষয়ে কোন সন্দেহই নেই। এটা কি পরীক্ষা করে দেখা যায় না?

পঁচিশ শ' বছর আগে গ্রীসের দার্শনিক ও নীতি প্রচারক পিথাগোরাস একজন শ্রেষ্ঠ নাগরিকের সঙ্গে তার দেশের কি রকম সম্পর্ক হওয়া উচিত তা বলেছেন। দেশ, মাতা-পিতার চেয়েও শ্রেষ্ঠ; স্বামী, স্ত্রীর চেয়েও প্রিয়তর। সম্ভান, আত্মীয়-স্বজন থেকেও নিকটতর। দেশ সকলের মাতা-পিতা। দেশ স্বামীর কাছে স্ত্রী, স্ত্রীর কাছে স্বামী। দেশ একটি পরিবার। স্ত্রী এবং সম্ভানের কাছ থেকে যে আনন্দ পাওয়া যায় তা কত পবিত্র। কিন্তু তার চেয়েও মহত্তর, পবিত্রতর দেশ, কারণ দেশ সকলকে রক্ষা করে। দেশই আক্রমণকারীদের আক্রমণ থেকে একটি পরিবারকে রক্ষা করে। সম্ভানের কাছে নিজের মায়ের সম্মান কত মূল্যবান। তেমনি ভাবে একজনের শিশু সম্ভানের মা, তার পুত্রের মানও সেই মানুষটির কাছে অমূল্য। কিন্তু এই স্ত্রী আর বাচ্চাদের রক্ষা করে যে দেশ সে দেশের সম্মান স্ত্রী-পুত্রের চেয়েও আরো কত মূল্যবান। আমাদের জীবনকে ধনোধ্যান্যে ভরিয়ে তোলে আমাদের দেশ। দেশই আমাদের রক্ষা করে, আমাদের শান্তির ছায়া দিয়ে ঘিরে থাকে। দেশই মানুষকে বর্বর থেকে সভ্য করে তোলে। দেশই মানুষকে মানুষ হিসেবে তৈরী করে। সংস্কৃতিবান মানুষ দেশ থেকেই জন্ম নেয়। যদি অসম সাহসী ব্যক্তির নিজের গৃহ নিজের পরিবারের জন্ত হানিমুখে মরণ বরণ করতে পারে, তাহলে তারা দেশের জন্ত তার চেয়েও বেশী করে তাদের জীবন বলি দিতে এগিয়ে আসতে পারবে।

সাতচল্লিশ

একটা সঙ্কটময় মুহূর্ত

কেরল প্রদেশ গঠিত হবার পর আমার মনে এর ভবিষ্যৎ সম্বন্ধে একটা বিরাট আশা জেগেছিল। কেরলীয়দের বিজ্ঞা, বুদ্ধি, কাজ করার তৎপরতা সব কিছুই আছে। যদি উৎসাহের সঙ্গে তারা কাজ করে তাহলে ভারতে অস্বাভাবিক রাষ্ট্রগুলোর সামনে কেরল আদর্শ স্টেট হিসেবে গড়ে উঠতে পারে বলে আমার বিশ্বাস। কিন্তু আমি যা আশা করেছিলাম তেমনি ভাবে কেরলের উন্নতি হয় নি, উপরন্তু অপ্রত্যাশিত ভাবে অনেক খারাপ ঘটনা, অনেক অসহ্যকর প্রবণতা দেখার দুর্ভাগ্য আমার হয়েছে। তবু কেরল প্রদেশের সংগঠন যে কেরলীয়দের কিছু ভালো করে নি সে কথা আমি বলি না। আমরা যদি কিছু তুল করে থাকি তাহলে সেগুলো শুধরে দেশের উন্নতির পথ স্বগম করা আমাদের পক্ষে অসম্ভব কিছু নয়।

কেরল স্টেট গঠিত হবার কিছু পরেই ত্রিবাঙ্গামে বিরাট একটা আন্দোলন শুরু হলো। এটা শুরু হলো ওখানকার হাইকোর্টের বেঞ্চ নিয়ে। ত্রিবাঙ্গুর আর কোচীন একসঙ্গে যুক্ত হবার পর নতুন ত্রিবাঙ্গুর-কোচীন স্টেটের রাজধানী হয়েছিল ত্রিবাঙ্গাম, আর হাইকোর্ট এর্নাকুলমে রাখা হবে বলে ঠিক হয়। কেস ফাইল করার কষ্টসাধ্যতা নিয়ে হাইকোর্টের একটা বেঞ্চ ত্রিবাঙ্গামে রাখার ব্যবস্থা করা হয়েছিল। কেরল স্টেট গঠিত হবার পর ত্রিবাঙ্গামের এই বেঞ্চের ফাইলিং অধিকার তুলে নেবার সিদ্ধান্ত হলো। আন্দোলন আরম্ভ হয়েছিল এই সিদ্ধান্তের বিরুদ্ধে। হাইকোর্টেরও বেঞ্চ বিভিন্ন জায়গায় রাখাটা ঠিক নয় বলে এই আন্দোলন সমর্থন করা যায় না বলে মাতৃভূমি মত প্রকাশ করে। মাতৃভূমির এই অভিমত ঠিক না তুলে সে প্রশ্ন এখানে উঠছে না। আন্দোলনের নেতারা যে পথ অবলম্বন করেছেন তা একেবারে তুল মাতৃভূমি এই মত খোলাখুলি প্রকাশ করেছিল। এতে আন্দোলনকারীদের রাগ হওয়াই স্বাভাবিক। তারা মাতৃভূমির ত্রিবাঙ্গাম অফিস আক্রমণ করলো।

এই আন্দোলন প্রায় দু'মাস ধরে চলেছিল। ইতিমধ্যে কতকগুলো দুর্ভাগ্যজনক ঘটনাও ঘটে গেল। কেরল নিয়মগত প্রথম অধিবেশন না বসে অবধি আন্দোলন বন্ধ রাখা হবার খবর শুনে আমরা সকলেই খুব আশ্বস্ত হ'লাম।

হাইকোর্টের বেঞ্চের অন্ত আন্দোলন শেষ হবার পরই নির্বাচনের হটগোল শুরু

হলো। ঠেইগুলির পুনর্গঠনের পর এই প্রথম নির্বাচন হচ্ছে। বিভিন্ন দলগুলি এই নির্বাচনে তীব্র প্রতিযোগিতা করেছিল। ‘মাতৃভূমি’ কংগ্রেসের আদর্শকে সব সময় সমর্থন করতো বলে কংগ্রেস যাতে ক্ষমতায় আসে সেইটাই মাতৃভূমি চেয়েছিল। কিন্তু জাতীয় পত্রিকা হিসাবে মাতৃভূমি অন্যান্য দলগুলির বক্তব্যও ছেপে বার করেছিল। এমন করাটা ঠিক নয় বলে কিছু কংগ্রেস নেতা কাগজে তাদের মতামত প্রকাশ করলে অন্য দলের নেতারা আবার তার প্রতিবাদ করেছিল। মাতৃভূমি কংগ্রেস দলকে খুব সাহায্য করেছে বলে কংগ্রেস সভাপতি দেবর আমাকে একবার বলেছিলেন। নির্বাচনের ফল বার হ’লে পর কেউ কেউ খুব আশ্চর্য হলো। কেউ কেউ আবার খুব হতাশও হলো। কম্যুনিষ্টরা এই নির্বাচনে 60টি আসন পেয়ে সংখ্যাগরিষ্ঠতা লাভ করে, কংগ্রেস পায় 43টি, পি. এম. পি 9টি, মুসলিম লীগ 8 আর স্বতন্ত্র পায় 6টি আসন। স্বতন্ত্রদের মধ্যে পাঁচজন কম্যুনিষ্টদের সমর্থন করবে বলে ঘোষণা করলো। একজন মনোনীত আংলো ইণ্ডিয়ান সদস্যকে নিয়ে কেবল বিধানসভায় 127 জন সদস্য ছিল। এই অবস্থায় আমাদের এখন কি কর্তব্য সেই সম্বন্ধে মাতৃভূমি একটা সম্পাদকীয়তে তার বক্তব্য বলেছিল। তার কিছুটা অংশ এখানে তুলে দিচ্ছি।

...কেবলে কেমন সরকার গঠন করা হবে সেই সম্বন্ধে আমরা কিছু বলতে চাই। ভারতের সংবিধানের ভিত্তিতে পার্লামেন্টারী গণতন্ত্র ভারতবর্ষ স্বীকার করে নিয়েছে। পার্লামেন্টারী গণতন্ত্রের মানে যারা বোঝে এবং তার ওপর বিশ্বাস রাখে, কেবলের নির্বাচনের ফলাফল তাদের সকলের আশা মত না হ’লেও তাদের কর্তব্য সম্বন্ধে কিছু ভিধা করার নেই। নির্বাচনের ফলে কম্যুনিষ্টরা বিধানসভায় সংখ্যাগরিষ্ঠতা লাভ করেছে, তাই এই দল কেবলের রাজ্যশাসন ভার গ্রহণ করবে সেটা গণতান্ত্রিক শিষ্টাচার। কম্যুনিষ্টরা তাদের সমর্থনকারী অন্তান্ত দলগুলির সঙ্গে মিলে কেবলে একটি সরকার গঠন করবে, এটা আজকের পরিস্থিতিতে সবচেয়ে স্বাভাবিক ও সহজ।

এই মতের সঙ্গে মিলিয়েই মাতৃভূমি এর পরে তার পথ অবলম্বন করে। এতে কংগ্রেসের বেশ কয়েকজন বড় বড় নেতা নিষ্পদ করেন।

কম্যুনিষ্ট সরকারের কাজকর্ম নিশ্চয়জনক হ’লে মাতৃভূমি তাদের কঠিন ভাবে সমালোচনা করতে পিছু পা হয় নি। এরকম সমালোচনা তারা বহুবার করেছে। এতে কম্যুনিষ্ট পার্টিরও মাতৃভূমির ওপর রাগ বেড়ে গেল।

কংগ্রেস কর্মীদের মধ্যে একদলের চিমটিকাটা কথাবার্তা আর কম্যুনিষ্টদের বিরোধিতা সহ্য করে মাতৃভূমি তার আদর্শ টুঁ করে ধরে রাখতে চেষ্টা করে বটে, কিন্তু কাজটা অত্যন্ত সহজ হয় নি। কিন্তু তাহলেও আমি ঠিক করেছিলাম, মাতৃভূমির আদর্শ থেকে বিচ্যুত,

হবো না। আমার কয়েকজন ঘনিষ্ঠ বন্ধু এই সময় বলেছিলেন যে আমার সমর্থন নাকি কম্যুনিষ্টদের দিকে। কম্যুনিষ্ট আদর্শের সঙ্গে আমার এতটুকু সহাত্বভূতি নেই। কিন্তু পার্লামেন্টারী গণতন্ত্র স্বীকার করে নির্বাচনে যারা সংখ্যাগরিষ্ঠতা লাভ করেছে সেই দল কম্যুনিষ্ট বা যে কোন দল হোক, তাদের শাসনব্যবস্থা অনার্যসে চালিয়ে নেবার সবরকম স্বযোগ-সুবিধা করে দেওয়া উচিত। এইটুকু রাজনৈতিক শিষ্টতা বিরোধী দলদের দেখানো উচিত। মাতৃভূমি তখন অনেক দারিদ্র্যলীল নেতাদের কাছে এই আবেদনই জানিয়েছিল। তবে আমার মতের সঙ্গে মাতৃভূমি কাগজের মালিকদের পরিপূর্ণ সহাত্বভূতি ছিল সেকথা আমি বলতে পারি না। আমি শুধু আমার চোখের সামনে যে আলো দেখেছি তাতেই চলেছি।

শুধু কাগজের ব্যাপারেই এই সব গোলমাল এসময় আমাকে বিচলিত করে নি। কেবলে যে নতুন গণতন্ত্রের চলন হচ্ছিল তা আমাকে আশঙ্কিত করে তুলেছিল। এসময় এমন কতকগুলো ঘটনা ঘটে যাতে প্রাপ্তবয়স্কদের ভোটের অধিকার আমাদের দেশের ভালোর জন্তে কিনা, আমার সন্দেহ হয়। প্রকৃত শিকা আর শৃঙ্খলা ছাড়া গণতন্ত্রের প্রচলন দেশে বিপদ আর অরাজকতা টেনে আনে ব'লে আমার ভয় হ'য়েছিল। খুব সামান্য সামান্য কারণে রাজনৈতিক দলগুলির সত্যাপ্রহ আর অনশন ব্রত, ছাত্রদের মধ্যে বিশৃঙ্খলা বেড়ে যাওয়া, সরকারী কর্মচারীদের মধ্যে নিয়মশৃঙ্খলা না মানার একটা প্রবণতা দেখে আমার এই মত আরো সুদৃঢ় হলো। স্বাধীনতা পাওয়ার পর আমাদের স্বভাবচরিত্রের আরো উন্নতি হওয়া উচিত। এর জন্ত সংগঠিত ভাবে কি আমরা কোনো কাজ করেছি, না করছি? এমনি ভাবে অনেক কিছু সন্দেহ, অনেক কিছু ধিগা আমার মনে দেখা দিয়েছিল। আমার মনকে নাড়া দিয়েছিল। সব কিছুরই একটা পথ বার হবে এই ভেবে নিজেকে সাহসনা দেবার মনোভাব আমার ছিল না। আজ দেশের এই যে অবস্থা হ'য়েছে তার জন্তে কাকে দোষ দেব? কাউকে দোষ দেবার প্রয়োজনই বা কি? এই সব দোষ দূর করার দায়িত্ব আমারও কি নেই? এই অবস্থার পরিবর্তনের জন্ত আমার কি করা কর্তব্য এই প্রশ্ন যখন আমি নিজেকে করলাম তখন তার সম্ভাবজনক কোনো উত্তর পেলাম না। আমার দায়িত্ব আমি পালন করতে পারি নি এই অপরাধ বোধ মনে নিয়ে আমার এখন কর্তব্য কি বুঝতে না পেয়ে আমি দিনের পর দিন অভ্যস্ত অস্থিতিতে কাটাচ্ছিলাম।

আটচল্লিশ কিছু প্রচেষ্টা

এই সময় কতকগুলি কারণে আমি সক্রিয় রাজনীতি থেকে দূরে থাকতে চেয়েছিলাম। শুধু রাজনীতির কাজ নয়, রাজনৈতিক সভাগুলোতে যোগ দেবার উৎসাহ পর্বত কমে যাচ্ছিল, দেশে রাজনৈতিক ক্ষেত্রে যে বিপ্লবাত্মক পরিবর্তন এসেছিল সেইটেই হয়তো এর কারণ। অগ্নিদেব মতের সঙ্গে আমার মত না মিললেও সে মতামতকে শ্রদ্ধা করার মনোভাব ছোটবেলা থেকেই আমার মনে গড়ে উঠেছিল। কিন্তু সম্প্রতি কাগজে এবং অগ্নাগ্ন ক্ষেত্রে মতামত প্রকাশের রীতি এবং তার ভাষা আমার অত্যন্ত অকচিকর বলে মনে হ'য়েছিল, দেশের অবস্থা বদলেছে, কিন্তু মানুষের রুচি বদলায় নি। তা সে যাহোক, এই সময় রাজনীতির ক্ষেত্র থেকে দূরে সরে দাঁড়াবার আগ্রহ আমার মধ্যে বেড়ে উঠছিল। রাজনীতি ছাড়া অগ্নাগ্ন আরো কয়েকটি ক্ষেত্রেও কাজ করবার সুযোগ আমি পাই।

দক্ষিণ ভারত ভাষা বুক ট্রাস্টের কাজে এই সময় আমি নিজেকে যুক্ত করি। এই ট্রাস্ট 1955 সালে স্থাপিত হয়। তামিল, তেলুগু, কানাড়া, আর মালয়ালম এই চারটি দক্ষিণ ভারতীয় ভাষার ভালো ভালো বই অল্প দামে ছাপিয়ে বিতরণ করার উদ্দেশ্যে মাদ্রাজে এই ট্রাস্ট আরম্ভ করা হয়। ট্রাস্ট এর জন্তে আমেরিকার ফোর্ড ফাউন্ডেশন থেকে বৎসে ঐ অর্থ সাহায্য লাভ করে। বই প্রকাশের ব্যাপারে ট্রাস্টকে সাহায্য করার জন্ত প্রত্যেকটি ভাষার একটি পরামর্শ সমিতি গঠন করা হ'য়েছিল। মালয়ালম বোর্ডের চেয়ারম্যান আমি ছিলাম। প্রায় দুশ' বই বিভিন্ন দক্ষিণ ভারতীয় ভাষার ট্রাস্ট প্রকাশ করেছে। এর মধ্যে চল্লিশটি বই মালয়ালম ভাষায়।

কেরল সাহিত্য আকাদেমির কার্যকরী সভাপতি হিসেবে বেশ কিছুদিন আমি কাজ করেছিলাম। আকাদেমি 1956 সালে সর্দার কে. এম. পাণিকরের সভাপতিত্বে আরম্ভ হয়েছিল। সর্দার পাণিকর ফ্রান্সে রাষ্ট্রদূত হ'য়ে বাবার পর আকাদেমির কোনো স্থায়ী সভাপতি ছিল না ব'লে কেরল সরকার আমাকে এর সভাপতি হবার জন্ত অহুরোধ করলে পর আমি 1957 সালের ফেব্রুয়ারী মাসে কেরল সাহিত্য আকাদেমির কার্যকরী সভাপতির পদ গ্রহণ করি। কেরলের কয়েকজন বিখ্যাত সাহিত্যিক আকাদেমির সভ্য ছিলেন। আকাদেমির অক্সি জিবাজ্বায় থেকে জিহুয়ে নিয়ে আসা

হলো। আকাদেমির কাজ বেশ ভালোভাবেই এগিয়ে চলছিল। প্রায় দু'বছর কার্যকরী সভাপতি থাকার পর আমি এই পদ ত্যাগ করতে বাধ্য হই। কেন আমি পদত্যাগ করি তার জন্ত একটা বিবৃতি আমি তখন দিয়েছিলাম। তারই কিছু এখানে তুলে দিচ্ছি :

—আকাদেমির কার্যকরী সভাপতির পদ গ্রহণ করার পর আমি এর দৈনন্দিন কাজ চালানোর জন্তে, সেক্রেটারীকে সাহায্য করার জন্তে এবং অফিসের কাজ চালানোর জন্তে রেভিনিউ বিভাগের একজন দায়িত্বশীল অভিজ্ঞ অফিসারকে আমার সুপারিশে সরকার নিযুক্ত করে।

কয়েকমাস পরে আগে থেকে আকাদেমিকে কিছু না জানিয়ে এই অফিসারকে আবার রেভিনিউ বিভাগে ফিরে যেতে এবং অল্প আর একজন নতুন লোককে তার জায়গায় নিযুক্ত করে সরকার থেকে একটা অর্ডার আকাদেমির সেক্রেটারীর হাতে আসে। নতুন একজন লোককে নিয়োগ করার ব্যাপারে সরকারের একবার আকাদেমির মত চাওয়া উচিত ছিল। এই সামান্য ভ্রষ্টতাই না দেখিয়ে আকাদেমির কাজকর্মের ব্যাপারে আকাদেমির মতামত না নিয়ে একজন নতুন অফিসারকে নিয়োগ করা খুবই অজ্ঞায় কাজ। সরকারের সাহায্য লাভ করলেও আকাদেমি একটি স্বয়ংসম্পূর্ণ সংস্থা। এর নিজের কাজ করবার স্বাধীনতা আছে। আকাদেমির মত না নিয়ে তার কাজে নিযুক্ত একজন অফিসারকে বদলে আর একজনকে নিযুক্ত করা আকাদেমির পক্ষে খুবই অপমানজনক।

এই ব্যাপারে প্রতিবাদ জানিয়ে সরকার ও মুখ্যমন্ত্রীকে চিঠি লিখলে তার সন্তোষজনক কোনো উত্তর পাওয়া যায়নি। আকাদেমির মত একটা সংস্থার ওপর সরকারের কতকগুলো মৌলিক ভ্রষ্টতা দেখানো উচিত। সেইটে দেখানো হয়নি বলে এই অভিযোগ এখানে করা হচ্ছে।

1লা মার্চ আকাদেমির কার্যকরী সমিতি এবং সাধারণ সমিতি তাদের এক মিলিত সভার সরকারের এই ব্যবহারের প্রতিবাদ করে। সরকারের এই অর্ডারকে আর একবার ভেবে দেখবার জন্ত অহরোধ জানানো হয়। কিন্তু তাতে কোনো ফল হয় না।

কেরল সাহিত্য আকাদেমিকে খুব একটা ভালো সংগঠন হিসেবে গড়ে তোলার আগ্রহ নিয়ে আমি এর কার্যকরী সভাপতির পদ গ্রহণ করি। তাই প্রথম থেকেই কোনো গোপনালের সৃষ্টি না করে এর কাজকর্ম এগিয়ে নিয়ে যাবার উদ্দেশ্য আমার ছিল। কিন্তু আকাদেমির ওপর সরকারের মনোভাব দেখে তার সঙ্গে আমার আদর্শের মিল রেখে আন্তরিক ভাবে কাজ করা আমার পক্ষে মুশকিল হয়ে পড়িয়েছে। এই

অবস্থায় আকাদেমির সঙ্গে আমার সম্পর্ক রাখা কষ্টসাধ্য হ'য়ে পড়েছে। তাই অত্যন্ত দুঃখের সঙ্গে আমি পদত্যাগ করতে বাধ্য হয়েছি।

এমনি ভাবে আকাদেমির কার্যকরী সভাপতির পদ আমি ত্যাগ করলাম। তবে একজন সাধারণ সভ্য হিসাবে আকাদেমির সঙ্গে আমার সম্পর্ক ছিল হয়নি।

এখানে ^১‘তুঙ্কন স্মারক সমিতি’ আর ^২‘ভল্লভোল স্মারক সমিতি’ সছড়ে কিছু বলা উচিত। তিরুরের কাছে তুঙ্কনের বাড়ীতে উচিত মত একটা স্মারক চিহ্ন করার জন্ত 1955 সালে ‘তুঙ্কন স্মারক সমিতি’ গঠন করা হয়।

স্মারক তৈরী করার জন্ত সমিতি টাকা সংগ্রহ করতে আরম্ভ করলেও জায়গা কিনে বাড়ী করার মত টাকা সংগ্রহ করা সম্ভব হয়নি। সরকারের সাহায্য ছাড়া এই ব্যাপারে অগ্রসর হওয়া অসম্ভব দেখে কমিটি তখন কেবল সরকারের সম্মুখীন হয়। মুখ্যমন্ত্রী পট্টম থাথু পিল্লা এবং অর্থমন্ত্রী আর. শঙ্কর এই ব্যাপারে সকল রকম সাহায্য করার প্রতিশ্রুতি দিলেন। এর ফলে 1964 সালের 15ই জানুয়ারী স্মারক উদ্ঘাটন করা হয়। এই স্মারকের কাজকর্মের জন্ত সরকার 1965 সালে একটা কমিটি গঠন করে। সরকারের অহরোধে আমি এই কমিটির সভাপতি হ'য়েছিলাম।

তুঙ্কনের স্মৃতিতে শুধু একটা স্মারক চিহ্ন তৈরী করে সেখানেই সব কাজ শেষ করতে আমার মন চাইল না। আমি চেয়েছিলাম একটা ভালো ক্লাসিকাল লাইব্রেরী গঠন করতে। তুঙ্কনের সব বই ছাড়া, মালয়ালম ও সংস্কৃতের ভালো ভালো বই এখানে সংগ্রহ করে রাখা হবে। গবেষণার জন্ত শাস্ত্র পরিবেশে গ্রন্থ-রচনার সুযোগও এখানে থাকবে। তার জন্ত যে সব পণ্ডিত এবং লেখকেরা এখানে আসবেন তাঁদের থাকবার সুবিধা করে দিতে হবে। মাঝে মাঝে বিদ্বন্ধন সভা ডাকা হবে। অনেক জ্ঞানগর্ভ পুস্তক এখান থেকে ছেপে বার করা হবে। এখানে একটি হস্তর বাগান করতে হবে, যাতে এই স্মারক চিহ্নের সৌন্দর্য আরো বেড়ে যাবে। শুধু কেবল নয়, ভারতবর্ষের নানা দিক থেকে ভ্রমণকারী, পণ্ডিত ও ঐতিহাসিকেরা এখানে আসবেন এবং এই তুঙ্কন স্মারক তখন ভারতের একটি তীর্থক্ষেত্রের মত হ'য়ে দাঁড়াবে।

ভল্লভোল স্মারক কমিটির কাজকর্মও বেশ ভালো চলছিল। 1958 সালের 18ই মার্চ মহাকবি ভল্লভোল মায়া বান। এর এক মাসের মধ্যে একটি সভা ডেকে ভল্লভোল স্মারক কমিটি গঠন করা হয় এবং আমাদের তার সভাপতি করা হয়। আমরা প্রায় 12500 টাকা তুলেছিলাম। এই টাকাটা কেবল বিশ্ববিদ্যালয়কে দিয়ে কলা বা

সাহিত্যের ওপর এক বছর অন্তর ভল্লতোল মেমোরিয়াল বক্তৃতা দেবার ব্যবস্থা করার জন্ত আমরা অনুরোধ জানাই। বিশ্ববিদ্যালয় এতে রাজী হয়। অল্ ইণ্ডিয়া রেডিও'র ডিরেক্টর জেনারেল ডক্টর জি. কে. মেনন 1966 সালে ত্রিবাঙ্গামে প্রথম ভল্লতোল মেমোরিয়াল বক্তৃতা দেন।

আর একটা মেমোরিয়ালের কথাও এখানে বলা উচিত। তা হচ্ছে মান্নারকাট্ কৃষ্ণন্ পরিবার সাহায্য ফাণ্ড। মাতৃত্বমি এই ফাণ্ড আরম্ভ করেছিল।

1957 সালের 28শে নভেম্বর মান্নারকাটে কৃষ্ণন্ নামে একজন লোক তার প্রতিবেদী একজন মুসলমানের জলন্ত বাড়ী থেকে তার ছোটো বাচ্চার প্রাণ রক্ষা করে। এই কাজে কৃষ্ণন্ তার জীবন হারায়। কৃষ্ণনের মা, স্ত্রী এবং দু'টি বাচ্চা ছিল। কৃষ্ণনের দরিদ্র পরিবারকে সাহায্য করার জন্ত মাতৃত্বমি দেশের লোকের কাছে আবেদন জানালো এবং “মান্নারকাট্ কৃষ্ণন্ পরিবার ফাণ্ড” বলে একটা ফাণ্ড খুললো। এক মাসের মধ্যে 23,385 টাকা সংগ্রহ হলো। এই টাকাটা তখনকার কেবল গভর্নর ডাঃ বি. রামকৃষ্ণ রাও এই জনসভায় কৃষ্ণনের পরিবারের হাতে তুলে দেন। এত অল্প সময়ের মধ্যে এত টাকা সংগ্রহ করা একটা মনে রাখার মত ঘটনা।

কালিকট্ হাসপাতালের রোগীদের স্বাস্থ্যবিধার জন্ত এবং হাসপাতালের কর্তৃপক্ষদের সাহায্য করার জন্ত “কালিকট্ হসপিটাল অ্যামিনিটিজ্ ফাণ্ড অ্যাসোসিয়েশন” নামে 1956 সালে একটা প্রতিষ্ঠান গঠন করা হয়। এই প্রতিষ্ঠানের চেষ্টার ফলে কালিকট্ মেডিক্যাল কলেজ হাসপাতালে একটা ডিপ্ এন্ডরে গ্র্যান্ট্ ও একটা কার্ডিওগ্রাম দান করা সম্ভব হয়েছে। এই প্রতিষ্ঠানের কাজকর্ম এখনো চলছে।

এই রকম একটি প্রতিষ্ঠান কালিকট্ মানসিক হাসপাতালের রোগীদের সাহায্যের জন্ত সম্প্রতি স্থাপন করা হয়েছে। এর সভাপতি আমি। এই প্রতিষ্ঠানের চেষ্টার ফলে এক লক্ষ টাকা ব্যয়ে নতুন একটা বাড়ী তৈরী করা সম্ভব হয়েছে।

উনপঞ্চাশ

চোখের চিকিৎসার জ্ঞান লগুনে

আমার চোখের দৃষ্টি যে ক্রমশঃ ক্ষীণ হ'য়ে আসছে সেটা আমার কাছে ধরা পড়ে 1954 সালে। কিন্তু তা সত্ত্বেও আমার পড়াশুনা আমি বন্ধ করি নি। শুধু রাতে পড়তে অস্ববিধা হ'লে কাউকে দিয়ে পড়াতাম। আমার বন্ধু ডক্টর পি. বি. মেনন মাঝে মাঝে আমার চোখের চিকিৎসা করতেন। এর তিনবছর পরে কালিকট হাসপাতালে ঐ চোখের অপারেশন করাই। এতে কিন্তু আমি আশাহীনরূপে ফল পেলাম না। খুব ঝাপসা দেখতাম। এর পর ডান চোখেও যখন অন্ধকার দেখতে লাগলাম তখন আমার দরকারী কাজকর্ম করা, ইচ্ছামত ঘুরে বেড়ানো, সব কিছু কষ্টসাধ্য হ'য়ে দাঁড়ালো। কিন্তু এত সত্ত্বেও ভোরবেলা উঠে লেখার অভ্যাস ছাড়ি নি। যা লিখতাম তা ভাল করে দেখতে পেতাম না। কাগজটা শুধু স্পষ্ট দেখতে পেতাম। তারপর আমার নাতনীদের কাউকে দিয়ে লেখাটা পড়াতাম। পড়ানোর পর দরকার মত কাটাকুটি করতাম। এমনি অনেকদিন ধরেই চলছিল। একদিন সকালে নিয়মমতো বেশ কিছু লিখে তা পড়ে শোনাবার জন্তে আমার নাতনী নলিনীকে ডাকলাম। সে কাগজটা হাতে নিয়ে খুব আশ্চর্যের স্বরে বলল—“দাদামশায়, তুমি তো এতে কিছু লেখ নি?” আমার কলমে যে কালি ছিল না তা আমি জানতে পারি নি। আমি একটু হাসলাম। এর পরে ভোরে উঠে লেখার অভ্যাস আমাকে ছেড়ে দিতে হ'ল। তবে অফিসে যাওয়া তখনো আমি বন্ধ করিনি, সভা সমিতিতেও যোগ দিতাম। নিজে পড়ার বদলে কাউকে দিয়ে পড়াতাম, লেখার বদলে কাউকে দিয়ে লেখাতাম। এমনি ভাবে আমার কর্তব্য আমি করে যাচ্ছিলাম।

1956 সালে এর্নিউলমে সাহিত্য পরিষদের জুবিলী উৎসবে অধ্যাক্ততা করার সময়ে আমার বক্তৃতা আমি নিজে পড়তে পারলাম না ব'লে আমার খুব কষ্ট হ'য়েছিল। ডান চোখে অন্ধকার দেখতে শুরু করলে পর আমি প্রায় একরকম অন্ধের মত দিন কাটাচ্ছিলাম। আমার অবস্থা অনেকে জানতো বলে সভাসমিতিতে অথবা আমার চলাফেরা করার সময় খুব শ্রদ্ধা ও সহানুভূতির সঙ্গে তারা আমার সঙ্গে ব্যবহার করতো। এর জন্ত আমি তাদের কাছে কৃতজ্ঞ।

ডান চোখটা অপারেশন করার সময় এলে পর আমার কয়েকজন বন্ধুবান্ধব আমাকে

লগুনে গিয়ে এই অপারেশন করাতে পরামর্শ দিলেন। লগুনে সব খোঁজ খবর নিয়ে আমি লগুনে যাওয়া ঠিক করলাম।

লগুনে আমাকে চার মাস থাকতে হবে। তদন্তকারী সমস্ত ব্যবস্থা আমি করলাম। আমার অল্পপরিহৃতিতে মাতৃভূমির সম্পাদকের পদ নিতে মাতৃভূমির ম্যানেজিং ডাইরেক্টর মি: ডি. এম. নায়ার রাজী হলেন। মাতৃভূমির পরিচালনা তাঁর হাতে দিয়ে আমি নিশ্চিন্ত হলাম। লগুনে বাবার, চিকিৎসা করাবার, থাকার জন্য টাকা সংগ্রহ করার ভাবনা আমাকে এবার চিন্তিত করে তুললো। আমার নানারকম অভিজ্ঞতা থেকে এতটুকু শিকা হয় নি। টাকা জমানো বা খরচ কমানো এরকম একটা চেষ্টা আমার মধ্যে ছিল না বলেই হয়। আমার এই স্বভাব যে খুবই খারাপ তা বুঝলেও এতদিনের স্বভাব আমি বদলাতে পারি নি।

লগুনে আমার সঙ্গে আর একজন লোকের থাকার খুবই দরকার ছিল। হিসেব করে দেখা গেল যে প্রায় 20000 টাকা চাই। চার মাসের মাইনে অগ্রিম নিলেও আরো অনেক টাকা জোগাড় করতে হয়। সিদ্ধাপুর থেকে আমার ছেলে উমি কিছু টাকা পাঠালো। মাতৃভূমিও কিছু সাহায্য করলো। কিন্তু তা সত্ত্বেও আরো পাঁচ হাজার বাকী রইলো। এই পাঁচ হাজার টাকা কি ভাবে জোগাড় করবো ভেবে আমি যখন খুব চিন্তায় আছি তখন খবর পেলাম যে কেন্দ্রীয় সাহিত্য আকাদেমি 1956, '57 আর '58 সালে লেখা সব চেয়ে ভালো মালয়ালম বই “ফেলে আসা দিনগুলি”-র জন্য পাঁচ হাজার টাকা পুরস্কার দিয়েছেন। খবরটি শুনে আমি স্বস্তির নিঃশ্বাস ফেললাম। এমনি ভাবে চোখের চিকিৎসার জন্য টাকা জোগাড় হলো।

1959 সালের 26শে ফেব্রুয়ারী দিল্লীতে কেন্দ্রীয় সাহিত্য আকাদেমির বিশেষ এক সভায় আমাকে এই পুরস্কার দেওয়া হয়।

দিল্লী থেকে কিরে আমি 8ই মার্চ মাদ্রাজ থেকে লগুন রওনা হই। সঙ্গে আমার জামাই করণাকর মেনন ও ডাক্তার পি. বি. মেননও ছিলেন। পয়ের দিন রাত দশটার লগুনে পৌঁছোলাম। 1915 সালে দ্বিতীয় মহাযুদ্ধের সময় আমি ব্যারিষ্টার হ’য়ে লগুন থেকে দেশে কিরে এসেছিলাম। 44 বছর পরে আবার লগুনে এলাম।

লগুন এরায়পোর্টে অপেক্ষমান বঙ্গবান্ধবদের সঙ্গে আমি আমার বাসস্থান Y. M. C. A.-তে গেলাম। সেখানে দশ দিন থাকার পর আমি মুরফিড্ আই হাসপাতালে ভর্তি হলাম। এটি চক্ষু রোগ চিকিৎসার একটি বিখ্যাত হাসপাতাল। ডঃ টেলোড এখানে আমার ডান চোখের অপারেশন করেন। ডঃ টেলোড বিন্ধ্য চক্ষু চিকিৎসক। তিনি আমার ডান চোখ পরীক্ষা করে বলেছিলেন যে অপারেশনের পর আমি স্পষ্ট দেখতে

পাব। অপারেশনের দশদিন পরে যখন আমার চোখের বাঁধন খুলে দেওয়া হ'ল তখন আলো দেখতে পেয়ে আমি খুব খুশী হলাম। চশমা নেবার আগে চোখ আর একবার পরীক্ষা করতে হবে বলে ডাক্তার বলেন।

চোখ পরীক্ষা করার দিন আমার অপারেশন করা ডান চোখটা ডাক্তার প্রায় আঁধা করে পরীক্ষা করলেন। তারপর আমাকে বলেন—মিঃ মেনন, আপনার আশাভঙ্গ করতে হচ্ছে বলে আমি অত্যন্ত দুঃখিত। আমি যে রকম ভেবেছিলাম ফল ততটা আশাপ্রদ হয় নি। আর একটা বড় অপারেশন করতে হবে, আর তা এক মাসের মধ্যেই করতে হবে। তার জন্য তিনঘণ্টা আপনাকে অজ্ঞান করে রাখা হবে। অপারেশনের পর দু'সপ্তাহ একটুও নাড়াচাড়া না করে বিছানায় শুয়ে থাকতে হবে। এখন আপনি কি করবেন ঠিক করুন।

—তাতে কি আমি সম্পূর্ণ ভাবে আমার চোখের দৃষ্টি ফিরে পাব ?

—সেটা ঠিক বলতে পারছি না। তবে আর একটু বেশী দেখতে পাবেন সেটা ঠিক। ডাক্তারের কথা শুনে আমি খুবই বিচলিত হলাম।

“একটু ভেবে দেখি” বলে আমার ঘরে ফিরে গেলাম। বিছানায় শুয়ে রাতের চিন্তা আমাকে ঘিরে ধরলো। জানলার বাইরে আলোর প্রকাশ দেখতে পেয়ে খুশী হলেও এত বড় একটা অপারেশনের পর এইটুকু মাত্র দেখতে পাচ্ছি এটা ভেবেও খুব অস্বস্তি বোধ করতে লাগলাম। আমি আমার সাহস হারিয়ে ফেলছিলাম। মনকে কতরকম ভাবে প্রবোধ দিলাম। কিন্তু কোনো লাভ হ'ল না। সময় কেটে যাচ্ছে, আর আমার মনের অস্বস্তি বেড়ে যাচ্ছে। বিছানায় শুয়ে শুয়ে অনেক কিছু ভাবতে লাগলাম।

হতাশায় আমার সারা মন ভরে গেল। মনে হচ্ছিল আমি যেন ক্রমশঃ তলিয়ে যাচ্ছি। মনে মনে ঈশ্বরকে ডাকতে লাগলাম। বেশ কিছুক্ষণ ঈশ্বর প্রার্থনা আর গভীর চিন্তায় ডুবে গেলাম।

বুলবুল পাখীর কিচিমিচি, রাস্তায় যানবাহনের শব্দ, নার্সের আশ্বাসজনক কথাবার্তা কিছুই আমার কানে যাচ্ছিল না। খানিকক্ষণ পরে করুণাকর মেনন এবং ডক্টর পি. বি. মেনন হাসপাতালে এলে পর আমি তাঁদের ডঃ টেলাভের কথা বললাম। তাঁরা আমাকে আশ্বাস দিতে চেষ্টা করলেও কল কিছুই হ'ল না। আমার মন তখন ভীষণ অস্বস্তিতে ভরে গেছে। সেদিন সারা দিন আমি ঈশ্বরকে ডাকতে লাগলাম। কয়েকজন বন্ধুবান্ধব সেদিন আমার সঙ্গে দেখা করতে এলে পর আমি সাধারণভাবে তাঁদের সঙ্গে কথাবার্তা বললাম। আমার মনের মধ্যে যে বেবনা বিকিথিকি জ্বলছিল তা তাঁরা কেউ জানতেও

পারল না। সেদিন সারা রাত আমি ঘুমোতে পারলাম না। পরের দিন সকালে ডাঃ স্টেলার্ড আমার চোখ পরীক্ষা করতে এসে জিজ্ঞেস করলেন—অপারেশনের ব্যাপারে কি ঠিক করেছেন?

আমি বললাম—আমার আর একবার অপারেশন করাবার এতটুকু ইচ্ছে নেই। ডাক্তারবাবু, রোগ দূর করবার তিনটে উপায় আছে বলে আমার মনে হয়। ওষুধ দিয়ে, নয় অপারেশন করে, এর দুটোই যখন কাজে আসে না তখন তৃতীয়টির ওপর নির্ভর করতে হয়—এ হচ্ছে প্রার্থনা আর বিশ্বাস। তাই প্রথম দুটোর দ্বারা যখন আমার চোখ ভাল হ'ল না তখন তৃতীয়টি দিয়ে হবে বলে আমি বিশ্বাস করি।

এর উত্তরে ডাক্তার বলেন—আপনার বিশ্বাসকে আমার অভিনন্দন জানাচ্ছি। ভগবান আপনার মঙ্গল করুন।

এরপর আরো দু'দিন আমি হাসপাতালে ছিলাম। অপারেশনের ফল আশাপ্রদ না হলেও আগের থেকে ভালো দেখতে পাচ্ছি। বাইরে এসে চারিদিক দেখে একটু ভরসা পেলাম। লগুনের পরিচিত রাস্তাগুলি, পুরোনো ঘরবাড়িগুলি, যানবাহন চলাচল ইত্যাদি দেখে আমি খুব খুশী হ'লাম। তবু ব্যথার একটা ছোট্ট ছায়া আমার মনকে ঘিরে রইল।

আমি দু'সপ্তাহ এই হাসপাতালে ছিলাম। এই হাসপাতালের কাজকর্ম এত ভালো যে প্রশংসা করে তার শেষ করা যায় না। এখানকার ডাক্তার, নার্স, হাসপাতালের সুখস্বিধার কথা যখন মনে পড়ে তখন প্রকৃত্তি আমার মন হয়ে পড়ে।

হাসপাতাল থেকে ফিরে এসে কিছুদিন আমি লগুনে ছিলাম। এ সময় দ্বিতীয়বার অপারেশনের কথা যে আমি চিন্তা করি নি তা নয়। ডাঃ স্টেলার্ড অপারেশনের ব্যাপারে যা বলেছিলেন তা শুনে আমার সন্তানেরা, আত্মীয়স্বজন, বন্ধুবান্ধব আর একবার এ সম্বন্ধে ভেবে দেখতে আমাকে অহুয়োধ জানালো। ডাঃ মেনন এবং আরো কয়েকজন ডাক্তার বন্ধু এ নিয়ে নিজেদের মধ্যে অনেক আলাপ আলোচনা করলেন। তারপর দ্বিতীয়বার আর অপারেশন করার দরকার নেই বলে তাঁরা ঠিক করলেন।

এরপর লগুনে আর বেশিদিন থাকার দরকার রইল না। অপারেশনের পর স্কটল্যান্ড এবং ইউরোপের কয়েকটি জায়গা ঘুরবো বলে ঠিক করেছিলাম। এখন বাড়ী ফিরে যাব বলে ঠিক করলাম। অপারেশন করা চোখে চশমা পরার পর আরো একটু ভালো দেখতে পেলাম। আমার প্রিয় পুরোনো লগুনকে ভালো করে দেখতে পেলাম। লগুনে নতুন নতুন বাড়ীর সংখ্যা আর তাদের সৌন্দর্য মাজাই আমার দৃষ্টি আকর্ষণ

করে নি। বিপ্লব ছাড়াও দেশে সমাজবাদের প্রতিষ্ঠা ক'রে ইংরেজরা সাফল্য লাভ করেছে তাতে আমি আশ্চর্য হয়ে গেলাম। বেকারের সংখ্যা কমে গেছে। সাধারণ লোকের জীবনের মান উন্নত হয়েছে। বড় ছোটর তফাৎ ঘুচে গেছে। এই পরিবর্তিত অবস্থায় স্থখে বাস করা ইংরেজদের দেখলে তাদের ওপর প্রজ্ঞা না জেগে পারে না।

পঞ্চাশ

লণ্ডন থেকে প্রত্যাবর্তন

1959 সালের 21শে এপ্রিল আমরা বিমানে লণ্ডন থেকে রওনা দিলাম। 22শে এপ্রিল বিকেল 4-30 টায় বসে পৌঁছোলাম। এয়ারপোর্টে অনেক বন্ধুবান্ধব এসেছিলেন। বসেতে আমি ডি. এম. নান্নারের আমাই মাখব দাসের আতিথ্য স্বীকার করি। দাসের স্ত্রী কমলার তত্ত্বাবধানে আমি চারদিন পূর্ণ বিশ্রাম নিতে পারলাম।

26শে এপ্রিল বসে থেকে মাস্ত্রাজে এলাম। মাস্ত্রাজে এসেই দেশের অর্থনৈতিক অবস্থার কথা শুনতে পেলাম। সরকার এই অর্থনৈতিক অবস্থার উন্নতি করার কোনো আগ্রহ না দেখানোতে ত্রীকেলগ্নন অনির্দিষ্ট কালের জন্য অনশন করবেন বলে ঠিক করেছেন জানতে পারলাম। কেলগ্ননের দেশপ্রেম, আদর্শনিষ্ঠা এবং আন্তরিকতা সর্বত্র আমার খুব শ্রদ্ধা ছিল, তবে অনশন করে এই অবস্থার বোঝাপড়া করা যাবে কিনা সে বিষয়ে আমার সন্দেহ ছিল। আমি কেলগ্ননকে অনশন করতে বাধ্য করে একটা চিঠি লিখলাম। আমার চিঠিতে কোনো ফল হবে না জানতাম, তবু চিঠিটা লিখে আমি একটু স্বস্তি পেলাম।

আমি আর কক্কাবর মেনন এক সপ্তাহ মাস্ত্রাজে থেকে 2রা মে সিজাপুরে রওনা হই। সিজাপুরে আমরা পরদিন পৌঁছোই। সিজাপুরে আমরা হ'সপ্তাহ আমার মেয়ে লীলার বাড়ীতে ছিলাম। জামাই এখানে শিক্ষকের কাজ করে। আমার ছেলে উন্নীও সিজাপুরে থাকে। সে জাপান এয়ার ফোর্সের একজন অফিসার। উন্নীর ছেলে হরির বয়স তিন বছর। অপারেশনের পর যখন চোখের দৃষ্টি আংশিক ভাবে ফিরে পেলাম, তখন আমার মনে প্রথম যে চিন্তার উদয় হ'য়েছিল তা হচ্ছে হরির মুখ আমি দেখতে পাব। সিজাপুরে গিয়ে তাকে দেখে আমার মনের অবস্থার কথা আমি এখানে বর্ণনা করতে অক্ষম।

তের বছর আগে আমি সিজাপুর ছাড়ি। আজ এত বছর পরে সেখানকার মালয়ালী এবং অস্ত্রান্তদের কাছ থেকে আমি যে অভ্যর্থনা পেলাম তাতে আমি সত্যিই খুব অভিভূত হ'য়ে গেলাম।

সিজাপুরের ইতিহাসে একটা নতুন অধ্যায় আরম্ভ হবার সময় আমি সেখানে বাই। সিজাপুর তখন একটা আলাদা ষ্টেট হয়েছে। নতুন সংবিধান অস্থায়ী সিজাপুরে যখন

সাধারণ নির্বাচন হচ্ছিল তখন আমি সেখানে ছিলাম। সিকাপুরে ব্রিটিশ প্রভুত্বের চূড়ান্ত দেখেছিলাম। নির্বাচনের পর পি. এ. পি. দল ক্ষমতায় এলে পর ইংরেজেরা একের পর এক সেখান থেকে চলে গেল। এই ছোট্ট বীপটির কত পরিবর্তনই না এখন হয়েছে।

মালয়েও এই একই ব্যাপার হয়েছে। এ রাজ্য এখন স্বাধীন হয়েছে। ব্রিটিশেরা চলে গেছে। নয়টি প্রদেশ নিয়ে মালয়ে একটি ফেডারেশন গঠন করা হয়েছে। একজন নির্বাচিত স্থলতান এখন এই ফেডারেল স্টেটের মাথা। এখানে এখন পার্লামেন্টারী গণতন্ত্র কাজ করছে।

এই সময় অনেক পুরোনো বন্ধুবান্ধবের সঙ্গে আমার দেখা হয় এবং ভোজসভার নিমন্ত্রিত হবার অবকাশ মেলে। “বিলেভের থবর” নামে আমার বইটির আর একটি নতুন সংস্করণ বের করার জন্য তাতে আরো পাঁচটি নতুন অধ্যায় ‘সংযোগ’ করার অবসরও এখানে আমার মিলেছিল।

১৪ই জুন রাত দশটার সিকাপুর থেকে বেরিয়ে সাত ঘণ্টার যাত্রা শেষে মাদ্রাজে এসে পৌঁছোলাম। একদিন সেখানে থেকে পরের দিন কলিকটে এসে উপস্থিত হলাম।

সিকাপুরে আর একবার আমি চশমা বদলিয়েছিলাম। নতুন চশমার আরো একটু ভালো করে দেখতে পাচ্ছিলাম। কালিকট রেলওয়ে স্টেশনে আমার পুরোনো বন্ধুবান্ধবদের মুখ পরিষ্কার দেখতে পেয়ে আমি খুব খুশী হলাম।

৬ই জুলাই আমি আবার মাতৃভূমির সম্পাদনার কাজে যোগ দিই।

একান্ন

পরিবর্তিত অবস্থায়

দেশে ফিরে আসার পর যদিও আমি আগের চেয়ে ভালো দেখতে পাচ্ছিলাম, তবু লিখতে ও পড়তে আমার খুব কষ্ট হচ্ছিল। এর জন্তে আমাকে পরের সাহায্য নিতে হলেও দৈনন্দিন কাজকর্ম করতে বিশেষ কিছু অসুবিধে হয়নি। শরীরে ক্লান্তি অনুভব করিনি, কাজেও নিরুৎসাহ বোধ করিনি। লগুন থেকে ফিরে দেশের পরিবর্তিত অবস্থা দেখে ভবিষ্যতে আমার কাজকর্ম সম্বন্ধে কি পথ অবলম্বন করবো সে বিষয়ে আমি গভীর চিন্তা করছিলাম।

কেরলে তখন কম্যুনিষ্ট দল রাজ্য শাসন করছিল। কম্যুনিষ্ট শাসনের বিরুদ্ধে অস্ত্রাস্ত্র দলগুলির বিরোধিতা ক্রমেই বেড়ে যাচ্ছিল। সরকারের শিক্ষা বিলের বিরুদ্ধে প্রথম আন্দোলন শুরু হয়, আর সেই আন্দোলন খুব তাড়াতাড়ি সারা দেশে ছড়িয়ে পড়ে একটা বিরাট আন্দোলনের রূপ নিল। কম্যুনিষ্ট সরকারকে শাসন ক্ষমতা থেকে হটিয়ে দেওয়ার আওরাজ্জ সারা দেশে প্রতিধ্বনিত হতে লাগলো। কম্যুনিষ্ট বিরোধী দলগুলি সব একজোট হ'ল। কিন্তু কম্যুনিষ্টরা এত সহজে শাসন ক্ষমতা ছেড়ে দিতে প্রস্তুত ছিল না। তারা সাধারণ নির্বাচনে জয়লাভ করে ক্ষমতায় এসেছে। বিধানসভায় বতদিন তারা সংখ্যাগরিষ্ঠ থাকবে ততদিন দেশের ক্ষমতা চালানোর অধিকার তাদের একথা তারা স্পষ্ট বলল। সংখ্যাগরিষ্ঠ একটি দলকে আন্দোলন করে ক্ষমতাচ্যুত করা গণতান্ত্রিক ভঙ্গতা নয় এটা তারা আঙুল দিয়ে দেখিয়ে দিল। কংগ্রেস আর অস্ত্রাস্ত্র দলগুলি বলতে লাগলো দু'বছর ধরে কম্যুনিষ্ট পার্টির কুশাসন যে রকম করেই হোক শেষ করতে হবে, নইলে কেরলে গণতন্ত্রের ভবিষ্যৎ অন্ধকার। দেশের লোকের মতও দু'ভাগে ভাগ হয়ে গেল—কম্যুনিষ্ট সমর্থনকারী আর কম্যুনিষ্ট বিরোধী।

জনগণের আন্দোলনকে গিবে ফেলার জন্ত কম্যুনিষ্ট সরকার যে কঠিন ব্যবস্থা অবলম্বন করলো তাতে এই আন্দোলন আরো জোরালো হ'য়ে উঠল। কেরলের বাইরেও আন্দোলনের বিপক্ষে এবং স্বপক্ষে জনমত গড়ে উঠছিল। কেরলে বা ঘটছিল তা ভারতের অস্ত্রাস্ত্র রাজ্যগুলি এমন কি বিদেশের লোকেরাও খুব উৎকণ্ঠার সঙ্গে লক্ষ্য করছিল।

কেরলের রাজনৈতিক আবহাওয়া ঘুণা আর বিদ্বেষে কলুষিত হয়ে উঠলো। রাজনৈতিক দলগুলো যাত্রা নয়, খবরের কাগজগুলোও এই আন্দোলনের ঘূর্ণিতে পড়ে গেল। অকম্যুনিষ্ট দলগুলি কম্যুনিষ্ট শাসন শেষ করার জন্য যে আন্দোলন আরম্ভ করলো তাকে তারা “মুক্তি সংগ্রাম” বলে ঘোষণা করে। দেশে কম্যুনিষ্টদের অধীনে শাসনের নামে যে কুশাসন চলছিল তার বিরুদ্ধে আমারও অনেক অভিযোগ ছিল এবং ক্ষমতা থেকে তারা যেন বিচ্যুত হয় তাও আমি চেয়েছিলাম। কিন্তু তার জন্য কংগ্রেস এবং অন্যান্য দলগুলি যে পথ অবলম্বন করেছিল তা আমি সমর্থন করতে পারিনি। এগুলো আমার কাছে অগণতান্ত্রিক বলে মনে হয়েছিল। কম্যুনিষ্টদের কুশাসনের মত অকম্যুনিষ্টদের এই মুক্তি সংগ্রাম গণতন্ত্রের অধঃপতনের পথ খুঁড়ে বলে আমার ভয় হয়। কম্যুনিষ্ট বিরোধী রাজনৈতিক দলগুলি এবং কাগজগুলি আন্দোলনের উদ্বেজনায় এই বিপদের কথা চিন্তা করেনি। আমি আর চূপ করে থাকতে পারলাম না। আমি, যদি আমার মত প্রকাশ না করি তাহলে আমার দেশবাসীর প্রতি কর্তব্য থেকে বিচ্যুত হবো। তাই 1959 সালের 29শে জুলাই এ বিষয়ে আমি মাতৃভূমিতে একটা বিবৃতি দিই। এই বিবৃতি অন্যান্য কাগজেও বেরিয়েছিল। ত্রীকেলঙ্গনও এই বিবৃতিতে সই করেছিলেন। এর থেকে খানিকটা অংশ এখানে তুলে দিচ্ছি।

—আজকে কেরলে একটা অভূতপূর্ব অবস্থার সৃষ্টি হয়েছে। দেশে আজ নিয়ম-শৃঙ্খলা বলে কিছু নেই। ছাত্রেরা পড়াশুনার মন দিচ্ছে না, সরকারী অফিসের কর্মচারীরা তাদের কাজ করছে না, যে যা খুশী বলছে, যা খুশী কাজ করছে। এ সবের দায়িত্ব কোন দলের, কে ঠিক কাজ করছে, এসব তর্ক বিতর্কের মধ্যে আমরা যেতে চাই না। আমাদের দেশে যে কতকগুলি খারাপ ঘটনা ঘটছে সেগুলো যদি ঘটতে থাকে তাহলে তা দেশের পক্ষে খুবই ক্ষতিকারক। তাই আমরা আমাদের মৌনতা ভঙ্গ করে এই বিবৃতি দিতে বাধ্য হয়েছি।

আমরা অন্য এক ঐতিহ্যে বেড়ে উঠেছি, তাই আমাদের পক্ষে দেশের এই অবস্থা দেখে অসন্তোষ বেড়ে যাচ্ছে, মন ভারী হয়ে উঠছে। দেশে এমন একটা অবস্থা ব্যাধি সৃষ্টি করেছে তাদের কি সরকারের ওপর একটা কর্তব্য নেই? জনসাধারণের নৈতিক বোধকে উচু করে তুলে ধরে সরকারের প্রতি তাদের কর্তব্যের কথা স্মরণ করিয়ে দেওয়া কি আমাদের উচিত নয়?

এই আন্দোলন যে বেশিদিন চলবে না এ আমি জানতাম। সমস্ত কেরলে যে ভাবে দিনের পর দিন শাসনব্যবস্থা ভেঙে পড়ছিল তাতে কেরলে কম্যুনিষ্ট সরকারের শাসন আর চলতে পারে না বলে কেজ মনে করলো। জম্মুখারী ভারতের প্রেসিডেন্ট 1959

সালের 1লা সেপ্টেম্বর রাজ্যের শাসন নিজের হাতে নিয়ে বিধানসভা ভেঙে দিলেন। আন্দোলন শেষ হল, দেশে পূর্বকার অবস্থা ফিরে এল। রাজনৈতিক দলগুলি আবার একটা নির্বাচনের জন্য প্রস্তুত হ'তে লাগলো। 1960 সালের ফেব্রুয়ারী মাসে দেশে আবার সাধারণ নির্বাচন হয়। এর ফলে কংগ্রেস ও পি. এস. পি. একসঙ্গে বোণ দিয়ে একটা যুক্ত মন্ত্রীসভা গঠন করে। মুসলিম লীগের সমর্থনও এই মন্ত্রীসভা পেল। লীগের সঙ্গে কংগ্রেসের এই ঐক্যে অবশ্য আমার দুর্ভাগ্যজনক বলে মনে হ'য়েছিল।

লগুন থেকে ফিরে আসার পরও শ্রী ভি. এম. নায়ার বেশ কিছুদিন আমাকে সাহায্য করার জন্য মাতৃভূমির কাজকর্ম দেখছিলেন। সম্পাদকের দায়িত্বের বেশীর ভাগ তিনিই বহন করছিলেন। এমনভাবে তিনি ম্যানেজিং এডিটর আর আমি চীফ এডিটর হ'য়ে কাজ করছিলাম।

ভি. এম. নায়ারের সাহায্য পাওয়ার ফলে আমি অস্ত্রান্ত ক্ষেত্রে কাজ করার সুযোগ পেয়েছিলাম। কেরল সাহিত্য আকাদেমির সহ-সভাপতি মহাকবি ভল্লভোলার মৃত্যুর পর সেই পদ গ্রহণ করতে কেরলের নতুন সরকার আমাকে অস্বীকৃতি করলো। আকাদেমি একটা স্বয়ংসম্পূর্ণ সংগঠন হবে, তার দৈনন্দিন কাজে সরকার মাথা গলাতে পারবে না, এই কারণ দেখিয়ে আমি কার্যকরী সভাপতির পদে ইস্তফা দিয়েছিলাম। আমার এই মত নতুন সরকার যেনে নেবে এই বিশ্বাসে আমি আকাদেমির সহ-সভাপতির পদ নিতে স্বীকার করলাম। তবে আমার আশাহ্রুপ ফল পেলাম না।

1961 সালের 7ই অক্টোবর সাহিত্য আকাদেমির চতুর্থ বার্ষিক সম্মেলনে আমার বক্তৃতায় এই ব্যাপারে আমি বিশদভাবে বলেছিলাম। তার কিছু এখানে তুলে দিচ্ছি—‘আকাদেমির নিজের দায়িত্ব যদি ঠিকমতো পালন করতে হয় তাহ'লে এই প্রতিষ্ঠান সম্পূর্ণ স্বয়ংশাসিত হওয়া উচিত। এর রূপ দেওয়া এবং কাজের পথ দেখানো মাত্র সরকারের দায়িত্ব।’—একথা 1956 সালে আকাদেমির প্রতিষ্ঠার সময় তখনকার ত্রিবাঙ্গুর-কোচীন স্টেটের উপদেষ্টা পি. এস. রাও বলেছিলেন। এ কথা 1954 সালে কেন্দ্রীয় সাহিত্য আকাদেমি উদ্ঘাটনের সময় মোলানা আজাদও বলেছিলেন। আকাদেমিগুলিকে স্বয়ংসম্পূর্ণ প্রতিষ্ঠান হিসেবে গড়ে তুলে তাদের কাজকর্ম চালানোর জন্য সরকার মত অর্থ সাহায্য করার ব্যবস্থা সরকার নিয়েছে। আকাদেমির একবার প্রতিষ্ঠা হলে তার ওপর গভর্নমেন্টের কোনো নিয়ন্ত্রণ থাকা উচিত নয়। আকাদেমিকে একটা সরকারী প্রতিষ্ঠান হিসেবে দেখা যেন কখনোই সরকারের উদ্দেশ্য না হয়। আকাদেমির সংগঠকেরা চেয়েছিলেন, এটা একটা স্বয়ংসম্পূর্ণ প্রতিষ্ঠান হবে। তাই এর সংবিধানে কোনো পরিবর্তন আনতে হ'লে তা আনার দায়িত্ব তারা আকাদেমির

হাতেই দিয়েছেন। আকাদেমি তাই গভীর আলোচনার পর সংবিধানের পরিবর্তন করে কতকগুলি প্রস্তাব সরকারের অমুমোদনের জন্য আজ আট মাস হ'ল দিয়েছে। সরকার যে শুধু এটা অস্বীকার করে নি তা নয়, এ ব্যাপারে আকাদেমির সঙ্গে কোন আলোচনা করতে সরকার প্রস্তুত হয় নি। অনেকবার, অনেক ভাবে, আকাদেমি এই ব্যাপারে সরকারের দৃষ্টি আকর্ষণ করেছে। কিন্তু তাতে কোনো ফল হয় নি।

এই বছরই আকাদেমির সঙ্গে আমার সম্পর্ক শেষ হয়। এখনো কেবল সাহিত্য আকাদেমি তার নিজের স্বাভাব্য লাভ করেনি।

লণ্ডন থেকে ফিরে এসে আমি কয়েকটি বই লিখেছিলাম। 'জয়ের পথে', 'প্রভাত দীপ', 'আব্রাহাম লিঙ্কন', 'আমরা এগিরে যাচ্ছি', 'নতুন ভারতের স্রষ্টা' (দুই ভাগ) 'জগদ্বলাল নেহেরু', 'মহাত্মা গান্ধী' (দুই ভাগ), 'দেশের জন্য' এবং 'মহাত্মা' নামে ছ'টি নাটক সবশুদ্ধ বারো খানা বই লিখি।

চোখে ভালো করে দেখতে না পেয়ে কেমন ভাবে আমি এতগুলো বই লেখা শেষ করলাম সেটা জানার ঔৎসুক্য নিশ্চয় পাঠকদের হচ্ছে। সকালে তিন ঘণ্টা সাধারণতঃ আমি লিখি। একটা লেখা শেষ হ'লে পর অন্যটা আরম্ভ করি। কখনো বা দু'টো তিনটে বই একসঙ্গে লিখতে আরম্ভ করি। এমনি ভাবে আট বছরে বারোটা বই লিখে শেষ করেছিলাম।

এই লেখাতে আমাকে কৃষ্ণ কুরুপ, বেণুগোপাল, কৃষ্ণ নারায়ণ সাহায্য করেছিলেন। বই লেখার সময় অন্যান্য বইও আমাকে পড়তে হ'য়েছিল। সবসময় স্বতি শক্তি থেকে লেখা সম্ভব নয়। তাই বই লেখার এক একটা স্টেজে দরকারী জায়গাগুলো পড়ে দেবার জন্য আমার বন্ধুদের বলতাম। পড়া শেষ হ'লে বন্ধুদের লিখতে বলতাম। আমি যা বলতাম, তারা তাই লিখতো। আমার মেয়ে লীলা, নাতনী নলিনী এবং মাতৃভূমির সম্পাদকীয় বোর্ডের তাকম বই লেখার ব্যাপারে অত্যন্ত উৎসাহের সঙ্গে আমার সাহায্য করেছে। এই কষ্টসাধ্য কাজে যারা আমাকে সাহায্য করেছে তাদের আমি আমার কৃতজ্ঞতা জানাচ্ছি।

আমাকে অনেক জনসভার ভাগ নিয়ে হয়। নির্দিষ্ট সময়ে সভার যেতে আমি ভালোবাসি। যত ছোট সভাই হোক না কেন, সেখানে যাবার আগে আমার বক্তব্য ভালো করে মনে মনে গুছিয়ে নিয়ে তারপর আমি বাই। রেডিওতে বক্তৃতা দেবার নিমন্ত্রণও পেরেছি।

কাগজের ব্যাপারে বেশীর ভাগ ভার জিনিয়ার নিলেও অফিসে আসার পর আমার অনেক কিছু করতে হয়। প্রতিদিনকার কাগজ, মাসিকপত্র, অন্যান্য কাগজ পত্র নক

আমার সেক্রেটারী শ্রীকুমার আমার পড়ে শোনাতো। চিঠি-পত্রের উত্তর তৈরী করতে হয়। নানারকম প্রশ্ন করে অনেকে অনেক চিঠিপত্র দেয়। এ ছাড়া রেঞ্জি বহুলোক আমার সঙ্গে দেখা করতেও আসে।

দুপুরে খাবার পর আমি এক ঘন্টা ঘুমোতাম। সবকিছু ফেলে রেখে আমি এক ঘন্টা ঘুমোনোর সময় ক'রে নিতাম। তারপর অফিসে গিয়ে দেড় ঘন্টা কাজ করতাম। কোনো কোনো দিন সভাসমিতিতে যোগ দিতাম। অন্ত্যান্ত দিন বাড়ী পৌছানোর পর লীলা বা নলিনী আমার পছন্দমত বই থেকে পড়ে শোনাতো। রাতে খাওয়া সেরে আবার কিছুক্ষণ পড়তে আর গান শুনতে আমার ভাল লাগতো। রাত সাড়ে ন'টার সময় আমি ঘুমোতে যেতাম।

বয়স হ'লেও আমি বুড়ো হ'য়ে গেছি এরকম আমার কখনও মনে হয় না। ক্ষিধে না থাকা, ঘুম কমে যাওয়া, স্থিতিশক্তি ক্রীণ হ'য়ে যাওয়া, বার্ধক্যের লক্ষণগুলি আমাকে তখনো পেয়ে বসেনি।

সভাসমিতিতে যোগ দেবার জ্ঞান বা অন্ত্যান্ত কাজে আমাকে মাঝে মাঝে ভ্রমণ করতে হতো। পছন্দমত খাওয়া সময় মত গেলে আর ভ্রমণ করবার সুবিস্ববিধাগুলো থাকলে ভ্রমণের ক্লান্তি আমার লাগতো না। বরঞ্চ মাঝে মাঝে ভ্রমণ করতে আমার ভালই লাগতো।

দৃষ্টিহীনতা যেন আমার কাজকর্ম আর মনকে স্পর্শ না করে এ দিকটার আমি সব সময় লক্ষ্য রাখি। অপারেশনের পর বেশ কয়েক দিন একটু খারাপ লেগেছিল। কিন্তু আমি সে খারাপ ভাবটা দূর করতে চেষ্টা করেছিলাম। পরে এই খারাপ ভাবটা একেবারেই ছিল না। সাধারণ লোকের মতো উৎসাহের সঙ্গে দৈনন্দিন কাজকর্ম আমি ক'রে যেতাম। একেবারে অন্ধ লোকেরা এই পৃথিবীতে কত বড় বড় কাজ করে গেছে। “দৃষ্টিশক্তি হারিয়ে গেলেও জীবনকে অর্থপূর্ণ ও কার্যকরী করে তোলা যায় এটা বিশ্বাস করাটাই সবচেয়ে বড় কাজ”—একথাটা লর্ড ফ্রেজার একবার বলেছিলেন। লর্ড ফ্রেজার নিজে অন্ধ ছিলেন এবং অন্ধদের দৃঃখদুর্দশা লাঘব করবার জ্ঞান কঠিন পরিশ্রম করেছিলেন। এই ধরনের মহাত্মাদের জীবনী আমি অনেক পড়েছি। এদের মধ্যে সবচেয়ে যে বইটি আমাকে আকৃষ্ট করেছে তা হচ্ছে অন্ধ ও বধির হেলেন কেলারের জীবনী।

নানারকম কাজে লিপ্ত থাকার আমার অক্ষমতার হা-হতাশ করার সময় আমার খুব কমই ছিল। দৃষ্টিশক্তিও ক্রীণ হ'লে জীবনকে সাফল্যমণ্ডিত করার উপায় আমি এখনো অবেষণ করে চলেছি। এই চেষ্টার বিফল হয়েছি একথা বলতে আমি প্রস্তুত নই। আমার এই অক্ষমতা আমার কর্তব্য কর্মে যেন বিঘ্ন না ঘটায়, এইই আমার প্রার্থনা।

বাহার

জনজীবনের দুই দিক

অর্ধ শতাব্দীরও বেশী আমি কেবলে এবং তার বাইরে জনসাধারণের মধ্যে কাজ করেছি। এই জীবনের দুই দিক।—তার তিক্ততা ও মিষ্টতা আনন্দ করার অনেক সুযোগ আমার ঘটেছে।

কিसे আমাকে জনহিতৈষী কাজে নামতে প্রেরণা দিয়েছে একথা জিজ্ঞেস করলে পর তার ঠিক মতো উত্তর দেওয়া মুশকিল। সরকারী কাজ করবার আগ্রহ আমার ছোটবেলা থেকেই ছিল না। জনসাধারণের জীবনে ভাগ নিয়ে স্বাধীনভাবে কাজ করার ইচ্ছাই আমার ছিল। দেশপ্রেমিকদের জীবনী পড়ার খুব আগ্রহ আমার ছেলেবেলা থেকেই। স্বাধীনতা সংগ্রামীদের জীবন কাহিনী, তা সে যে দেশেরই হোক না কেন, আমাকে খুব প্রেরণা দিত। ইটালীকে একটি রাজ্য হিসেবে গড়ে তুলেছিলেন যে ম্যাটসিনি, আমেরিকার স্বাধীনতা এনে দিয়েছিলেন যে জর্জ ওয়াশিংটন, মাঝু রাজবংশের কুশাগন থেকে চীনকে মুক্ত করেছিলেন যে লান-ইয়াং-সেন, আর্জেন্টায় থেকে ব্রিটিশ ক্ষমতা হঠিয়ে দিয়েছিলেন যে ডি. ভ্যালেরা, নিগ্রো ক্রান্তান্তদের স্বাধীনতা দিয়েছিলেন যে আব্রাহাম লিঙ্কন, তাঁদের জীবনী আমি অত্যন্ত আগ্রহের সঙ্গে পড়েছিলাম। এই বইগুলি পড়ে জনগণের কাজ করার জন্য আমি খুব প্রেরণা অনুভব করেছিলাম।

আমি কালিকটে প্র্যাকটিশ করার সময় হোমরুল লীগের সেক্রেটারী ছিলাম। জনগণের কাজে আমার জীবন সুদীর্ঘকাল কেটেছে, এক এক সময় এক এক রকম কাজে। কাজের ক্ষেত্র বদলালে তার ধরনটাও বদলাতো। আমার আশাহুয়ারী আমি জনগণের সেবা করে গেছি। কিন্তু ক্ষেত্র ঘেরকমই হোক না কেন, বিরোধিতা ছাড়া আমাদের দেশে কোনো কাজ করা মুশকিল। যখন হোমরুল আন্দোলনের সঙ্গে জড়িত ছিলাম তখন নীচু জাতির লোকদের আক্রোশ সহ করতে হয়েছিল। ভৈকম সত্যাগ্রহের সময় উঁচু জাতির বিরোধিতা সহ করতে হয়। অসহযোগ আন্দোলনের সময় প্রবল প্রতাপশালী সরকারের, শ্রমিকদের কাজের সময় মালিকদের বিরোধিতা সহ করতে হয়েছিল। এমন অবস্থায় লক্ষ্যে পূর্ণ বিশ্বাস এবং উদ্দেশ্যের সত্যতা থাকলে জনহিতৈষী কর্মী তার কাজে এগিয়ে যেতে পারে।

হোমরুল আন্দোলনের সময় কংগ্রেস দল সম্বন্ধে লোকে বলত—“ব্রিটিশ সাম্রাজ্যে নৃষ অস্ত্র যায় না, সেই সাম্রাজ্যকে উলটে দেবার চেষ্টা করছে হোমরুল আন্দোলন। এই সব পাগলদের আর কি বলার আছে।” এদের সঙ্গে তখন আমরা তর্ক করিনি, কারণ অপর পক্ষের মতামত শোনার মত মন বা ধৈর্য তাদের ছিল না।

আমি যখন জনগণের কাজে নামলাম তখন চার রকম বিপদের সম্মুখীন আমাকে হ’তে হ’য়েছিল। আমার পরিবার আর বন্ধুবান্ধবদের আমার ওপর অনেক আশা ছিল। বিলেত থেকে ব্যারিষ্টার হ’য়ে এলে তারা আমার কাছ থেকে অনেক কিছু প্রত্যাশা করেছিল। কিন্তু আমি তাদের সে আশা পূর্ণ করতে পারি নি। আমার অনেক নিকটতম বন্ধু যখন আমাকে প্র্যাকটিশ বন্ধ রেখে অসহযোগ আন্দোলনে যোগ দিতে দেখলো তখন তারা তাদের রাগ এবং ঘৃণা আমার ওপর খোলাখুলিই দেখিয়েছিল। আমার এই সাহসিক কাজকে যে তারা শুধু অপছন্দ করতো তা নয়, আমার সঙ্গে সম্পর্ক থাকলে তারাও সরকারের কোপ নজরে পড়বে এই ভয় তাদের ছিল। আমিও তাই তাদের সঙ্গে খুব কমই দেখা করতাম। টাকাপয়সা হাতে না থাকলে মাহুকের আত্মমর্ঘ্যতা যে কতখানি নীচে নেমে পড়ে তা আমার তখনকার অভিজ্ঞতা থেকে জানতে পারি। হাতে পয়সা না থাকায় দৈনন্দিন খরচ পর্যন্ত চালাতে পারিনি। এর জগ্রে যে হীনতা স্বীকার করতে হয়েছে, সে তির্যক স্বভাব কথ্য কখনই ভোলা যায় না। ছাত্রজীবন থেকেই আমি দেনার উৎপাতে অনেক কষ্ট সহ্য করেছি। এই দেনার যন্ত্রণা আমাকে কখনই ছাড়েনি। মাঝে মাঝে একটু কম হয়েছে এই মাত্র। আজো যে এর থেকে আমি সম্পূর্ণ মুক্ত তা আমি বলতে পারি না। সে সময় আমার একটা নির্দিষ্ট আয় ছিল না, হাতে সঞ্চয়ও কিছু ছিল না। এদিকে সংসারও চালাতে হবে। এমন অবস্থা হ’লে পর লোকে যে হতাশার গভীর সাগরে ডুবে যাবে তাতে আর আশ্বর্ষের কি আছে, দার্শনিক কথাবার্তা, ভালো ভালো উপদেশ, কিছুই তখন আমাদের সাহায্য করতে পারে না। তখন মনে হয়, এমনভাবে বেঁচে লাভ কি! এ জীবনের এখানেই শেষ হয়ে যাওয়া ভাল। কেমন ভাবে এই সব অবস্থা আমি কাটিয়ে এসেছি সে কথা ভাবলে আমার খুব আশ্চর্য লাগে।

সরকারের কিছু কিছু অফিসারের নানা রকমের ভীতি প্রদর্শনে আমি সব সময় খুব অস্বস্তি বোধ করেছি। আমি এয়ারেট হ’তে পারি। পুলিশ বাড়ী সার্চ করতে আসতে পারে, কোন অপরাধ আমার ওপর চাপিয়ে দিয়ে আদালত থেকে শাস্তি দেয়ালে তা উত্তল করার জন্য আমার জিনিষপত্র বাজেয়াপ্ত হ’তে পারে, এইসব ভয়

আমাকে তখন সবসময় ঘিরে থাকত। সে সময় একটা ভয়াবহ পানিপানিকে আমি বহুদিন কাটিয়েছি। এর চেয়েও ভয়াবহ অভিজ্ঞতা হয়েছিল জাপানীদের অধীনে যখন সিঙ্গাপুরে আমাকে থাকতে হয়।

একজন সমাজসেবকের সবচেয়ে দুঃসহ অভিজ্ঞতা হচ্ছে ক্রুদ্ধ জনতার নিন্দা আর হিংসার বলি হওয়া। এই রকম অভিজ্ঞতাও আমার কয়েকবার হয়েছে। আমাদের স্বাধীনতার জন্ত অস্ত্রের উপর নির্ভর করে কোনো লাভ নেই। ফুলের মালা আর প্রাণশ্রী পাওয়ার মত ঢিল খাওয়া আর নিন্দার পাত্র হওয়া একজন জনসেবকের কপালে আছে একথা সবসময় মনে রাখতে হবে, তাই মানসিক সাম্য বজায় রাখতে না পারলে জনগণের কাজ থেকে বিরত হওয়াই ভাল। এমনভাবে উপদেশ দেওয়া অবশ্য সোজা, কিন্তু তাকে কাজে পরিণত করা খুবই কঠিন। এখানে একটা ঘটনার কথা বলছি—বিধানসভা বহিষ্কার করা হবে কি হবে না এই নিয়ে খোঁজখবর করার জন্ত কংগ্রেস একটা বিশেষ কমিটি গঠন করে। এটা এরনাডোর গুণগোল হবার পরেই। ডক্টর আনসারি, পণ্ডিত মতিলাল নেহরু, হাকিম আজমল খা, রাজাগোপালাচাঈ, বিঠলভাই প্যাটেল, কস্তুরী রঙ্গ আরকার, এঁরা ছিলেন এই কমিটির সভ্য। এই কমিটিকে সরকার মালাবারে ঢুকতে দেয়নি। তাই মালাবারের কংগ্রেস কর্মীদের সাক্ষ্য এই কমিটি তামিলনাড়ুর ইরোডে নিয়েছিলেন। এর সঙ্গে আমি কয়েকজন বন্ধুবান্ধবের সঙ্গে ইরোড বাই। আমি তখন কেবল রাজ্য কংগ্রেস কমিটির সেক্রেটারী। অনেক ব্যাপারে আমার মতের সঙ্গে আমার বন্ধুদের মত মেলেনি। অবেশ্য কমিটির কাছে সাক্ষ্য দেবার সময় তারা শুধু আমার মতকেই খণ্ডন করেনি, ব্যক্তিগতভাবে আমার নামে অভিযোগও করে। ভিত্তিহীন এইসব অভিযোগ চূপ করে শুনে যাওয়া ছাড়া আমার আর কোন উপায় ছিল না। আমি এত প্রাণমন দিয়ে কংগ্রেসের কাজ করেও আমাকে এমনভাবে বিরূপ মন্তব্যের সম্মুখীন হ'তে হলো, একথা ভেবে আমার মন অসহ্য দুঃখে ডুবে গেল। আমার তখন মনে হয়েছিল এইসব সহ্য করে জনগণের কাজ করার কি দরকার!

“মিঃ মেনন, আপনাকে দেখছি সকলেই ভুল বুঝেছে”—একথা বিঠলভাই প্যাটেল আমাকে তখন বলেছিলেন। তাঁর সেই কথাগুলো এখনো আমার কানে বাজেছে। ইরোড থেকে ফেরার সময় একটা তৃতীয় শ্রেণীর কামরার গুরে আমার দুর্দশার কথা ভেবে আমি চোখের জল ফেলেছি। আমার মনের মধ্যে বা হৃদয় তা সহ্যহৃদয় গদে শোনার একটা লোক পর্যন্ত আমার কাছে ছিল না।

একজন সমাজসেবীর জীবনচিহ্ন ঠিকমতো না বুঝে তার উদ্দেশ্যকে ভুল বুঝে

লোকে অনেক সময় তার বিরোধিতা করে। ক্ষুদ্র জনরোষের সম্মুখীন হতে হ'লে অনমনীয় মনোভাব ও অসীম সাহসের দরকার। এসব জায়গায় বিচক্ষণতার কাজ হচ্ছে বতর্তা সম্ভব জনরোষের সম্মুখীন না হয়ে তাদের এড়িয়ে যাওয়া।

অত্যন্ত নিঃস্বার্থভাবেও যদি কেউ জনহিতকর কাজে লিপ্ত থাকে, তাহ'লে সে যে সব সময় লোকের ভালোবাসা ও বিশ্বাস লাভ করবে এমন নয়। অবশ্য কখনো কখনো এই ভালোবাসা ও বিশ্বাস অনেক দেরীতে পাওয়া যায়। এখানে আমার মাদাম কামার জীবনের কথা মনে পড়ছে। তাঁর মৃত্যুর পর দেশের লোক তাঁর দেশসেবার কথা জানতে পারে। এমন অনেক সমাজসেবী আছে যারা তাদের বেঁচে থাকার সময় অথবা মৃত্যুর পরও লোকের স্বীকৃতি পায়নি। অবশ্য এই স্বীকৃতি পাবার কথা ভেবে সত্যিকার জনসেবক জনগণের কাজে নামে না।

অবশ্য জনগণের কাছ থেকে প্রশংসা পেলে একজন জনসেবকের আনন্দ না হ'য়ে পারে না। সুপ্রসিদ্ধ বক্তা শ্রীনিবাস শাস্ত্রীর সম্বন্ধে একটা গল্প শুনেছিলাম। একবার কলকাতায় শ্রীনিবাস শাস্ত্রী একটা বক্তৃতা দিয়েছিলেন। বক্তৃতার পর এক বন্ধু তাঁকে বলেছিলেন—“আপনার বক্তৃতা অপূর্ব হয়েছে। এমন একটি বক্তৃতা শুনে পেয়ে আমি নিজেকে ভাগ্যবান বলে মনে করছি।” তাতে শ্রীনিবাস শাস্ত্রী বলেছিলেন—এরকম প্রশংসা আমি কত শুনেছি, তবু বন্ধুদের আন্তরিক অভিনন্দনে আমি খুশী হই। প্রশংসা শুনে, যে কোনো মানুষের অন্তরে স্বাভাবিকভাবে যে আবেগের সঞ্চার হয় সেই কথাই শাস্ত্রী এখানে বলেছেন।

জনগণের কাজ করতে গিয়ে অনেক ধারাপ অভিজ্ঞতা হলেও জনসাধারণের ভালোবাসার স্পর্শও আমি অহুভব করেছি। জনসাধারণের কাজে যারা নামে, তাদের সব কিছুর জন্ত তৈরী থাকা উচিত। তাদের অবস্থা সম্মুখ সময়ে নামা ঘোড়ার মত। তাদের ভবিষ্যৎ অনিশ্চিত। যুদ্ধে তারা মরতেও পারে, জয়লাভও করতে পারে। তবে ঘোড়ার এই আত্মত্যাগ দেশের স্বাধীনতা ও অখণ্ডতাকে অক্ষুণ্ণ রাখে, এই আত্মবিশ্বাস তাদের প্রেরণা জোগায়। জনগণের কাজে নিজেকে ঢেলে দেওয়া একজন জনসেবকেরও মনোভাব এমনি। অস্ত্রায়ের বিকছে সংগ্রাম করা, দুঃখকষ্ট থেকে গরীবদের আশার আলো দেখানো, তাদের এক উজ্জ্বল ভবিষ্যতের সন্ধান দেওয়া, এইসব মহৎ ভাবনা জনসেবককে তার কাজে প্রেরণা দেয়। সকল রকম দুঃখকষ্ট সহ্য করে, বাধাবিপদের সঙ্গে যুদ্ধ করে সামনে এগিয়ে যাবার অসাধারণ ক্ষমতা কোনো কোনো লোকের মধ্যে দেখা যায়। তারা বত বেশী বিরোধিতার সম্মুখীন হয় তাদের কাজকর্মের উৎসাহ ভত বেড়ে যায়। এই ধরনের নেতারা তাঁদের

লক্ষ্যে পৌছোতে পারুন বা না পারুন, তাঁরা তাঁদের সমস্ত শক্তি যে জনসাধারণের কাজে ঢেলে দিয়েছেন এই বোধই তাঁদের মনকে সাফল্যের আনন্দে ভরিয়ে দেয়।

আমার অভিজ্ঞতাগুলি আমার জীবনে এখন অম্পট স্মৃতি হ'য়ে বেঁচে আছে। সেই স্মৃতির মাধুর্য আমি এখনো রোমন্থন করি। জীবনে অনেক কষ্ট পেয়েছি। কিন্তু যদি জনসেবার কাজে নিজেদের না ঢেলে দিতাম, তাহ'লে আজকের মনের তৃপ্তি আমি কোনদিনই পেতাম না। জীবনের সারাংশে মনের তৃপ্তিই তো আমাদের একান্ত দরকার।

তিপান্ন অস্থিরতার তরঙ্গ

ভারতের রাষ্ট্রপতি 1966 সালের সাধারণতন্ত্র দিবসের অহুষ্ঠান উপলক্ষে আমাকে পদ্মভূষণ খেতাব দিলেন। এই খবর কাংক্ষে বেরোলে পর বন্ধুবান্ধব এবং আত্মীয়-স্বজনদের কাছ থেকে যে অভিনন্দন পাই, তাতে আমি খুবই অভিভূত হ'য়ে যাই। দু'মাস পরে রাষ্ট্রপতির নিজের হাত থেকে এই সম্মান নেবার জন্ত আমি দিল্লী গেলাম। আমার সঙ্গে আমার মেয়ে লীলা এবং নাতনী নলিনীও ছিল।

আমরা দিল্লীতে এক সপ্তাহ ছিলাম। এর মধ্যে আমার পুরোনো বন্ধু জেনারেল মোহন সিং-এর নিমন্ত্রণে চণ্ডীগড় গেলাম। এখানে আর একজন পুরোনো বন্ধু রতন সিং-এর সঙ্গেও দেখা হলো। আই. এন্. এর সময় তিনি মোহন সিং-এর সেক্রেটারী ছিলেন। পরে পাঞ্জাবের মন্ত্রী হন।

দিল্লী থেকে ফিরে আসার পর আমি কয়েকটি অভ্যর্থনা সভায় যোগ দিলাম। এর পরেই আমার অশীতিতম জন্মবার্ষিকী এলো। জন্মবার্ষিকী উপলক্ষ্যে বন্ধুবান্ধব এবং নানা প্রতিষ্ঠানের পক্ষ থেকে যে উপহার পেলাম তা এক অমূল্য সঞ্চয় হিসেবে আজো আমি বহু করে রেখেছি। জীবন সত্যিই একটা অদ্ভুত নাটক। কিছুদিন আগে কত বকম তিক্ত অভিজ্ঞতা আমার হয়েছিল, আর আজ পেলাম এই হৃদয়ভরা স্বীকৃতি।

এই বছর কালিকট শহরের শতবার্ষিকী উৎসব অহুষ্ঠিত হ'ল। এই অহুষ্ঠানে আমি যোগ দিলাম। এর জন্তে ছ'মাস আগে থেকে যে প্রস্তুতি চলছিল তাতে বন্ধুবান্ধবদের সঙ্গে আমিও যোগ দিয়েছিলাম। এই উপলক্ষে কালিকটের কলেজগুলির ছাত্রছাত্রীরা অসম্ভব খেটেছিল।

এই সময় কাগারকোট নিয়ে একটা আন্দোলন চলছিল। কাগারকোটের কতকগুলি ভাগ তাদের বলে মহাশূর সরকার দাবী করে। মহাশূর আর মহারাষ্ট্রের মধ্যে তখন দেশের সীমারেখা নিয়ে বাদ প্রতিবাদ চলছিল। এ বিষয়ে অহুসন্ধান করার জন্ত ভারত সরকার একটা একাধিক কমিশন নিযুক্ত করেছিলেন। এই কমিশনকে কাগারকোটের ব্যাপারেও অহুসন্ধান করার ক্ষমতা দেওয়া হয়। এটা যে খুবই অজ্ঞান করা হয়েছে সেটা আমাদের অনেকেরই মনে হয়েছিল। এই ব্যাপারে আলোচনা করার জন্ত আমি 1966 সালের নভেম্বর মাসে এর্নাকুলমে একটি নিখিল কেরল সম্মেলন ডাকি।

এগারো বছর আগে ঠিক করা দেশের সীমারেখা নিয়ে আবার গুণগোল করাটা ঠিক নয় বলে এই সম্মেলন মত প্রকাশ করে। কাগারকোটের ব্যাপারে একটা সিদ্ধান্ত না হওয়া অবধি সম্মেলনপোষাঙ্গী দরকার মত ব্যবস্থা গ্রহণ করার জন্ত সভা একটা বিশেষ কমিটি গঠন করে। আমি এই কমিটির প্রেসিডেন্ট ছিলাম। বেশ কিছুদিন এই কমিটি খুব উৎসাহের সঙ্গে কাজ করেছিল।

এমনিভাবে উৎসব আর আন্দোলন যখন চলছিল তখন আবার দেশের এদিকে ওদিকে বিশৃঙ্খলার লক্ষণ দেখা দিল। দেখতে দেখতে সারা দেশে এই বিশৃঙ্খলা ছড়িয়ে পড়ল। স্বাধীনতার পর দেশকে সবচেয়ে বড় এক সঙ্কটের সম্মুখীন হ'তে হ'ল।

1947 সালের পর নতুন গণতন্ত্রের প্রবর্তনে দেশের নানা ক্ষেত্রে উন্নতি দেখা দিলে পর নিকট ভবিষ্যতে ভারতবর্ষ জাতিপুঞ্জের অন্তান্ত দেশগুলির নীর্বে উঠে যাবে এরকম একটা ধারণা অনেকের হয়। আমারও সেই আশা ছিল। পঞ্চবার্ষিকী পরিকল্পনার ফলে দেশে বড় বড় বাঁধ, বিরাট বিরাট শিল্প, নতুন গবেষণা কেন্দ্র, বিশ্ববিদ্যালয় ইত্যাদি গড়ে উঠেছিল। জাতিপুঞ্জ ভারত তার স্থান করে নিয়েছিল। জাতিপুঞ্জের সত্ত্ব স্বাধীনতা পাওয়া বিভিন্ন দেশগুলি অনেক সময়স্কার সম্মুখীন হ'য়ে ভারতের মতামত জানতে চাইছিল। অন্তর্দেশীয় সম্মেলনগুলিতে ভারত কি পথ অবলম্বন করে তা দেখার জন্ত অনেক দেশ সাগ্রহে অপেক্ষা করছিল। কিন্তু এ সব সত্ত্বেও 1962 সালের পর দেশে একটা পরিবর্তন এল। সে বছর চীনেদের চঠাং আক্রমণে আমরা বিহ্বল হয়ে পড়লাম। দেশকে রক্ষা করার দিক দিয়ে যে আমরা কতটা দুর্বল তা ধরা পড়লো। চীনারা যদি আরো কিছুদিন তাদের আক্রমণ অব্যাহত রাখতো তাহ'লে যে কি হ'তো তা বলা যায় না।

স্বাধীনতা সংগ্রামের সময় আমাদের সামনে রাখা লক্ষ্য এবং জীবনের মূল্যবোধ লক্ষ্যে যে ধারণা একদিন গড়ে উঠেছিল তা এখন সম্পূর্ণ ধুলিসাং হ'য়ে গেল। নিজেদের মধ্যে একটা ঐক্য বোধ, কঠিন পরিশ্রম করার মনোভাব, নিরমশৃঙ্খলা মেনে চলা, এসব তখন কিছুই ছিল না বলেই হয়। ধর্মঘট, যানবাহন চলাচল বন্ধ করে দেওয়া, জনগণের সম্পত্তি নষ্ট করা, মারামারি, দাঙ্গাহাঙ্গামা, রাজকার ব্যাপার হ'য়ে দাঁড়িয়েছিল। দেশের ভবিষ্যৎ সবচেয়ে বেশী করে যে বিপদের সম্মুখীন হয়, তা হচ্ছে ছাত্রছাত্রীদের মধ্যে ক্রমবর্ধমান বিশৃঙ্খলা এবং তাদের একের অপরকে আক্রমণ করার প্রবৃত্তি। সারা দেশে এই অরাজকতা আর উচ্ছৃঙ্খলতাকে বাড়িয়ে তোলার জন্ত উৎসাহ দিচ্ছিল দেশের রাজনৈতিক দলগুলি।

ভাষার ব্যাপারে, দেশের সীমারেখার ব্যাপারে, দেশের নানা জায়গায় ফেটে পড়া

অরাজকতা ও বিশৃঙ্খলা আমাদের জাতীয় ঐক্যকে শিথিল করে তুলবে, এরকম একটা আশঙ্কা অনেকেরই হয়েছিল। কোন কোন স্থানে সেখানকার অধিবাসীরা ভারতের অল্প রাজ্য থেকে এসে বসবাস করা লোকদের ওপর আক্রমণ শুরু করলো। এই দৃষিত প্রবণতা আরো বাড়তে দেওয়া হলে তা যে আমাদের দেশের নিরাপত্তা আর অগণতাকে বিপদে ফেলবে সে ভয় আমাদের বেড়ে উঠলো। দেশে যে বিশৃঙ্খলা বেড়ে উঠছিল তার ফল পার্লামেন্ট এবং বিধানসভায়ও দেখা যাচ্ছিল। আমরা কয়েকজন তখন গভীরভাবে ভাবছিলাম, কি করে এই অরাজকতা থেকে দেশকে উদ্ধার করা যায়, কেমন ভাবে একটা গঠনমূলক চিন্তা ও দৃষ্টিভঙ্গী জনসাধারণের মধ্যে গড়ে তোলা যায়।

একটি দেশের খ্যাতি স্থখ্যাতি সে দেশের লোকের চরিত্রের ওপর নির্ভর করে। এই চরিত্র গঠন করার জন্য রীতিমত ট্রেনিং-এর দরকার। কিন্তু এই রকম শিক্ষা দেবার কোনো চেষ্টা স্বাধীনতা পাবার পর দেশে করা হয় নি। এই রকম ট্রেনিং দেওয়ার জন্য আমরা ‘পৌর সঙ্ঘ’ নামে একটা সংগঠন গড়েছিলাম। ব্যক্তি এবং জনগণের জীবনে একটা উন্নত মান রাখার জন্য সঙ্ঘের সদস্যদের উদ্বোধিত করা, জনসাধারণের জ্ঞান বাড়ানো, স্বাধীনভাবে চিন্তা করা, একত্র কাজ করার একটা আগ্রহ তাদের মধ্যে বাড়িয়ে তোলা, অন্যদের সাহায্য করার উৎসাহ জাগিয়ে তোলা, জাতি, ধর্ম, সামাজিক পদমর্যাদার কথা ভুলে গিয়ে সকলের সঙ্গে একভাবে ব্যবহার করা, দেশের সমস্তাগুলি সম্বন্ধে ভালো ভাবে অবহিত হওয়া, তা সমাধান করার উপায় খুঁজে বার করা, শ্রেষ্ঠ নাগরিক হ’য়ে বেড়ে ওঠার জন্য আমাদের যুবকদের উৎসাহ দেওয়া, শান্তির পথে দেশের উন্নতির জন্য অক্লান্ত পরিশ্রম করা—এইগুলো ছিল সংক্ষেপে এই পৌর সঙ্ঘের কার্যাবলী।

নাগরিক সঙ্ঘের কাজের ফল পেতে বেশ কিছু সময় নেবে। তবে দেশের একটা উজ্জল ভবিষ্যৎ গড়ে তোলার জন্য এই সঙ্ঘের কাজ যে সাহায্য করবে সে সম্বন্ধে আমাদের কোনো সন্দেহই নেই।

প্রতিষ্ঠান বা সংগঠনগুলি এক একটি ব্যক্তির মতো—তারার চিরকালের জন্য নয়। সময়োপযোগী দরকারের জন্য এই সংগঠনগুলো গড়া হয়। তারার বেড়ে ওঠে, আবার কিছুদিন পরে বিলীন হ’য়ে যায়। তাদের জায়গায় আবার অন্য সংগঠন গড়ে ওঠে। নাগরিক সঙ্ঘের প্রচেষ্টায় যে আদর্শ কেবলে গড়ে উঠবে সেই কেবলকে আমার কল্পনার চোখে আমি দেখতে পাচ্ছি। এই কল্পনাকে বাস্তব করে তোলার জন্য আমি এখন চেষ্টা করছি।

চুয়ান

বার্থকোর অভিশাপ আর আশীর্বাদ

এই অধ্যায় যখন লিখছি তখন আমারও বয়স হয়েছে ৪৩ বছর। লোকে আমাকে খুখুড়ে বুড়ো বলেই ভাববে। এরকম ভাবটা অবশ্য অসঙ্গত নয়। জীবনের প্রত্যেক ঠেজের এক একটি বৈশিষ্ট্য আছে। শৈশবের নিষ্কলঙ্কতা, বাল্যের চাপলা, যৌবনের উত্তেজনা, মধ্য বয়সে কিছু লাভের তৃষ্ণা, বার্থকোর অক্ষমতা, সব একে অগ্নের থেকে আলাদা। বার্থকোর অক্ষমতা আমাকে পেয়ে বসেছে এমন একটা অল্পভূতি আমার এখনো হয়নি। দৃষ্টিশক্তি অবশ্য খুবই ক্ষীণ হ'য়ে এসেছে, এছাড়া বার্থকোর আর কোনো শাস্তি আমাকে পেতে হয়নি। দারিদ্র্য আর বার্থক্য এই দুইটি জিনিষ সহ করা মাহুষের পক্ষে কষ্টকর। এর যে কোনো একটা মাহুষকে হতাশ করে তোলায় পক্ষে যথেষ্ট। আর দুটো যদি একসঙ্গে যুক্ত হয় তাহ'লে জীবন নরক হয়ে ওঠে। এমনভাবে নরকের জীবনযাপন করা কয়েকজনকে আমি জানি। আমার এই দীর্ঘ জীবনে যেসব কষ্টের অভিজ্ঞতা আমার হয়েছে তা এই ব্যাপারে আমাকে বেশ শিক্ষা দিয়েছে।

কাজ করবার অক্ষমতা অথবা বিমুখতা এই দুটোই সাধারণতঃ বুড়ো বয়সে দেখা যায়। এই দুটোই এখনো আমার কাছে ঘেঁসতে পারেনি। কাজ করবার এখনো আমার যথেষ্ট উৎসাহ আছে। শুধু কাজের বৈচিত্র্য আমি চাই। এখনো রোজ তিন চার ঘণ্টা আমি লেখার জগ্ন ব্যয় করি। অনেক দিনই জনসভায় যোগ দিই। অনেক সংগঠনের সঙ্গে এখনো আমি সক্রিয় ভাবে যুক্ত আছি। এক একটা সংগঠনের কাজ এক এক রকম। কাজ বদলানোর সঙ্গে সঙ্গে যে সব লোকের সম্পর্কে আমাকে আসতে হয় তারাও বদলে যায়। শিক্ষিত, অশিক্ষিত, উঁচু-নীচু, দলীয় নির্দলীয়, কলা, সাহিত্য, সমাজসেবার যুক্ত বহু লোকের সঙ্গে আমি আমার সম্পর্ক রেখে আসছি। বাদ্যের কাছেই আমি আসি না কেন তাদের সঙ্গে একটা মানসিক সাযুজ্য তৈরী করার অস্ববিধা আমার হয়নি। আমি সকলের সঙ্গে অত্যন্ত সহদয় ব্যবহার করি। তারি কলে হয়তো তাদের কাছ থেকে জেহ ও ভ্রভা পাই।

বার্থকোর একটা প্রধান দোষ কর্মবিমুখতা, এটা আগেই বলেছি। আমার বয়সী এক বন্ধু একবার আমার সঙ্গে দেখা করতে এসেছিলেন। একটা ইজিচেয়ারে অর্শয়ান ভাবে তিনি ফেলে আসা দিনগুলির কথা একটার পর একটা বলে বেতে লাগলেন।

একটু পরে পা দুটো ইজিচেয়ারের ওপর তুলে দিয়ে তিনি আমাকে বলেন—“আমার এখন কি ইচ্ছে করে জানেন মিঃ মেনন? কোনো কাজকর্ম না করে মুখে একটা পাইপ দিয়ে এমনভাবে শুয়ে মনকে যেখানে খুশী ঘুরতে দেওয়া, আর মাঝে মাঝে এই আপনাদের সঙ্গে যেমন কথা বলছি তেমনি কতকগুলি বন্ধুবান্ধবের সঙ্গে গল্পগল্প করা।”

এমনি অলসভাবে সময় কাটিয়ে দেবার ইচ্ছে আমার নেই। বিশ্রাম আমিও ভালোবাসি, বন্ধুদের সঙ্গে গল্প করতেও আমার খুব উৎসাহ। কিন্তু কিছু না করে চূপচাপ বসে থাকতে আমার একটুও ভালো লাগে না। এক কাজ থেকে অল্প কাজে লিপ্ত থাকটাই আমার কাছে বিশ্রাম।

বার্ষিকের আর একটা দোষ হচ্ছে দেহের ক্লান্তি। আশী বছর পরে সম্পূর্ণ সুস্থ হ’য়ে থাকা লোকের সংখ্যা খুবই কম। ক্রীণ দৃষ্টির কথা বার্ন দিলে আমার স্বাস্থ্য শুধু যে ভালো তা নয়, আমার স্বাস্থ্যের আরো উন্নতি হ’য়েছে একথা আমি বলতে পারি। দৈনন্দিন জীবনে আমি যে নিয়মনিষ্ঠা পালন করে এসেছি তাই হয়তো আমার স্বাস্থ্যের পক্ষে উপকারী হয়েছে। তুচ্ছ ব্যাপারে মনে মনে চঞ্চল আমি হই না। ঘুণা বিষেব মনের মধ্যে আমি বৈলীকণ পুষে রাখি না। এসবই হয়তো আমার স্বাস্থ্যের পক্ষে অনেক উপকারী হয়েছে। এছাড়াও হয়তো আরো কোনো অজানা ব্যাপার আছে। সে বাই হোক স্বাস্থ্য নিয়ে আমাকে ভুগতে হয়নি।

বার্ষিক্যে মানুষকে বা সবচেয়ে কষ্ট দেয় তা হচ্ছে এক রকমের দুঃখবাদ। মৃত্যু এগিয়ে আসছে, এই পৃথিবীর কাছ থেকে বিদায় নেবার সময় হ’য়ে এসেছে—এমনি ভাবে চিন্তা করে একটি লোককে চোখের জল ফেলতেও আমি দেখেছি। আমি এই ধরনের অহেতুক কল্পনাকে প্রশ্রয় দিই না। আমার শান্ত সুস্থ পারিবারিক জীবনের জন্য আমি সেই সর্বশক্তিমান ঈশ্বরের কাছে কৃতজ্ঞ। এমনি স্বচ্ছন্দ শান্ত জীবন এখনো আরো কিছুকাল যাতে কাটিয়ে দিতে পারি তার জন্য আমি ঈশ্বরের কাছে প্রার্থনা করি।

অনেকদিন হ’ল প্রত্যেক রাজনীতি থেকে আমি অবসর গ্রহণ করেছি। তার মানে এই নয় যে, রাজনৈতিক ব্যাপারে আমার আর আগ্রহ নেই। বরং অমুখ্যাতী এক এক রকম কাজে আমাদের উৎসাহ কমে বাড়ে। রাজনৈতিক কাজের জন্য ছোটোছুটি করা, বিরুদ্ধ পক্ষের বাদ প্রতিবাদকে খণ্ডন করে তাদের পরাজয়ে আনন্দ লাভ করার মন আমার এখন নেই, একথা সত্যি। কিন্তু তার মানে এই নয় যে, আজ দেশের চারিদিকে বা ঘটেছে তা আমার মনে কোন ছায়া ফেলছে না। বার্ষিক্য সমস্ত কিছু বর্থাৎ বাস্তববাদী হিসেবে বিচার করা সম্ভব হয়। ক্ষমতা বা জনগণের প্রশংসার মোহ

এড়িয়ে সমস্ত ব্যাপার কি ভাবে আমাদের প্রভাবিত করবে তা জানার স্বযোগ বার্থক্য আমাদের দেয়। যুবকদের বা প্রৌঢ়দের বেগব অহুভূতি অর্ধেক করে তোলে, বৃদ্ধ বয়সে সেগুলো আর বিচলিত করে না। বিচক্ষণ উপদেশ দিয়ে যুবকদের কর্মমুখী করে তোলার ভালো একটা স্বযোগ বৃদ্ধ বয়সের থাকে।

দূরদর্শিতা, স্থির চিন্তা, মত প্রকাশের সাহস, প্রতিদানের আশা না রাখা, প্রভৃতি গুণগুলি আমাদের পরিশ্রমকে সফল করে তোলার চেষ্টা করে। আর বার্থক্যই এই গুণগুলির প্রকাশ বেশী করে দেখা যায়। বৃদ্ধ বয়সে শাস্ত মনে এক জায়গায় বসে পড়তে বা লিখতে অত্যন্ত ভালো লাগে। জরুরী কোনো কাজ না থাকলে আমি এই ভাবেই সময় কাটাতে ভালোবাসি। আর এই দুটোতেই অন্তদের ওপর নির্ভর করে থাকতে হয় বলে আমি তাদের কাছে আমার অসীম কৃতজ্ঞতা জানাই।

কাজ থেকে অবসর গ্রহণ করার সময় এক ভয়লোক একবার আমাকে বলেছিলেন—এতদিন পঞ্চম কাজের ফাইল আর সে সম্বন্ধীয় বই পড়ার সময় ছিল। আমার পছন্দমত বই পড়ে তার রস গ্রহণ করার স্বযোগ আমার ঘটে নি। কাজ থেকে অবসর গ্রহণ করার পর এই স্বযোগ আমার প্রচুর মিলবে বলে আশা করি।

বার্থক্যও জীবনের একটা অংশ। জীবনের একটা প্রধান উদ্দেশ্য—বিশিষ্ট কোন অধেষণ করা। যতদিন না জীবনের অবসান হয় ততদিন এই অধেষণ চলতে থাকে। শুধু বই পড়ে এই বিশেষ জ্ঞান অর্জন করা যায় না। অন্তদের সঙ্গে সম্পর্ক স্থাপন করাটাও এই জ্ঞানার্জনের মধ্যে পড়ে। এমনি ভাবে অন্যের সঙ্গে সম্পর্ক আমি রাখতে পেরেছি, তাতে আমার শারীরিক দুর্বলতা বা মানসিক উৎসাহহীনতা বাধা হ'য়ে দাঁড়ায় নি। ছাত্র অথবা নবীন যুবকেরা কোনো কিছুর ক্ষণে আমার কাছে এলে পর তাদের উৎসাহে ভাগ নিতে আমি এখনো পারি। সমস্ত ব্যাপারটা আমি তাদের দৃষ্টিতে দেখতে পারি। বয়সের পার্থক্য এর প্রতিবন্ধক হ'য়ে দাঁড়ায় না।

দৈনিক ও মানসিক অবসাদ যখন বৃদ্ধ বয়সে পেয়ে বসে তখন চেষ্টা করে এই অবসাদ দূর করা সম্ভব। পরিমিত আহার, নিয়মিত ব্যায়াম ও বিশ্রাম, পড়াশুনায় উৎসাহ, ভালো ব্যাপারে চিন্তা করার অভ্যাস আমাদের বুদ্ধির বিকাশ করতে সাহায্য করে। জীবনকে অনেক সময় জলন্ত প্রদীপের সঙ্গে উপমা দেওয়া হয়। প্রদীপে যেমন মাঝে মাঝে তেল চলে শিখাকে অনিবার্ণ রাখা দরকার, তেমনি ভাবে ক্ষীণ হয়ে আসা দেহকে ঠিকমত খাওয়া, এবং ক্লান্ত মনকে উৎসাহে ভরিয়ে দেবার মত চিন্তা করাও দরকার।

আমার ইচ্ছে, কাজের মধ্যে লিপ্ত থেকে সময় কাটানো। তবে আমাদের ইচ্ছে মতো

কাজ তো আর সব সময় পাওয়া যায় না। একবার আমার এক বন্ধু জিজ্ঞেস করেছিলেন—আমি কি ভাবে মরতে চাই। অল্প সব কিছু মতো মৃত্যুর ব্যাপারেও মানুষের রুচি আলাদা আলাদা।

অনেকদিন আগে লওনে ছাত্রাবস্থায় থাকাকালীন মধ্যবয়সী এক ইংরেজ মহিলা সে সময়কার কাগজে একটা অত্যন্ত নিদারুণ মৃত্যুর খবর পড়ে আমাকে এমনি ভাবে বলেছিলেন—‘মি: মেনন, সমুদ্রে বা নদীতে ডুবে মরতে আমার খুব ইচ্ছে করে। প্রথমবারকার খাসরোধের কষ্টটা কেটে গেলে পর এই মৃত্যু থেকে এক ধরনের আনন্দ পাওয়া যায়। তাই আমি এমনি ভাবে মরতে চাই।’

আর একজন আমাকে বলেছিলেন—নিজ্রার মধ্যে যদি মৃত্যু আসে, তার মতো আনন্দকর আর কিছু নেই।

মৃত্যুর ব্যাপারে আমার ইচ্ছার কথা বলি—।

দীর্ঘকাল রোগশয্যায় শুয়ে অপরকে আমি শেন না ভোগাই। হঠাৎ মরে যাবার ইচ্ছেও আমার নেই। এই ধরনের মৃত্যু কামা হ’লেও বন্ধুবান্ধব আত্মীয়স্বজনদের অনেক অস্ববিধার মধ্যে পড়তে হয়। অপ্রত্যাশিত কিছু ঘটলে তার সম্মুখীন হওয়ার নানা অস্ববিধা আছে। আমার প্রিয়জনদের এমন অস্ববিধার আমি ফেলতে চাই না বলেই এমন মৃত্যু আমার কাম্য নয়। মরণ আগর, এটা যেন সকলে জানতে পারে, তখন দু’তিন দিন রোগশয্যায় শুয়ে আমি মরতে চাই। তাহ’লে মৃত্যুকে শান্ত মনে বরণ করে নেবার সুযোগ ঘটে। কে জানে, এটা সম্ভব হবে কিনা। এটা আমার মরণের পর অন্তেরা ঠিক করুক।

পঞ্চানন

সারাহু চিন্তা

এই বইয়ের প্রথম সংস্করণ বের হবার পর তা' পড়ে আমার একটি নিকট বন্ধু আমাকে যে কথাগুলি বলেছিলেন সেগুলো এই অধ্যায়টি লেখার সময় মনে পড়ছে। আমার দীর্ঘকালের অভিজ্ঞতা থেকে জীবনে যে সব তত্ত্ব লাভ করেছি সেগুলি নতুন যুগের ছেলেদের জানানোর জন্তে যদি আমি কিছু লিখে রেখে যাই তাহ'লে ভালো হয় ব'লে তিনি বলেছিলেন। এই বন্ধুর কথামতো আমি নতুন যুগের ছেলেদের কতকগুলো কথা বলতে চাই। এগুলো অবশ্য উপদেশ নয়। জীবনে কতকগুলো পথ আমার ভালো বলে মনে হয়েছে। সেগুলোর কথা আমি বলতে চাই।

আমি যাদের সঙ্গে জীবন আরম্ভ করেছিলাম তাদের মধ্যে খুব কম লোকই এখন বেঁচে আছে। যারা বেঁচে আছে, তারা জীবনের রস আশ্বাদন করার ক্ষমতা হারিয়ে কোনো রকমে দিন কাটাচ্ছে। এই দলের একজন বন্ধুর সঙ্গে দেখা করতে গেলে পর তাঁর অবস্থা দেখে আমি অবাক হয়ে গেলাম, কষ্টও পেলাম। এক সময় অত্যন্ত ভালো ফুটবল খেলতেন, হাইজাম্প দিলেন, বহুদূর পর্বন্ত অনার্মাসে মীতাব কাটতেন, এমন একটি লোক আজ দু'জন লোকের সাহায্যে চলাফেরা করছেন।

কিছুক্ষণ একসঙ্গে বসে আমরা আমাদের যৌবনের দিনগুলি স্মরণ করলাম। ফেলে আসা সেই দিনগুলির স্মৃতি জীবনের সন্ধ্যায় বসে আমরা রোমন্থন করছিলাম। এই রো হুন মনে যেমন বেদনা জাগায়, তেমনি খুশী ও আনন্দও জাগায়। জীবন সুখদুঃখের চেউয়ে আলোড়িত। ভুল না করে, কোনো বিপদের সম্মুখীন না হয়ে, জীবনকে এগিয়ে নিয়ে যাওয়া কঠিন। আমার অভিজ্ঞতাও তাই। তবু যৌবনে পড়া কতকগুলি বই ও করেকজন প্রাণঃস্মরণীয় ব্যক্তির সঙ্গে পরিচিত হওয়ার সৌভাগ্য আমার জীবনের মোড় ঘুরিয়ে দিয়েছে, একথা আমি এখানে বলে রাখি। অনেকদিন কেটে গেলেও এই ব্যক্তিদের কাজ এবং কথাগুলি এখনো আমার মন থেকে মুছে যায় নি। আমার পঠিত বইগুলির বিষয়বস্তু এবং তাদের লেখার ষ্টাইল যেখানে আমাকে বেশী আকৃষ্ট করেছে সেই অংশগুলো মুখস্থ করে রাখার একটা আগ্রহ আমার ছোটবেলার থেকেই ছিল। তেমনি ভাবে কারোর ধৈর্যশীলতা, কারোর মধুর ব্যবহার, কারোর কঠিন পরিশ্রম করবার ক্ষমতা, সব আমার নিজের জীবনে অনুকরণ করতে চেষ্টা করেছিলাম। এই

চেষ্টায় আমি যে সব সময় সফল হয়েছি তা বলতে পারি না। তবে জীবনের দাঁড়াপথে এই প্রচেষ্টা আমাকে অনেক সাহায্য করেছে। প্রাভ:স্মরণীয় ব্যক্তিদের জীবনী পড়ায় আমার বরাবরই আগ্রহ। নানা প্রতিকূলতার বিরুদ্ধে অবিরত সংগ্রাম করে জীবনকে ধার্মা সাফল্যমণ্ডিত করে তুলেছেন এবং পবের জন্ত সন্মর্পণ করেছেন সেই মহৎ ব্যক্তিদের জীবনী কাকেই বা প্রেরণা না দিয়ে থাকতে পারে?

ফেলে আসা দিনগুলির দিকে একবার পিছন ফিরে দেখলে পর জীবনের নানা দিকে আমার নানা রকমের কাজগুলির কথা মনে পড়ে। নানা ধরনের লোকের সংস্পর্শে আমাকে আসতে হয়েছে। আমার ব্যবহার তাদের মধ্যে কি প্রতিক্রিয়ার সৃষ্টি করেছে আমি তা জানি না। মানুষের ভালোবাসার প্রকাশ দেখে ধন্যবাদ দেবার কত সুযোগই না আমার মিলেছে। তবু আমি অজ্ঞাতশত্রু, আমার কাজকর্মের কঠিন সমালোচনা করার কেউ নেই, এরকম ভুল ধারণা আমার নেই। সমালোচনা শুনে আমি খুব কমই অসন্তি বোধ করি। বিপক্ষের মতামত অবহেলা করাটা ঠিক নয়। বিপক্ষের মতামত খুঁটিয়ে পরীক্ষা করে দেখলে সকলের পক্ষেই উপকারী হবে। এতে আমাদের নিজেদের অহংকার কমবে, আমাদের দোষগুলো এড়ানো আমাদের পক্ষে সম্ভব হবে বলে আমি মনে করি।

আমরা এক এক জন এক এক রকম কাজে নিযুক্ত। আমাদের কর্তব্য কর্ম পরিপূর্ণ ভাবে করে তাতে সন্তুষ্ট হয়ে থাকাটাই শেষ কথা নয়। আরো একটা বড় কর্তব্য আমাদের আছে—সময় ও সুযোগ অনুসারে অপরের সাহায্য করা, তাদের সাহায্য দেওয়া, এগুলোও অনেক বড় কাজ। এর জন্ত আমাদের বেশী দূরে যাবার প্রয়োজন নেই। চারপাশে তাকালেই হ'ল। বুদ্ধি, নয়, আশ্রয়হীন কত অসহায় মানুষ আমাদের চারপাশে রয়েছে। রোগাক্রান্ত হ'য়ে ঠিক মত চিকিৎসার অভাবে কত লোক কষ্ট পাচ্ছে। আর্থিক সঙ্কতি না থাকায় কত ছেলেমেয়ে পড়াশুনো করতে পারছে না। পরিবারের একমাত্র উপার্জনকর লোকটির মৃত্যুতে অথবা হঠাৎ কোন বিপদের সন্মুখীন হয়ে অগাধ দুঃখসাগরে হাবুডুবু খাওয়া আমাদের কত প্রতিবেশী রয়েছে। এই সব লোকের দুঃখভার লাঘব করার জন্ত আমাদের কি কিছু করা সম্ভব নয়? সকলের পক্ষে হয়তো সমাজকে বিরাট ভাবে সাহায্য করা সম্ভব নয়, কিন্তু এই ধরনের সেবাশ্রম করা যে কোন লোকের পক্ষেই সম্ভব। একটু সহায়ত্বিত্তি ডরা দৃষ্টি, একটু সাহায্য, একটু মিষ্টি কথা, এইটুকুই তাদের মনে কত সাহস, কত বল জোগায়, কত তৃপ্তি আর শান্তির কারণ হয়।

একটি ব্যক্তি সবচেয়ে অথবা তার কাজ সবচেয়ে কোনো মতামত না ভেবে চিন্তে

ব্যক্ত করা উচিত নয়। একটি মাহুষের স্বভাব, চরিত্র হয়তো ভালো করে জানার সুযোগ আমাদের নাও হতে পারে। তার শত্রুতা হয়তো তার বিরুদ্ধে আমাদের কাছে অনেক কিছু বলে থাকবে। লোকটিকে ভালো করে জানার আগেই অল্প লোকের কথা শুনে আমাদের হয়তো তার সম্বন্ধে ধারণা বদলে যেতে পারে। তাই সব কিছু না জেনে লোকটির সম্বন্ধে একটা স্থির ধারণা গড়ে তোলা মোটেই ঠিক নয়। কোনো কাজের ভালোমন্দের ব্যাপারেও একটা মত প্রকাশ করাও ঠিক এই মতো। প্রতিটি সমস্তার সমস্ত দিকগুলি আমাদের ভালোভাবে জানা উচিত। এমন ভাবে জানার আগ্রহ বেশীর ভাগ লোকেরই থাকে না। তাই বিস্তারিত সব কিছু না জেনে মতামত প্রকাশ করা কখনই ঠিক নয়।

অনেক সময় মনের মধ্যে যা আছে তা স্পষ্ট খুলে বললে হয়তো মনের তৃপ্তি হয়, কিন্তু তাতে অনেক সময় মুশকিলও হয়। এরকম কত ঘটনা আমার মনে পড়ছে, যখন আমার মতামত আমি স্পষ্ট করে বলতে পারিনি। অন্তরে হয়তো আঘাত পাবে এই ভেবে আমি চুপ করে থেকেছি। কিন্তু এমনি ভাবে মনের মধ্যে সব কিছু চেপে রেখে আমি ভয়ানক অস্বস্তি বোধ করতাম।

একবার একজন সন্ন্যাসীর সব অভূত কাজকর্মের কথা তার একজন ভক্ত বলে। তা শুনে একটি লোক “যতসব বাজে কথা” বলে হেসে উড়িয়ে দেয়। কারবার মধ্যে এমন অসাধারণ শক্তি দেখতে পাওয়া যায়, যা সাধারণ মাহুষের মধ্যে দেখতে পাওয়া যায় না। এ সম্বন্ধে কিছু না জেনে এ রকম শক্তি থাকাটা ‘অসম্ভব’ বা ‘বাজে কথা’ এমনি বলা এক ধরনের অহকার। আমাদের জানার একটা সীমা আছে। এই সীমার বাইরেও কতকগুলি বিষয় এই পৃথিবীতে আছে, এটা আমাদের মনে রাখা উচিত। এটা মনে রাখলে জীবনের যাত্রাপথ সুগম হ’য়ে ওঠে।

এখন আর একটা ব্যাপারের কথা বলা যাক। এক পরিবারে নানা বয়সের, নানা কচির, নানা স্বভাবের লোক থাকে। আগের তুলনায় এখনকার জীবন অনেক জটিল হ’য়ে এসেছে। পারিবারিক জীবনে সুখশান্তি রাখতে হ’লে এর প্রত্যেকটি লোককে, বিশেষ ক’রে বয়স্কদের, সবসময় মানিয়ে নিয়ে চলতে হবে। বয়স্করা জীবনের সব রকম সুখভোগ করেছে। শিশুরা এবং যুবকেরা এই রসের আশ্বাসন করতে যাচ্ছে। অনেক সময় যুবকেরা যে খরচগুলিকে অত্যন্ত দরকারী বলে মনে করে, বুড়েরা হয়তো সেগুলোকে অপ্রয়োজনীয়, বাঁড়াবাড়ি বলে মনে করে। এ রকম মনে হলেও অল্প বয়সীদের ভালো লাগার পথে বাধা না দেওয়াই উচিত।

আমাদের অপছন্দ কোন মতামত অন্তরে প্রকাশ করলে তার বিরুদ্ধে কিছু না

বলাই ভাল। শুধু একটু মূহু হেসে জানিয়ে দেওয়া উচিত যে, ঐ মতের সঙ্গে আমরা একমত নই। কিন্তু এও না করলে ভাল হয়। মতামত প্রকাশ করার দ্বারা অনেক ভ্রমোৎসর্গ হয়তো আসবে। তখন নিজের বক্তব্য স্পষ্ট করে বললেই হবে।

এবার ধর্মবিশ্বাসের প্রসঙ্গে আসা যাক। নিজের নিজের ধর্মবিশ্বাস স্থানে অস্থানে খুলে বলে অল্প লোকের বিরক্তি উৎপাদন করতে কিছু লোককে দেখতে পাওয়া যায়। এই বিরক্তিকর স্বভাব যতটা সম্ভব পরিহার করা উচিত। অল্পদের ধর্মবিশ্বাসকে নিন্দা করা বা গালাগালি দেওয়া উচিত নয়। যে কোন বিশ্বাস বা মতকে খণ্ডন করার জন্য তর্ক করাটা কিছুই কঠিন নয়। কিন্তু এ রকম করাটা নিতান্তই মূর্থতা। আমরা আমাদের ধর্ম বিশ্বাসামুযায়ী জীবনযাপন করি। অল্পরাও তাদের বিশ্বাস মত জীবন কাটাক, একজন মার্জিত লোকের এই রকম আচরণই হওয়া উচিত। আমাদের মতে লোককে টেনে আনতে না পারলে দুঃখ করে কিছু লাভ নেই। সমর্থন পেলেই যে সকলকে আমার মতে বিশ্বাস করে তা নয়। বাইরের কতকগুলি আচার অনুষ্ঠান, প্রার্থনা, মাঝে মাঝে গির্জা বা মন্দিরে যাওয়া, এই হচ্ছে বৈশী ভাগ লোকের ধর্মবিশ্বাস। ধর্ম সত্যি করে যে বিশ্বাস করে, তার সকল কাজে—তার নিজের ব্যক্তিগত পারিবারিক জীবনে, ব্যবসায়িক জীবনে, সামাজিক জীবনে এই বিশ্বাস ফুটে ওঠে।

আমাদের মনে যেন কখনোই প্রতিশোধ নেবার স্পৃহা না জাগে। যে মানুষ শ্রেষ্ঠ জীবনকে বেছে নিতে চায়, তার পক্ষে এটা গোভা পায় না। একজন লোক জেনে বা না জেনে হয়তো আমাদের পক্ষে ক্ষতি করেছে। একদিন তার প্রতিশোধ নিতে হবে, এই কথা মনে করে রাখাটা কি নীচতার লক্ষণ নয়? তবু এই রকম স্বভাবের লোকই বৈশী দেখতে পাওয়া যায়।

একটা অফিসে কতকগুলো বিষয় আলোচনা করার জন্য হয়তো বিশেষ কয়েক ব্যক্তিকে একটি সভায় ডাকা হয়েছে। এই সভায় একজন অনিমন্ত্রিত অফিসার প্রথম সারিতে বসে আছেন। এই সভা শুধু নিমন্ত্রিত লোকদের জন্য, একথা হয়তো সভার সেক্রেটারী খুব বিনয়ের সঙ্গেই বলেন। কিন্তু ভ্রমলোকটি সে কথা গিয়েই লাগালেন না। সেক্রেটারী তখন ব্যাপারটা প্রেসিডেন্টকে জানানেন। প্রেসিডেন্টের নির্দেশামুসারে এই অফিসারটিকে সে জায়গাটি ছেড়ে দিতে হ'ল। সেক্রেটারীর ওপর এ অফিসারের তাঁর বিবেচনা জমাল। তিন বছর পরে সেক্রেটারীর কাজের মেয়াদ হ'লে পর তাঁকে আবার দ্বিতীয়বার নিযুক্ত করার আলোচনা চলল। তখন অফিসারটি তাঁর সমস্ত প্রভাব বিস্তার করে এই নিয়োগ বন্ধ করলেন। এই প্রতিহিংসাপরায়ণ মনোভাব, একি একজন ভ্রমলোকের শোভা প্লাবিত?

আরো একটা কথা বলি। অনেক সময় আমাদের মত বয়োবৃদ্ধদের একটা চিন্তা খুব বিচলিত করে, তা হচ্ছে—আমি এই কাজটা শেষ করতে পারলাম না, আমি যে প্রতিষ্ঠানটা আরম্ভ করলাম তাকে জোরদার করে গড়ে তুলতে পারলাম না, এই ধরনের চিন্তা। কিন্তু এটা একেবারেই অনর্থক। ভালো করে ভেবে দেখলে দেখা যায় যে, কোনো কাজই শেষ হ'য়েছে একথা বলা যায় না। একটা কাজ যত ভালো করেই করা হোক না কেন, চেষ্টা করলে আরো ভালো করে করা যায়। আজকে রেল, বিমান যে অবস্থায় এসেছে, তা কি শুধু এক জনের চেষ্টায়, না অনেকের সম্মিলিত চেষ্টায়? প্রতিষ্ঠানগুলির বেলায়ও সেই একই কথা বলা যায়। ভারতীয় জাতীয় কংগ্রেস, স্বাউট আন্দোলন, বোটারী ক্লাব ইত্যাদি সংগঠনগুলি কারো একক প্রচেষ্টায় গড়ে ওঠেনি। এই ধরনের চিন্তা আমাদেরও বিচলিত করে। আমার আরম্ভ করা বইগুলি কি আমি লিখে শেষ করতে পারব, এই ভয় আমার মনে লেগে আছে। আমি যে প্রতিষ্ঠানগুলি আরম্ভ করলাম সেগুলি শক্তিশালী হয়ে উঠেছে এ দেখা কি আমার পক্ষে সম্ভব হবে, এই সন্দেহ মনকে দোলা দিয়েছে। আমার আশঙ্করূপ কতকগুলো কাজ সম্পূর্ণ করা সম্ভব হবে কিনা এই উৎকণ্ঠা অকারণে আমাদের বিচলিত করেছে। কিন্তু ভবু এই অকারণ উৎকণ্ঠাকে নিবৃত্ত করা আমার পক্ষে সম্ভব হয় নি।

আজ বেশ কিছুদিন হলো মাঝে মাঝে আমি একটা মজার স্বপ্ন দেখছি। পরীক্ষা এসে গেছে, এখনো পড়াগুলো ঠিকমতো তৈরী হয় নি; মামলা বিচারের জন্ত আদালতে উঠেছে, কিন্তু আমি তার জন্তে তৈরী হয় নি; কোথাও বেরিয়ে পড়বার দিন এসে গেছে, কিন্তু তার জন্ত প্রস্তুতি শেষ হয় নি; এমনি নানা স্বপ্ন। এর কারণ কি জানার জন্ত একজন মনঃসমীক্ষককে লিখবো বলে ঠিক করলাম। তখনি আমার এক বন্ধু আমাকে বলেন—কাজটা শেষ হয়নি এই চিন্তা তোমার মনে ভারী হয়ে আছে বলে এরকম স্বপ্ন দেখছ। হয়তো তিনি যা বলেছেন তা ঠিক। তা সে বাই হোক, না কেন, আরম্ভ করা কাজ শেষ হয়নি বলে দুঃখ করা উচিত নয় বলে আমি মনকে প্রবোধ দিতে চেষ্টা করলাম। আরম্ভ করেছ যে কাজ, সেটা শেষ করার চেষ্টা করে ফ্লাও, তার বেশী আর কিছু আশা করো না। জীবন শুধু একটা অবিরাম প্রচেষ্টা—ফ্লাও আর নাই পাও।

এই প্রসঙ্গে রেলওয়ে প্লাটফর্মের এক কাড়ুদারের কথা আমার মনে পড়ছে। প্লাটফর্মের নোংরা পরিষ্কার করে আবর্জনা ডাস্টবিনে ফেলে খুবকট একটা বিড়ি ধরিয়ে খুঁকছিল। একটুখানি পরেই দেখতে পেল, প্লাটফর্ম আবার নানা আবর্জনার ভরে

গেছে। কোনো রকম আলস্য না করে যুবকটি আবার ঝাঁটা হাতে তার কাজ আরম্ভ করলো। যুবকটি অত্যন্ত একটি ছোট কাজ করছে, কিন্তু তার কাছ থেকে আমরা কি শিক্ষা পাই? অন্তরা পরিবেশ নোংরা করলেও আমাদের কাজ হবে তা পরিষ্কার করা। কেউ কেউ অন্তরের কষ্ট দিলেও আমাদের কর্তব্য হচ্ছে এইসব কষ্ট পাওয়া লোকদের সাহায্য করা। কেউ যদি অসহায় কোন লোককে মেরে নীচে ফেলে দেয়, তাহলে আমাদের কর্তব্য হচ্ছে তাকে টেনে তোলার। এমনটি যদি করতে পারি, তাহলে জীবনে আমরা তৃপ্তি লাভ করতে পারবো।

ছাপান্ন

চিন্তা বেদীতে

বার্ধক্যাবস্থায় মনের মধ্যে নানা রকম চিন্তা আসা-যাওয়া করে। নিজের পরিবার, কাজকর্ম এবং মৃত্যুর পর কি অবস্থা হবে তাই নিয়ে চিন্তা করাটা খুবই স্বাভাবিক। কিন্তু আমাদের এ সব চিন্তা বিব্রত করছে না। আমি আমার দেশের ভবিষ্যৎ সম্পর্কে উৎকণ্ঠিত। চারপাশের একটা বিশৃঙ্খলা, অরাজকতা, নষ্ট করবার প্রবৃত্তি, নিষ্ঠুরতা, দাঙ্গাহাঙ্গামা, সব কিছু আজ দেশের উন্নতির পথে একটি বিরাট অন্তরায় হ'য়ে রয়েছে। জনসাধারণের মধ্যে যে অবিশ্বাস আর হতাশা বেড়ে উঠছে তা' দূর করবার জন্য শক্তিশালী নেতৃত্ব আজ দেশে নেই। গত বিশ বছরের মধ্যে দেশে এই রকম একটা অবস্থা বোধহয় এই প্রথম সৃষ্টি হ'ল।

এখন সময়টা অন্ধকারে ভরা, কোথাও আলোর রেখা দেখা যাচ্ছে না। শস্ত্রশ্রামলা এই ভারতে হঠাৎ তুর্ভিক্ষ শুরু হ'য়ে গেল কি? এই ভয় আমাদের কখনো কখনো পেয়ে বসে।

কতদিন বেঁচে থাকা সম্ভব হয়েছে সেইটাই বড় কথা নয়। কেমন করে বেঁচে থেকেছি সেইটাই হচ্ছে সবচেয়ে বড় কথা। আমার মধ্যে কোন দিনই প্রচুর অর্থ উপার্জন করার লোভ, ক্ষমতা পাবার মোহ ছিল না। টাকা পরসার প্রয়োজনীয়তাকে অবশ্য আমি তুচ্ছ করে উড়িয়ে দিছি না। অর্থের পূজারীও আমি নই। নিজের প্রয়োজনগুলো মেটানো, নিজের মান মর্যাদা রক্ষা করা, অভাবগ্রস্ত লোকদের সাহায্য করা অর্থ ছাড়া সম্ভব নয় একথা আমি ভালো করেই জানি। কিন্তু অর্থ সঞ্চয় করার আগ্রহ আমার কোনদিনই হয়নি। অর্থ সঞ্চয় করিনি বলে আমার অহুশোচনাও নেই।

আমার খুব ঘনিষ্ঠ বন্ধুবান্ধবদের মধ্যে অনেক ঈশ্বরবিশ্বাসী এবং নাস্তিকও আছেন। এই দুই ধরনের লোকের সঙ্গে আমার বন্ধুত্ব করতে কোনো অসুবিধাই হয়নি। আমার কতকগুলো নিজস্ব বিশ্বাস আছে, অন্য ব্যাপারের মত ধর্মবিশ্বাসেও। সে বিশ্বাসের পরিবর্তন আজো হয়নি। আমার এই বিশ্বাসের কাছ থেকেই এখন আমি সাহসনা আর শান্তি পাই। যে তিনটি জিনিষ আমাকে আনন্দ দেয়, তাদের কথা আমি এখন বলব।

অনেক লোক তাদের মনের শান্তি হারিয়ে, অস্ত্রাঘের বিকটে নাগিন জানিয়ে, আসন্ন

বিপদ থেকে তাদের বাঁচাবার জন্য অহরোহ আনিরে আমার কাছে কখনো সোজা হুজি এগেছে, কখনো বা চিঠিপত্রের মধ্যে দিয়ে আনিরেছে। তাদের যখন আমি সাহায্য করেছি তখন তাদের মুখে চোখে খুশীর যে বলক দেখেছি তা আমার মনকে অনির্বচনীয় আনন্দে ভরিয়ে তুলেছে।

আমার পছন্দ মত বই পড়ে বা গান শুনে আমি খুব আনন্দ পাই। খুব কম দিনই গেছে যখন এই আনন্দের রস আমি আনন্দন করতে পারি নি। আমার পছন্দ মত লোকদের সঙ্গে খুশী মনে কথাবার্তা বলে অত্যন্ত আনন্দ লাভ করেছি। আমরা হয়তো অনেক লোককে পছন্দ করি, কিন্তু তাদের মধ্যে খুব কম লোকই আমাদের জীবনের গভীরে যা দিতে পারে। এই রকম লোকদের সান্নিধ্যে তাদের সঙ্গে কথাবার্তা বললে আমার সারা মন আনন্দে ভরে যায়। ভালোবাসার স্পর্শ অল্পভব না করলে মানুষ জীবনে আনন্দ অল্পভব করতে পারে না।

আমি এখন এই বইটির শেষ ধাপে এগেছি। আমার ৪৩ বছর বয়স। যে কেউ আমাকে দীর্ঘায়ু বলবে। আজো যদি আমার পূর্ণ স্বাস্থ্য থাকে, জীবনের স্বাধীন করার আগ্রহ থাকে, নতুন কাজ করার উৎসাহ থাকে, তা'হলে তার জন্তে আমি ঈশ্বরের কাছে কৃতজ্ঞ। যত তিক্ত অভিজ্ঞতাই আমার হোক না কেন, জীবনের ওপর বিরক্তি বা মাহুয়ের ওপর ঘৃণা করবার মনোভাব আমার মধ্যে জাগেনি। আমি এখনো এই পৃথিবীকে বন্ধুবান্ধবে ভরা একটি মনোরম স্থান বলেই ভাবি। তার সঙ্গে এই সব চিন্তাও আমার মনে জাগে—কোথা থেকে এগেছি, কোথায় যাব। জীবনের উদ্দেশ্য কি?

এই দীর্ঘকালের মধ্যে যে কত পরিবর্তন হয়েছে। সামাজিক কাঠামো বদলে গেছে, মাহুয়ের মতামত বদলে গেছে, তাদের ইচ্ছা ও আকাঙ্ক্ষাও বদলে গেছে, তাদের প্রয়োজনগুলোও বদলে গেছে। আমি যে ভাবে জীবন কাটিয়েছি, সে সব অবস্থার পরিবর্তন হয়েছে, আমার শরীরের অবস্থাও বদলে গেছে। এসব সম্বন্ধে আমি বেঁচে আছি।

এই আমি কে? এ প্রশ্নের উত্তর নেই। এ প্রশ্ন সেই প্রথম দিনের মতো আজো আমাকে বিচলিত করে। অস্তিত্বকালের পরিপূর্ণ শান্তি আমি এখন খুঁজছি। জীবনের অগাধ রহস্য ও তার জটিলতা আমাকে এখনো বিহ্বল করে তোলে। বা জানা সম্ভব নয়, তাকে জানতে চেষ্টা করার মূর্ততা আমাকে পেয়ে বসেছে। আকাশে তাকালে যতদূর দৃষ্টি যায়, অগণিত নক্ষত্র আমাদের চোখে পড়ে। চোখের দৃষ্টির বাইরেও অসংখ্য অগণিত নক্ষত্র আছে। আমরা দেখতে পাই না বলে তাদের অস্তিত্ব নেই

এ কথা কি আমরা বলতে পারি? মহাসমুদ্রের মাঝে জাহাজ চালিয়ে যাওয়া ক্যাপ্টেনের মত আমরাও এক একজন এই জীবনযাত্রার জাহাজ চালিয়ে যাচ্ছি। ক্যাপ্টেন জানে যে প্রস্তর খণ্ড, বালির বীধ প্রভৃতি সবসময় পরিহার করে জাহাজ এগিয়ে না নিয়ে গেলে এদের সঙ্গে ধাক্কা লেগে জাহাজ বিপদের সম্মুখীন হবে। জীবনের যাত্রাপথে আমাদের অবস্থাও এই একই রকম। দূরদর্শিতার সঙ্গে ভালো মনের বিচার করে, প্রলোভনের ফাঁদে পা না দিয়ে জীবনকে নিয়ন্ত্রিত না করলে আমরাও বিপদের সম্মুখীন হবো। অবশ্য এমন ভাবে সাবধান হ'য়েও আমরা বিপদে পড়ে যেতে পারি। তাই সাবধান না হ'লে যে আমাদের অবস্থা কি হবে তা ভালো করেই বোঝা যায়।

আমি খুব ভোরে বসে এই লেখাটা লিখছি। এখনো আকাশে অনেক নক্ষত্র জলজল করছে। দূর থেকে সমুদ্রের ঢেউয়ের গর্জন শুনতে পাচ্ছি। একটা ঢেউ শেষ হয়ে যাবার পর আর একটা আসছে, এমনি ভাবে একটার পর একটা। কাক, মুরগী আর নানা রকম পাখী খুব আনন্দের সঙ্গে প্রভাতের আগমন ঘোষণা করছে। লোকেদের কথাবার্তা, রাস্তার যানবাহন চলাচলের আওয়াজ আর একটা নতুন দিনের সূচনা করছে। এমনিভাবে দিনরাত, কর্ম ও স্থপ্তি, উদয় আর অস্ত নিয়ে সময় এগিয়ে চলেছে। তেমনি ভাবে জীবনও। আমি কত দেখলাম, কত জানলাম, কত অভিজ্ঞতা আমার হলো একথা যখন ভাবি তখন আমি নিজেই আশ্চর্য হ'য়ে বাই। এত কিছুই পরও জীবন সম্বন্ধে আমার কোতুল এখনো শেষ হয়নি। এই কোতুল, এই ঔৎসুক্য আমার কোথায় নিয়ে যাবে তার ঠিক নেই। ভবিষ্যতের জন্ত কি অভিজ্ঞতা আমার কপালে লেখা আছে, আমি তা জানি না। তা যাই হোক না কেন—

অভয়ঃ সখ্যং সন্তুষ্টিজ্ঞানযোগ ব্যবস্থিতিঃ ।

দানং দমশ্চ যজ্ঞশ্চ স্বাধ্যায়স্তপ অর্জবং ॥

অহিংসা সত্যমক্রোধন্ত্যাগঃ শান্তিরপৈশুনম্ ।

দয়া ভূতেষলোলুপস্বঃ মর্দং বং হ্রীরচাপলম্ ॥

ভেজঃ ক্ষমা ধৃতিঃ শৌচমজ্রোহো নাতিমানিতা ।

ভবন্তি সম্পদং দৈবীমভিজাতস্ত ভারত ॥*

গীতার এই শ্লোকগুলি আমাদের যেন সর্ব অবস্থার আলো দেখায়।

* ভয়হীনতা, হৃদয়নির্মলতা, সমদর্শনিতা, দানশীলতা, আত্মসংযম, পরোপকার, বিজ্ঞান সম্পাদন-শীলতা, ক্রেশসহিত্বতা অর্জন করা; অহিংসা, সত্য, ক্রোধবাহিত্য, ত্যাগ, দম, পরনিদ্রা বিরুদ্ধতা; দয়া, মোহহীনতা, সৌম্যতা, লজ্জাশীলতা, দৈর্ঘ্য, ভেজ, ক্ষমা, ধৈর্য, শুচিতা, নিরপরাধতা, নিরহংকার—এসব যারা ভগবানের আশীর্বাদ নিয়ে কল্যাণ-ভাষের মধ্যেই পাওয়া যায়।

